

Nicolai Reusneri F.C. Icones, sive Imagines virorum
literis illustrium. 8. Argentorati 1590. in maezat. 159

Perranum esse hunc librum, cuius nova editio 1719
francofurti typis Balch. Diehlä in 8. prodit, docent
Cl. Eberh. Dav. Hauberus in Biblioth. Magica p. 797.
Stollus in Biblioth. T. I. p. 541 1599. Autones Nov. antiquos
Theologicos .A. 1739. p. 424. 1599. Continet centum ima-
gines virorum literis ingenique monumentis illustratis
a Benhardo Jobino Typographo Argentoratis color-
tas, in quibus ad vivum delineandas sumptibus pictore usa
fuit Tobia Ammoro inter praemias suae etatis summo
atque perfectissimus. Singulis iconibus singula apposit
Disticha Nicolaus Reusnerus, quibus deinde junxit eorum
vita et operum descriptiones breves partim ex ipsorum
monumentis, partim ex aliorum scriptis porro praesertim,
Berae breviter et summam compositas. Denique addidit
etiam aliorum Clarorum virorum elogia de iisdem. Con-
jungit debet cum hoc libro aliud Reusneri Opus, satis etiam
infrequens, cui titulus: Icones, sive Imagines virorum literis Cl.
virorum Italiae, Graeciae, Graeciae, Germaniae, Galliae, Angli-
Ungariae. Ex typis Waldkirchianis in lucem productae, cum
elogiis Variis per Nicolaum Reusnerum. Basilea. 1589. in.
Continet Icones XL. partim ex Museo Poriano de promissa
partim aliunde acquisitas. Utrum autem imagines
quae ad vivum dicuntur expressae, exhibeant sultus
lineas eorum, quorum nomina sistuntur, aliis digne
dicandum relinquimus.

ICONES
five
IMAGINES VIRO-
RVM LITERIS ILLV-
STRIVM,

QVORVM FIDE ET DO-
CTRINA RELIGIONIS ET BONARVM
literarum studia, nostrâ patrumque memoriâ,
in Germaniâ præsertim, in integrum
sunt restituta.

ADDITIS EORVNDEN ELOGIIS
diversorum auctorum.

Ex Secunda recognitione

NICOLAI REVSNERI IC.

S
A
P
I
E
N
T
I
A




C
O
N
S
T
A
N
S

CVRANTE BERNHARDO IOBINO.

Privilegio Cæsareo.

ARGENTORATI. MDLX.



RARA FIDES AVIS EST: *fraus regnat vbique, dolusq₃:*
FIDO DEO: *sic fraus nulla, dolusq₃ nocet.*

* *

FRIEDERICVS SECVNDVS

αὐτοκράτωρ.

SINCERV S, *Friderice*, FIDE, *Rex inclyte*, DV RES;

FIDVS *Musarum CVRIS*, RE *cepta* RECVNDES.

N. R. L.

AD SERENISSIMVM PO-
TENTISSIMVMQVE PRINCIPEM AC
DOMINVM, D. FRIDERICVM II. REGEM DA-
niæ, Nortvegiæ, Vandalie, & Gotthiæ, Ducem Slesvigi, Holsæ-
tiæ, Starmariæ, & Dietmarsiæ, Comitem Olden-
burgi & Delmenhorstæ &c. Princi-
pem Opt. & Max:

NICOLAI REVSNERI

Iurecos. Prefatio.

MAGNA EST VT SAPIENTIAE,
ita virtutis dignitas, magnaue pulcri-
tudo, FRIDERICE, Rex Serenissime
& Potentissime: eaque profectò tanta,
ut si oculis formam eius, & tanquam faciem cernere
nobis liceret, mirabiles sui amores in animis nostris
excitatura esset. Nam & propter hanc solam non ra-
rò eos, quos nunquam vidimus, vehementer & ad-
miramur; & colimus: adeo quæ tanta eius vis est, ut ea
etiam in hoste posita nescio quomodo delectet, &
quasi pleno ore laudetur. Quanquam verò oculorù
sensus in homine acerrimus est: multò is tamen est
obscurior, & hebetior: quàm ut species & pulcritu-
do illa virtutis ac sapientiæ rectè à quoquam cerni,
nedum planè perspici queat: eo quæ non tam corpo-
ris, quàm animi ipsius acies, intendenda est maximè:
quæ sola lumen eius, atque splendorem cernit atque
suspicit: eosque admiratur in primis, ac colit; quos
cæteris anteire virtute & sapientiâ iudicat. Enim ve-
rò refert plurimum, si minùs perfectam undique &
absolutam, at leviter duntaxat adumbratam formam,

P R A E F A T I O.

ceueffigiem sapientiæ & virtutis, oculis quoquo modo intuendam contemplandamque proponere: bonorum & sapientium virorum exemplis ac simulacris propositis: quâ & ipsâ animos virorum bonorû honesto quodam gaudio compleri consentaneum est. Quam sanè ad rem perficiendam, ut aliqua saltè eius species oculis hominum exhibeatur, duo potissimum adminicula natura, vel ars ipsa potius, concessisse videtur: scripturam nimirum, & picturam: quarum illa aures, hæc oculos hominum mirabiliter afficit: ut benè de Rep. meritos viros, quamvis mortuos, scripturæ beneficio, quasi nobiscum adhuc loquentes audire: & imagines eorum contemplando, picturæ ope, tanquam præsentès & vivos intueri & amplecti perpetuò nobis liceat. Quâ utrâque re animos cum primis excitari, & studio quodam incendi credibile est: non solùm in audiendo legendoque, si quid piè rectèque & sapienter ab his factum sit: verùm etiam in eorum, qui cum laude vixerunt, expressos vultûs intuyendo: à quibus tacitè quodammodò ad similem virtutis & sapientiæ laudem eos incitari, & ad facinora præclara impelli, res ipsa testatur. Itaque apud omnes populos passim usû receptû fuisse videmus: ut eorum virtus perspecta foret in rebus honestis atque magnis, & qui benè de Repub. meritî, aut honore aliquo & imperio affecti essent, non modò laudes & vitæ, sed statuar quoque & imagines publicè exstarent, & ad posteritatem conservarentur: & hoc pacto eorû virtus & sapientia, quasi in theatro & lumine publico, omnibus civibus intuen-
enda

P R A E F A T I O.

enda contemplandaque proponeretur : quorum exemplo præclaro incitatio alij , eam quoque magni facere ac colere in omni vitâ : & præclaram nominis sui memoriam, rebus præclare gestis, cum omni posteritate adæquare studerent. Neq; verò necesse est, multa hoc loco ex veterum monumentis eiuscmodi colligere : quæ in hoc genere doctrinæ iam olim publicata, & in medio sunt proposita: satis nobis esse poterit Musæum illud Iovianum, tot & tantorum heroum, non literis solum & doctrinâ, sed & bellicâ laude illustrium: neque solum vivis verisque imaginibus, verum etiam elogiis vtrâque orationis formâ exquisitè conscriptis, ita præclare instructum atque exornatum: ut nihil in hoc genere exstet perfectius, atque absolutius. Cum quo non immeritò comparatur, & quod ad patriæ dignitatem attinet , longè etiam maiore meretur laudem , opus illud Iconum Theodori Beza, ante paucos annos in lucem editum: in quo & ipso, præter Elogia elegantissima, conspiciuntur eiusdem generis Icones & effigies virorum doctrinâ simul & pietate illustrium: Germaniæ præsertim nostræ, & Galliæ & Angliæ: quorum præcipuè ministerio partim bonarum literarum studia restituta, partim vera religio in varijs orbis Christiani regionibus, nostrâ patrumque memoriâ fuit instaurata. Cæterum utrique huic operi sanè elegantissimo, atque pulcerrimo , quàm proximè accedere videtur, præsens istud opus Typicum: proximis his annis à Bernardo Iobino, cive & Typographo Argentinense, magno studio, pari arte, nec minore sumptu

P R A E F A T I O.

adornatum: vndique conquisitis virorum literis ingenijque monumentis illustrium: praesertim Germaniae nostrae, veris & ad vivum expressis imaginibus: in quo delineando inprimis pictore usus fuit Thobia Stimmero, inter primos suae ætatis summo, atque perfectissimo: sicut præclara eius simulacra et opera in medio relictæ, abundè contestantur. Quod sanè opus, quò perfectius atque absolutius in publicum prodiret: spirantes hæc mortuorum hominum effigies, sed per se tamen adhuc mutas, per me quasi animari, & meam potissimum voce loquaces eas reddi voluit: ut non modò eas intueri, sed & cum his nonnunquam consistere ac colloqui: & quoties luberet, in consultationem quodammodò venire liceret ijs: quibus animum ab istâ quasi picturâ imaginibusque sapientiæ ac virtutis, ad rem veritatemque traducere collibitum est. Feci igitur, non quod debui, sed quod potui, in mole præsertim istâ occupationum infinitarum: (neque enim deesse hominis, benè de Repub. literariâ sentientis ac merëtis, æque honestæque postulationi omninò volui) ac primò quidem singulis Iconibus singula apposui disticha: his deinde opposui eorundem vitæ & operæ descriptiones breves quidem, sed illustres: partim ex ipsorum monumentis, partim aliorum scriptis, Iovij præsertim & Bezæ, breviter & summatim compositas: tum etiam aliorum clarorum virorum subiunxi Elogia elegantissimè de iisdem scripta: tanquam symbola quædam communis operæ atque industriæ: quibus opus hoc totum redderetur ornatus, atque

locu-

P R A E F A T I O.

locupletius. Iam verò quum opus hoc à se publicatum, in quo conficiendo sumptus fecisset Librarius infinitos, non sine Titulo ac Tutelati quasi Deo, more maiorū, ritè ac solenniter à me commendari cuperet: circumspicienti mihi undique, quem præcipuè huic operi patronum allegerem, Regia Maiestas Tua in mentem venit cum primis: cui Musæum hoc nostrum, tanquam augustum Virtutis & doctrinæ templum, publicè dedicarem & quasi consecrarem: non modò adductus summâ illâ & maximâ auctoritate eius & potentiâ: in quâ ut bonarum literarum, ita veræ religionis, secundum Deum, hoc præsertim afflicto rerum omnium statu, propemodum omnis (ut Poëtæ verbis utar)

Spes inclinata recumbit:

Sed in primis magnificentia illa tua & clementia verè regia, & augusta: multis hætenus documentis præclaris abundè declarata, non solùm erga religionis Orthodoxæ, verùm etiam bonarum literarum studia: quæ tanta animi heroici vi & contentione amplecti ea videtur: ut veterum illorum Regum ac maiorum suorum clarissimorum, & in his maximè CHRISTIANI. I. proavi, FRIDERICI. I. avi, CHRISTIANI II. patris, immortalem gloriam tot & tantarum rerum in imperio præclare gestarum, non modò assequatur facilè adhuc maturâ ætate: verùm etiam singularis pietatis famâ, & doctrinæ sapientiæq; laude, ac studio longè superet: ut dubitare nefas sit, op' istud Regiæ Maiestati Tuæ si minùs suo nomine, at tot doctrinâ & pietate præstantif-

P R A E F A T I O.

simorum virorum commendatione , eò gratius acceptiusque futurum. Quæ si minùs fortassis , ut credibile est, nos frustratur spes atque expectatio: equidem opera à nobis sedulò dabitur ac diligenter : ut non hoc opus tantum multis deinde partibus exeat subinde auctum magis, ac collocupletatum : sed ut eorundem quoque vitæ maiori paulò pòst extent opere (quod *πολυαύδιον* inscribere placuit) integrè absoluteque descriptæ: tum verò etiam, patrocinio & operæ huius benigno aliquo ac necessario subsidio fortassis impetrato , utrâque formâ iam pridem adornatum in publicum similiter prodeat opus alterum Heroicum, continens Icones & Elogia summorum & maximorum Imperatorum, Regum, Principum, aliorum prætereà bellicâ præsertim laude illustrium virorum: qui rerum fortiter gestarû gloriâ insignes, præclara ingentium facinorum exempla imitanda, aut etiam vitanda , posteris tradiderunt. Accipe igitur, Rex Serenissime, & sereno , ut soles, animo accipe munus hoc quaecunque literarium : pertenuè illud quidem & levidense, si ex personâ nostrâ æstimetur: sed pulcerrimorum exemplorum plenum: quod si minùs fortassis tantâ dignitate & Maiestate Regia dignum putabitur : ea tamen omnium maximè digna à nobis meritò iudicatur: cuius ex numine plurimum ei lucis & splendoris accedat. Argentorati Calendis Aprilis, anno Salutis Christianæ c15.15.

IMAGO NICOLAI REVSNERI IVRISC.
Confiliarij Saxonici.



*Effigies homo parva tua est, DEV S: effigiem fac
Me quoque, dum vivo, semper habere tuam.*

) (5

IN EFFIGIEM NICOLAI
REVSNERI IC.

*Stirps Iovis & Phœbi soboles Epidaurius heros
Nymphâ satus Coronide:
Artis ope Hippolyti manes revocasse sepultos,
Et Androgaum dicitur.
Hinc Deus est habitus: divû quoq; nactus honores,
Sacra colendus infulâ.
Tu reduces nobis præstas REVSNERE sepultas
Imagines illustrium:
Oraq; magnorum heroum de morte reducta
Spectanda vivis exhibes,
Eulogy's celebrata tuis, & laude perenni,
Quos eripis de funere.
Ergo suo auctori debet Germania magna,
Coronide quod Attici
Atque duces inter medios spectaberis ipse,
Colendus hac imagine,
Torquatos inter procures Antistes & ipse,
Et Antecessor inclytus
Iuris Cæsarei, & lauro Daphneide vates,
Apollinis sacra infulâ.*

IN EANDEM.

*Mortalis cum sis, mortales inter & ipsos
Famam immortalem post pia fata feres.
Tam benè de vivis, & de mortalibus ipse
Es meritis: dignus vivere perpetuò.*

*Te tua scripta mori prohibent: te vivere censent
Diva Themis, Clarj & numina sacra Chori.*

IN EANDEM.

*Multa tibi debent heroës: plurima docti:
Eulogijs vivunt post sua fata tuis.*

CHRISTOPHORVS VINERVS.

IN LIBROS EICONVM NO-
bilissimi clarissimique viri D. NICO-
LAI REVSNERI Iureconsul-
ti, & Consil. Saxonici.

EPIGRAMMATA:

IANI IACOBI BOISARDI.

*Splendidius nihil est famâ, virtute paratâ,
Aut bello, aut culti dotibus ingenij.
Cui qui contulerit fortune dona faventis,
Et quas illa solet tradere divitias:
Vilia componet caris, firmisq; caduca:
Et solidi umbra illi corporis instar erit.
Nec bona sunt vocitanda, quibus Sors imperat: aut quæ
Sunt dubia, aut tantum nomen inane gerunt:
Quæq; suo intereunt cum possessore: nec illi
Adverso veniunt tempore in auxilium.
Sola suo virtus pro seâtorè laborat:
Obscura Lethes flumina ne subeat.*

Marmorei ereptum gravidâ de mole sepulcri
Inter honoratos collocat indigetes.
Mortales tantum exuvias tellure recondit:
Nomen at insigni posteritate beat:
Utens scriptorum calamis: qui pondera rebus
Reddere divino sunt soliti eloquio.
Inter quos primas delegat hæc tibi partes
REVSNERE: & factum dia Minerva probat.
Addit se socium Phæbus, facilesq; Camæna,
Peithoq; & terno numine firma Charis.
His ducibus nullos posthâc moriture per annos
Aeternum scriptis aggredieris opus:
Aoniæ immortale decus REVSNERE cohortis:
Hæc debebantur munia nempe tibi:
Ut nostri caneres illustria nomina secli:
Spiranti signans vivida signa typo:
Elogijs quæ cuncta ornas, & honore decoro:
Sic facis, ut tota hæc non Libitina ferat.
Defunctis vitam reddis: vitaq; fruentes
Egregiâ prohibes sedulitate mori.
Sic tibi consultum est, alijs dum prospicis: estq;
Communis quæ te gloria nobilitet.
Dum famam solers alienam condis, eâdem
Tuq; tuum tollis nomen ad astra tubâ.
Te simul & præsens, & postera noverit atas:
Et tibi erit pulcrâ laude perennis honos.

NICOLAI CLEMENTIS TRE-
læi IC. & EQV. Mosellani.

Te CYMBALVM MVNDI vocans, rectè vocat
REVSNERE. cur? forsân rogas?

Tot clarus ipse libris in publicum editis,
Ceu Didymus Chalcenterus:
Contentus haud fama tua iam gloria,
Totum per orbem quæ sonat,
Tot Marte claros, & tot arte principes
Honore honestas proprio:
Perenne quîs communicas fama decus
Tam liberaliter tua.
Sit Appion Grammaticus MVNDI CYMBALVM:
Suo Tiberio Cæsari:
Aut publicæ FAMAE magis sit TYMPANVM;
Sic Plinio placet meo:
Tu fama honestæ sis dator nobis bonus
REVSNERE, MVNDI CYMBALVM.

CHRISTOPHORI VVINERI

Exciderant oculis: animo simulacra latebant:
Corpora sub tumulis dormierantq₃ suis.
Lumine tu cassas facies in imagine vivâ
Surrapis è tumulo, restituisq₃ viris.
Et faculâ accensâ velut è cœlestibus igne
Allato in vivas efficis effigies,
Ergo alter tu Deucalion cum coniuge Pyrrha,
Gentis & Almannæ Iovius alter eris.

GEORGII CALAMINI.

Quò penetrent hominum mentes, rationis & illa
Quò vsque se tollat vigor?
Si nescis, agè perlustres sub imagine nostra
Hac summa gentis lumina.
Non homines, credo, statues: sed numina dices:
Si perlegas emblemata.


REVSNERVS dat ijs reducem post funcra vitam;
 Aeternat & superstites:
 Inq; eratores, Regesq; Ducesq; perennes
 Vt antè fecit carmine.
 Dum cavet ergo libris, alios oblivia vasto
 Ingrata ne claudant specu:
 Ipsemet evincit Lachesi REVSNERVS; & orbi
 Se sempiternum consecrat:
 Verùm heus si memori quis fortè videbitur avo
 Indignus inter tot bonos:
 Si potes, urticam probibe: nascatur odoræ
 Posthâc rose ne proxima.

HIERONYMI REVSNERI
 Anagrammatismus.

NICOLAUS.

LAVS ICON:

Plurima LAVS, ICON hominum quo plurima fulget;
 Quos cælo pietas, arsq; fidesq; locant.
 Aureolus liber iste tuus, NICOLAE, perennis
 ICON sit meritò LAVdis in orbe tue.
 Laudis ut omne tua cesset decus, omne per avum
 ICON & LAVS hac non peritura manet.




AD
NOBILEM ET CLARIS-
SIMVM VIRVM:DN. NICO-
LAVM REVSNERVM, I. C. &
P.C. de opere Ico-
num,
ODE

HIERONYMI TREVTLERI SILESII


REVSNERE *mystes Pieridum sacer:*
Idemque mystes ter Themidos sacra:
Et quicquid est excultioris
Teutonis in grege disciplina:
Qua digna seris cura nepotibus,
Tentanda nostrum forsitan haud cui,
Perfecta nulli vel priorum,
Sollicita tibi mente pendet?
Nec nomen avo,perpetuantibus
Pulchre laborum spem cumulis suam,
Vt subsequis cedunt priores,
Sufficit ante superstasse:
Nimira virtus,dignam alijs quoque
Edocta laudem cedere,laudibus
Intenta doctis,haud minores
Accumulet sibi laude laudes:
Sic sospitator nomina tot virum
Et sospitas,& laude vehis sua:
Doctrina quos multum celebres
Reddidit,ambrosiaq₃ mortem

Non sentientis pavit adorâ.
Quid nunc moraris? pergito persequi,
Et Sospitatricis dearum
Munere nobiliore fungi.
Sic sera condent secula sospitem
Cuiusque, vitâ perpete, gloriam:
Et tu simul, REVSNERE, verus
Indigitabere Sospitator.
Mordacium sed vim metuis canum?
Hoc crescit ipso gloria fomite.
Aut Zoilorum pertimescis
Iudicio variante dentes?
Latratus ipsos prodet, & intimi
Persona vultus pectoris eruet
Detecta. Nec quisquam bonorum
Huic poterit male velle cœpto.
Quin & futurum est, ut potius iuvent
Finem labori propositum sacro,
Desiderata impertientes,
Vt merito sua cuique pars ster.
Ergo sub auras i. Liber: ut boni
Primo rubentem si videant viri
Partu, fideles obstetricum
Non pigeat tibi ferre dextras.
Tu sospitator IOVA, operas pŷ
Auctoris omni tempore sospita,
REVSNERE quid me Sospitator
Vlterius cupias precari?

ARGENTINAE IIX. Eid. Ian.
CIC. IC. XIIIIC.



I
CL. PTOLOMAEVS ALEXAN-
drinus Mathematicus.



*Per me Doctrina totum diuina Matheſis
Corpus habet : cuius gloriſe eſſe parens.*

2
CLAVDIVS PTOLEMAEVVS
natione Aegyptius.

Sub **MARCO ANTONINO**
Imp. Romano.

Liberalium artium ac Græcarum literarum
studijs Alexandrię clarus:

Qui primus apud Gręcos cœli rationem
diligentiùs explicuit:

Inuenta ab Hipparcho instrumenta
clariùs demonstravit:


De Musica & rebus alijs, tùm de Geogra-
phia absolutissimè scripsit:

Princeps doctrinæ Mathematicę:

In Astrologię præsertim scientia nulli
secundus:

Monimentis ingenij & doctrinę relictis
penè diuinis mortuus etiamnum
inter mortales viuit:

Aeternâ glorię laude victurus per-
petuò.



3
IN CL. PTOLEMAEVM
Epigrammata.

BRVNONIS SEIDELII.

*Me cœli summo studiorum jure parentem
Dicas: nota mihi tota Matheſis erat.
Collegi, quod in his docuerunt artibus omnes:
Ac ſunt ingenio multa reperta meo.
Conſcripſi totum doctrina corpus: ut inde,
Qui veros fontes optat habere, petat.*

HIERON. TREVTLERI.


*Aſpice, quiſquis aues Ptolomeai noſcere vultus:
Cuius Atlantiacus viuit in orbe labor.
Magna viri, fateor, cognoscere ſcripta voluptas:
Iuncta tamen facies maius an inſtar habet?*

VALENT. THILONIS.

*Corpore geſtat Atlas cœlum, cœlum Herculis auſus
Suſtinet, ac lato corpore portat onus.
Pectore ſurgit humo, cœliq; euadit in arces
Claudius, & plenâ ſidera mente capit.
Corpore magnus honos ſurgit, ſed gloria maior
Pectore, quò pectus corpore maius eris.*

A 2

4
ALBERTVS MAGNVS EPI-
scopus Ratisponensis.



*Magnus eram Sophie doctor, Præsulq, sacrorum:
Abdita naturæ vis mihi nota liquet.*

M. CCCXXCII.



5
ALBERTVS MAGNVS BOLSTA-
dius, ex ordine Equestri clarissimis natus
parentibus Lavingæ, Anno sa-
lutis. M. CCXCIII.

Summo ingenio, summa præditus eruditione,
adeoque omnium doctrinarum sum-
mè studiosus:

PHILOSOPHIAE & Theologiæ Doctor
Maximus:

PROFESSOR Academiae Parisiensis &
Colonienfis celeberrimus:

Solertiss. naturæ speculator, rerumque obscura-
rum indagator atque explicator planè
admirabilis:

PRAESVL tandem & Episcopus creatus
Ratisponensis:

Qui suâ ætate omnes ingenio, doctrinâ, elo-
quentiâ superavit:

Literis denique, & studijs immortalis Coloniae
Agrippinae,

Quò vltro abdicato Episcopatu ad ocium litera-
rium rursus extremâ senectâ concesserat:

Obijt Anno M. CCCXXCII. Aeta-
tis LXXXVII.

ETEOSTICHON.

Ios. à Pinu.

*Alberte es fato properanti Magne solutus:
Tangis ubi atatis lustra bis octo tua.*

IN ALBERTVM MAGNVN
Episc. Ratisponensem.

EPIGRAMMATA.

N. R. L.

Sub imagine eius, Lavingæ in foro.

*Albertus Magnus civis clarissimus olim
Lauginga, Doctor magnus, Praesulq; sacrorum
Inclytus, omnigena scriptor celeberrimus artis,
Sic oculos, sic ora senex, vultumq; gerebat.*

Sub imagine Equi portentosa magni-
tudinis, ad latus ibidem.

*Tanta molis equus, velox & saltibus aptus,
Prælongus ter quinque pedes, & corpore magnus,
Nascitur Alberti Lauginga sub lare Magni,*

Anno M. CCCLX.

PETRI BEMBI.

Natura si quid te rerum fortè latebat:

Hoc legis in magno Teutone Magne Deo.

IANI VITALIS.

Natura has violas, Ratio hæc tibi lilia passim

Ad tumulum spargunt, Teutone Magne, tuum;

Purpureis quarum tribulos avellis ab hortis:

Et pulcris violis lilia mista seris:

Aviaq; abstrusa pandis penetrabilia causâ:

Verè igitur Magni nomine dignus eras.

FERDINANDI PALAMII.

Magna parens, altrixq; virum Germania, alumni

Incedis meritò laude superba tui.

Natura ac rerum vires, causasq; latentes

Hoc nemo nobis doctius explicuit.



*Magnus ob egregias fecundi pectoris artes
Dictus es: at Christi nunc ope maior eris.*

M. ANTONII FLAMINII.

*Qui docuit rerum Albertus cognoscere causas.
Non rerum oblitus iam iacet in tumulo.
Sed cælo meliore sui cum parte receptus,
Nunc gaudet melius discere, quam docuit.*

IOANNIS LATOMI.

*Quantum erat, hoc quondam cognomen Magne tulisse:
Quum solidè doctus nullus in orbe foret?
Esto: vetustatis factum laudatq, probatq;
Et tibi posteritas sancit habetq, ratum.*

HENRICI BEBELLII.

*Cedite Philosophi, quos Græcia iactat alumnos,
Extulit & si quos Itala terra suos.
Quos longè Albertus vicit tam nomine claro,
Gloria Suenorum Teutoniciq, soli.
Par decus ingenij: nec fas sperare nepotes:
Hic nouit, quicquid tota Sophia docet.*

HIERONYMI TREVTLERI.

*Magnus eras, quanquam te barbara secla tulerunt;
Attamen ingenio diuite magnus eras.
Celsa nec est varias famam quæsisse per artes:
Pluribus hoc vitij quando cuculla parit.*

S
IOANNES HVSSVS BOEMVS,
Academiae Pragensis Theologus.



*Ignē cremor: mens igne Dei pia flagrat: at igne
Corpus de flagrat, per fide Papa, tuo.*

M. CCCCXV.

Hussus ego hic alio: cerini sana scripta Tonantis.
Sacrilegos ventres, Pontificumq; dolos.
Constantium inconstans dum mo Constantia tollit.
Offeror Alfonso víctima Pontifici.
Rhenus habet cineres, amicum tu Christo. Quid ultra?
Idem patriam, mortuus ob patriam.
Iniquos Rheni fluxus colo. perpetua fama
Albani resonans innato Fluminibus. F

Joannis Rosini Zatecenfis.

Vitam conotanti Constantia sustulit
Husso.
Reliquis noti. Vhenus ubique viget.

9
IOANNES HVSSVS BOEMVS
Natus in Pago cognom. Husseniz.

Præceptore inter alios vsus Theologo Ioanne
Vviclefo Anglo, Primo Christianis-
mi Reformatore:

Pragæ Creatus Baccalaureus Artium
lib. Anno M. CCC. XCIII.

Magister Philosophiæ. A. M. CCCXCV.
Sacerdos electus & concionator templi Bethle-
hemici M. CCCC.

Decanus Academiæ, M. CCCC I:

ReCTOR eiusdem, A. M. CCCCIX:

Dum magno studio & zelo regnum Christi cœ-
leste contra Tyrannidem Pontificiam
propugnare ac propagare studet:

Romæ primùm à Pont. Max. excommunicatus,
Anno M. CCCCXIII.

Post varia certamina & pericula:

Crematus dein viuus, violatâ fide publicâ, ex
pseudosynodi decreto.

Obijt Martyr Christi sanctiss. Constantiæ
M. CCCC. XV. VI. Iulij.

Eteostichon.

Ios. à Pinu.

*Bis quarta illuxit mensis Quintilis, ut Hussus
Constanti constans ustus in urbe perir.*

IN EFFIGIEM IO. HVSSI.
MARTINI LVThERI.

*Effigiem cernis quondam venerabilis HVSSI:
Dum sua pro Christo membra cremanda dedit.*

ANONYMI.

*Albicolas niueo vincens candore volucres,
Salve Boiemis ANSER amande tuis.
Te manet æternum decus & memorabile nomen:
Quod furor, aut atas tollere nulla potest.
Atra licet cornix furtiuus abdita pennis,
Candorem spurco vellicet ore tuum.
Nulla sed est Bœmis, nec erit præstantior ales,
Conferri viuâ quæ tibi voce queat.
Grex auium vanis oblectat cantibus aures:
Tu mentes niueo pectore & ore pias.*

ALIVD.

*Husitica gentis parens,
Quæ dogma protulit meum.
CONSTANTIAE cœtus patrum
Flammis creandum censuit.
Fœcundus at cinis mea
Sectæ assecclam sobolem dedit.*

HIERO. TREVTLERI.

*Anser eras, & te Pietas Romana cremabat:
Quòd minùs obstreperus Pontifici anser eras.
At tua vindicias habuerunt fata: repertus
Nempe fuit, quem vox summa canebat, olor.*

IN EIVSDEM MARTYRIVM.
MART. LVThERI.

*Ille renascentis verbi sine labe fidelis
Præco, bonus vitæ, dogmatibusq; bonus:*

II

HVSSIVS aeterni seruus sincerus IESV:

Nomine pastoris dignus Apostolici:

Præceptor. Pragæ generati, Hieronymi: & idem

Docto VVICLEFI de grege discipulus:

A Constantiaca Synodo combustus, Olympum

Mente adiit: cineres ossaq; Rhenus habet.

Christe Boëmorum genti concede: perenni

Vt studio cantus ANSERIS huius amet.

N. REVSNERI.

Si taceant homines, Christum fera bruta sonabunt.

Exemplo res hac certa fit HVSSSE tuo.

Cœlitus ut clangis, tot olores peruigil ANSER:

Ipse cies, Christi qui sacra verba sonant.

Personat hinc omnis cœlesti terra canore:

Et sancta colitur cum pietate fides,

Anser Tarpeij custos Iouæ inclytus olim:

Tu Capitolini victor es ipse Iouis:

Sis pius ut custos Iouæ, martyrq; supremi:

Persidus hinc hostis te necat igne fero.

Mira fides! novus en morientis ab igne renatus

Clangit olor: vim cui posse nocere negas.

VERITAS INVICTA.

IOANNIS LAVTERBACHII.

Sepulta pulcrior resurgit veritas,

Assertor pie veritatis Huisse

Inuicta, decus est tuum perenne.

Veritas tenebris sepulta densis,

Quas induxerat hostis Antichristus:


*Per te quòd tenebris-reducta densis,
 Vitales hilari petiuit auras,
 In lucis redijt salubris auras:
 Aeternum decus orbe comparasti:
 Aeternum decus axe comparasti.*

*Forti pectore fortis Antichristum,
 In Christi positum loco salutis,
 Christo qui rapuit suos honores,
 Nudasti, metuens nihil furorem,
 Flammas, probra, cruces, aquas, tumultus.*

*Forti pectore fortis Antichristi,
 Oppressus furijs rogum subisti,
 Oppressus furijs necem tulisti,
 Defendens pius ore veritatem.
 Veritas premitur venusta mundo,
 Non tota opprimitur: suo resurgit
 Formâ tempore pulcior sub auras.*

ADAMI FRANCISCI.

*Quum Latias Husi diuino gutture fraudes
 Arguit, & tumidi regna proterua Papa:
 Emicuit radijs Aurora optata coruscis:
 Lumine signauit Sol propiore diem.
 Non tamen effulsit perfectæ gloria lucis,
 Nocte Simul tristes obijciente moras.
 Reddidit ipse Deus veracia dogmata tandem
 Eloquio & scriptis, magne Luthere, tuis.
 Per quem Cimmerijs latitantia monstra tenebris,
 Et furias animis depulit ipse, pjs.
 Per quem Pontificum gemmis auroq, coronam
 Fulgentem, & varias contudit ipse vices.
 Iam Sol Iustitiæ superat caligine pulsâ:
 Et rutilum celsâ spargit ab axe iubar.*




*Sancta fides, mors sancta fuit mihi, vitaq, sancta:
Miraris sanctum nomen & esse mihi?*

M. CCCC. XVI.

HIERONYMVS BOEMVS PRA-
genſis vere ſancto dignus nomine.

Martyr Chriſti fidelis:
Pragæ in patriâ bonis imbutus literis:
Lutetiæ Magiſter art. lib. ſalutatus:
Præcipuis Galliæ & Germaniæ academijs ſing.
ingenij & doctri-næ laude cognitus:
Primò diſcipulus, deinde familiaris, poſt colle-
ga factus S. Chriſti Martyris IOH. HVSSI,
à quo ne morte quidem diutius
diuidi ſuſtinuit:
Mirandâ & planè diuinâ eloquentiâ, animique
fortitudine & conſtantiâ præditus
ſingulari:
Religionis ergò ſanctiſſ. CCCXL. ampliùs
diebus immaniſſ. detentus carceris
fordibus, & iniurijs:
Pari tandem vel potius eodem fato ac triumpho,
altero poſt Huſſum Doctorem, fidei ac eiuf-
dem certaminis ſocium, & confor-
tem, Anno, nobilitatus:
Crematus viuis Conſtantię obijt 3.
KL. Iun. Anno. M. ccccxvi.



Joannis Hofini Tateensis.

Iungitur in coelis preestanti Hiero,
nymus Helso,
Exuviae vitreis consociantur aquis.

IN EFFIGIEM HIERONYMI PRAGENSIS, pro Christi nomine Constantiæ exusti.

MART. LVTHERI.

*Augustâ facie præstans Hieronymus, isto
Constrictus subiit funera dira modo.*

EIVSDEM.

*Martyrio socium dum vult Hieronymus Hussum
In propugnandâ religionis sequi:*

Impia vasani taxat deliria cleri:

Iniustâq, Hussum morte perisse probat.

*Hinc furys in eum Synodus Papalis ab omni
Concita parte, adhibet vincula dura viro.*

*Quæ quia nil illi nocuere nec inclyta quoquam
Tormento pietas se domuisse dedit:*

*Fortiter eloquio pugnantis, & arte stupendâ,
Corpus in accenso vix domuere rogo.*

Hac est Aufonij pia castigatio patris:

Ordinis hoc proprium spiritualis opus.

*I, jacta titulos, & inania nomina, quisquis
Romana sequeris talia castra fera.*

IOANNIS LAVTERBACHII.

.Crux incrementum piorum.

IOAN. LAVTERRACHII.

Fœcunda persecutione Ecclesia.

In mortem socius constans Hieronymus Hussi,

Cui sua cognomen patria Praga dedit:

Humanorum operum pietatem carcere vinciam,

Perrupto, socij, carcere soluit ope.


Non operum docuit meritis constare salutem,
 Sanguine sed Christi, quem capit alma fides.
 Doctrinam nequyt Præsul dum ferre Latinus,
 Vi condemnatus cogitur igne mori.
 Nunc animâ viuit felix Hieronymus, omni
 Supplicio tutus, saluus & astra tenet.
 In corpus tantum possunt seuire tyranni,
 Tollere non animam (quæ est tua Christe) valent.

HIERONYMI TREVTLERI.

Tu quoque constantis properans in fata Magistri
 Non metuis rapidis tradere membra rogis.
 Hac modo misceri lenibus potuere fauillis:
 Spiritus in cælo, nomen in orbe viget.


N. REVSNERI.

In genium, virtus, ars, eloquiumq, fuere
 In te magna: Dei maior at exstat amor:
 Pectore quem celso viuens moriensq, sateris:
 Inq, rogo sanctam concinis usq, fidem.
 Ausus Pontificum fœdos HIERONYME mores
 Carpere, sis Husi fidus vbiq, comes:
 Patronus sanctæ causæ, mortemq, pacisci
 Pro verâ cupidus relligione Dei.
 Quam cupis, ergo capis sanctâ cum morte coronam:
 Aethereâ, Christi martyr, in arce sacer.





17
RVDOLPHVS AGRICOLA
Frisius.



*Primus ego Latiae cultor, Graiaeq; Camoena,
Germanos docui Musica castra sequi.*

M. CCCCXXCV.

B

RVDOLPHVS AGRICOLA
FRISIVS, in pago non procul
 à Groninga vrbe natus;

Cuius summorum suæ ætatis vel ingenio, vel
 doctrinâ, vel eloquentiâ par
 habitus.

Primo studiorum tyrocinio LOVANII
 egregiè deposito:

Præter Græcas & Latinas literas, omnibus
 artibus optimis Ferrariæ in Italia or-
 natus, sub Theodoro Gaza
 doctore Clariss.

Demum Academiae Heidelbergensis Professor,
 & disputationum factus moderator
 præsertim Logicarum:

Commentario in lucem edito de Inuentione
 Dialectica sanè pulcherrimo atque
 elegantiss.

° Psalterio etiam ex Hebræa lingua in Latinum
 fideliter translato:

Philosophiæ Aristoteleæ, interpret sui se-
 culi princeps:

Obijt Heidelbergæ, Anno Christiano.
 M. CCCCLXXV.

ETEOSTICHON.

Ios. à Pinu.

*Quà ter clara iacet tribus Heydelberga decabus,
 Ruricola è terrâ raptus in astra fuit.*

IN RVDOLPHVM AGRI- colam.

Epigrammata.

B. ARIAE MONTANI.

*Si tibi maturis tantum licuisset ab annis,
Quod medium statuis perficere Agricola:
Auctores alij poterant quieuisse disertij:
Quicquid enim ratio postulat, ipse dabas.*

IOAN. LATOMI.

*Qui putat ingenijs patriam conferre, Rodolphum
Agricolam Latij dixerit esse soli.
Aut extra Italiam nasci minus esse beatum:
Hunc ipsum Frisium, qui putat, esse sciat.*

GEORGII FABRICII.

*Agricolam Italia est omnis mirata Rodolphum:
Qui primus Clarij est duxq₃ paterq₃ chori.*

ANONYMI.

*Agricola è Latio primus deducere Musas
Ausus es in patriam, docte Rodolphe, tuam.*

E I V S D E M

*Pro meritis quæ digna satis te docte Rodolphe
Musa canet, Frisij spemq₃ decusq₃ soli?
Dum Logica salebras in apertam conijcis artem,
Et resonat numeris dulcibus ista chelys.
Ausonia ingemuit peregrina murmura lingua,
Tam mulcere aures molliter illa suas.*

AEGIDII PERIANDRI.

*Germanos primus Graiam deduxit ad vndam:
Hinc illi Graius primus habetur honor.*

HERMOLAI BARBARI.

*Inuida clauferunt hoc marmore fata Rodolphum
Agricolam, Frisij spemq, decusq, soli.
Scilicet hoc uno meruit Germania, quicquid
Laudis habet Latium, Gracia quicquid habet.*


IOAN. CAMERARII DALBVRGII

Praefulis Vangionum.

*Τύμβος ἔχει Ρόδου φερὸν ὅδ' Ἀγροκόλῳ μερὶ πολλῶν
Εὐλκροῦ ἠδὲ σοφοῦ, πνεῦμα πάρεστι θεῶ.*

HIERON. TREVTLERI.

*Itala quem tellus miratur, ut inde Camœnas
Deducit, verum quis neget Agricolam?
Fallor? an auctoris quia laus est maxima primi,
Ora tibi doctas Teutona debet opes?*





HIERONYMV^S SAVONOROLA
Florentinus.



*Vrit amor me Christe tuus: dein perfidus hostis
Vstulat: in cœlo Savanorola beor.*

M. CCCC. XCIIX.

HIERONYMVS SAVANO-
rola Italus, Florentinus:

Concionator, ex Dominacorum ordine
olim Monachus:

A Patre Luminum Deo Opt. Max.

Sanctæ Fidei tandem & Veritatis inuictæ
radijs illustratus cœlestibus:

Quam magno postea cum Zelo religiosè tuta-
tus, & ad vitæ usque spiritum extremum
constanter professus est:

Sanctis sanctæ doctrinæ post se monimentis
relictis, in omne æuum perduraturis:

Martyr denique factus Christi:

Maximo cum bonorum ciuium luctu,

Strangulatus (heu) viuis primùm: ac deinde
mortuus cum duobus socijs crematus
Florentiæ, postulatu Alexan-
dri VI, Pontif. Rom.

Obijt Anno M. CCCCXCIIX. X. KL.
Iunij. Aet. XLV. M. IIX.





IN HIERONYMV M SAVA- norolam.

M. ANTONII FLAMINII.

*Dum feru flamma tuos Hieronyme pascitur artus:
Religio sanctas dilaniata comas:
Fleuit, & ô, dixit, crudeles parcite flamme:
Parcite, sunt isto viscera nostra rogo.*

A N O N Y M I.

*Infelix bustum cecidisti HIERONYME, secli,
Inidia, ostendi nunquam sua crimina passi:
Fatidicis Clarij quamuis oracula Phoebi
Vicisse elogijs, Cumæaq, carmina dictus.
Certius haud quisquam surgentia dicere fata
Numinis afflatu, aut venientia tempora norat.*

IO. IACOBI. BOÏSSARDI.


*Desine Alexandri verbis perstringere mores:
Qui libertatem reprimet igne tuam.*

NATHANIS CHYTRAEI.

*Quando sacerdotum corruptos tangere mores,
 Et scelera ausus erat Papæ exagitare superbi:
 Innocuum vitâ & studijs Florentia tandem
 Sauanorolam, Arno lacrymas fundente, cremari
 Vidit, & indoluit: quum nec Pietasq̃, Fidesq̃
 Reprimerent gemitus: quarum utraq̃, teste fideli
 Flaminio, hac nimios testata est voce dolores:
 Parcite, nil meritis immanes parcite flammæ:
 Viscera nostra etenim tam seuis ignibus ardent,*

HIERONYMI TREVTLERI.

*Surculus ille tuo Florentia pulcra decore
 Pulcrior, est monachi vera figura p̃ij.
 Aspicit Impietas habitum temerarier istum:
 Et sua Vulcano vindice dona piat.*



IOANNES GEYLERVS CAESARIS-
bergius, Argentinensis Ecclesiæ Concionator.



*Sacra docens, fidei monstro tibi lumina sancta,
Clarius Argyrope mox habitura decus.*

M. D. X,

B 5

IOANNES GEILERSVS AL-
fatius:

Patriâ natus Monte Cæsaris oppido imperiali:
Perlustratis varijs orbis Christiani academijs:
Præclaram non Philosophiæ solùm, sed in pri-
mis Theologiæ studijs perdiscendis asse-
cutus gloriam:

Quam ipse max. cum admiratione summæ elo-
quentiæ, memoriæ, constantiæ, non vno
postea loco professus publicè:

Literarum diuinarum Doctor sanctiss.

Sermonibus per multos annos sacris habitis,
præter patriam,

Herbipoli, Basileæ, Friburgi:

Tandem sacris præfectus Argentinæ concio-
nibus in summo Templo:

Petro Scoto Cos. prudentiss. auspice rem mo-
derante diuinitus, atque constituyente:

In quo versatus munere cum laude & gloria,
annis totis XXXII. ampliùs:

Tanto pietatis zelo, & tam claro innocentis vi-
tæ, viuæque doctrinæ exemplo:

Præcipuis Germaniæ Antistibus, insuper etiam
Diuo Maximiliano. Aug. Cæs. carus ob
id maximè habitus:

Obijt Anno M. D. X. Aet. LXXVI.

Eidibus Martijs.

IN IOAN. GEILERVVM CAESARI-
 fpergium, Summi Templi Argentin.
 Concionatorem.

SEBASTIANI BRANDI.

*Quem meritò deslet vrbs Argentina, Ioannes
 Geilcrus, Mons cui Caesaris est patria:
 Sede sub hac recubas, quam rexti Præco fidelis,
 Sex propè lustra docens verba salutifera.
 Tu splendor Cleri: speculum pietatis: amator
 Virtutum: pacis iustitiæq; sator:
 Tu morum censor: vitiorum acerrimus hostis:
 Tu scelerum omnigenum maximus osor eras.
 Solamen miseris: inopum pater: atque patronus
 Mitis in accessu, perq; benignus irem.
 Nec personarum fueras acceptor: at aquâ
 Cunctos taxabas lance libraq; pari.
 Nec præbendarum cumulaisti parcus acervos:
 Contentus tenui semper at officio:
 Diuitias contempsisti, fastumq; & honores:
 Numilegos Druides carpere doctus eras.
 In factis constans, stabilis quoque: non ut arundo
 Aut stipula æripes vento agitata solet.
 Cuncta opere explesti benefacta prius: docuisti
 Tum deinceps alios te & tua facta sequi.
 Tu pompas secli fugisti, & gaudia vane:
 Verba Dei assidue, scriptaq; sancta legens.
 Pro tantis cælum meritis virtutibus inde,
 Sub pedibus cernis sidera clara tuis.*

IACOBI VVIMPHELINGII.

Argentina Deo grates age, plaude, triumphæ:

Quod talem morum visa es habere patrem:

Terdenos supra antistes qui maximus annos

Te docuit, simul & scripta probata dedit.

Ad declamandum non impulit hunc sitis auri:

Non fauor, aut luxus, aucupiumue nouum:

Sed diuinus honos, animarum zelus & ingens:

Quas docuit rectam carpere ad astra viam.

PETRI GVNTHERI.

Quod Romæ Cicero fuit eloquio, pietate

Scipio, Pompilius religionem Numa:

Iustitiâ Grachus, constanti corde Metellus,

Seneca consilijs, ingenioq; Cato:

Quod Craffi grauitas operis, clementia Bruti,

Castus amor Fabij, Fabricijq; modus:

Quod Romæ plures: hoc Cæsar spergius unus,

Argentina tibi gloria magna fuit.

Flete patrem patriæ, civem lugete Treboces:

Occidit en vestri duxq; paterq; gregis.

Hunc precibus seruare pater lugubriter: ut sit

Vester apud superos, quod fuit antè, pater.

IOAN. LACHMANNI.

Vescitur ambrosiâ, tui vix manet orbe secundus:

Quod docuit Pastor, ritè sequantur oues.

HIERON. TREVTLERI.

Magnorum me cura Ducum veneranda fovebat,


Servantem linguæ liberioris iter.

Illæ secutura iam ium primordia lucis

Eminus adventus signa dedere sui.

SEBASTIANVS BRANDVS

Iurisconsultus.



*Iurisconsultus poteram, & simul esse Poëta:
Barbaries seculi ni vetet ipsa mei.*

SEBASTIANVS BRANDVS,
qui & Titio.

ARGENTORATI vrbe Imperij sacri liberâ
natus, anno M. CCCC. LIIX.

Artium humaniorum B A S I L E A E per-
fecto Magisterio:

Quarum exornandarum atque illustrandarum
studio flagrans incredibili:

Optimis quibusque auctoribus in publicum
propositis, & ab interitu vindicatis:

Magnum & patriæ, & sibi passim nomen
comparauit.

P O E T A pariter, & Iure consultus seculi
sui eximius:

Præstantis ingenij sui monumentis vtrinque
relictis quàm plurimis:

Obijt Argentorati Anno Christiano M. D. XX.



IN SEBASTIANVM BRANDVM. IC.

EPIGRAMMATA.

Georg. Fabricij.

*Culta satis nondum scribebas carmina Brande:
Sed vitium potiùs temporis illud erat.*

ÆGIDII PERIANDRI.

*Stultifera Brandus quum tendit carmina naui:
Tunc verè sapiens cuilibet esse potest.*

HIERO. TREVTLERI.

*Primus es hoc seculo pravos ostendere moros
Ausus, iudicio plenus, & ingenio,
Et sua sunt studijs cunabula: si quid in arte
Culpatur, veniam tempora forte dabunt.*

HVLDRICHVS HVTTENVVS EQVES

Francus, & Poëta.



*Martis eram, simul & Musarum fortis alumnus:
Laureolæ decus hinc nunc utriusq₃ fero.*

M. D. XXIII.

IVLDRICHVS HVTTENVVS EQV.

Francus, natus anno M. CCCCXIIC.

Optimis eruditus artibus omnibus: Mineruâ
duce ac Magistrâ:

Literarum pariter, & armorum præstans gloria:

ADIVO MAXAEMYLIANO I.

Cæs. Aug.

Ob excellentis ingenij vim, ac probatæ vir-
tutis in bello Veneto laudem
singularem:

Et Poeta lauro, & Eques auro coronatus:
Acerrimus propugnator communis
libertatis:

Religionis vindex, fideique rectæ constantiss.
Partium semper studiosus ac defensor
bonarum:

MVSARVM ET GRATIARVM

Hierophantes incomparabilis:

Obijt anno Christi M. D. XXIII. M. Sextil.

Sepultus in Lacus Tigurini Insulâ

Vfnaviâ, à se Huttenicâ,

hodiè denomi-

natâ.

ETEOSTICHON.

Ioſephi à Pinu.

Ignifer in tepido fulſit Sol ſidere Libra

Huttene, ut cæli tecta beata capis.

IN HVLD RICHVM HVTTENV M
E QV. FR. & Poetam Epigrammata.

VIRTUTE NOBILITAS.

IOAN. LAVTERBACHII.

Doctrina, Mars, Pietasque reddunt nobilem.

Huldrichus Huttenâ Francorum gente creatus,

Germanus prisca nobilitatis Eques.

Palladius iuuenis colui promptissimas artes:

Cæsare pro magno Martis in arma rui.

Defendi calamo verum pietatis honorem:

Haud fucum vires passus habere suas.

Hinc peperit solers nunquam delebile nomen:

Quo vivens serâ posteritate fruor.

Nobilitas multum mihi conciliauit honoris:

Mars multum, & Pallas, plus Pietatis amor.

Quem Pietatis amor, Pallas, Mars ornat, adeptus

Postgenitos inter nomine vivus agit.

GEORGII FABRICII.

Huttenus Musas semper, Martemq₃ secutus:

Gloria Musarum, gloria Martis erat.

GEORGII SABINI.

Frigida tunc vocas Hutteni carmina vatis:

Cuius in ingenio viuida flamma fuit?

Quin tua Musa gelu torpet: te si quis ad illum

Contulerit, glacie frigidiora canis.



35
IN TVMVLVM EIVSDEM.

HELII EOB. HESSI.

*Ipse equidem claris fuëram natalibus ortus
Huttenus, patrio sanguine Francus eques:
Sed mihi plus cura fuit, ut generosior essem
Diuitis aternis dotibus ingenij.
Pervus adhuc, primaq₃ notans lanugine malas,
Musarum certo numine plenus eram.
Panè puer varias gentes, & plurima vidi
Oppida: fortunæ victor vbiq₃ trucis.
Prima rudimentis clausa est iuvenilibus atas:
Digna viro gessit munera vita sequens.
Nam patriæ laudes, & libertatis ademptæ
Iura manu & calamo fortiter adserui.
Scit Romana lues bullarum turba ministri:
Nec tu strate mihi Galle superbe negas.
Principibus quoq₃ gratus eram: sed plena malorum
Tempora, non sunt hoc passa fuisse diu.
Nunc post fata breui clausum est breue corpus in vrnâ:
Fama manens pulsât Solis vtramq₃ domum.*

IOANNIS STIGELII.

*Hec iacet in viridi tumulatus cespite vates
Hutteno Vlricus stemmate natus Eques:
Qui calamo gladioq₃ ferox, & fortis utroq₃,
Prælia cum multo fortiter hoste tulit:
Tempore quo Christi verax doctrina reluxit:
Quæ diuturnâ operum nube sepulta fuit.*

Non poterat turpes Saliorum ferre cothurnos:
 Quorum est ingluuies & gula foeda Deus.
 Quæ tamen his damnum, melius quàm milite ferret,
 Illius est calamo Romula scripta Trias.
 Inuidiam atq; odium multorum incurrit & iram:
 Omnia dum Franco pectore recta cupit.
 Cede furens Liur: tamen hæc est vna potestas
 Vatribus: æternum, quæ cecinere, manent.

PETRI LOTICHII.

Alloquor Hutteni manes cineresq; Poëtæ:
 Quos brevis in medijs insula claudit aquis.
 Este salutati manes: hæc summa laborum est:
 Alma quies vobis sit, nec arena grauis.
 Accipe cum violis lacrymas: tibi fundimus illas,
 Morte tuâ felix maxime nuper eques.
 Felix morte tuâ, patriæ non fata ruentis,
 Cuius eras vindex, non tot acerba vides,
 Patria post obitum tibi contigit altera cælum:
 Maior & in cunctos fit tua fama dies.
 Fortunate cinis, venerande nepotibus ipsis,
 Aeternum salue, perpetuumq; vale.

IOAN. FABRICII MONTANI.

Hæc quicumq; citâ decurris stagna carinâ:
 Ponis & hoc nostro littore fortè pedem:
 Imperio sic aura tuo, sic pareat vnda:
 Perlege, quæ saxo carmina sculpta vides.
 Hoc Equitum decus, hoc vatam Germaniæ ocellus,
 Huttenus iaceo conditus in tumulo:



Ingenio dextraq₃ potens, dum vita manebat:
 Musarum, simul & Martis alumnus eram.
 Caesar Apollineâ cinxit mea tempora lauro:
 Idem pro meritis nomen equestre dedit.
 Sæpe bonos mutare solum fortuna coëgit:
 Magna quibus patria pœna carere fuit:
 Ast mea non alio tantum se iactat alumno
 Francia: nec meritis est malè grata meis.
 Aeger ad has veni legatus Caesaris oras:
 Quum me mors alias inſit inire vias.
 Antè ſepulturæ ſeruiret ut angulus iſte,
 Quam morerer, ſocijs iuſſa ſuprema dedi:
 Aſiduis vbi me lugerent planctibus vndæ:
 Et gemerent plenſ ſigna reſuſa vadis:
 Sertaq₃ vernarent tumulto natiua ſub ipſo:
 Et querula canerent flebile ſemper aues.
 Vade, ſed admonitu noſtri, ſpes contrahere laxas:
 Quo minimè credis, ſtant tua fata loco.

EIVSDEM.

Quod gentilitijs poſſet præponere ſignis
 Huttenus, Muſis Gratia iuncta fuit.

HIERON. TREVTLERI.

Stemmata militiâq₃ potens Huttenus vtrâq₃
 Gloria Franciæ nobilitatis eram.
 Hac ratione decet Martem ſociare Minervæ,
 Hac ut iudicio præſit: at ille manu.

GEORGIVS VVIRTH MEDICVS, ARCHIA-
ter Ludouici Regis Hungariæ, & Boëmiæ



*Carniola ducibus, Regi dein Pannonis ora
Gratus eram, Medicâ doctor in arte bonus.*

M. D. XXIV.

GEORGIUS VVIRTH LEO-
bergæ in Silesiâ natus, Anno
M. CCCCLXX:

Post primâ studiorum Tyrocinia,
Plurimis atque optimis extra patriam or-
natus artibus:

Magisterij primò Lipsiæ, Anno M. D. IX. dein am-
plissimo Doctoris titulo in Medicinâ de-
coratus Bononiæ, An. M. D. XV:

Quum ex Italiâ per Liburniam in patriam
regredi cogitaret:

Præter spem ac votum, Prouinciæ illius Medi-
cus quasi diuinitus delegatus:

Quin & paulò pòst Inclyto Ludouico Boiemix
& Pannoniæ Regi designatus
Archiatrus:

A quo tandem ipse, splendidissimo isto cum laude
& dignitate perfunctus munere, Budissinæ
Lusatiorum constitutus Decanus,
singularis ergò meriti:

Literarij ocij sui symbolis relictis in omne
æuum perduraturis:

Obijt Gorlicij feliciter, Anno M. D. XXIV.
Act. LIV. IX. Nartij.

GEORGII VVIRTH.

Arte fui magnus Ludouici Regis in aulâ

Pannonici: Carni me coluere viri:

Budissina facit me, Rege iubente, Decanum:

Gorlicij sacrâ sum tumulatus humo.

IN GEORGIVM VVIRTHVM
Medicum, Archiatrum Regium.

IOANNIS RIVII.

*Magnus ut ingenio, sic clarus honore: Magistri
Egregij primùm iura locumq₃ capit:
Hic vbi Mnsarum sedem Philyraus Elister
Alluit, & rapidus Lipsidos arua premit.
Post hinc digrediens, Italasq₃ profectus ad oras:
Per medicas artes sedulus ire parat:
Felsina Doctoris meritâ ornatumq₃ coronâ
Ad patrios iussit lata redire Lares.
Hoc titulo fulgens, agitare inglorius artem
Noluit: ingenij conscius ipse sibi.
Tum Regi iuueni Ludouico sceptrâ Bohemo
Qui tenuit, præstò est, Pannonioq₃ simul.
Ergo salutifera medicamina porrigit artis:
Et reliquis faustâ præstitit ille manu.
Felix ô, heres ex fratre Georgius artis
Cui parilis, simul & nominis alter adest.*

HIERONYM TREVTLER.


*VVirthius hic medici, studiorum luce renatâ,
In grege Teutonidum, sama decusq₃ chori:
Pannonia regis Ludouici cura salutem
Huius amat: sed mors inuida fata parat.*

HIERO. REVSNERI.


*Quem magnâ cernis gravitate, Georgius hic est
 VVIRTHIVS: ingenio maximus, arte potens.
 Arte potens medicâ, medico celeberrimus vsu:
 Posterior multis tempore, laude prior.
 Ludvici curam gessit medicando salutis
 Pannoniæ Regis: laus ea magna fuit.
 Clara hunc decrevit quoque Budisina Decanum:
 Non labor est labor hic, quem comitatur honos.*

N. REVSNERI.

*Quem Ludouicus amat rex Pannonis atq; Boëmæ
 Ora, dum Medicum destinat ipse sibi:
 Multis quem donis & houoribus auget, & ornat,
 Custodem vitæ per mala damna suæ:
 Quem Budisina tandem creat ipse Decanum:
 Quò vitæ reliquum spontè quietus agat:
 Ille inquam, Phoebi decus orbe Georgius ille
 VVirthius ad cœlos exijt ante diem.
 Patria cui Leoris vitam dedit antè Silefis:
 Gorlicij vrbs tumulum Lusatias inde sacrat.*



BILIBALDVS PIRCHAIMERVS PATR.
Noricus, Historicus.



*Carminis auctor eram bonus, historiae q₃: sed orno
Carminis auctores historiae q₃ magis.*

M. D. XXXI.

BILIBALDVS PIRCKHAIMERVS
 patriciâ gente Noribergæ vrbe impe-
 riali natus, Anno M.D.I.

Omni liberali doctrinâ politissimus:
 Mathematicarum præsertim & Historiæ stu-
 diosissimus:

Quarum disciplinarum egregijs post se relictis
 monumentis, patriæ Germaniæ illustran-
 dę operam impendit fidelem:

Sed & Gręcarum pariter & Latinarum
 literarum peritissimus:

Conuersis è Gręco in Latinum præstantiss. au-
 ctorum, Xenophontis, Ptolomei, Plutar-
 chi, Nazianzeni scriptis quàm-
 plurimis:

Summâ prætereà auctoritate & pruden-
 tiâ præditus:

Patriæ Senator amplissimus:

Divo Maximiliano I. Cæs. Aug. à consilijs,
 Optimè de Repub. Christiana meritis:

Obijt Noribergę, Anno Chri-
 stiano M. D. XXXI.

IOSEPHI à BINV

Eteostichon.

*Consilio ut Pyrghaymerus bonus exit ab orbe:
 Sol propè contacto Pisce peregit iter.*

IN BILIBALDVM BYRGHEY-
merum Patr. Noricum.

EPIGRAMMATA.

H. EOBANI HESSI.

Quod tibi de studijs nomen Bilibalde paratum est?
Inuidiâ saluum iudice nomen habes:
Et quum multa orbi dederis documenta tuarum
Virtutum lingua, pectoris, ingenij:
Quamq, tot à populo passim tua scripta legantur:
Et vacet in laudes vtraq, lingua tuas:
Non leuis illa meam subit admiratio mentem,
Cur mihi sis totus cognitus antè parum.
Nouimus eloquij præstantem laude pedestris,
Et linguâ quiduis Atthide posse loqui.
Nouimus ingenio callere Mathemata miro,
Et quicquid Sophiæ totus hic orbis habet:
Expendisse sacri scrupulosa volumina iuris:
Vtilibus nulli cedere consilijs:
Hactenus hæc orbi de te sunt cognita: nobis
Pars ignota tui maxima, penè fuit.
Quòd bona tam facili deducis carmina venâ:
Istâ me poteras parte latere tui?
Quid tua, ceu lucem fugiat, tam sola vagatur
Pieris, in scenâ digna patente legi?
Quæ nisi, quod nolim, populo sese inuidet ipsam,
Ingrata est nimium dotibus ipsa suis.
Multa quidem populo passim tua scripta leguntur:
Carmina de multis pauca fuisse voles.

*Vive decus patriæq, tua, præsentis & ævi:
Dotibus ingenij vix habiture parem.*

ÆGID. PERIANDRI.

*Reddita quum vidit Xenophon tua scripta Latino
Graia, refert: valeant, Italus esse volo.
Errauit vox illa viri: quæ causa videtur?
Quod veluti Latius verba Latina sonas.
Quum curris Graio, Latio quum surgis in æstur:
Græcia te iactat, Romuleumq, solum.
Gemma soli tu Teutonici, tu magna Thaleie
Gloria: nunc famam totius orbis habes.*


A N O N Y M I.

*Laus clare non postrema debetur tibi
Bilibalde: per te Præsulis munus pij,
Quod aureo de fonte promptum legimus,
Et facta Achinæ gentis armis incluta:
Quin de veteribus Teutona ora sedibus
Non vanus augur hariolare scitule.*

HIERON. TRÉVTLER.

*Te solers Noriberga satum de gente vetusta
Edidit, & Regum concalebravit amor.
Ingenium, Pietas, Candor, Prudentia lucent
Clarius historia per monumenta tua.*

HVLDRICHVS ZVINGLIVS HELVE-
tius, Ecclesię Tigurinę Pastor.



*Pro sacris dum pugno focusq, athleta fidelis,
Cæsus & ense, cremor martyr & igne duplex.*

M. D. XXXI.

HVLDRICHVS ZVINGLIVS HEL-
uetius Zugij natus Anno
M, CCCCXCIII,

Primâ adfcentiâ ftudiorum, Bafileæ primùm,
deinde Bernæ, tum Viennæ Auftriæ
laudabiliter peractâ:

Magifter artium & Philofophiæ ab Academia
Pronunciatus Bafileæ A. M. D. VI.

Literis pòft facris initiatus ibidem, operâ vſus fi-
deli Thomæ Vittebachij Theologi clariff.

Sacerdos factus primò Claronæ Anno M. D. XVI:
Paſtor dein electus in celebri illo Ere-
mitanæ virginis fano:

Demum Tigurinæ Eccleſiæ ſummus conſtitutus
Doctòr & Antifteſ, Anno M. D. XIX.

rimus in Heluetiâ Pontificum indulgentijs forti-
ter ſe oppoſuit: Religionem Euangelicam inſtau-
rauit: Fœdus cum hoſtibus Dei impium
fortiſſimæ nationi diſſuaſit ſedulò:

Multis in Religione libris ſcriptis:

Colloquio ob Euchariſtiæ negocium publico
cum Theologis Marpurgi habito:

Anno M. D. XXIX:

Bello tandem Heluetico ciuili in caſtris mini-
ſterio fungens ſuo:

Cæſus ab hoſtibus fortiter occubuit XI. Octob.
Anno Chri. M. D. XXXI. Aet. XLIV.

IN HVLD RICHVM ZVIN-
glium Theologum.

THEODORI BEZÆ.


*Zuinglius arderet gemino quum sanctus amore,
Nempe Dei inprimis, deinde etiam patria:
Dicitur in solidum se devouisse duobus:
Nempe Deo inprimis, deinde etiam patria:
Quam bene persoluit simul istis vota duobus,
Pro patriâ exanimis, pro pietate cinis:*

ANONYMI.

*Quid tibi cum rabidi Martis furialibus armis
Docti ingenî ZVINGLI fuit?
Transigeris costas putri porrectus arenâ,
Phalangis inter principes.
Debueras inter sacras senuisse Camœnas,
Ac profuisse moribus.*

HIERON. TREVTLERI.

*Zuinglius Oenotriÿ, qua tum spargebat ubiq,
Fortiter impugno toxica dira, lupi
Propatriâq, cado, sic rem poscentibus armis,
Ne causam videar deseruisse meam.*




TVMVLVS EIVSDEM.

Qui Christo & patriæ vixit, docui, vigilauit,
 Pro Christo & patriâ fortiter occubuit.
 Sed quid rettulerit, quâ tandem morte necetur:
 Cui, dum viuebat, viuere Christus erat.
 Zuinglius occubuit, sed corpore: cætera nunquàm:
 Nam meliore sui parte superstes erit.
 Rumpere liuor edax, vitâ qui perpete Christo,
 Quiq; bonis manet, haud mortuus esse potest.
 Mors etiam lucro est: multo iam fœnore mentis
 Fortius exurgent semina sparsa pia.

ETEOSTICHON.

Occubuit patrio bellator Cinglius ense:
 Et pressa est armis gens populosa suis.




IOANNES OECOLAMPADIVS
Bafilienſis Eccleſiæ Paſtor.



*Quem coluit Baſilea ſacrorum clara miniſtrum:
Sim LAMPAS Domini, quod vocor, opto, DOMVS.*

M. D. XXXI.



IOANNES OECOLAMPADIVS

Germanus, Vuinsberga Franciæ op-
pido oriundus, Anno M.

CCCCXXCII:

Opt. Art. Baccalaureus, mox & Magister
Heidelbergæ factus:

Iurisprudentiæ primum operam dare
cœpit Bononiæ in Italia:

Reuersus deinde in Germaniam, Io. Capnio-
ne vsus doctore, in Acad. Tubing.

Trium linguarum peritissimus:

Professione Theologus esse maluit, quàm
Iurisconsultus:

Patriæ primò Ecclesiastes, dein Basileæ,
pòst Augustæ factus:

Sacros. Theol. Doctor creatus Anno M D. XVI:

Multùm ille hinc inde varijs iactatus casibus:

Primus tandem Euangelicæ Doctrinæ auctor,
& summi constitutus Templi verus

Episcopus:

Vt doctrinâ, sic vitæ sanctimoniâ colendissimus:

Magno vrbis cum luctu & desiderio:

Peste grassante, fidus gregis sui Pastor, & Pater,
anthrace correptus placidè ob-

dormiens:

Obijt KL. Decemb. Anno M. D. XXXI.

Aetatis suæ XLIX.

IN IOANNEM OECOLAMPADII
Theologum.

THEOD. BEZAE.

OECOLAMPADIVS, serena nuper
Lampas, ade sacrâ Dei coruscans:
Qualis limpidior uë, purior uë
Vix ullis micuit lucerna seclis,
En mortis iacet obrutus tenebris.

At vobis male sit, mala tenebrae,
Lucis munere quæ breui fruenter,
Eheu, nos miseros homunciones
Nocte sic premitis tenebricosâ.

Sed benè hoc cecidit, nigra ô tenebrae,
Quòd dum ipsam petitis, mala, lucernam;
Laternam tamen obruistis vnam:
Laterna ut lateat quidem hîc sepulta,
Ipsa sed magis emicet lucerna.

A N O N Y M I.

Cecropijs quod & ante Solon cordatus Athenis,
Et tibi, bellipotens Sparta, Lycurgus erat.
Diuinis lubeat rectè modò legibus uti:
Oecolampadius hoc Basilea tibi est.

IOAN. RHELLICANI.

Νηὸς ἄριστος ἐπιπῆ θεῷ, ὡς ἔξοχος ἄλλων
 ὥλολε συμμυσῶν ἡμετέρας γενεᾶς.
 Γένομα προσσῆνον τῷ πράγματι κείνου ἔλογχε.
 Οἱ λαμπάδιος γάρ τε καλεῖ ὁ καλῶς.
 Οἷος γάρ τε θεῷ μεγάλῃ ποτε λαμπὰς ἐκείνος,
 ἤχρισθ' ἀγορῇ λάμψε φαινότερον.
 Λαμπὰς ἔρακτο μέν ὃ πάντως δι' φάος τε καὶ αὐγὴ,
 ὥλολε σινὲ ταύτῃ. βιβλία γάρ τε μένει,
 οἷς μέγα φῶς λάμψει καὶ ἔσσι, καὶ ἐσσομένοις
 εὖ σε βέσιρ μυσταῖς λευομένοις διδραχῆς.

P. CANDIDI.

*Lara sacrâ Domini fulgebat lampas in æde,
 Oecolampadius tunc vbi præco fuit.*

HIERONYMI TREVTLERI.

*Iulta dedi, docuiq̃, vagum dispersa per orbem,
 Quæ pia posteritas, si qua futura, legat
 orsit an Hebræo dicar doctissimus ore:
 Ut pereant lites, laus stet ut ista, sat est.*

IOANNES STOFLERVS
Mathematicus:



*Quem genuit Vustinga, fouet, sepelitq; Tubinga:
Procli sum interpres, auctor Ephemeridum.*

M. D. XXXII.

IOANNES STOFLE RV S IV.

ſtingæ natus in Sueuia, Anno
M. CCCCLII.

Mathematicis à prima adoleſcentia delectatus
diſciplinis:

ad quas addiſcendas, plerisque Academijs Ger-
maniæ perluftratis, plurimum operæ, ſtudij,
diligentiæ, laboris contulit:

Parem in his ætate ſuâ nullum, nullum
habens ſecundum:

Tubingæ multis poſtea annis profeſſus
Mathemata:

Neque viuâ ſolùm, ſed & mutâ voce: eaque mul-
tis tamen victurâ ſeculis Reipub. com-
modans literariæ:

Opere illo Ephemeridum egregio, vnâ cum
quibusdam alijs minorum vigiliarum
operis, in publicum emiſſo:

Inmortale ex eo nomen, & decus adeptus
ſempiternum:

Obijt Blaubeurij, ſepultus Tubingæ, ſenex
admodum, venerandâ conſpicuus ca-
nicie, Anno Aet LXXX. Salu-
tis: M. D. XXXI.

Iofephi à Pinu Eteoftichon.

*conditur hic fato functus Stoflerus acerbo,
Terreſtris gnarus, ſidereaq; plagæ.*

EPITAPHIVM.

Ioan. Stofleri Mathematici.

*Heus heus adesse te cupit,
 Rogatq, saxum ut hoc legas.
 Mathesis ecce principem
 Dedit, tulitq, Sueuia
 Vel illa Martia. Hoc decus
 Sed abstulit nimis fera hic
 Premitq, Parca iam cubant,
 Vt cernis, ossa Stofleri:
 Precare quisquis hac abis.*

FR. PLRAPHELENGII.

*Stoflerus ille, cuius hinc imaginem
 Sculptam videtis, siderum
 Docens meatus, sidus inter siderum
 Elucet vnicum Sophos.*

DE EODEM.

Eteostichon Iosephi à Pinu.

*Piscibus it radians Deus insignita per astra,
 Stoflere iniecit Parca vbi vincla tibi.*

IOANNES AVENTINVS
Boius Historicus.



*Boiorum veteres renouauit gentis honores:
Complexus magnam fascibus historiara.*

M. D. XXXIII.

IOANNES AVENTINVS COG.

Turmairius , Abusinâ Boiariæ oppi-
do natus, anno M.CCCCLXVI.

Post petriam scholam Ingolstadij in literis
egregiè eruditus:

Lutetiæ Parisiorum Magister bonarum
artium salutatus:

Quas multis dehinc annis Viennæ Austriæ,
Cracouiæ, Ingolstadij publicè priva-
timque professus:

Neque ita multò post Illustr. Boiariæ Principum
Ludouici & Ernesti doctor constitutus:

Quo ipse munere cum laude defunctus, quum
historiæ scribendæ studio flaga-
ret mirificè:

Per Instratis Germaniæ ferè totius, ac præcipuè
Boiariæ monimentis, & bibliothecis:

Magni vir laboris, summæque industriæ,
ac lectionis planè reconditæ:

Annalium relicto post se opere absolutissimo:
Satur æui, satur gloriæ:

Obijt Ratisponæ V. Eid. Ianuar. an. M.D. XXXIII.
Aet. LXVIII. in æde D. Heymerani sepultus.

FR. RAPHELENGII.

*Scripsit Aventinus linguæ primordia Græcæ,
Ac patriæ annales, historiâq. suæ.*

*Multa etiam cæcis quæ sunt suppressa tenebris:
Hæc quorum tibi sit, Lector, imago loco.*

IN IOANNEM AVENTINVM
Historicum.

N. REVSNERI.

*Seu lux est tibi Iuliana nona
Iani, seu tibi Martiana sacra,
Martyr vtraq; digna visa Christo:
Fatalis tibi lux diserte quondam
Auentine fuit: paterna tellus
Cui Baiaria debet omne vitæ
Lumen: nam decus omne solus ille
Boijs restituit suis libellis:
Gentis historicus suæ fidelis:
Cuius fama per omne viuet æuum.*

HIERON. TREVTLERI.

*Lumen Auentinus Boiorum, laudibus ornat,
Quaq; potest Boios arte beare, beat.
O bene cellubrum patriam vehit ille labore:
Illæ decore pium tollit & auget opus.*

GEORGII CALAMINI.

*Auentinus in hac quiescit vrna,
Boiorum decus, atq; triumphus splendor,
Et docior quoque Principum suorum.
Natus qui nisi patriæ fuisset
Non tam patria laudam vigeret,
Nunc annalibus illa tam politis
Oras Teutonis inter vna fulget.
Nec tam patria dat viro nitorem:
Ipsi quàm patriæ vir est honori.*

HVLDRICHVS ZASIVS
Iurisconsultus.



*Tam Sophia Zasius, quàm Iuris doctor in arte
Sum bonus: hoc passim fama susurrat anus.*

M. D. XXXV.



HVLDRICVS ZASIVS CON-
stantiæ vrbe imperiali natus, Anno
M. CCCCLXI:

Suorum temporum Iurecos. toto orbe
celeberrimus:

Primò Constantiæ in patriâ, dein Friburgi
Brig. Curia Præfectus:

Pòst Iuris vtriusque Doctorum cooptatus
in Collegium:

In quo ipse interpretando, non viva solùm voce,
sed & præclarè scriptis Commentarijs quàm
plurimis: ac prætereà de Iure respon-
dendo, maximam sibi auctori-
tatem & gloriam passim
comparauit:

Academix & Reipub. Friburg. ornamen-
tum singulare:

Multis de eâ nominibus, ac præsertim instanran-
do Inre Municipali benè meritus:

Concessit Naturæ annum agens LXXIIII.
VIII. KL. XBR. Anno M.D. XXXV.

ETEOSTICHON.

Iosephi à Pinu.

Aetheris ut superæ successit Zasius arcis:

Eòs armigeri conspicit astra Iouis.

Sebast. Scheferi.

Iuris honorati Zasius celeberrimus auctor,

A nece correptus, Terra valeto, sonat.

IN VDALRICVM ZASIVM IV-
recos. Epigrammata.

CONRADI CELTIS.

*Zasi Friburgi non minimum decus,
Quà leta surgit Priscia collibus:
Qui vite amicti, nec remotam
Herciniam speculantur atram,
Te Phoebus alto pectore possidet:
Qui culta proferens carmina barbito,
Et vatibus cunctis amicus,
Quos rigat amne strepente Rhenus.
Tu Iura nobis optima proferes.
Leges reformans, & veterum bonos
Mores reduces cum seüero
Omnia pacificans honore.*

NICOLAI FREIGII.

*Quàm pressim doctâ depictus Zasius arte est:
Tam regis ingenium cane capille virens.*

IO. THOMAE FREIGII.

*Corpore crassus eras: sed mentis acumine Zasi
In summo sacri vertice Iuris eras.*



IOANNIS FICHARDI.

Arduum iactant velut Alciatum

Gallia: iactat Marium superba

Roma: Germanis ita regnat vnus

Zasius oris.

Zasius clarum iubar ille legum:

Zasius linguae decus & Latina:

Zasius praestans studijs quibus suis

Inclytus heros.

RICHARDI SBRVLII FOROIVLANI.

Quid sequeris balbos, pubes Germana, magistros,

Quum sit natali turba disert a solo?

Quid tibi cum Scythicis, proles genrosa, colonis?

Quum tua Romanos patria fortis alat.

Ah pudeat tristes luci praeferre tenebras:

Ah pudeat Glaucam praesue nolle deam.

Vt sileam multos, tibi Zasius optima tradit

Quaque: decem tabulas explicat ille virum.

Somnia non vobis, folium legit ille Sibylla:

Tullius eloquio, legibus ille Solon.

Quid plus eloquio? quid vos plus legibus ornet?

Hac duo praecipue quemque beare volent.

Zasius & calamo vos, & sermone iuuabit:

Siue domi cupitis vivere, siue foris.

GERVASII SOPHERI.

Nestoreos viuat Zasius ter maximus annos:

Cæsarei Iuris quo duce castra vigent.

Afferit à cacâ Phoebus caligine terras:

Legales tenebras lux Zasiana fugat.

Noxia pallentis mundo deliquia Solus:

Deficit hic legum Sol grauiore malo,

MATTHAEI GRIBALDI.

Doctus maximè, & optimè disertus

Leges restituit suo hic nitori,

AEG. PERIANDRI.

Candor Iuris, amor nouem dearum:

Versu blandulus ac decorus: ingens

Phoebi gloria: lux politioris

Aetatis, simul & decus futurae.

HIERO. TREVTLERI.

Zasius ille Themis nobis qui reddidit arte,

Iudicio, scriptis, dexteritate potens:

Ni modò morte Themis nostro rursum auferat orbi,

Aequius omniscij fata ferenda viri.



ANDREAE ALCIATI.

*Non te mors rapuit, neq₃ virtus interit vnquam:
Sed tua viuit adhuc gloria, viuit honos.
Iam te Acraea senem eripuit, cœlog₃ locauit:
Vt superûm assessor nunc quoq₃ iura colas.*

N. FREIGII.

*Asius hic fatis, æternum nomine notus,
Condor, & id donis Iustiniane tuis.
Ixiinus: at victum licet, ad metam usq₃ recursam
Posteritas lato nos tamen orbe canet.
Vni quis eris nostri non immemor ergo, supremum
In cineres nostros dicito dulce vale.*

VVOLFGANGI HVNGERI.

*arbariæ sacras leges Astræa videbat
Vndique compleri, & nexibus immodicis:
ate, ait, i Zasi vindex: hic pluribus annis
Luctatus, monstrum victor vtrumq₃ domat.
ictorem cœlo mater relocanit, & omni
Europâ æternum fecit habere decus.
utre sui corpus Legislatoris humantes
Hoc grati ciues composuère loco.*

EIVSDEM.

*Asius hic situs est, cuius schola Iureperitos
Tot dedit, armatos Tros quot equus Danaos.*

66
BERCHTHOLDVS HALLERVS
Theologus.



*Me docet Agrippina Colonia: Berna docentem
Audijt hinc veri cœlica verba Dei.*

M. D. XXXVI.



BERCHTHOLDVS HALLERVS
Helvetius, anno M. CCCCXCII.

natus,

Magni vir ingenij, magnæque industriæ:

Præter cæteras Germaniæ Academias.

Coloniæ Agrippinæ studijs in-
primis delectatus:

Primâ in Theologia laureola ab ea
donatus:

Pòst in patriam reversus, Bernæ primò Cano-
nicus, deinde Concionator electus:

Colloquio de religione habito publico Bade-
nis bis cum Pontificijs doctoribus
Eccio & Coldio:


Primus Evangelicæ doctrinæ in patria ample-
ctendæ suasor & persuasor,

Cum Huldriccho Zvvinglio collega:


Repub. Christiana constituta.

Magno sui desiderio omnibus relictò.

Præmatura morte obijt, anno Aetatis
XLIH. P. S. M. D. XXXVI.




DESIDERIVS ERASMVVS
Roterodamus.



*Quid Batauos rides? Batauis sum magnus Erasmus:
Magnus & ingenio, magnus & eloquio.*

M. D. XXXVI.



DESIDERIVS ERASMVVS ROTERO-
damus Batauuſ, natus anno
M. CCCCLXV.

Ab Alexandro Hegio doctore primis ſtudioꝝ
Dauentriæ poſitis rudimentis:

Colophone dein Lovanij, & Cantabrigiæ, &
Bononiæ feliciter his impoſito:

Sac. Theol. Doctor Taurini creatus:

Ob incomparabilem in omni diſciplinarum ge-
nere eruditionem, & inexhauſtam ingenij
vbertatem, pari coniunctam elo-
quentiâ & prudentiâ:

Quam immortalem ſibi editis lucubrationibus
innumeris comparavit, iſt tantisper, dum
orbis ſtabit, ſuperſturus, ac eruditis
vbique gentium collocuturus:

A ſummis Pontificib. Cæſarib. Regib. atque
Principibus orbis Chriſtiani ſummè
expetitus, atque honoratus:

Phoenix Germaniæ:

Omnibus modis vir maximus: & ob ingenij
morumque ſuauitatem verè *εὐχόμενος*,
ac planè potiùs Deſideriuſ:

Obijt Septuagenarius Baſileæ, cuius ille hoſpi-
tio vrbiſ in primis maturâ ætate
delectatus fuerat:

Anno M. D. XXXVI. Eid. Iul.

70
IN DESID. ERASMV
Rotterdamum.

EPIGRAMMATA.

A N O N Y M I.

*Roterodama mihi tellus, natalis origo:
Non postremi inter Batavas hinc nominis vrbes:
Me celebrant clarum fama praedonia magna:
Barbaries per me cessit quod finibus exul:
Diuinis dedecrim quod lucem rebus amoenam,
Et Latij imbuerim linguas sermonis honore.*

O. M. S.

*Eximij famam celebrem quis nescit Erasmi?
Teutona quo tellus ciue superba fuit.
Cui viuo triplicis manabant flumina linguae:
Cum docto poterat qui Cicerone loqui:
Illius est studio studijs sua reddit a rursus
Gloria, quae cæto mersa fuere diu.
Plurima de rebus magnis monimenta reliquit:
In toto Aonijs quæ legit orbe chorus.
Illius hæc vultus monstrat tibi charta: sed ipsos
De doctâ melius consule mente libros.*

EVRICII. CORDI.

*Seu sit hic Ebræus, seu Græcus, siue Latinus:
Tot linguas vno (quis putet?) ore sonat.*





E I V S D E M.

Quando nouas docto laudes conarer Erasmo:

Ridens auriculam traxit Apollo mihi:

Et quid, ait, tentas? tua plectra misselle reconde:

Aoniam supra vir volat ille chelyn.

Nulla isti: scintilla potest dare lumina Soli:

Omnia qui radijs lustrat opaca suis.

Arduus adiecta micâ non surgit Olympus:

Paruula tam pandum nec mare gutta iuuat.

Hunc sua iam pridem vexit super athera virtus:

Liuida seu nolit, seu velit inuidia.

GILBERTI DVCHERI.

Debent multa tibi lingua Græca atq; Latina:

Illustres operâ, conspicuaq; tuâ.

Debent multa tibi sacri simul atq; profani

Auctores, vitæ redditæ ab interitu.

Vt numero dicam, longâ quod dicere possem

Iliade, hinc debent omnia multa tibi:

Sancta redemptoris quod Erasme ad dogmata Christi

Verum iter humanis omnibus esse studes.

HIERON. TREVTLERI.

Græcia cum Latio Batavis concedite palmam:

Nec quis erat vobis qualis Erasmus erat.

Quem quantum pleno quisquam laudaverit ore:

Hoc vnum potuit dicere: Erasmus erat.

IANI VITALIS.

*Lubrica si tibi mens fuit, & spinosior aquo,
 Ingenium certè nobile Erasme fuit.
 Felix, si mistas labruscas dulcibus vuis
 Prodiga defisset vinea ferre tua:
 Barbarie è mediâ præclarum sidus haberent,
 Et te Varronem tempora nostra suum.
 Hanc tamen inscriptam his titulis posuere columnam:
 Iactura hîc laudum publica facta fuit.*

IOAN. LATOMI.

*Teutona terra suum quum miraretur Erasmus:
 Hoc maius, potuit dicere, nil genui.
 Quippe deos inter, cælo ridente, relatum
 Ipse suum dixit Iupiter esse genus.*

IOAN. STIGELII.

*Ingenium fueras tantum sortitus Erasme:
 Vt tibi vix tulerint secula multa parem.
 Multa reliquisti, sacrâ dignissima cedro:
 Plura tamen poteras, & meliora dare.
 Da veniam iuueni, si quid post funera sentis:
 O quantum est vti munere posse Dei.*

THEOD. BEZÆ.

*Ingens ingentem quem personat orbis Erasmus:
 Hæc tibi dimidium picta tabella refert.
 At cur non totum? mirari desine Lector:
 Integra nam tantum terra nec ipsa capit.*





ἡμῖσιν τῷ παντὸς πλεον εἶν' Ἀσπραῖος εἴπειρ.
ἡμῖσιν δ' ὡς οἶμαι τῷ το λογισάμενος.

C. VRSINI VEHLII.

*Incipiant omnes certatim, & nomen Erasmi
Laude vehant: illis quantumvis diuite venâ
Pectus abundârit, duplicisq; opulencia lingua
Mânet inexhausto sermonis flumine docti:
Inferiora suâ dixisse cupidine cernes:
Quum maiora suis cantârint viribus omnes.
Plurima sunt dicenda viri monimenta: benigni
Tum mores: niueæ tum candor, & aurea vitæ
Norma, decor, Charites, mens dadala, mellea Peithô.
Dein fortunati verè nimiumq; Bataui
Nomine seu tanto, potius seu numine diuûm:
Postremò sibi Rotrodami præsignis alumno
Quàm benè præsentis Germania iusserit eui
Cedere Romanos scriptores, cedere Graios.
Ista canant, centumq; alias per carmina laudes,
Quorum Picrius Smyrnæ calor æquat alumnum
Pegaseum manant qui nectar, & Attica mella.
Ipse autem artificem post illa tacebo secutus:
Atridæ moestos nequît quum pingere vultus
Nauiter, iuducto rexit qui cætera velo.*

In obitum eiusdem.

H. EOBANI HESSI.

*Exinium fato functum lugemus Erasmus:
Hoc duce qui Musis addita turba sumus.*

IVLII CAES. SCALIGERI.

*Tu né etiam moreris? ah quid me linquis Erasme
Antè, meus quàm fit conciliatus amor?
Tu né etiam? cui tam parvus fuit orbis, ut alta
Expleres mentis flumina torua tua.
Ergo sidereis postquàm est subuecta quadrigis,
Atque Dei lato lingua recepta sinu:
Ille ego, qui insana ridebam vulnera mortis,
Conditâq, Aetna à tela trisulca manu:
Ad quodvis stupeo momentum, ac territus asto:
Maxima quum videam numina posse mori.*

IOAN. STIGELII.

*Perdedit ereptum, Musarum munus, Erasmus:
Perdedit hei quantum Teutona terra decus.
Quo moriente ferunt Clarios cessasse liquores:
Et tremuisse altis totum Heliconæ iugis.
Nemo roget causam, quam vesper nouit & ortus:
Cuius erit testis nescia fama mori.*

IOAN. SECVNDI.

*Defunctus vitâ, longiq, laboribus aui,
Hac situs est tandem doctus Erasmus humo:
Quem licet in serâ rapuerunt fata senectâ,
Et vita saturum sopiit alta quies:*

Nos tamen hunc, velut immaturo funere raptum
 Flemus, & effusis diffluimus lacrymis.
 Ille igitur perijt: & quondam illa illa diserta,
 Et dulci manans nectare lingua tacet:
 Ingeniumq; sagax, & amans virtutis & equi,
 Omnia sub paruo condita sunt tumulo.
 Illum igitur canos virtus lacerata capillos,
 Et Charites lugent, luget & ipsa fides:
 Collectasq; rosas Permessi ad flumina nymphæ
 Inspergunt sacro Pierides tumulo.

GILBERTI COGNATI.

Magnus Roterodamus ille noster,
 Hæc quo secula neminem tulerunt
 Maiorem, neque prisca clariorem
 Nôrunt tempora, nec cui futura
 Parem posteritas habebit: ecce
 Sub hoc marmore mortuus quiescit,

VITI COPPI.

Lacrymarum, te rogo, iam siste riuiolos
 Viator, & dulcem quietem floribus
 Orna, Sabæo tumulum flore confouens:
 Vixi satis: fati peregi tempora:
 Non ocio, sed duris me laboribus,
 Vnus quò plurimis prodessem, subdidi,
 Sic docta primùm bella gessi Palladis:

*Vt me ducem mirata sit Germania,
Suum me sæpiùs Ciceronem dictitans:
Tandem sacris sum litteris immortalus.
Hac fata lege subire, an non est vivere?
Rude donari, nisi forsit an mori putas.*

SIMONIS VALLAMBERI.

*Hoc quanquam tumulo mortale cadaver Erasmi
Mors claudis, id fermè est nihil.
Non huius virtus, spes, fama, scientia possunt
Claudi: quid, ô Mors, hîc habes?*

DIDACI PYRRHI.


*Postquàm importuno sato consumptus Erasmus
Desijt humanâ conditione frui:
Romani periére sales, periére lepores:
Et periére omnes delitia, & Veneres.
Et periére nouem decimâ cum Pallade Musæ:
Et perijt blandis Gratia mistâ iocis.
Et sic vnus perierunt omnia morte:
O grauis, ô doctis mors lacrymanda viris.*


IOAN. MORELLI.

*Corpus humo, superis animam, dat nomen in æuū
Rtx, Pietas, Virtus ROTERODAME tua.*

GEORGII FABRICII.

*Viuentem quem vix immensus ceperat orbis,
Clauditur exiguâ Roterodamus humo.*





*Non armis tantum peperit Germania laudis:
Quantum tu calamo, maxime Erasme, tuo.*

IOSEPHI A PINV.

Eteostichon.

*Lustra peracta vbi bis septena recenset Erasmus,
Lucifera è terris cecit in astra senex.*

IOANNIS SCHOSSERI.

In Terminum Des. Erasmi
Roterodami.

*Termine diuorum, quo non constantius alter
In Capitolinâ restitit arce Ioui:
Quid facis, ut clypeo modò continearis Erasmi,
Quum tua iam pridem templa fatiget humus?
Quæq; locum summo non concessere Tonanti
Membra, ruinoso pondere terra premat?
Scilicet ut nulli superûm tua cecit imago,
Ignea nec manibus qui iacit arma Ioui:
Sic decus & clari laus immortalis Erasmi,
Non aliquem, cui nunc cedere possit, habet.
Huius enim cunctas excedit gloria metas:
Fulget & in docto non superanda choro.
Hunc velut ætherium coluit Germania numen.
Quàm Desiderij nomina iurè tenet.*

HENRICVS CORNELIVS AGRIPPA
Med. & IC. EQV.



*Sanguine clarus Eques; Medicus Iurisq; peritus,
Et Sophus, & pariter sum Magus arte potens.*

HENRICVS CORNELIVS AGRIP-
 pa ab Netresheym.

Armatae Militiae eques Auratus: Iuris vtriusque
 & Medicinae Doctor:

Carolo V. Cæs. Aug. à consilio & archiuis
 indiciarius.

INTER DIVOS *nullos non carpit Momus:*

Inter heroas monstra quoque insectatur Hercules:

Inter dæmones, Rex Herebi Pluto irascitur
 omnibus vmbis:

Inter Philosophos ridet omnia Democritus:

Contrà deflet cuncta Heraclitus:


Nescit quæque Pyrrhias:

Et scire se putat omnia Aristoteles: Con-
 temnit cuncta Diogenes.

NVLLIS HIC PARCIT AGRIPPA:

Contemnit, scit, nescit, flet, ridet, irascitur, in-
 sectatur, carpit omnia,

Ipsè Philosophus, dæmon, heros, Deus
 & omnia,



IN HENRICVM CORNELIVM
Agrippam EQ. & IC.

Epigrammata.

ANONYMI.

*Quem tibi subijciat spectandum hæc pagina, quæris?
Cornelius facie talis Agrippa fuit. |
Ingenio quantus fuerit, quantum ore disertus,
Si vis scire, libros consule, certus eris.*

HIERON. TREVTLERI.

*Os tumidum, crassæq; inter Vaga lumina nares,
Nec monstri absimilis tota figura tua est,
Naturæ iam si qua fides adhibenda magistris:
Ignoret fraudes ecquis Agrippa tuas?*

MARII CELSI COLENTINI.

*Cur siluas traxisse ferunt, cur flumina fingunt
Orphea Threicio detinuisse sono?
Tartareosq; duces fidibus mouisse canoris,
Eumenidasq; feras, tergeminumq; Canem?
Saxa Cytheronis Cadmeæ in mœnia dicunt
Cur Amphioniâ spontè coisse lyrâ?
Agrippæ facunda docet te pagina lector,
Quæ posset matres flectere Strimonias.
Prætereà Oceani fluctus tibi monstrat ahenò
Exiguo clausos paruulus iste labor.*

M. AVRELII.

*Vt tua Corneli Pallas, tuas maxima virtus
Afflat Apollineo pectus amore meum.
Non aqua, non ignis nostro sic utilis ævo:
Vt sunt Pierij fœdera sancta gregis:*





Luminibus serô fors obtulit invida nostris
 Tot bona: tot nobis interiere dies.
 Corrigitur dulci iactura grauiſſima fructu:
 Est vetus à longâ mos properare morâ:
 Tarda sibi validas acquirat gratia vires:
 Vincamus stabili tempora prisca fide.

HILARII BERTOLPHI LEDII.

Solo nomine iam recens Agrippæ
 Audito mihi, protinus per omnes
 uro, numina sanctiora, Musas,
 vero verius esse, quod bonarum
 Sed si quis bene nôrit his abuti)
 Iugarum cecinit parens Homerus:
 εἰς τοὺς γὰρ ἀνὴρ, ut inquit, ἀνδρῶν
 ὅς τ' ἀντ' ἄξιός, addidit ὃς, πολλῶν:
 usim his addere nunc & ipse, πάντων.
 Sed quum nobilitas libens Agrippam,
 Quamquàm nobilis est sat ipse per se,
 acundâ mihi buccinatione,
 t' ὃς, ars, cura, fides pares in illo
 tertent, colligis: Ingeni genî ὃς
 i præstans, adeò boni feratur:
 Te mi secula quis vetustiora,
 Tec cantet medicos diu celebres:
 inc sint: Hippocrates abi: Machaon
 randi cum Podalirio faceſſat:
 antum non simul ô Apollinare

Hinc te numen ad Insulas beatas,
 Maternam nisi mens adire Delon,
 Legarem: nisi tam potens praesses
 Ex aequo medicis quibusque vatibusque:
 In quibus omnibus emicans Agrippa est:
 Ceu tu sidera quum minora condis,
 Nedum vel superat, vel aequat omnes
 Modis omnibus & recentiores,
 Modis omnibus & vetustiores.
 Da mihi secula iam recentiora,
 Cerno bis medicos beatiores:
 Iam Copus, Linacrus, Ruelliusque
 Adsurgent (mihi dicat haec Apollo)
 Cedet mirificus Leoniceus.
 Adsurges (praestit hic Apollo vati)
 (Quid dicam omnia?) docte cum diserto
 Cedet Symphoriane Martiano.
 Cantet non Italus Leoniceum,
 Non Anglus Linacrum, nec ipse Copum
 (Erasmo licet audiente dicam)
 Germanus, merito licet celebres
 Inprimis alios: nec ipse iactet
 Gallus Campegiu Ruelliumque:
 Si qui sint alij, supersedendum est,
 Iis quos barbaries recondit atra,
 Et damnat tenebris latebricosis:
 Et damnat latebris tenebricosis.

HELIUS EOBANVS HES-
sus Poëta.



*Rex ego sum vatum: vatum Sol, Phœbus, Apollo:
Iesseæ fidicen maximus ille lyraë.*

M. D. XL.

HELIVS EOBANVS HESSVS

Tragocomi in Hassia natus anno

M:CCCCLXXXVIII.

Magna vi & animi, & corporis præditus:

Francobergæ primò in patriâ optimis

eruditus literis:

Ob ingenij, doctrinæ, virtutis præstantiam omnes

studiorum ERPHORDIAE conse-

cutus honores:

Quo in loco ipse publicè privatimque docendo

vt & NORIBERGAE, ac MARPV RGI, ope-

ram scholis nauauit eximiam:

Musarum & Gratiarum Alumnus:

Poëtarum seculi sui Princeps, adeoque *Εὐσεβὴς*

& Rex verè nuncupatus:

Multis præclaris ingenij sui elaboratis monime-

tis, in quibus, ceu gemma, eminet opus illud

Psalmorum Davidicorum verè sa-

cro sanctum:

Quo vel vno singularem sibi & spem gratiæ ac

nevolentiaë diuinæ comparavit, & admira-

tionem sui, ac caritatem reli-

quit posteris:

Morbo tandem consumptus tabifico:

Obijt III. Non. Octobris: Anno

M.D.XL. Aet. LII.

E T E O S T I C H O N.

Dicite Thespiades fletus, Elegeia luge:

Hoc Hesus saxo gloria vestra iacet.

IN HELIVM EO BANVM
Hessum Poëtam.

EPIGRAMMATA.

EVRICII CORDI.

Quisquis es, Hesiaci qui tot monumenta Poëta
Sub serâ quondam posteritate leges:
Non dubium est, aliquot merceris millibus, istum,
Talia qui scripsit, posse videre virum:
Scireq₃, qui vultus illi, moresq₃, fuerunt:
Et quò tam doctos protulit ille modos.
Ecce videt præsens, auditq₃, nec æstimat atas,
Quanta sub afflato numina corde latent.
Nullus honor sacro, nulla est reverentia vati:
Quisque faber precium cerdoq₃, maius habet.

E I V S D E M.

Noluit à quouis Magnus pictore, sed illo
Pingi, qui tali primus in arte fuit.
Sic summum summus vatem Durere magister
Exprimis: at brevis hoc horula pendet opus.
Interea nullum, cui cedunt omnia, tempus
Eximet, ingenio quod facit ille suo.

E I V S D E M.

Vidit ut horrentem barbâ sacra Pieris Hessum:
Plus, ait, hoc Getici eultor es ore Dei.
Te tamen hirta nihil vultus truculentia terret:
Quæ sequor ingenium, respicioq₃, tuum.

E I V S D E M.

*Qui semel Hesiaci perspexeris ora Poëta:
Non cuius quares hæc sit imago viri.*

IACOBI MICYLLI.

*Hesi Poëta si quis effigiem cupis
Veraq; vitæ cernere aliquam imaginem:
Saltem illius licet legas epistolas,
Quietis & secretiorum interpretes.
Nam nullius ita faciem Apelles pinxerit,
Aut ora speculum obuersa sic retrò refert:
Vt certa mentis est imago oratio.*

A N O N Y M I.

*Qui fuerit vati vultus, dum viueret, Hesso:
Expressit tabulis ingeniosa manus.
Magnum opus ingenij magno celebratur in orbe:
Quo melius mentem pingere nemo potest.*

IOANNIS STIGELII.

*Hæc est Hesiaci grauitas non improba vatis:
Vtraque quem notum regia Solis habet.
Quem stupet Elysij cantantem Naso sub vndis:
Cui dolet Andinum numen inesse Maro:
Itala quod debet tam multis terra Poëtis:
Hoc debes Hesso Teutona terra tuq.*

HIER. TREVTLERI.

*Hunc nisi iam nôris celebratum carmine vatem,
Consule Iessæ fila Latina lyra.
Vt quis fortè pium vario nunc syrmate cæptum
Ringat, amo studium: primus at Hesse manes.*

Libri pictura ingenij.

IOAN. LAVTERBACHII.

Pictura mentis è libellis noscitur.

*Rex inter vates Germanos Hæssus, honestum
 Cui magno Phæbus nomen honore dedit:
 Simmichiden voluit Latio sermone Poëtam
 Qui cum Germanis, Mæonidenq₃ loqui.
 Corporis et vultus docet hac in imagine formam:
 Artificis pinxit quem tibi docta manus.
 Mentis & ingenij gaudes cognoscere formam?
 Ars dare pictoris quam tibi nulla potest:
 Pastores, silvæ, Psaltes, Heroides, arma,
 Hæssus quæ Nicro victor ab amne tulit:
 Icones, elegi, præcepta salubria, threni,
 Simmihides, Salomon, Mæonidesq₃ dabunt.
 Ingenij melior non est pictura libellis:
 Ingenij è libris forma cuique patet.*

In eiusdem tumulum,

IACOBI MICYLLI.

*Quid stas, Viator? aut quid hîc circumspicis?
 Tumnlúmne vatis Hæssici?
 Cui nostra similem ætas virum nullum tulit,
 Nec fors futura vnquàm feret.
 Tumulum quidem vides, ubi ossa condita,
 Cinerisq₃ reliquiae iacent:*

*Sed mens supremum propter assidet Patrem,
Cui soli hic operatus fuit:
Vbi intuetur, quantum vbique gentium est,
Famæ receptaculum suæ.*

IOAN. STIGELII.

*Helius è viuis Eobanus ut exijt Hæssus.
Pierius siccis aruit amnis aquis:
Flumina fuderunt oculis manantia Musæ:
Fleuit & abiectâ mæstus Apollo lyrâ.
At Deus hunc rapuit terris, cœlog₃ locauit,
Cantet ut in Christi carmina blanda sinu.
Donec erunt Musæ, dum voluet sidera cœlum:
Carmine victuro nobilis Hæssus erit.*

GEORGII FABRICII.

*Hoc Eobane iaces tumulo: doctrina per orbem est
Nobilis. ô sacri fulgida gemma chori.
Multa tibi debent artes, & plurima linguæ:
Et tibi de Libani vertice palma venit.
Isaidæ iunctus, plectro modularis eburno:
Quæq₃ carent, reicis carmina, laude Dei.*

ADAMI SIBERI.

*Cuius et vnde venit mihi vox tam dulcis ad aures:
An docta ad tumulum Calliopea canit?
Helius hic vates Eobanus conditur Hæssus:
Non minor ingenio, Naso Poëta, tuo.
Delius hunc luxit: tristes luxere sorores:
Ardua Pimplæi quæ iuga fontis amant.*



Ipse Medusæi quem præpetis vngula fecit,
 Destituit liquidas aridus amnis aquas.
 Abstulit hinc illum Christus, cœloq; recepit:
 Iessæisq; pium vatibus inseruit:
 Sorte suâ felix vbi, quem dum vita maneret
 Cantabat, fruitur nunc propiore Deo:
 Sub pedibusq; suam cernit, sua carmina, famam,
 Tempore non vlllo deperitura, legi.
 Nam venit ingenio quæ laus, est sola perennis:
 Carmine quæsitum stat sine morte decus.
 Calliopæa refert hæc. ô carissime salve,
 Gemmatoq; vale digne cinis loculo.

IOACHIMI CAMERARII.


Hic situs est Hessus, patriâ tellure receptus:
 Quò redijt Domino se reuocante soli.
 Dum circum huc illucq; vagus fert seq; domumq;
 Quærit & Aonio præmia digna choro:
 Nonnihil ille quidem reperit: sed præmia Musis
 Huius nulla satis digna fuere viri.
 Nec potuere dari, neq; secula nostra tulerunt
 Tantum, etas Hessum nosset ut ista, boni.
 Gloria seravenit meritis, post fata superstes:
 Inq; dies melior fama sepulta redit.
 Et tamen ipse suæ cognouit nomina laudis,
 Audijt & tempus se celebrare suum:
 Cepit & ingerij de fructu commodæ viuus:
 Virtutisq; suæ crescere vidit opus.

*Sed maiora ferunt insignia scilicet anni;
 Viuentis cedens quos abit ante decus:
 Illi etiam eximia fama præconia mundus
 Hesso, donec erit splendidiora ferent.
 Hoc satis est. Hesi busto sepelitur in isto
 Corpus: in æthereâ spiritus arce manet:
 Per terras bona fama volat, speciosaq; laudis
 Nomina, Pieriâ testificata manu.*

IOAN. SCHOSSERI.

*Desine vocales iactare Cayster olores:
 Desine, Mantoâ qui fluis amnis humo:
 Desine qui Phrygijs erras Meander in oris:
 Debilis in vestro flumine cantat olor.
 Argutum tenuere magis Pegnesus, & vnda,
 Quas Lanus Hæsiaci torquet in arua soli.
 Nec non Tyrigetum nymphis adamat Hieras:
 Nobile Gymnasium cuius ad antra iacet.
 Non vnâ contentus aquâ resonabilis ales,
 In vario dulces eduit amne sonos.
 Dum Danaum Latia memorauit prælia voce,
 Prælia Dardanio perniciofa duci.
 Dum caput attollens ad lucida sidera cœli
 Diuinum sacro prodidit ore melos.
 Nunc etiam superum cœlesti sede receptus,
 Cantat Iessæ consona verba lyra:
 Inter & aligeros cœtus diuina canentes
 Obtinet inflexi gutturis arte locum.*

IOANNES LVDOVICVS VIVES
Philosophus.



*Per me, quam docui, Sapientia viuit: in illâ
Aeternum VIVIS viuit in orbe decus.*

M. D. XL.

IOANNES LVDOVICVS VI-
ves Valentinus, natione
Hispanus:

Sapientiæ illius veræ, non humanæ solùm,
verùm etiam diuinæ in omni vità
studiosissimus:

Quam & summâ cum laude eloquentiæ & virtu-
tis plurimùm illustravit, lucubrationibus
de eâ editis, & doctè prorsus, & ac-
curatè conscriptis:

Probatus vir industriâ, patientiâ, labore,
animi magnitudine:

Cuius immortalis famæ gloria, idque meritò,
quo ad sapientiæ cultum, in omne
ævum viuet perpetuò:

Magno sui desiderio bonis omnibus
relictò:

Obijt Brugis Flandrorum, Anno
M. D. XLI.

GEORGII FABRICII.

*Iudicio VIVES, sermonis flumine Erasmus,
Doctrinæ primas laude Budæus habet.*





IN IOAN. LVD OVICVM VIVEM
Valentinum Philosophum.

EPIGRAMMATA.

A N O N Y M I.

*Fortè puer latebris maternæ ubi prodijt alui,
Viues Puer, cecinisse olor Phæbo sacer
Dicitur: haud casso fatus sic omine. Viuis
Nam clara fama vivet æternum: Tethyn
Dum salsam auriferis vndis augebit Iberus.
Sapientiæ præcepta peruiuent tuæ.*

Perennat eruditio.

IOANNIS LAVTERBACHII.

Viuit superstes eruditus in libris.

*Hispanæ Viues clarissima gloria gentis,
Aoniæ Viues fama que luxq; chori:
Multa reliquisti postquàm monumenta superstes,
Ingenij multo parta labore tui:
Viuis, venturos vitæq; superstes in annos
Excultis viues clarus honore libris.
Viue diu, Viues, vitale superstes in æuum,
Ingenij viuunt dum monumenta tui.
Non moritur, vita viuit præsentè superstes
Ingenij viuus per monumenta sui.*

IOAN. LVDOVICI VIVIS
Tumulus.

*Hoc tegitur Viues tumulo, subsiste Viator:
Et presso pacis verba precare gradu.
Quin etiam costum, violas & thuris honores,
VIVI da promptâ debita dona manu.
Qui dum sic verbis rebusq₃ exornat ad vnguem:
Per non tentatas maxima quæque vias.
Nostra ætas vincit veteres, atque omnibus illis
Viuem, quem contrâ ponere possit, habet.*



*Parca ferox Viui vellet dum scindere filum:
Hos capiti assistens edidit ore sonos:
Corpore soluam: tua sed monimenta manebunt:
Namque horum potui iuris habere nihil.*




*Quis iacet hic? Viues: heu heu fata aspera, tantum
De tanto his etiam sumere Viue licet.*



*Doctrinae columen, decusq₃ vitæ
Viuem, ne tumulo hoc puta Viator
Condi, sed tenues soli fauillas.
Nam non mors violenta, non edaces
Ignes: non series vetusta secli,
Non vires chalybis licet potentis,
Non fluctus pelagi licet ferocis,
De vitâ poterunt tulisse Viuem,
Doctrinae columen decusq₃ vitæ.*

GVILIELMVS BVDAEVS IVRECOS.
Confil. Regius.



*Sol vtriusque vocor lingua Graeca atque Latina;
Haud satis hoc, Iuris Sol vtriusque vocor,*

M. D. XL.

GVILIELMVS BVDAEVVS LV-
tetia Parisiorum, celebri literarum
domicilio natus, & edu-
catus:

Cùm Græcæ, tùm Latinæ linguæ cognitione,
omnium non modò Galliæ, sed totius
etiam Europæ longè erudi-
tissimus:

Ciuilis in primis sapientiæ & Iurisprudentiæ
laude celeberrimus:

Senator Regius, supplicumque in Regia
Libellorum Magister:

Quum perennem spectaret landem, & rei famili-
ris fortunas, honoresque aulicos, ingenio
suo, & speratâ gloriâ multò ar-
bitraretur viliores:

Sexagintâ ampliùs annis in ocio literario
consumptis:

Ita vt summæ eruditionis libro de Assè, alteroq;
in Pandectas edito, ac infinitâ demû lectione co-
fectis Commentarijs vtriusque Linguæ, nul-
li communicatâ laude, æquales omnes
doctrinæ auctoritate su-
peraret:

Morum prætereâ sanctimoniâ, & vitæ incul-
patâ insignis innocentia:

Piè tranquilleque vitâ excedens, abdicatis tes-
tamento priùs omnibus prorsus fune-
ris & tumuli honoribus:

Fato functus est, noctuque tumulatus, Anno
M. D. XL. Aet. LXXIII. D. XXII. Augusti.

IN GVILIELMVM BVDAEVM
Iurecos. & Consil. Regium.

Epigrammata.

IANI VITALIS.

*Qui sanctum simul, & simul disertum
Exquiris sapientiæ magistrum;
Vltrà quid petis? hîc iacet Budeus.*

IOAN. LATOMI.

*Budeus columen decusq; Graiûm:
Budeus Latiae coronâ linguæ:
Budeus dubij lucerna iuris:
Budeus pater elegantiarum,
Et fons totius eruditionis:
Budeus patriæ iubar coruscum,
Regis delictum sui, suæq;
Tempestatis honos, lepos, voluptas:
Hîc terræ exuias reliquit, orbi
Famam, astris animam. Viator, ito.*

M. SALMONII.

*Budeus voluit mediâ de nocte sepulcro
Inferri, & nullas prorsus adesse faces.
Haud factum ratione caret: clarissima quando
Ipse sibi lampas, luxq; corusca fuit.*

MATTHAEI GRIBALDI.

*Budeus, pater elegantiarum,
Ne Galli inuideant, facit, Latinis.*

IOAN. IACOBI BOISSARDI

*Gallia, discе bonas artes, quęis Grains abundat:
Hic Gracè est per quem tu doceare loqui.*

THEOD. BEZAE.

ὁστις Βυδαῖον γλώσσης ὀνομάσαστο φοῖβον
ἀμφοτέρως, ὀρθῶς φοῖβον εἶπε μάλα.
ἄξια δ' ἦν εἶπερ. μείζων γάρ κ' ἡελίοιο,
ὅς θνητοῖσι φάος καὶ κατὰ δὺς παρέχει.


IACOBI MICYLLI.

*Maximus heu fato rapitur Budeus iniquo:
Budeus patria gloria summa sua
Cui similem toto vidit nec Sequana regno:
Nec Rhodanus quantis circuit arua vadis.
Scilicet Argolica potefecit hic atria linguae:
Omniaq, à proprijs fontibus hausta dedit.*

IOSEPHI à PINV
Eteostichon.

*Occubuit clarus fato Budeus iniquo,
Astraea in casta Sole sedente sinu.*

THEOPHRASTVS PARACELSVS
Medicus.



*Inuentum Medicina meum Paracelsica: mysten
Me quoque sacrorum tot sacra scripta probant.*

M. D. XLI.

G 2

AVREOLVS PHILIPPVS THEO
phrastus Paracelsus, natus anno
M.CCCC.XCIII.

Medicinæ vtriusque Doctor inclytus:

Quam Basileæ annis aliquot publico stipendio
maximâ cum admiratione professus est:

Primus Novæ ac spagiricæ auctor Medicinæ:

Quam Archidoxis Theophrastiæ, alijsque libri
editis propemodum infinitis, longè la-
teque disseminavit:

Qui dira illa vulnera, Lepram, Podagram, Hy-
dropisim, aliaque insanabilia corporis
contagia, arte sustulit mirificâ:

Quin & Commentarijs in sacros libros, & præ-
terea quibusdam dogmaticis, post se re-
lictis passim cognitus:

Eremiticæ Sectator vitæ:

Suus, quàm alterius, esse desiderans:

Quum bona sua in pauperes distribuenda col-
locandaque ordinasset:

Fine optato, annos natus XLVII. vitam cum
morte commutavit: Anno Christi

M. D. XLI. Septembris
die XXIIII.



IN THEOPHRASTVM PARACEL- sum Medicum.

EPIGRAMMATA.

Anonymi.

Corpore talis erat Theophrastus is alter Apollo:
 Haud feret Appelles, pectore qualis erat.
 Ipse lepram, phtisin, podagram, hydropem abstulit: ipse
 Hermes ceu, dium fundere nouit Asoph.
 Doctor doctorum doctissimus, arte medendi,
 Qualibet ac Sophia, quam Philotechne colis:
 Hunc relege, & normas Paracelsi cum Paramiro
 Disce: eris hinc omni tutus ab interitu.
 Nunc cape per canones Theophrastum cum Paragrano:
 Erronum neuos non imitare tetros.
 Hunc sequere, & nugas Galeni cum Microtechna,
 Et Labyrinthæis linque relinque libris.
 Hunc Lyra mireris, Ptolemæ hunc, hunc Stagirita,
 Bartole siue legas, siue Auicenna legas.
 Huic adpicta vides, nostro benè congrua seculo,
 Fatidico quondam qua dedit ipse sono.
 Ecce sinister ibi Doctorculus orbus oculo est,
 Gemmam aurumq, gerens, hunc quoq, vincla gerunt.
 A dextris Medicos Rediuiue librosq, schedasq,
 Tam laceras propter dogmata manca stupes.
 Post insigne notat tacito multa abdita sensu:
 Per duplicem mundi spherulam, & octo cruces.

Orbibus affixos flores perpende sacratos:
 Cur trifida in medio cœlica gemma nitet?
 Ad latus omne pias cernis, dicta aurea, voces:
 Perpetuò has viuens pectore & ore tulit.
 Hoc duce Naturam atq; Deum sectabimur vros
 Doctores, animum non vagabunde tuum.
 A Ioue principium, medium, finem quoq; duxit:
 Commisit soli seq; suosq; Deo.
 Directam ipse suis sacra Biblia fixit amissim
 Scriptis: quæ mentis sint monimenta pie:
 Sub quorum æthereos perspexit cortice fructus:
 Qui fructus oculos non latuere suos.
 Deniq; Naturæ penetralia nouit alumne:
 Quod de Alazothe, Sale & Sulphure cuncta creat.
 Quatuor hinc doctâ benè condidit arte Columnas.
 Omnibus has posuit, saxeæ fulcra, Sophis:
 Singula quò scitu iucunda & commoda nobis
 Non dubiâ fierent obuia plana fide.
 Pharmaca nulla fide, sed sensu vera probauit:
 Et si animæ constet speq; fideq; salus.
 Fidus enim à morbis populosq; ducesq; Machaon
 Ipse Machaoniâ sæpè leuauit ope.
 Quid moror? hic doctus, verax, minimeq; superbus
 Pauperibus gratam ferre paratus opem:
 Candidus & iustus, tum castis moribus, alma
 Integrum vitæ ritè peregit iter.
 Ergo vipereo Theophrastomastiges ore
 Innoceum nocui ne lacerate virum.

*Lumine pro tanto, Medico sit gratia summo:
Ingenio is similes det Theophraste tuo.*


THEOPHRASTVS PARA-
celsus veritatis Amatori.

*Ille ego qui tantas infracto pectore curas,
Aerumnas, casusq₃ graues, durosq₃ labores
Exhausi, & crebro vigilatas ordine noctes,
Insanos aestus, immanis frigora Brumæ,
Insidias, structosq₃ dolos, & sæta periclis
Retia sustinui, dirisq₃ imbuta venenis:
Quum terras omnes, & quum maria omnia circū
Ignotas repetens calles, ignota viarum
Compita, præruptosq₃ aditus, imosq₃ recessus
Lustrarem, patrio latè seclusus ab ORBE:
Vt generi humano, toti q₃ ut sedulus orbi
Prodessem, leprasq₃ graues, dirasq₃ podagras,
Herculeamq₃ hydram, ac tetra contagia pestis
Hydropisq₃ almâ frenarem monstra medelâ:*

*Ille ego, cui Magni mysteria cognita Mundi,
Tectaq₃ qui densis Natura Arcana tenebris
Ante oculos, ante ora hominum cernenda locauit:
Terreno terras erumpens vase reliqui,
Aethereas repetens arces, sacrataq₃ templa,*

Hic ubi dijs mistus cœlesti perfruor aula:
 Interea & terris animi monumenta reliqui
 (Thesaurum ingentem) nostrū testantia nomen:
 Quin etiam illustri clarum de lumine lumen
 Accendi, radios totum quod spargat in orbem:
 Cernere quò possent, quantis erroribus acti
 Mortales, alto fuscant lumina somno:
 Hæc sunt, quæ terræ (sic dijs mandantibus) ipse
 Munera discedens dederam: pro munere rursus
 Quid tribuunt Roades, ingrata pondera terræ.
 Surgentem infestitentant extinguere famam,
 Deformi ut lacerent augustum vulnere nomen,
 Ah immane scelus: nostris non Manibus illi,
 Mec sacro parcunt cineri, extinctisq; fauillis:
 Lurida virosæ reuolunt conuitia lingua:
 Et rapti furijs, Lethen, Erebumq;, Stygemq;,
 Tergeminamq; sonant Hecaten, diramq; Megeram:
 Atque alias in me medijs in faucibus Orci
 Vltrices acuunt, toto conamine, belluas:
 Flectere dum nequeunt superos, Acheronta fatigant.
 Sed misera incassum luctatur turba: cerebrum
 Inuida nequicquam tenues consumet in auras:
 Fata obstant, altiꝝ Iouis veneranda voluntas.
 Sunt semel informes disiecti sede Gigantes:
 Tetraq; fulmineâ traiecit corpora flammâ
 Flammiger Idacides: iacet æternumq; iacebit
 Obrutus Enceladus, vasti qui pondere montis
 Aestuat, & patulis exspirat faucibus ignes.





Quid pergis vires vltra? quid mœnia VERI
 Ardua, sublimemq; arcum, firmasq; columnas,
 Tam leuibus pilis, tam fractis concutis armis,
 Quisquis es, & nostro tantum te opponis honori?
 Parce precor miles tibi tu mollissime parce:
 Si queris fragili deformem illidere dentem,
 Infringes solido, propriâ delusus ab arte.

Quin nec sola mei pugnant monimenta laboris,
 Nec sola in terris, nullis ducentibus, errant:
 Sed tuta incedunt validis stipata cateruis.
 Ecce etenim surgit præclaris sedibus ortum,
 Heroum genus, æterni Iouis alta propago:
 Quod nomen famamq; meam, laudemq;, decusq;
 Hactenus oppressum, totum diffundet in orbem:
 Diuitis ingenij sacrisq; tuebitur armis,
 Insanos morsus contra stimulosq; furentes:
 Hoc celsum celsâ Paracelsum sede locabit,
 Nomina perpetuis ornatum clara triumphis.
 Nec procul ista dies: video surgentis Eoo
 Claros Luciferi radios albescere cælo.

PETRI MORELLI.


ΕΛΛὰς ἐσαθρήσασα Θεοφρατῆ Παράκλῳ
 Εἰκόνα, τῆς φύσεως φράζεόμοι προσόλον,
 Καὶ παλαιῶν δὲ χρόνων μυστὰς κορύφωσον, Ἀθλῶν,
 Εὐρησεις τ' ἀναμῖξ εἰς ἐνὶ πάντας ἔμεν.

Τῷ νεκρῷ, Ἑλλάς, ἔχε τομα φιμόν. ὑπερβόρεός σοι
 ἀντ' Ἀναχάρσιδος ὡρ ἀντιπελαργεῖ δόλε.
 Τῷ δὲ μάθοις βιβλίοις γαίης νευθμῶνας ὀρύττειν,
 ΚαΨίδος ὑβανίης εἰσαναβῆναι ὄρη.
 Τῷ δὲ μάθοις βιβλίοις φύσειως ζωαρχνέα δῶρα,
 ὅφρ' ἐναερθίμιος ἥς μακροβίωρ σιωδέω.
 Τῷ δὲ κ' ἐφημοσύνη, πινυτῷ τ' ἀποφθέγματι παιδείας,
 ἢρ σὸς ἔμεν δύνῃαι, μὴ ἔσο ἀλλότριος.

GILLII PINAVTII.

*Gracia natura nunc contemplare ministrum,
 Quum Paracelsæam conspicias effigiem.
 Priscâ atate tuam quotquot coluere Minervam
 Græci: Germanus continet vnus homo.
 Alter Hyperboreâ hic Anacharsis prodijt orâ:
 Ingenio Argivas qui tibi pensat opes.
 Illius è scriptis scrutari viscera terræ,
 Excelsiq; potes scandere templa poli.
 Sicq; maritare huic terræ caelestia dona,
 Vt possis longos enumerare dies.
 Illius & dicto si non parère recuses:
 Alterius ne sis, qui tuus esse potes.*

SIMON GRYNÆVS PHILOS.
& Theologus Basiliensis.



*Quàm pius & doctus, tam suavis moribus exsto:
Mente probus, vitâ sanctus, honore grauis.*

M. D. XLI.

SIMON GRYNÆVS FERINGÆ SVI
uiæ oppido natus auno M.CCCC:XCIII.

In quo modestia, & morum suauitas singularis
cum pietatis & disciplinarum omnium
exactâ cognitione certauit:

Magni illius Melanthonis in scholâ Portæ
Herciniæ condiscipulus:

Philosophiæ Magister Viennæ Austriæ nuncupatu
Modis omnibus vir & laude, & memoriâ, ob lin-
guæ Latinæ, Græcæ, Hebraicæ peritiam, omnis-
que Philosophiæ ad miraculum vsque cogni-
tionem: & ob Theologiæ veræ scientiam
& vsum, dignissimus sempiternâ:

Quas ipse doctrinas passim in Academijs Vien-
næ, Vitebergæ, Heidelbergæ, Basileæ multis
annis publicè priuatimque professus est:
Multis egregiè Latinis & Græcis auctoribus
suo nitore & lumini restitutis:

Sibi ipse quidem satis longæuus: licet vigente ad-
huc ætate mortuus: vtpote cui nihil ampliùs,
quod disceret, superesse videretur:

Cæteris verò intempestiuè nimium ereptus;
quos scilicet, quò plura didicerat, eò do-
cere plura, vir iuuandis aliorum stu-
dijs natus, potuisset:

Obijt Basileæ ex peste, Cal. Augusti, anno
M.D.XLI. Aet. XLVIII.

IN SIMONEM GRYNÆVM
Theol. & Philos.

EPIGRAMMATA.

THEOD. BEZAE.

*Te quicumque Simon Grynæ aspexit, amavit:
Splenduit in vultu gratia tanta tuo.
Te quicumque Simon Grynæ audiuit, amavit:
Facundo fluxit tantus ab ore lepos.
Amplius at cur non audire & cernere fas est?
Scilicet hoc fati vis inopina vetat.
Immò fallor ego, nam sint paucissima quamuis
Ingenij nobis scripta relicta tui:
Te spectamus adhuc, te nos miramur in illis:
Aeternoq; manes dignus amore Simon.*

Suos Deus tegit.

IOAN. LAVTERBACHII.

Non deserit malis timentes se Deus.

*Iac fuit effigies celebris virtute Grynai:
Quem mirè Spirâ texit in vrbe Deus.
Quum blasphemata Faber docuisset Episcopus ore
Indigno, verbis longè aliena Dei:
Accedit cupidus placide conuellere dicta:
Eq; sacris hominem vera docere libris:
Colloquium metuens, fingit se à Rege vocatum:
Cras & ad hospitij tecta redire iubet.*

*Intereâ defert ad Regem labe carentem:
 Supplicijq, pio trux meditatur onus.
 Vix cœnæ, repetens socios, assederat, atque
 Colloquij breuibus dixerat ore scopum:
 Quàm prius excipiat liكتورum turba Gryneum,
 Vir canus celeri mandat abire fugâ.
 A socijs Rheni sic mox deductus ad vndam,
 Liكتورum Christo fugit agente manus.
 Deserit addictos nunquam Deus, eiq, periclis
 Præsidio clemens eripit vsque suo.*

MICHAELIS TOXITAE.

*Quis hic sit, Hospes, scire vis:
 Gryneus ille maximus
 Virtutibus, scientiâ,
 Vitæ probitate, moribus:
 Vtraque sub Solis domo
 Pjys amatus omnibus.
 Vin' plura dicam? Apollinis
 Decus fuit cognominis:
 Nunc ornat ætheris domos.*

IO ANNIS SAPIDI.

*Quæris, Simon Gryneus ille quis fuit?
 Attende, dicam: magnus ille vir fuit:
 Decreta Grammatices nihil nouit minùs
 Quàm Priscianus: tam propè eloquentiæ*

III

Ciceroniana accessit, ut nemo propius:
 Chrysippon exaquaui in Dialecticis:
 Non hoc Iopas melius increpuit Iyram:
 Numeri scientiâ τὸν αὐτὸν rettulit:
 Talis Geometer, qualis Architas fuit:
 Cognitionem habuit, ut Atlas, siderum:
 De moribus consimili Aristoteli modo
 Differuit & sapientiâ cœlestium:
 Non Plinio Physice priores detulit:
 Non cessit Hippocrati medendi indagine.
 Fuit alter Aurelius sacris in litteris.
 Iam quid sacra non attigit Pœseos?
 Quid est relatu dignum in historijs nouis
 Et veteribus, simulq; miscellaneis
 In lucubrationibus, quod nesciit?
 Linguis Palaestinâ, Latinâ & Atticâ
 Non aliter ac sermone plebeio vsus est.
 Sed quid opus est multis, fuit planè Hippias:
 Aut alter, aut vel preferendus Hippia:
 Grex disciplinarum cui paruit omnium:
 Quem luget extinctum meritò Cyclopadia:
 Sui colit Grynæi quæ tumulum sacrum,
 Vt Apollini huius nominis suum nemus.

IOACH. CAMERARII.


Condita Grynæi tumulo hoc sunt ossa Simonis:
 Qui tua vicinus flumina Rhene videt:

Hic ubi prateriens Basileam diuidis urbem:
 Quò de Danubij venerat ille iugis.
 Namque fuere huius patria oppida parua Feringæ:
 Nunc famâ ciuis magna sed illa sui.
 Heu dolor, hic nomen iacet illud Apollinis, & sunt
 Hoc sacra Musarum corpora tecta loco,
 Nam Grynæ tibi ingenuæ quid defuit artis?
 Quæ laus doctrinæ? quæ honor ingenij?
 Quod studium veri? quantus fuit ardor honesti?
 In primis sanctæ qui pietatis amor?
 Hæc nos amisisse dole, & lacrymare viator:
 Res caret hac magno publica morte bono.
 Tu viuis Grynæ quidem in cælo quæ, solo quæ:
 Verè ibi, nobiscum fama decusq; tuum.

IOSEPHI à PINV.


Eteostichon.

Grynæ es duro resolutus carcere carnis:
 Urbs Rheni iuncta est quæ Basileæ vadis.



ALARDVS AMSTELREDAMVS

Philosophus:



*Si Logicâ laus est præcellere in arte, Rodolphum
Par laus Agricolâ debita, meq; manet.*

H

ALARDVS AEMSTELREDAMVS
Belga:

Literarum Græcarum & Latinarum
peritissimus:

In quibus percipiendis Colonia ac Louanij
plurimum ei à pueritia fuit studij,
ac temporis:

Logicarum præsertim artium singularis
æstimator:

Quas postea in Academia professus Louanij,
scholis illustrauit doctissimis:


Multorum præterea Græcorum auctorum,
maximè Hippocratis interpres
egregius:

Operum Rudolphi Agricolaæ fidelis
explicator:

Felicem sui memoriam, ob multiplicem erudi-
tionem relinquens posteris:

Obiit Louanij Anno M. D. XLII

115
NICOLAUS COPERNICVS
Mathematicus.



*Quid tum? si mihi terra mouetur, Solq; quiescit,
Ac cœlum; constet calculus inde meus.*

M. D. XLIII.

H 2

NICOLAVS COPERNICVS

Torunæus Borussus, natus anno

M.CCCC.LXXIII.

Mathematicarum studijs disciplinarum
eruditissimus:

Aristarchi potissimum Samij Paradoxa
secutus:

Quum Terram mobilem, Solem in medio uni-
versi immobilem, non tam re & veritate,
quàm specie quadam, & saluandæ
doctrinæ suæ causâ, con-
stitueret:

Reuolutionum tabulis in lucem editis, vnâ
cum Canone Triangulorum:

Cæterà vir insigni pietate, virtute, morum
humanitate præditus:

Moritur Septuagenarius anno Salutis Chri-
stianæ M. D. XLIII.

Eteostichon.

Iosephi à Pinu.

Ex hoc excessit tristi Copernicus æuo:

Ingenio, astrorum & cognitione potens.

HIER. TREVTLERI.

Cedat Atlas humeris onus: hic succedat, & orbes

Aetherios humero fulciat alter Atlas.

Dulcius haud studium, duce quàm pietate, futuras

Astrorum cupidâ volvere mente vias.





IN NICOLAVM COPERNICVM.
NICODEMI FRISCHLINI.

*Quem cernis, viuo renitet Copernicus ore:
Cui decus eximium formæ par fecit imago:
Os rubeum, pulcriq³ oculi, pulcrique capilli,
Cultaq³ Apelleas imitantia membra figuras.
Illum scrutanti similem, similemq³ docenti
Aspiceres: qualis fuerat, quum sidera iussit
Et cælum constare loco, terramq³ rotari
Finxit, & in medio mundi Titana locauit.*

N. REVSNERI.

*Si par ille Deo est, oculis qui subiicit astra:
Ac loquitur purâ sidera mente poli:
Pares dñs meritò superis Copernice: magna
Cui fuit in superas scandere cura domos.
Ingenio stellas supponis & æthera docto:
Et cælum, & cæli pandis in orbe vias.
Felix ista dies, nato quæ prima resulsit:
Conspicitur caudâ quâ Leo nocte minax.*


BRVNONIS SEIDELII.

*Arctoo mea clara fuit doctrina sub axe:
Est vbi Sarmatico Prussia iuncta solo.
Ipse nouâ cæli motus ratione notauit:
Certior hæc priscâ regula nostra fuit.
Omnibus ac doctis hæc fundamenta probauit:
At mea te quadam num Paradoxa mouent?*

LEO IVDÆ
Theologus.



*Librorum interpres sacrorum fidus Iudas,
Nondum perfecto sanctæ operi immoritur.*



LEO IVDAE.

Inter Tigurinæ Ecclesiæ Pastores & Mini-
stros non postremus, annos
XIX. & amplius:


Veteris Testamenti libros Hebraicos, simplici
& purâ dictione, è sacra Hebræorum lingua, in
Latinam & Germanicam transtulit,
fide & religione sum-
mâ:

Obijt Tiguri iam senex, mole grandis huius
operis oppressus, Anno Christi
M. D. XLIII.

H 4



MARTINVS LVTHERVVS ISLEBIVS
Theologus.



*Pestis eram viuus, moriens ero mors tua Papa:
Inunc, & Christum, te, super ipse loca.*

M. D. XLVI.

Anno 16 B. 00.

Gott Kund Wundung.

Gott Diefenfelten.

Kuifur Diefenfelten.

Vingfem Diefenfelten.

ft mairfelig Diefenfelten.

Chriftlich Diefenfelten.

Chriftlich. Diefenfelten.

Im Chriften Diefenfelten.

Antoine von Salfungfem.
auf Diefenfelten.

Joannis Kosini Latecensis.

Musinus ex cupis scintillam, coepit

Sylbure, Lampas ab hoc orta Su,
Erasmus,
Ihere tibi est.

MARTINVS LVTHERVS ISLEBII MANS-
feldiæ Comitum natus, anno M.CCCC.LXXXIII.

Primis Magdeburgi & Isenaci imbutus literis:
Magister Philos. creatus Erphordiæ anno M. D. VIII.

Mox, anno insequente, quò magis Theologiæ
vacaret, Monachus ibidem Augustinia-
norum ascriptus ordini:

Quadriennio post, auspicijs Friderici Sax.

Elect. Vitebergam, ad sacras profiten-
dum euocatus literas:

Romam, componendis religiosorum dissidijs,
auctoritate ablegatus publicâ:

Sacros. Theologiæ, eodem post reditum anno
Doctor creatus:

Ac tunc demum, Romanâ inspectâ curiâ, Or-
thodoxæ religionis studio instaurandæ
incitatus maiore diuinitus:

Quam è tenebris in lucem primò eductam an-
no M. D. XVII. tum scriptis in publicum pro-
positis innumeris, tum liberâ semper profes-
sus voce coram Imperio Rom. vniuerso:

Formulâ tandem fidei Euangelicæ in Comitijs
Augustæ Carolo V. Cæs. Aug. publicè ex-
hibitâ, & ab eo confirmatâ:

Quem nec Regum aut Pontificum vis vlla, nec
Sophistarum innumerabilium fraus vn-
quam vel tantillum terruit:

Seculi sui Propheta vltimus: Auriga & currus Israel:

Obijt placidè in patriâ, ipso Concordiæ secum ad
cælum subuectæ die, xvii. Febr. anno M. D.

xlvi. Aet. lxiii. sepultus Vitebergæ.

IN MARTINVM LVTHERVVM

Eteosticha Ioan. Stolsij.

Annus natiuitatis 1483.

*Natus es Islebij diuine Prophetæ Lutheræ:**Religio fulget te duce, Papa iacet.*

Annus Magisterij Philof. 1503.

*Erfurdi iuuenis titulos capit vrbe Magistri:**Lustra sua ætatis quattuor acta colens.*

Annus Monachatus. 1504.

*Vana superstitio corpus iuuenile cucullo**Ornat: id omne tibi fraudi age Papa fuit.*

Annus Professionis Viteberg. 1508.

*Mittitur Albiorin, Christo auxiliante, Lutherus:**Quantus erat vates, gloria quanta scholæ?*

Annus Doctoratus, & peregrinationis Rom. 1512.

*Staupicij est iussu titulos Doctoris adeptus;**Vt trucis Italiæ venit ab vrbe Lupi.*

Annus Religionis instauratæ. 1517.

*Religionis opus cæno extrahis, auspice Christo:**Verax o dextro nixe Lutheræ Deo.*

Annus confessionis coram Caietano


Augustæ. 1518.

*Augusta Christum profitetur in vrbe Lutherus:**Non curans vultus, Præsul acerbe, tuos.*

Annus disputationis Lipsicæ. 1519.

*Eccius est iusti victus virtute Lutheri:**Disputat ut Iulij, Lipsia in vrbe, die.*





Annus confessionis in vrbe Vangionum 1521.

Cæsaris antepedes, proceres stetit ante potentes,

Accola quâ Rheni Vangio litus adit.

Annus Pathmi. 1522.

Carlſtadij obſurias ad Saxona tecta cucurrit:

Faucibus ex ſauis rursus ouesq; rapit,

Annus Matrimonij. 1525.

Seditio agricola ferro est reſtructa potenti:

Fœdera coniugij caſta Lutherus init.

Annus conuentus Marpurgici. 1529.

Marpurgi cœna Chriſti ferit acriter hoſtes:

Stabat ut à ſauis cincta Vienna Getis.

Annus confessionis Auguſtanę exhibitę

Carola V. Imp. 1530.

Auguſta ſtatibus fidei confeſſio cunctis

Propoſita eſt: Chriſti gloria lata redit.

Annus obitus. 1546.

Nona bis obſcuro lux Februa conſtitit ortu:

In patrio ut moreris, clare Luthere, ſolo.

De Eodem. Ioan. Stigelij.

Fortis & extrema verax ætatis Helias

Celſa pius cœli tecta Lutherus habet.

Adami Siberi.

Quæ genuit, rapuit te ſancte Iſleba Luthere:

Cælo animus fruitur: Leucoris offa tenet.

EPIGRAMMATA,
IN MARTINVM LVTHERVVM
Antichristi domitorem.

THEODORI BEZÆ.

*Roma orbem domuit, Romam sibi Papa subegit:
Viribus illa suis, fraudibus iste suis.
Quantò isto maior Lutherus, maior & illa,
Istum illamq; vno qui domuit calamo.
I nunc Alciden memorato Gracia mendax:
Lutheri ad calamum ferrea claua nihil.*

IOAN. MAIORIS.

*Lutherus Decimum confecit strage Leonem:
De clauâ noli quarere, penna fuit.*

IOAN. LAVTERBACHII.

*Magnum decus Pietas & Eloquentia.
Teutoniðum celebris pietate propheta Lutherus,
Thesbites zelo tertius, orbe suo:
Non pius humanis modò traditionibus, auctas
Restituit purgans relligionis opes.
Dum lucem tenebris prudens secreuit, & hostes
Confudit solitos bella mouere Deo.
Verùm idem docuit patrie quoq; gloria lingua
Germanos magnâ dexteritate loqui.
Hinc ingens meruit venturos nomen in annos:
Gloria relligio, gloria ritè loqui.*

E I V S D E M.

*Cœli columnæ sunt pij precatio.
In terras prono rueret ne pondere cælum:
Supposuit cælo brachia magnus Atlas.*

*Cum dulci rueret ne tellus Teutona pace:
 Suffulta est precibus, magne Luthere, tuis.
 Magne Luthere tuis precibus dum raptus abisti:
 Cum dulci tellus Teutona pace ruit.
 Doctor Atlas omnis sincerus vertice mundum
 Sustinet: effundit quum pius ore preces.*

GEORGII FABRICII.

*Vnius Christi certare & fidere verbo,
 Hac tua vis ingens, magne Luthere, fuit.
 Nemo erat afflictos solari mitior illo:
 Nemo repugnantes spernere maior erat.
 Ille malis hostis, dum viueret: ille verenda
 Bella sepultus adhuc pro pietate ciet.
 Si quæris tumulum, tumulum tibi Leucoris ora
 Monstrat: si mentem, mens viget alta Deo.*

HIERONYMI TREVTLERI.

*Multa tuli, docui, scripsi, patriaq; rerexī
 Post tenebras fidei lucidioris opus.
 Hic tamen, ut miseri pereant rixando nepotes:
 Gloria si qua mea est, gloria tota Dei est.*

E I V S D E M.

*Islebiꝝ natus, superis quoque redditus oris,
 Convellis tumidi regna, Luthere, Papa.
 Postera si sancti benè dogma secuta fuisset
 Turba ducis, iam nil fraus tua, Roma, foret.*

IOACH. à BEVSTH.

*In sua concessit quo tempore fata Lutherus,
 Mortuus est pura religionis apex.
 Mens it ad astra, die cui dat Concordia nomen:
 Lutherum in cœlum qua comitata redit.
 Huic quia successit lacerâ Discordia veste:
 Da populo Elia pallia Christe tuo.*


N. REVSNERI.

*Seu lucem Decio virgo Concordia passa
 Casare: Romanis seu Dea culta sacrat:
 In cœlum quando remigras, diuine Luthere,
 Mortuus, & superûm regna beata colis:
 In cœlum pariter remigrat Concordia tecum:
 Pulsaq, fit comes huic cum Pietate Fides.
 Pro quibus hinc toto Vis & Discordia mundo,
 Et cum Bellanâ regnat Erinny's atrox.*





IOANNES SCHONERVVS
Mathematicus.



*Qui tabulas genesesq; meas legis, ipse fateris
Astronomum pariter me, Astrologumq; bonum.*

M. D. XLVII.

IOANNES SCHONERVS CARO-
lostadius in Francia natus, anno
M. CCCC. LXXVII:

Astrologus æquè, ac Astronomus excellens:
Qui Mathematicum studia plurimum operâ in-
dustriaque suâ, & auxit, & illustrauit:
Resolutarum Tabularum opere illo egregio, sine
quibus Theoricæ, ut vocant, motuum cœ-
lestium, Ince carent suâ, in pu-
blicum edito:


Vnâ cum altero illo Genethliaco opere Ante-
cessoris sui Regiomontani multis modis
aucto, atque locupletato:

Quo ipse multa non ab alijs modò tradita, sed
& à se longo obseruata usu, vnum in corpus di-
gesta explicauit planissimè, & tanquam
dissipatas ædificij partes, ex-
truxit bellissimè:

Præclarè de re literariâ vniuersâ
meritus:

Obijt Noribergæ Septuagenarius, XVI. KL.
Februar. Anno Domini

M. D. XLVII.



IN IOANNEM SCHONERVVM
Mathematicum.


PHILIPPI MELANTHONIS.

*Astrorum motus, & fata regentia mundum
Qui norunt, multos Francica terra tulit.
Hesperus at quanto, quàm cætera sidera, fulgent,
Splendidior, vultus Sole regente suos:
Tantum præ reliquis caput extulit vnus & alter:
Sæcula vix maius prisca tulere decus.
Regius, alter erat, cui Mons cognominis vsus,
Et natale solum, primaq; tecta dedit:
Qui procul Ausoniâ decessit in vrbe Ioannes:
Artis ibi specimen quum daret ipse sua.
Alter ab hoc viuit Schonerus, laudibus artis
Non tamen inferior, quàm fuit ille, sua.
Nostra quoq; his ducibus per agrarunt lumina cælum:
Barbarico fuerant quæ viuiata luto:
Vtq; ferè extinctam reuocauit vterq; Mathesin:
Sic tantum peperit laudis vterq; sibi:
Terra tibi quantum Bæotica fortis Orion,
Et Libycæ Atlantide debuit ora suo.
Hæc igitur vultus Schoneri monstrat imago:
Ingenium libris exprimit ipse suis.*


IOAN. LAVTERBACHII.

E voce verbi fata consistunt Dei.

Oriuntur suo quantum Baecia quantum
 Letatur Libye diues A: lance suo:
 Schemero tantum letatur Francia, cuius
 Ingenio sedem tota Mathesis habet.
 Signaturum posita fati callos, tabella,
 Indicia que sint cuiq; tenenda pio:
 Quae globus, & terra, & coelivatione struendus:
 Ingenti solers dextera ita monet.
 Obstat ausu idem longo que sumpsit ab usu,
 Ut teneas facile tradita lege docet.
 Cuique suam cupidus fortunam docere causas
 E Physicis, ut te moribus astra iubent.
 Ne cum celesti referas pugnancia verbo:
 Scripturae q; tagant transgrediare viam:
 Celesti fines intra te comprime verbi,
 Quam fati, verbo maior habenda fides.



13F
BEATVS RHENANVS
Historicus.



*Multum se Germa na mihi historia, atq; Latina
Debet: me Patri a vindice claret honos.*

M. D. XLVII.

BEATVS RHENANVS COG. BIL-
dius, Selestadij, Alsatia oppido natus
Anno M. CCCXXCV:

Sub Cratone Vdenhemio, & Hieron. Gebuile-
ro primò in patria eruditus:

Luteria dehinc, & Basileæ sub clariss. doct̃orib.
doctrinæ maturitatem adeptus:

Magni illius Erasmi summus amicus & familiaris:

Priuilegio ciuiliū vacationum in patriâ
à Carolo V. Cæs. impetrato:

Priuatus sibi domi potius, quàm alijs viuens
vitam planè Philosophicam, absque vl-
lo maleficio, vllaue iniuria:

Multis Græcis atque Latinis scriptoribus resti-
tutis in integrum, atque recognitis:

Rerum præsertim Germanicarum indagator
sagacissimus, adeoque omnis antiqui-
tatis studiosissimus:

Qui & patriæ suæ ornameto, & exteris ad-
mirationi fuit:

Sed & præter excellentem doctrinam, innocentia,
humanitatis, pudicitia, omnis denique offi-
cij & probitatis laude commen-
datissimus:


Gratus omnibus, nemini grauis:

Obijt Argentorati, ex thermis Martijs rediens,
anno ætatis LXII, Selestadij in patriâ sepul-
tus, anno Domini M.D.XLVII.

HIER. TREVTLERI.

*Teutonidos quantum Rhenus præstantior vndis:
Rhenanus nostris dignior historicis.*





Omen erat certe nomen fecisse Beato:

Hic primus Rhenum sic beat: ille virum.

IN BEATVM RHENANVM

Historicum.

C: VRSINI VEHLII.

O mihi post magnum, venerabile sidus, Erasmm:

Nunc quoq, vix illo, culte, Beate, minor.

Tota nihil vobis Germania doctius ingens,

Forſan & haud aliquid doctius orbis habet.

IOAN. ATROCIANI.

Doctior, an melior, noſtrum haud finire Beate:

In te nam certant hac generoſa ſimul.

Non te pro meritis poſſem laudare Beate:

Nam ſuperat Muſam candida vita meam.

Longius & tua deuincit doctrina canentem:

Ervincit vires, magne Beate, meas.

GEORGII FABRICII.

Quicquid habet noſtro Germania tempore lucis:

Debetur ſtudio, docte Beate, tuo.

AEG. PERIANDRI.

Quum cupio laudes pleno cantare theatro,

Imbelli quamuis lege, Beate, tuas:

Succumbunt vires, & robora parua Thalia:

Filaq, Caſtalia tincta liquore cadunt.

At dicam, multum debet tibi lingua Pelasga:

Et multam Latij Muſa diſerta ſoli.

Nomine cum tanto dicetur Teuto beatus:

Quod tantum Muſa lumen habere dedit.

HIER. TREVTLERI.

*Teutonidos quantum Rhenus præstantior vndis:**Rhenanus nostris dignior historicis,**Omen erat certe nomen fecisse Beato:**Hic primus Rhenum sic beat: ille virum.*

FR. RAPHAELENGII.

*Plurima scripta notis præclara Beate beasti:**Est quæ beata tuo Teutonis ora stylo.**Quapropter varijs felix alebrabere terris;**Dumq; beas alios, te simul ipse beas.*

IOANNIS SAPIDI.

*Beatus Rhenanus loquitur.**Quòd nunc illustrata suis Germania rebus**Nascitur: est nostri non leue Martis opus.**Quòd veterum purè auctorum monumenta loquuntur,**Acceptum mihi & hoc, qui legit illa, ferat.**Quòd varijs inscripta notis, & picta figuris**Patria culta mea est: auctor & ipse fui.**Inde caduca mei pars sit licet obruta terrâ:**Parsq; mei, cælum, non moritura, colat:**Non humana tamen totus commercia linquo:**Nam partem partes hæ peperere dua.**Illam viros doctos linquet: linquetur ab ipsis,**Quum Sol occiduo tollet ab orbe caput.**Musa mei Sapidi me, consuetudinis ergo**Antiqua, fecit post mea fata loqui:**Iussit & incidi saxo mea verba perenni:**Vt sint officij pignus & arra sui.*

MATTHIAS ZELLIVS CAESARISPER-
gius, Argentin. Eccles. Pastor.



*Me primum liquidam colit Argentina docentem
Clara fidem, Latio libera facta ingo.*

M. D. XLIX.

MATTHIAS ZELLIVS CAESARI-
 spergi in Alsatia natus. Anno
 M.CCCC.LXXVII:

Post Magisterij gradum Philosophici, in Acade-
 miâ cum laude adeptum.

Literis Diuinis impensè deditus:

Parochus primùm & sacerdos in æde D. Lauren-
 tij factus Argentinae, A.M. D. XXII:

Pòst cœlesti illustratus veritatis cœlestis lumine:

Primus Antichristianæ doctrinæ
 palàm aduersatus:

Magna Cleri inuidiâ, & vitæ cum di-
 scrimine magno,

Profligatis ex Ecclesia superstitionibus,

Fidelibus Bucero & Hedione adiutoribus:

Sanctam Euangelij Doctrinam puram putam in
 vrbe docuit, annis XXVI. circiter:

Homo non doctrinâ tantùm, sed etiam Chri-
 stianis virtutibus, ac præsertim modestiâ,
 temperantiâ & caritate in paupe-
 res insignis:

Obijt placidè in Christo IX. Ianuarij die: Anno
 vitæ LXXI: Christi M. D. XLVIII.

Eteostichon.

Occubuit celebris felici sorte Mathias:

Vix tantus nostrâ Presbyter vrbe fuit,

IN MATTHIAM ZELLIVM CAE-
farisbergium.

Euangelium Dei donum.

IOAN. LAVTERBACHII.

Salutis est doctrina munus à Deo,

*Argentina, Dei te patrum Zellius auo,
Talis, qui cœpit verba docere, fuit.
Pertulerit quantos inuidiâ mente labores,
Pro tenebris studuit dum renocare diem:
Florens est testis Respublica: testis in altâ
Qui tunc auditor sedulus ade fuit.
Dante Deo obtinuit pulsâ lux clara tenebris:
Vt nunc tandem redderet ore diem.
Hanc seruare Deus multos dignare per annos:
Vt nunc spargat clara nitore diem.
Quod luci tenebræ cedunt, verbumq, salutis
Quod passim regnat, munus id omne Dei est.*

NIC. GERBELII.

*Sex & viginti Christum docet impiger annis:
Primus & insuetum Zellius vrget opus.
Insensus Papæ, scelerumq, acerrimus hostis:
Nec minùs & molles seuus in hypocritas.
Parte aliâ nunquam, quos dura premebat egestas
Auxiliatrices deseruere manus.
Moribus & vitâ doctrinam expressit: & ipsi
Mors fuit haud aliud, quàm sopor esse solet.*

A N O N Y M I.

Exegit decies septenos Zellius annos:

Triginta in summâ hîc Parrochus ade fuit.

Quinque Euangelium docuit per lustra renatum:

Hostis hypocriseos, Pontificumq₃ grauis.

Censor erat scelerû vehemens: quæq₃ ore professus

Expresit vitâ, pauperum vbique pater.

Lingua loquebatur, quæ corde animoq₃ sedebant:

Nec quicquam inflatâ mente superbus erat.

Omnium obit tandem luctu (mirabile visu)

Dum sedet, & sanctas fundit ad astra preces.

IOANNIS SAPIDI.

Hoc Matthias iacet sepulcro Zellius:

Qui Christiani functus officio sacro

Præconis apud Argentoratum, plus minus

Annis viginti sex, eâ simul fide,

Eâ simulq₃ diligentia: ut opere

Sategerit præstare quoque, quod docuerat.

Hinc eius in demortui funus dolens

Et mœsta prodijt ferè omnis ciuitas.

Is fruitur illâ nunc beatitudine,

Ad quam suum gregem vocauit sedulo.

Optabilis mors, quæ benè morientibus

Finis sui, æternaq₃ vitæ exordium est.

MICH. DOXITAE.

Primus in hac veram doctrinam Zellius vrbe,

Erroribus purgauit à quàm plurimis.

Hostis erat scelerum, cultor virtutis, amicus

Veri: nihil fortis timens pericula.

Aequavit vitâ doctrinam sanctus honestâ:

In pauperesq₃ liberalior fuit.

Felix coniugio, felix florente senectâ,

Obit dolore ciuium grauissimo.

E I V S D E M,

Zellius, ut vita bisseptem lustra peregit,

Mutauit vitam nobiliore suam.

Illius, optatâ licet ipse quiete fruatur,

Argentina tamen tristia fata dolet.

Namque ita degebat vitam, ne cerneret vllum,

Vel virtute sibi, vel pietate parem.

Sex lustris Pastor summus, lustro at minùs vno

Sinceram docuit primus in vrbe fidem.

Præco pius Christi, sed Papæ asperrimus osor:

Zelo quippe malos oderat ille pio.

Disimulare nihil, nihilis simulare solebat:

Sed par doctrinæ vitæq₃ corq₃ fuit.

Nocte dieq₃ suas ædes patefecit egenis,

Et se pauperibus præstitit ille patrem.

Tandem, vbi sollicitè commissæ Ecclesiæ Christo est,

Exspirat, Domino vota precesq₃ ferens.

HIERO. TREVTLERI.

Zellius Antistes tuus Argentina, novatæ

Primus init, Christo sub duce, lucis iter.

Hic tibi Lanus, erit: seculi fermenta prioris

Qui videt: at lucis secula renata colit.

ABRAHAMI LOESCHERI.

*Hic situs est, placidâ consumptus morte, Mathias:
 Si modò, qui viuit, mortuus esse potest.
 Spiritus aethereas saluus peruenit ad arces:
 Perpetuum toto nomen in orbe volat.
 Hoc duce diuinum cœpit splendescere verbum,
 Ac benè deterso clarius esse situ.
 Afferuit summi crescentia dogmata Patris:
 Dum vox, dum virtus, dum ratio vlla fuit.
 Quisquis es, huc faueas, & fausta precare viator:
 Et dic, sub terrâ molliter ossa cubent.*


NICOLAI REVSNERI.

*Te quoque Pontificum Zelli sacra fœcta colentem:
 Casareus cui Mons patria clara fuit:
 Te fidei demum renouatum luce beata,
 Quando Dei purè cœlica verba doces:
 Argentina colit merito post funus honore:
 Per te quæ cœpit noscere ritè Deum.
 Fidus erat dux Pfarrerius, pariterq; Iacobus
 Sturmius? hic Prætor, Consulat ille bonus.
 Annorum moreris tandem satur, atque laborum:
 Fatalis Iani lux tibi nona fuit.*

Eteostichon.

*Phœbus vbi rutilans Capricorni signa reliquit,
 Zelli care, quies mors tibi visa fuit.*

141
CASPARVS CRVCIGER
S. Th. D.



*Lipsia dat patriam: cathedram dat Leucoris alma,
Ac tumulum: nomen crux mihi sancta Dei.*

M. D. XLVIII.

GASPAR CRVCIGER LIPSIEN-
 sis, Cal. Ian. natus anno M. D. III.

Præceptore vsus in patria Casp. Bornero, & Pe-
 tro Mosellano domestico, ampliùs
 quadriennio:

Colophone studijs suis VVitebergæ imposito:
 Trium linguarum egregiè peritus:

Omni prætereà liberali arte & doctrinâ polius:
 Mathematum præsertim, & Physicæ,
 & Medicinæ studijs excellens?

Summum pòst Doctrinæ gradum in Theolo-
 gia adeptus, & Doctor salutatus:

Quam non viua solùm voce, sed & scriptis,
 amœniss. ingenij, & fidei sanctiss. testi-
 bus, plurimum illustrauit atq̃:

propagauit:

Fidus Christi præco, & fidelis M. Lutheri in
 opere Domini conficiendo adiutor,
 & socius:

Obijt in statione sua Vitebergæ, corporis viri-
 bus ingenium minimè adæquantibus, flo-
 rente adhuc ætate: anno vitæ conse-
 cto XLV: salutis M. D. XLVIII.
 d. XVI. Novembris.

Iosephi à Pinu.

Eteostichon.

*Fertur in Aemonio Latona filius arcu:
 Vt Cruciger fati noxia tela tulit.*

IN GASP. CRUCIGERVM. PETRI LOTICHII.

Ore tribusq³, potens linguis, & pectore Gaspar.

Talis, adhuc vitâ quum frueretur, erat.

Gaspar, ouile Dei qui rexit, vimq³ luporum

Reppulit, & iuuit relligionis opus.

Lustra sui nondum bis quinque peregerat aui:

Funere sublatus quum fuit ante diem.

Lucida nunc coràm, cœlesti sede receptus,

Quæ priùs ingenium calluit, astra videt.

GEORGII FABRICII.

Cui sacer est tumulus? Christo. quis condita seruat

Ossa chorus? Spes, & cum Pietate Fides.

Quis cubat hîc? Cruciger. quanam monimenta reliquit?

Plurima, præstanti non renuenda viro.

Qualis vita fuit? diuini plena timoris.

Quod munus? populum Christe docere tuum.

Quæ studia? in sacris libris perferre labores?

Quæ mens? digna bono, digna pioq³ viro.

IOAN. LAVTERBACHII.

Aeterna meditando sedis contingere vitam,

Cogitur innumeras exsuperare cruces.

Casparus Cruciger, Doctor clarissimus, istud,

Ergo non frustra nominis omen habet:

Dum scriptis Christum confessus & ore salutem

In templis docuit sedulus, inque scholis.

*Quas non ille cruces, qua non mala passus, in astra,
 Quò crucis, & mundi vi penetrare s onus?
 Dum crucis & mundi per onus penetrauit in astra,
 Cum Christo Cruciger regna beata colit.
 In Christo cruciger, qui non crucis horret acerbâ,
 Post crucis ærumnas gaudia saluus adit.*

ADAMI SIBERI.

*Iam curis hominum exutus requiescis in vrnâ:
 Iam vitæ Cruciger te mala nulla premunt.
 Felix, cui mortis victorem in morte tueri,
 Saluantisq; frui contigit ore Dei:
 Dum vixti, Christū linguâ es calamoq; professus:
 In Christum, cecidit nec tuamorte, fides.
 Ante Deum fulges, cœlo ceu Lucifer alto:
 Tanta manet doctos gloria, tantus honos.*

N. REVSNERI.

*Tertia lux Idus sequitur quæ mœsta Nouembreis:
 Heu fati Cruciger conscia magne tui est.
 Cura tibi populum de religione docere,
 Atque sacros libros scribere cura fuit.
 Leucoris ô quantum morientem luxit ad Albim:
 Gymnasij cuius doctor, & urbis eras?
 Floribus illa tuam memor hic solennibus vrnam
 Seruat adhuc, studij proprietate tui.
 At tua fama polo manet æternata soloq;
 Et mens ætheriâ viuit in arce Deo.*

VITVS THEODORVS PASTOR
Ecclef. Noriberg.



*Sacra Dei fidus colo Noride doctor in urbe:
Quod dederat, reddo munus & ipse Deo.*

M. D. XLIX.

K

VITVS THEODORVS PATRIA
Noribergensis:

Academiae VVitebergensis alumnus vetus:
Philosophiae pariter & Theologiae studium am-
plexatus indefessum:

In illâ Magistri, in hac si minùs nomen, at omen
diuino affecutus numine Doctoris clariss:
Quod suis partim, partim doctoris sui M. Lnthe-
ri, ceu iudicis & approbatoris digniss. Commen-
tarijs sacr. script. in publicum editis, sa-
tis euidenter contestatus est:

Reuocatus ob id Noribergam, ac ministerio
præpositus Euangelico in æde
Sebaldina:

Colloquio prætereà doctorum virorum de re-
ligionis controuersia adhibitus Rati-
sponæ in Comitijs, anno
M. D. XLVI:

Magna vi eloquentiæ, & vitæ sanctimoniâ
præditus:

Obijt in patria feliciter, XXVI. Martij.
M. D. XLIX.

Eteostichon.

Iosephi à Pinu.

*Hac tristi est clausus Vitus Theodricus in urnâ:
Noricidæ populi Pastor, & vrbis honos.*

147
IN VITVM THEODORVM
Theologum.

EPIGRAMMATA.

PHILIPPI MELANTHONIS.

*Effigiem VITI pictura hæc monstrat inanem:
Conueniens nomen cui Theodorus erat.
Clara pios dedit huic urbs Noricaberga parentes:
Addidit ingenio sed sua dona Deus.
Ipsius mores casti & sine labe fuerunt:
Iustificâ coluit te quoque Christe fide.
Sparsit & in patriâ, constanti robore mentis,
Pura Euangelij semina voce suâ.
Ingenij monimenta sui, sed plura Lutheri
Edidit: his poterunt secula futura frui.*

IOAN. LAVTERBACHII.

*Vitâ exiens, præco Dei vitam petit.
Qui sacra collegit primus dictata Lutheri:
Et prælo, fierent ut manifesta, dedit:
Qui multos scripsit de religione libello:
Et veram docuit mente probare fidem:
Claruit hac VITVS Theodorus imagine; magnâ
Pegnesi præco fidus in urbe Dei.
A vitâ quanquàm sortitus nomen habebat:
Annis vita tamen non diuturna fuit.*

*Aduerfis longò conflictans tempore morbis,
 Deserit in Christo morte solutus humum.
 Spiritus ad cœlos, quos suspirauit, abiuit:
 Cumq; Deo superûm sede beatus agit.
 In Christo moriens, studijs qui profuit orbi,
 Non moritur, vitam morte beatus agit.*

ADAMI BIBERI.

*Hic quoque Christe tuum nomen, verbumq; professus
 Sincerâ fidei simplicitate fuit.
 Doctrinam didicit quam præceptore Luthero:
 Noluit ignotam ciuibus esse suis.
 Audiit ergo illum Pegnesidos accola ripæ,
 Tradentem veri dogmata pura Dei.
 Audiit, & tali sese doctore beatam
 Dixit arenoso Noricaberga solo.
 Quid memorem, scripsit quos de pietate libellos,
 Regnum oppugnantes, impie Papa, tuum?
 Nunc in sanctorum cœtu, vatumq; patrumq;
 Perpetua felix tempora pacis agit.
 Et vel inauratam cytharam dum tractat, acerram
 Ante Deum vel, quæ thure referta, tenet:
 Extincto pro se Christo debere salutem,
 Illius adfertum seq; cruore canit:
 Membra, domum mentis, lucis reditura sub auras
 Norica terra tulit, Norica terra tegit.*

PANTAL. CANDIDI.

*Odate Vite Deo, per templa, fauente, sacerdos,
 Iuisti studijs templa beata sacris.*

HIER. TREVTLERI.

Norica tecta Viti discunt Pastoris ab ore,

Ingenio, vitâ, luce, styloque Deum.

Tales, per quorum sic crescit diâ labores

Gloria, dona Dei quis neget esse viros?

NICOLAI REVSNERI.

Defunctus loquitur.

Multum qui scribit, multum quoq₃ viuere terris

Creditur; hinc etas scriptitat ista nimis.

Pauca equidem scripsi, sed vitæ commoda sanctæ:

Per me commodius Biblia quisq₃ legit.

Per me Euangelij fit lectio clarior: agris

Per me pectoribus certa medela venit.

Sat scripsi, sat ego vixi quoq₃: uempe professus,

Dum vixi, patriæ cœlica verba meæ.


Quod superest, Christo super æthere viuo beatus,

Quem colui: felix viuere vita Deo.

K 3




150
MARTINVS BVCERVS.
Theologus.



*Dum viuo, Christum doceo: pro munere cœlum
Dat Christus: negat hinc Papa cruentus humum.*

M. D. LI.





MARTINVS BVCERVS SELESTADII CE-
lebrī Alfatīæ oppido natus, anno M. CCCXCI:

Cui ex Dominicanorum cloacā, Lutheri voce,
VVormatiæ coram Cæsare liberè loquentis,
excito, varijsq̃ne insidijs pōst appetito.

Restitutam apud se Argentina (vt & Vlma)
lubens debet Ecclesiam:

Cuius & eruditionem singularem, & zelum pie-
tatis eximium, cum eximiā prudentiā coniun-
ctum, omnibns seculis testabuntur, tūm doctissi-
mæ ipsius lucubrationes, & in publicis Comitijis
disputationes habitæ: tūm pro Ecclesiarum
pace, quamuis non felici semper suc-
cessu, labores exhausti:

Is igitur Theologus verè Aretius Bucerus, post
vicennium integrum, quo Argentiinæ sacras
litteras in Ecclesiā & scholā docuit, in
Angliam demum profectus:

Edouardo VI. Religioſſ. Rege vocante, Canta-
brigie in Academiā Theologiam, summo cum
doctorum piorumq̃ue omnium concursu,
circiter biennium professus:

Quum placidā morte Prid. KL. Mart. anno M.D.
LI. annum ætatis agens LXI. obiisset:

Quinto pōst anno, euerso post Eduardi Regis obi-
tum Religionis statu, erutus crematusq̃ue, an-
no M.D.LVI. martyrij palmam tulit:

Quarto rursus pōst anno, admirabili rerum vicis-
situdine, sub Elisabeta Regina, iudicio aduer-
sus innocentem publicè restitſſo, in inte-
grum restitutus, anno M. D. LX. K 4

152
IN MARTINVM BVCERVM.
Theologum.

EPIGRAMMATA.

THEOD. BEZAE.

Natales Bucere tuos Germania iactat,
Natalibus felix tuis.
Quis verò & quantus fueris, tua scripta loquuntur,
Ad littus orbis vltimum.
De vitâ si quis rogitet, Germania dicet:
Inuita Bucerum expuli.
Ast ego sic pulsum (pia dixerit Anglia) foui,
Tandemq; texi mortuum.
Verùm mox eadem (factum ô immane) sepulcro
Flammis cremauit erutum.
Fallor ego, totus terrenæ facis an expers
Bucere sic cœlum tenes?

IOANNIS CHECI.

Vita grauis misero, grauior mors: sed tibi tanto
Mors nec vita potest esse Bucere grauis.
Vita fuit Christus, mors lucrum: viuere cessas
Naturæ: at Christus vita perennis adest.
Alma fides Christi, quam tu super astra ferebas,
Te super astra eadem sustulit alma fides.
Quumq; tui mores, pietas, doctrina probentur:
Mors tua non grauis est, & grauis est eadem.
Mors grauis est nobis orbatu lumine tanto:
Non grauis est tibi, quæ vita leata tibi est.





*Doctrinae studium, vita constantia, mortis
Exitus, ô idem sit mihi Christe precor.*

ALEXANDRI NOVELLI.

*Cognita Germanis, benè cognita sancta Britannis
Vita Bucere tua, & lingua Bucere tua.
Cognita sunt latum sanctissima scripta per orbem:
Quæ pia nulla magis, docta nec vlla magis.
Sed Cantabrigia, non toto cognitus anno,
Conditus es tumulo, magne Bucere, breui.
Sic Cantabrigia, fatorum lege, Bucere
Cognitus & decus es, conditus & dolor es.*

GVILIELMI BVCLAEL.

*Lis est, Germanus fuerit né Bucerus, an Anglus:
Vtraq; gens, causam quo tueatur, habet.
Mundanum celebris fecit Germania ciuem:
Cœlestem ciuem terra Britannia facit.
Ad cœlum mundo longè est præstantius: ergo
Conditio melior terra Britannia tua est.*

THOMAE HATGHERI.

*Germanis Martine tuis, est nota Britannis,
Omni nota solo fama Bucere tua.
Te tua magnificis Germania laudibus effert:
His dedit, & nunc dat terra Britannia pares.
Omni nota solo, tua scripta Bucere leguntur:
Quæ prohibent dominum morte perire suum.*

GVILIELMI VVICHANI.

*Laudémne? an lacrymem tua tristia fata Bucère:
 Nobis sunt sanè tristia, lata tibi.
 Te nobis lacrymo, diuine Bucere, reuulsum:
 Gratulor annexum te tamen esse Deo.
 Funus idem vnius latum est & triste Bucerì:
 Ipsa tamen maius gaudia pondus habent.
 Non tibi, sed nobis moreris, Martine: beatus,
 Qui moritur mundo, viuatur ille Deo.*

GVILIELMI DAI.

*Et vitâ felix Bucere, & morte fuisti:
 Et cœlum, geminâ sorte beatus, habes.
 Quid viuus poteras optare beatius vnquàm,
 Quàm viuâ summum voce docere Deum?
 Quid moriens, quàm (quod viuus sapè antè petisti)
 Vita quod hæc docuit morte docere tuâ?
 Scilicet hæc superas isti fortitus ad oras:
 Vt meritò ex omni parte beatus eas.
 Sic ô sic iusti misero rapiuntur ab orbe:
 Ne videat mœstos turba beata dies.*

THOMAE IEFFRAEI.

*In sanctos sæuit mundus, fera bella minatur:
 Nouit cum Christo vincere vera fides.
 Bella gerit mundus tecum, diuine Bucere:
 Tu semper fidei numine tutus eras.
 Nobilis ô fidei doctor, Christiq; minister:
 Tu procul à mundo nunc super astra manes.*





P. CANDIDI.

*Ornauit, docuit, conformauit q₃ Bucerus
Templa, scholas, vrbes eloquio, arte, fide.*

IOAN. LAVTERBACHII.

Ecclesiastes orbis est ludibrium.

Doctrinâ rerum Bucerus cultus & arte:

Infide liber Sortis in orbe iocus:

Iactatus terrâ, pelagi iactatus & vndis,

Ob Christum forti pectore damna tulit.

Sortis contemnens ludibria, damnaq₃ rerum,

Doctrinâ sparsit semina pura Dei.

Non operum docuit meritis aeterna mereri:

In Christo solo iustificante fide.

E patriâ cedens, à Rege vocatus ad Anglos

Externâ, ixit, nec diuturnus, humo.

Hi sine mente fidem reuocantes, condita quamuis

Ingrati nudant corpora, dantq₃ rogo.

Pòst Regina tamen cum magno prorsus honore

Restituens cineres ponere curat humo.

Somniet in mundo ne verbi Doctor honores:

Sortis enim verbi est Doctor in orbe iocus.

ANONYMI.

Ludibrium sortis, variè iactatus ARETI.

Semina doctrinæ pandis vbiq₃ tua.

*Præptum fato tumulauerat Anglia corpus:
 Quod cadit in tristes atra fauilla rogos.
 Regia sed cineres virgo miserata repostos
 Vrnae in premo iussit honore dari.*

N. REVSNERI.

*Multum equidem Bucere tibi Germania debet:
 Anglia sed debet plus tamen ipsa tibi.
 Nam pietas & religio te sancta docente
 Crescit, habetq₃ decus clarificata suum.
 Scit Cantabrigiæ urbs, scit & Argentina: probasti
 Cui doctor fidei pectora plena pie.
 Te quamuis inuita fugat Germania: quamuis
 Anglia post mortem te (scelus) ipsa cremat.
 Quem viuum colit, & digno veneratur honore:
 Quam facti tandem pœnitet vsq₃ fui.
 Maior ab exequiis tua nunc quoque gloria surgit:
 Quis sis, & quantius, pagina multa docet.
 Februa ter septena cremat, necat ultima: cœlo
 Quæ tibi vita datur, vita beata datur.*

Eteostichon Iosephi à Pinu.

*Currit ut obliquo per Pisces tramite Phœbus:
 Bucerus felix regna superna capit.*

157
PAVLVS FAGIVS
Theologus.



*Quærere. quis fuerim, noli: mens vna, fidesq̃
Bucero mecum, vitaq̃, morsq̃, fuit.*

M. D. L.

PAVLVS FAGIVS PALATINVS,
 Tabernis Rhenanis natus anno
 M. D. IIII.

Primis studiorū fundamentis Heidelbergæ positis:
 Quum sanctæ linguæ studio arderet
 incredibili.

Sub Capitone doctore (cui postea succcessit) Ar-
 gentinæ ad miraculum vsque peritiss. eius
 euadens, ipsis Iudæis testibus:

Isnæ primū Moderator scholæ, dein Pastor
 factus Ecclesiæ:

Petro Buflero, Senatore eius vrbis ptimario, Patro-
 no vsus incomparabili, sancta in lingua exornan-
 da, vnà cum Elia Leuita Iudæo Veneto doctiss.
 Argentinam demum euocatus, & in ea (Constan-
 tia vrbe priùs tamen reformata etiam
 per biennium)

Tūm Pastoris, tūm Doctoris egregiè munus su-
 stinens, anno M. D. XLIIII.


Tandem periculosiss. Germaniæ tempestate, Cæ-
 sare victore, in Angliam abreptus cum Bu-
 cero collega, & Synaspiste:

Cantabrigia vix salutatâ (heu) mortuus anno M. D.
 L. Prid Id. Nou. annum vitæ agens XLV:

Eandem quinto post anno cum Bucero martyrij
 palmam, Marianis temporibus exhu-
 matus ac crematus, tulit:

Simul postea cum eodem, sub Elisabetha regina,
 ipsius memoria in integrum restituta,

Anno M. D. LX.



IN PAVLVM FAGIVM
Theologum.

Epigrammata.

GVILIELMI DAIL.

*Bucero primas dedimus: tibi Paule secundas
En damus, Hebrae gloria prima schola.
Hoc vno inferior Bucero Paule fuisti,
Quòd prior extremum cernis adesse diem.
Verùm illo maior Bucero Paule fuisti,
Quòd prior aeterno es iussus adesse Deo.
In reliquo similem duxistis tempore vitam:
Ambo salutiferi bucina fida Dei.
Ambo stelliferi sparsistis semina regni:
Semina prouentu non caritura suo.
Vnde vtrunq, Deus magno dignatus honore,
Vtrumq, ad superi transtulit astra poli.
Et ne vestra queant communia fata putari,
Qualia sunt, qua nos, vulgus inane, ferunt:
Mors postquam è vitâ, solitâ vos lege tulisset,
Restituit sacris ossa cremanda focis.
Non ut confesi tantùm, sed ut vltima passi,
Scandatis celsi sidera summa poli.
Felices animæ, superas licet ijsstis ad oras,
A nobis vestrum nomen abire nequit.
Eximiâ semper viuetis laude perennes:
Quam canet Aonijs nostra Thaleia modis.*

IOSEPHI à PINV.

Eteostichon.

*Sole orto volucrum Regina leuatur in ortu:**Fagius ut sensit tela cruenta necis.*

GVILIELMI VVICHANI.

*Dulcibus ut Christi Fagius requiescat in vlnis,**Sustulit è terris in sua tectâ Deus.**Papa, quòd ut sanctus superas migravit ad oras,**In terris tumulo non dedit esse locum.**Flammea sed primam sequitur mors altera mortem:**Quodq₃ erat in terris, id datur omne rogis.**Morte sed ex geminâ duplex en vita resurgit:**Altera dat terris, altera adesse Deo.**Mens agit in summis, licet ustus corpore, coelis:**Viuerè nobiscum viuida fama facit.**Esse quid hoc dicam? certè est mirabile dictu:**Interimunt vnum, non duo fata, virum.**Aspera nonnullis vitam mors abstulit vna:**Nil Fagio mortis spicula bina nocent.**Sic sanctis Dominus medijs dat viuerè flammis:**Sic sanctâ iustus viuet ad usq₃ fide.*

HVGONIS BLYTHI.

*Fidus adiutor Fagius Bucerì,**Sanctus Antistes fidei, remotis**Partibus terræ pietate notus,**Atque superstes.**Hunc quòd immites rapuere Parcæ,**Lugeat pontus, lacrymetq₃ tellus:**Atq₃ tu semper tumidos profunde**Anglia planctus.*

Ingratitudo benémeritorum præmium.

IOAN. LAVTERBACHII.

Ingratitudo commodantium comes.

*Vt genus humanum pavit glans fagina quondam:**Quàm prius è varijs mensa grauata cibus:**Fagius interpres sacrorum candidus, orbis:**Conditor Hebræo cui dedit ore loqui:**Pro meritis operum peragrans Sionia Tempe,**Sic auditori sacra fruenda dedit.**Haud operæ parcens, plantauit sacra docendo:**Haud æri, linguam fouit Apella tuam.**At quæ pro tanto cumulauit dona labore,**Dum sibi non studuit, sed Pietatis opi?**Ni miserans hominis sortem Buflere fuisses,**Et coniux, rerum nil tenuisset inops.**Mille reliquistis solidos, pluresq, benigni:**Fudit in Hebræos, quos dedit ære, libros.**Quòd non incæptos absoluit cura labores,**Hunc rapuit nondum terra Britannia senem.**Quamq, tuis fuerit studijs ingrata, sepulcro**Nudata in cineres ossa redacta manent.**Sunt ingrata pÿ mundo bona prastita: rectè**Tristia pro factis præmia sanctus habet.*

HIER. TREVTLERI.

*Contemtum nostro studiorum qui videt ævo**Prisca putet similes secla tulisse viros?**Haud reor: id solers testatur Fagius: ille**Per mala multa tuus, docte Bucere, comes.*

162
IOACHIMVS VADIANVS MEDI-
cus, & Poëta.



*Phœbi cultor eram, medicæ studiosus & artis,
Ac melica: Galli Consul in vrbe bonus.*

M. D. LI.

IOACHIMVS VADIANVS SAN-
galli oppido Heluetiorum
natus:

Poëta excellens, Mathematicus, ac præsertim
Geographus exactissimus:

Quod ipsius in Pomponium Melam com-
mentarij, & trium orbis partium Epi-
tome demonstrant:

Medicinæ denique Doctor insignis, publicè
in eâ Viennæ Austriæ adeptus
laureolam:

Adde etiam eâ tum ptudentiâ, tum integritate
vitæ præditus, ut ei patria summum
Magistratum vltro detulerit:

Quin & Theologus sui seculi eximius,
Libris contra Enthusiastas sui temporis
editis compluribus:

Opere pretereà de Sacramentis fidei Chri-
stianæ scripto passim cognitus:

Lumen adeò disciplinarum omnium
clarissimum:

Suarum virtutum gloria fruens, iam senex,
placidissimâ felicissimâque morte,
beatam sui memoriam
relinquens.

E uinis excessit, anno Salutis M. D. LI.

IN IOACHIMVM VADIANVM ME-
dicum & Geographum.

EPIGRAMMATA.

IOANNIS CHESSSELLII.

*Quò tendis, Peregrine? vel quid erras
 Longâ ambage diu, morasq₃ perdis?
 Quæ terra loca, fluminum meatus,
 Quæ vrbes, qui maris accolæ potentis:
 Quà dites Asia patent recessus,
 Aut quà Marmarici fremunt leones:
 Aut cui vecta dedit puella nomen:
 Terram frugiferam & viris potentem,
 Quam passim memorant sacri & profani,
 Si vidisse breui iuuat libello:
 Sta, pausa, requiesce lassus: ecce
 Hic stant Mercurij duces columna.
 Infesso pede, nec labore multo,
 Per terras, pelagusq₃ fluctuosum
 Te mirâ Vadianus arte ducet.*

GEORGII FABRICII.

*Tu ciues Vadiane tuos, vrbesq₃ gubernas:
 Non tales vates expulit vrbe Plato.*

CASPARVS BRVSCII.

*Musarum Ioachime bonus, Phœbiq̃, sacerdos,
 Atq̃, pœtarum rex Vadiane clues.
 Urbis honoratæ Consultu sceptræ, simulq̃,
 Totius Heluetiæ iura superba regis:
 A Philyræ quæ sunt, ad Iuræ culmina montis,
 Diuitis & Rheni flumen ad vsque, lacu.*

Vitæ via Christus.

IOAN. LAVTERBACHII.

Errare nescit ambulans Christo duce,

*Natus honoratæ Vadianus stirpe, priori
 Tempore quam dignus nobilitarat honos:
 Splendidior fieret Musis ut cultus & arte,
 Adderet & magno maius honore decus:
 Tractauit medicas celebris feliciter artes:
 Ingenij varias dote reliquit opes:
 Explicuitq̃, Melam, terræ descripsit & orbem:
 Lux ut Apostolicis esset aperta libris.
 Hinc satur annorum, senij pertæsus & aui,
 Ascendit Christo saluus in astra duce.
 Credulus astra petens Christo duce & auspice Christo,
 Haud errans rectis finibus, astra petit.*

166
GASPAR HEDIO ECCLES.
Argent. Pastor.



*Si vocem fortasse meam Argentina requiris:
Sit viua vocis vox tibi muta loco.*

M. D. LII.

GASPAR HEDIO GERMANVS

Etlingæ honestâ natus familiâ:

Friburgi primò, dein Basileæ opt. art. studijs
eruditus:

Illic Magistri Philosophiæ, hîc Doctoris Theo-
logiæ nomen adeptus:

Ac deinceps, vixdum renatâ in Germania Euan-
gelij luce, Moguntinus Ecclesiastes con-
stitutus, anno M. D. XX.

Pòst veritatis luce illustratus diuinitùs,

M. Zellio, & M. Bucero tunc primùm Argenti-
næ verum instaurantibus Christianismum,
adiutor & collega datus, anno
M. D. XXIX.

Summi Concinator Templi, per totos annos
XXIII. fidelis pariter ac diligens:

Summus præterea Philistor & Polyhistor
fide digniss.

Obijt in Christo feliciter, magno sui desiderio
cunctis relicto. XVII. Octobr.
M. D. LII.

167
IN GASPARVM HEDIONEM
Theologum.

EPIGRAMMATA.
MARTINI CRVSII.

Ἡλίωρ τὸ φάος λίπερ ἡδύε πῆς ἀγορητῆς.
αἰ αἰ νάρτα θανῶν ἡδύς αἰωρὶ γέρωρ.
ἡκρύξας χριστῶ δὲρ πιστῶς ἡδέα μῦθον,
ἡγὶ πιστευσάμενος σώφρονι τόνδε βίω.
ἐν τίνι παιδείᾳ τοίη νῦρ αὐτὶς ἐσῆται;
τίς δ' ἐρμηνεύσει βιβλία τόσα πάλιν;
πρὸς τίν' ἀγωγὸν ἔτι σφινέοι βλέψουσι πένητες,
ἰέμενοι μαθέειν, οἷτ φίλον ἔρνος ἔγε;
ὦ κακότης ἀμῆ, μήτερ θυμαλγέος αἵτης.
σοὶ κολέωρ, τοίωρ φῶτα κάλυψε θεός.
ἀλλ' ὀλίγοι βραδέωρ ἀνθρώπων αὐτὸ νοῶσι,
ἡγὶ πλείστοις τὸ δλον εἰ δρᾶν φύσις, ἢ ἐτύφη.
Ἡλίωρ σὺ δὲ χαῖρε, κακῶν προπεφυγμέν' ἄεθλων,
ἐννοῖν ἢ βδελῆ ἄθανάτοιο θεῶ.
ἡδόμενος δὲ μέως μαλακῆς ἐνὶ νεύθεσιρ αἵης,
πᾶσι σὺν ἐκλεῆστοις ὕπνον ἵαυε γλῆκῦρ.
μέσφανέσ' ἀντ' ἡσας νενοσσοός αὐθις ἰκῶς,
εἰς ἔδος ἀλήτης ἡδὺ βίοιο τιθεῖ.

HIER. TREVTLERI.

Hunc etiam reducis, pressâ caligine, verbi
Producis testem, maxime Christe, bonum
Plurima quò vivant sancti monumenta laboris,
Fac videat verbi lux recidua tui.





NICOLAI REVSNERI.

*Seu vis historicus, fidei seu doctor haberi
 Magne Hegio, rectè nomen utrumq, geris.
 Te fidei sancta vocat Argentina fidelem
 Mysten, & vocem laudat amatq, tuam.
 Te legit historicum Germania tota fidelem:
 Quum legit, historiam laudat amatq, tuam.
 Mortuus ut sis ergo, superstes viuis in orbe
 In doctis, hæres atheris ipse, libris.*

GEORGII FABRICII.

*Tu quoque committis Germanis Hedio chartis
 Quod sit, quodq, actum condito ab orbe fuit.*

PANTAL. CANDIDI.

*Argentina tuis Hedio pia dogmata templis,
 Sincerâ docuit relligione Dei:
 Quumq, tibi pietas sit priscâq, gloria cæli:
 Non poteris tanti nou meminisse viri.*


ÆGIDII PERIANDRI.

*Historias arcto conanti ducere filo,
 Ipse dedit proprias Phæbus habere manus.*

Iosephi à Pinu Eteostichon.

*Extulit ora sequens Octobris Lucifer Idus:
 Hedio vbi Parca lege solutus obit.*

170
IOANNES COCHLAEVS
Theologus Pontificius.



*Patria Noris erat: sed mens diuersa fidesq̃:
Pontificum calamo tutor, & ore fidem.*

M. D. LII.

IOANNES COCHLAEVS NORI-
bergâ ciuitate liberâ Imperiali natus:

Multijugâ instructus eruditione, & sacris
totus deditus literis:

Pontificiæ religionis ab extremâ pueritiâ secta-
tor perseverantissimus:

Moguntia primò, pòst Vratislavia Cano-
nicus factus:

Magni illius Lutheri & Melanthonis, adeoque
Orthodoxæ fidei Euangelicæ hostis
in omni vitâ acerrimus:

Summo & inexpugnabili cum his dimicans odio
in comitijs Imperij, & colloquijs.

VVormaciæ, Augustæ, Ratisponæ:

Multis prætereà & varijs, pro Canonica scriptu-
ræ, & Catholicæ (si Dis placet) Ecclesiæ
auctoritate, libris in publi-
cum propositis:

Obijt Vratislavia, anno M. D. LII.

NICOLAI REVSNERI.

Si tua tanta fides, audacia quanta fuisset:

Si pietas, & si religionis amor:

Par reliquis Cochlae fores, aut maior honore:

Ledere quos scriptis summa cupido fuit.


Te tamen annumerat tantis quoq, Musa merentem.

Luminibus: virtus quod vel in hoste placet.

Lilia sic inter crescens vrtica, rosasq,

Germinat, & fruitur floris honore boni.

171
SEBASTIANVS MVNSTERVS
Cosmographus.



*Sat lingua fuerat fontes mihi tradere sanctæ:
Scribere sed mundi me iuuat historiam.*

M. D. LII.



SEBASTIANVS MVNSTERVS INGEL-
hemij natus, anno M. CCCC. LXXXIX.

Matheseos Geographiæque, & in primis He-
brææ linguæ in Academiâ Heidel-
berg. studiosiss.

Professus ob id aliquandiu Franciscanorum
ordinem Tubingæ:

Quò studijs huiuscemodi sibi vacare liceret
impensiùs:

Præceptore vsus Ioan. Stoflero Mathema-
tico excellentiss.

Demum sanctæ Linguæ Professor Basileæ
constitutus:

Plurimis tum in sacras literas, tum in varias Mathe-
seos partes, scriptis in publicum editis:

Ac præfertim laboriosiss. illo Cosmographiæ
opere, quo duce peregrinari terrarum or-
bem, domi etiam manendo, licet,
egregiè nobilitatus:

Germanus Esdras, Straboque:

Immortali dignus memoriâ:

Quam ipse tot regionum, ciuitatum, familia-
rum, virorum denique nominibus pro
virili conciliauit:

Peste correptus, solennem Ascens.

Domin. Memor.

Anno Sal. M. D. LII. Aet. LXIII.

morte piâ illustrauit.

Iosephi à Pinu Eteostichon.

Quintilis fuerant luces ut quinque peractæ:

Munstere è viuis te cita Parca rapit.

IN SEBASTIANVM MVNSTERVM

Cosmographum.

EPIGRAMMATA.

Notabilia grata.

IOAN. LAVTERBACHII.

Gratum quod eruditionem comparat.

*Ostendit faciem SEBASTIANI
 MVNSTERI senis hæc tabella: doctus
 Qui sex Cosmographos libros Mineruâ
 Conscripsit facili: quibus notatu
 Quæ sunt digna, refert, in orbe toto:
 Siue hæc vecta suo tenet iuuenco:
 Siue hæc dant Asiæ potentis ora:
 Siue hæc Africa fertilis dat agris.
 In primis docet euidenter omne
 Quod Germania continet notatu
 Dignum: continet eruditione
 Quod Germania grandiore dignum.
 Gratum est, quicquid & eruditione
 Dignum, vnaq; notatione dignum est.*

FR. RAPHELENGII.

*Si doctus cautum celebrauit Homerus Vlysseni,
 Quod varias gentes, varios nosset populorum
 Mores: quis te non, Munstere, celebret ametq;
 Qui nosti hæc, quin & toti nota efficis orbi?*

175
PETRVS APIANVS
Mathematicus.



*Gaudeat ærisonus Ptolomæi nomine Nilus:
Certè Germanis sum Ptolomæus ego.*

M. D. LII.

PETRVS APIANVS BENEVICIVS

Leisnicæ natus in Misnia:

Astronomus & Cosmographus sui seculi inter
primos summus:

Mathematicarum disciplinarum in Academia
Ingolstad. professor atque illustrator
maximus:

Carolo V. Cæs. Aug. ob id acceptus ha-
bitus mirificè:

A quo, ob fidem magisterij præstitam, & Eque-
stris dignitatis ornatus titulo, & hono-
ribus auctus est amplissimis:


Astronomicis instrumentis inueniendis
admodum insignis:

Opere egregio illo Cosmographico, vnà cum
alijs quibusdam eiusdem generis mo-
nimentis, post se relicto:

Pro se etiam filio hærede suæ disciplinæ
Philippo in terris substituto:

Mortalibus solutus exuuijs in cælum redijt,
animo immortalis, Anno M. D. LII.

Aprilis die XXI.



IN PETRVM APIANVM MA-
thematicum.

A N O N Y M I.

*Mellis liquentis sedula
Matres mihi dedere Apes
Cognomen orbi non nouum.
Graphicè ipse terra pendulum
Suis globum scripsi artibus,
Incognitiq; orbis sinus.*

Astronomia liberalis.

IOAN. LAVTERBACHII.

Cultoribus dant nomen astra sedulis.

*Dulce tibi nomen quod apes, Apiane; dederunt,
Petrâq; nec pluuijs, nec superanda Notis.
Non mirum, constans postquã scrutatus es astra:
Astra polis motu quæ patuere suo.
At e dum terra globus est descriptus, & omne
Quod vetus amplexu, quod nouus orbis habet.
Tu meritò rarâ mellitus in arte fuisti
Magnis Cæsaribus, Principibusq; viris.
Donec erit terra globus, astrâq; cognita motu:
Semper in orbe tuum viuet vbique decus.
De terris meriti benè, de splendentibus astris,
Aeternant partum terrâq; & astra decus.*

M

E I V S D E M.

*Hoc Apianus habet, quod erat mortale, sepulcro:
 Immortale Deo tempora pacis agit:
 Sic capit antè pio qui misit in astra labore:
 Sub pedibus felix nunc videt astra suis.
 Astra videt felix, quisquis demisit in astra.
 Et caput, & studuit quarere mente Deum.*

ADAMI SIBERI.


*Hos Apianus habet tumulos: da pingua thura,
 Sparge rosas, manes ac venerare pios.
 Edidit hunc, nequijt quâ viuere Misena: semper
 Præstantes agitant fata sinistra viros.
 Excepit tellus, & fouit Norica: clare
 Et fama docto nomina ferre dedit.
 Iura poli, cœliq; vias, & sidera nouit:
 Trinacrio, celebri non minor arte, sene.
 Fata resignauit, clades instare futuras
 Pandit, & heu mernit vocis habere fidem.
 Nunc cœlo positus, quæ mente solebat adire,
 Omnia sub pedibus lucida signa videt.
 Tupas luge Germania mœsta capillis:
 Arte tibi hac similem non feret ulla dies.*

ÆGIDII PERIANDRI.

*Quod te fert cœlum, fortis prius ipse tulisti:
 Te quoque supposito sidera fulsit Atlas.
 Quæ tulit ingenio forti, mens astra tenetur
 Sideribus: tumulus corpus inane tenet.*



GEORGIUS PRINCEPS ANHALTINVS
Ascaniæ Comes, Præpositus magdeburgensis.



*Ascania Princeps, pietatis idoneus auctor;
Illustris praeo gloriior esse Dei.*

GEORGIUS, DEI GRATIA, ILLVSTRIS-
simis Germaniæ principibus, familia anti-
quissimæ nobilitatis prognatus:

Patre Ernesto, Principe Anhaltino, Comite
Ascaniæ, Bernburgi & Seruestæ Domi-
no, anno M. D. VII.

Princeps omnibus animi & corporis dotibus
egregiè ornatus:

Primis studiorum rudimentis Vitebergæ
positis feliciter:

Quum rariss. à multis seculis exemplo, sacros.
Theologiæ totum sese addixisset:
magdeburgensis ac misnensis Electus Ec-
clesiæ Præpositus:

Optimi & Principis, & Pastoris, perfunctus
munere:

magnâ laude, & auctoritate propemodum
diuinâ:

Quò felices illius subditi haberent, quem & in
terris dominum agnoscerent, & ut ducem
in cælum præeuntem sequerentur:


Singulari omnium virtutum sanctiss. exemplo,
sui ordinis hominibus in medium
proposito:

Quin & publicis ingenij præstantis, & sanctæ
operæ monumentis apud posteros
relictis quàm plurimis:

Obijt felicissimâ morte, completo anno ætatis

XLVI. XV. KL. Nouemb. Anno

M. D. LIII.



IN ILLVSTREM DEI PRAECONEM

Georgium Principem Anhalti-
num, & Ascanium.

EPIGRAMMATA.

PHILIPPI MELANTHONIS.

*Ascania stirpis virtus est clara triumphis,
Ordine quos numerant secula longa patrum.
Cesar in Adriaco quum gessit littore bellum,
Et fregit Venetas Maximilianus opes:
Dux erat Ascaniâ natus de stirpe Rodolphus:
Fixit & in Veneto multa trophæa solo.
Nunc ad maiorum decora hæc laus magna Georgi
Accedit verè principe digna viro:
Quod sic doctrinam reliquis virtutibus addis:
Vt verum celebres pectore & ore Deum:
Et Christi illustres ingentia munera scriptis:
Iustificâ supplex quæ capis ipse fide:
Exemploq; Esdræ populum dum iure gubernas:
Doctrinæ spargis semina pura simul.
Summe Deus, solus qui das felicia regna,
Ascanios fratres, te precor, ipse regas.*

IOANNIS LAVTERBACHII.

*Clarus Anhaltinâ de stirpe Georgius heros,
Cui nulla è Ducibus secla tulere parem:
Hebraeo doctus, doctus sermone Pelasgo,
Ausonioq; fuit totius orbis amor.*

Non modò purgatâ iam religione, salubre
 Agnouit sectans mente salutis iter:
 Defendit scriptis quoque coram Casare magnos
 Nec veram metuit voce docere fidem.
 Quàm sanctus fuerit virtutum cultor, honore
 Cum magno florens moribus aula docet.
 Ingenuo gratus nullis non vixit amore,
 Plebeys passim, principibusq, viris.
 Iustitia leges, obseruantissimus aequi
 Et pacis coluit quàm studiosus opes?
 Hinc tantam meruit victaro nomine famam:
 Quam maculis poterit nulla notare dies.
 Effigiem spectâ pictoris, lucet in ore
 Religio, virtus, gratia, fama, Themis.

PHILIPPI MELANTHONIS.

Principis Ascaniâ pati de stirpe Georgi
 Quem cernis, tumulus proximus ossa legit.
 Huic fuit Ernestus genitor, qui pacis amore
 Promeruit Patriæ totius esse Pater.
 Matris erat castæ Monsterbergensis origo:
 Sincerâ coluit quæ pietate Deum.
 Ascaniæ gentis virtus est clara triumphis:
 Ordine quos numerant secula longa patrum.
 Sed fuit huic fontes doctrinæ discere cura,
 Quam nobis Gnatus tradidit ipse Dei.

Hoc ad maiorum decus addidit inclyta facta:
 Præbuit & patriæ commoda magna sua,
 Esdras ceu quondam populo ius dixit, & idem
 Interpres Solymâ legis in vrbe fuit.
 Principis hic munus simul & pastoris obiuit:
 Ipsius & mentem rexit, & ora Deus:
 Iustificaq; fide capiens tua munera Christe:
 Solius est cuius parta cruore salus:
 Verâ luce Deum agnouit, precibusq; vocauit:
 Numinibus fictis mens inimica fuit:
 Nec virtutum vmbras habuit, sed pectora rexit
 Ipse Dei viuens adsimilata ΛΟΓΟΣ.
 Urbibus in multis, flauus quas alluit Albis,
 Et quas cærulei præterit vnda Sala;
 Agmina collegit Christum celebrantia: spargens
 Pura Euangelij semina voce suâ.
 Fidus & etati venienti testis ut esset
 De Christo, patria publica scripta dedit.
 Hæc frater lacrymans Ioachimus condidit ossa:
 Viuit in aspectu mens, fruiturq; Dei,
 O Deus, Ascaniam stirpem rege, numine serua:
 Nulla venit nobis te nisi dante salus.


GEORG. FABRICII.


Ascanio Princeps de stemmate nate Georgi:
 Inter sidereos gloria rara patres.
 Tu Christum scriptisq; doces, tu voce fateris:
 Tu celebras docto per sacra templa sono.

Extant & meriti monumenta salubria tanti:
 Orarum sacri Principis ingenium.
 Assyrium, tumbam circum, tibi spiret amomum:
 Crescat & in tepido costus Eoa solo.

ADAMI SIBERI.

Hic tegit immiti consumpti morte Georgi,
 Gentis Anhaltinae Principis, ossa lapis:
 Esset imaginibus qui quamvis magnus auorum
 (Nempe Alberte tuum non latet Vrse genus)
 Dotibus ingenij summi præstantibus auctus:
 Virtutum maior nobilitate fuit.
 Non illi linguae, non culti pectoris artes:
 Defuit aut docto Principe dignus honos.
 Dum clarus titulo, dum sacrâ sede locatus,
 Præpositi geminum nomine munus habet.
 Misena quæq; sita est, quâ Saxo fortis in armis,
 Et de Virginibus nomina dicta tenet.
 At Cybelesq; choros, Corybantiâq; æra perosus:
 (O quantum est vni velle placere Deo?)
 Sancta salutiferi magno renouata Luthero
 (Dire quid hoc frontem nomine Papa trahis)
 Sancta salutiferi complexus dogmata verbi,
 Orator Christi pauperis esse tulit.
 In manibus sacunda viri sunt scripta disertis:
 Illum quæ nullâ parte latere sinent.
 Spiritus æthereas liber remeavit ad arces:
 Cumq; pÿs lata tempora pacis agit.





*Ceu lecto gelidum requiescit corpus in urnâ,
Optatus venias dum bone Christe tuis.*

N. REVSNERI.

*Quò virtus maior Pietas est sancta, Georgi,
Ascania, Princeps Maxime, gentis amor:
Maior eò tuus exstat honos: tua gloria cælo
Peruolat, æternos non moritura dies.
Tu patriæ princeps, populi tu pastor utrunque
Sanctus eras: vitâ castus, amore pius:
Qualis erat Solymâ quodam Esdras doctor in vrbe:
Iuridicus populi nec minùs ipse sui.
Luca clara dies fato, fit denique fato
Clara tuo: cuius fama perennis erit.*

IOAN. LAVTERBACHII.

*Non tegitur splendens obscurâ nocte lucerna:
Sed candelabris ornat aperta lares.
Religione piâ Princeps ornatus & arte,
Iustitiam prudens qui ratione fouet:
Est ornamentum Christi memorabile cætus:
Vnde pius quiuis gaudio letus habet:
Non sibi, non proprio, astit homini virtutibus omni
Consultit, & lucem spargit vbique suam.
Quum talis Princeps sis illustrissime, lucem
Qui radians toto spargis in orbe tuam:
Nomen & hoc partum, venturo & viuet in orbe:
Æterno iusti nomen honore manet.*


186
IOANNES AEPINVS
Theologus.



*Sacrorum antistes Hammonis in vrbe fidelis
Illustro summi dogmata vera Dei.*

M. D. LIII.





IOANNES AEPINVS HAMBVR.

gæ natus ciuitate Saxonix liberâ:

Præter multiplicem linguarum & artium humanitatis eruditionem:

Primus ex Euangelicis Vitebergæ, vnâ cum Gasp.

Crucigero & Io. Bugenhagio, Sacros.

Theol. Doctor salutatus, an-

no M. D. XXX.

Supremus Eccles. Hamburgensis Pastor

& Antistes postea ordinatus:

Cui præfuit annos xx. circiter, summâ

cum fide & diligentia:

Saxonicar. Eccles. fidem ac religionem sa-

cro sanctam & intaminatam con-

seruans perpetuò;

DIVINO NUMINE:

Contra Edictum Cæsareum, Augustæ

de re Ecclesiasticâ,

INTERIM,

Donec Synodus decerneret Oecumenica, in-

formandâ, promulgatum, anno

M. D. XLVIII.

Plurimis de religione scriptis libris optimè

de Repub. Christianâ meritis:

Obijt Hamburgi M. D. LIII. Aet. LIIII.

III. Idus Maij.


158
IN IOANNEM AEPINVM.
PHILIPPI MELANTHONIS.

*Hæc est Aepini Doctoris imago Ioannis:
Qui docuit castè dogmata pura Dei:
Saxonicoq; pios cœtus in littore rexit:
Fulfit & exemplis integravita bonis.
Vrbis vbi Hamburgæ stant ardua mœnia claræ,
Massylia veteris quæ decus omne tenet:
Et superat meliore bono, quòd præbet honestum,
Et fidum hospitium, maxime Christe, tibi.
Inde etiam Aepinus vigilans & pectore firmo,
Errorum fucos depulit, atq; dolos.
Ergo Deo grates tanto pro munere dico:
Vtq; regat semper pectora nostra, peto:
Et faciat, semper nos vnum ut simus in ipso:
Aeterni Gnatus quod petit ipse Patris.*

NICOLAI REVSNERI.

*Libera vox, & mens constans tibi semper, et ardens
Pectus erat verà cognitione Dei:
Sancte Aepine Dei præco: sacra pagina monstrat
Plurima, doctrinæ testis ubiq; tuæ.
Non fraus Pontificum potuit, vel Cæsaris ira,
Aut os, aut pectus grande mouere loco.
Saluificam tibi cura fidem manet vna tueri
Christi, qui nostræ jura salutis habet.
Quæ cathedram viuo, morienti Patria tumbam
Dat quoque: mens cœlo libera viuuit adhuc.*






189

IVSTVS IONAS

S. Theol. D.



*Mystes Iuris eram: sacrorum denique mysten,
Iuris diuini sancta magistra, facit.*

M. D. LV.

IVSTVS IONAS NORTHVSAE, VE-
teri Cheruscorum ciuitate imperiali, na-
tus anno M. CCCC. XCIII.

Post prima liberalium artium percepta studia:
Ex Iuris humani consulto, sac. Theologia,
quæ iuris diuini magistra est, Do-
ctor factus clariss.

Vir summi ingenij, & industriæ magnæ:
Professor Liter. Diuinarum, ac dein Præposi-
tus templi Vitebergæ constitutus:
Magni illius Principis EL. Ioan. Friderici filio-
rum, in acerrimis illis tempestatib.
comes constantiss.

Restituendæ in Saxonia Ecclesiæ fidus M.

Lutheri administer & παραστάτης:

Omnium rerum in causâ religionis per Germa-
niam gestarum adiutor ipse, & conscius:
Demum Antistes Ecclesiæ constitutus in Salinis
Saxonicis, & totius illius diæceseos in-
spector, ac reformator:

In cuius etiam veluti si nu M. Lutherus animam
Deo commendauit suam:

Tandem Eisfeldæ in Francia sancti perfun-
ctus Pastoris munere,

Summâ cum pietate vitæque innocentia:

Obijt sanctâ morte Anno Salutis M. D. EV.

Aet. LXIII. IX. Octobris.

Iosephi à Pinu Eteostichon.

Iustus vbi occubuit percussus funere Ionas,

Frons cum Sole Nepæ Tethyos intrat aquas.

191
IN IVSTVM IONAM
Theologum.

EPIGRAMMATA.

EOBANI HESSI.

Lingua nobiles, ore fulminator,
Cui mentem genius dedit beatam,
Dignum cœlo animum parente: Iuris
Humani simul & sacri peritus,
Et vates bonus, & Sophus disertus:
Hic est nomine IVSTVS ipse IONAS.

IOAN. STIGELII.

Quæ tibi sit docta IONA facundia lingua,
Iam pridem notum Rhœnus & Ister habent.
Largior à summo ceu defluit æthere nimbus:
Sic fluit eloquij copia larga tui,
Nam tua seu teneat suspensam concio plebem:
Vix puto sic aliquem Nestora posse loqui.
Seu reddas Latios sanctos sermone Prophetas,
Pendet & à verbo docta cæterua tuo,
Seu tua victuris mandes pia dogmata chartis:
Eloquij currunt flumina magna tui.
Qualia lactifluo depromit Liuius ore:
Conditor historia Roma vetusta tua.
Conferis at quoties cum magno verba Philippo,
Crediderim Crassum cum Cicerono loqui.

Quòd si fert animus facundo ludere versu,
 Carmine par magnis vatibus esse potes:
 Siue iuuat tacitas naturæ inquirere causas:
 Hic etiam ingenij vena diserta tui est.
 Quæ sit & ingenua prorsus non improba mentis,
 Atque omni grauitas asperitate carens:
 Quis sit amor, quæ sit pietas, quis candor in omnes
 Vix elegis videor dicere posse meis.
 Officia officijs, & amore lucraris amorem:
 Vtq; hominum celebret te genus omne, facis.
 Viue diu felix, multosq; superstes in annos,
 Perpetuo vatum carmine digne cani.

IN EIVSDEM TVMVLVM.

IOAN. STIGELII.

Tu quoque magnanimi comes explorate Lutheri,
 Iustificam IONA docte docere fidem:
 Quàm benè deponens onerosæ tadia vitæ,
 Nunc alio melius viuïs in orbe senex.
 Sicut adhaerentem latus ad sociale docentis
 A sancto nunquam vate retraxit amor:
 Sic monstrata sequens noti vestigia Christi,
 Sparsisti vnanimi dogmata vera sono.
 Pugnantem calamo, facundoq; ore tonantem
 Te coluit veris turba dicata bonis:
 Quum lacrymis iret lugens viridantibus Albis:
 Fleret & adflictum Sennonis ora decus:

*Te populosa piè complexa est Hala docentem,
At quæ aliò fato nollit abisse suo.*

Excepit latis venientem Francia votis:

Doctrinâ nondum est quæ saturata tuâ.

Tu quoque fodisti fontes in valle doloris:

Adfluit vnde animis tristibus orta salus.

Ergo coronatus cœlestia præmia doctor,

Ante Deum, Christi munere, iustus habes.

Inter & heroas qui sicut sidera fulgent,

Perpetuus cœli gaudia ciuis agis.

Sic age, viue, vale vitâ meliore superstes:

Sola est in Christo viuere vita pÿs.

E I V S D E M.

Nomen erat Iusto: cognomen nobile Iona:

Cura Euangelium grata docere mihi.

Urbs Hieræ primùm Musas me fouit amantem:

Mox clarum eloquiÿ viribus Albis amat:

Ad dictum celebri dum me videt ille Luthero:

Ingenio merui nomen habere meo.

Hinc iusta ad celebres egit me causa Salinas:

Doctorem excepit Francia læta senem.

Docui, & vixi, monuit velut antè Lutherus:

Pectore saluificam fassus & ore fidem.

Lætata meos lægit cineres Esueldia: mortem

Ante homines obÿ: viuo sed ante Deum.

N

GEORGII FABRICII.

Non hac est Iusti Iona sub rupe sepulcrum:
 Verum est credentis molle cubile viri.
 Ille pius Christum docuit: clausumq₃ salutis
 Monstravit, simul hoc ipse secutus iter.
 In Christo cubat hic: in Christo vita resurget:
 Et promissa polo gaudia certa feret.

ADAMI SIBERI.

Sepulcri venerare marmor huius,
 Quo IONAS cubat ille IVSTVS: ingens
 Musarum decus, eruditioris
 Sincerus Pietatis & magister.
 Hunc Northusa dedit: docentis ora
 Est miratus & approbavit ipse
 Lutherus: dolet ac gemit paterq₃
 Albis, Sala paterq₃ flent ademptum
 Omnes iudicij elegantioris,
 Et boniq₃ viri, pūq₃: cælo
 Ille, colloquio Dei, receptus,
 Et Christi fruitur beatius ore.

NICOLAI REVSNERI.

Ius, Sophia, eloquium, IONA, simul addita Musæ,
 Quamuis emeritum te super astra ferunt:
 Te Pietas tamen ipsa magis, Regina priorum,
 Sanctaq₃ Relligio laudat, & vsque beat:



*Quam constans animi, magno praeunte Luthero,
 Ritè doces: & ius non colis ipse magis.
 Fides & inuictus per summa pericla Lutheri
 Fis comes, & vita testis, & inde necis.
 Patria dat cunas Northusa, Esfelda sepulcrum:
 Lencoris est fidei testis, & Hala tua.*


Fide Iustitia.

IOAN. LAVTERBACHII.

Coram Deo iustus, fide Christi
 tum colens.

*Doctrinâ iustus, iustus sermone, decore
 In vita iustus, iustus amicitiat
 Iudicio iustus, sincero iustus anore,
 Consilijs iustus, iustus in officio.
 Dum cunctis iustus rebus facis omnia iuste:
 Rectè à iustitiâ nobile nomen habes.
 Iustitiam iustus colis, in Christi q̃ salute
 Iustitiam monstras omnibus esse fide,
 Iustitiam fidei iustus sine fine doceto:
 Iustitiâ iustus regna beata coles.
 Iustitiam fidei Christo quicunque salute
 Aut docet, aut didicit, gaudia saluus habet.*

N. 2



196
VVOLFGANGVS LAZIVS
Historicus Cæs.



*Seu Romana placet tibi, seu Germanica facta
Noscere, dulce leges me duce certus iter.*

M. D. LV.

VVOLF GANGVS LAZIVS VIEN-
næ Auftriæ natus, anno M. D. XIII.

Patre Simone Medico Doctore & Poliatro:
Medicus & ipse Doctor, & Philosophus
excellens:

Philistor in primis & Polyhistor maximus:
Rerum Romanarum & Germanicarum
scriptor celeberrimus:

Patriæ suæ Viennæ, & totius Auftriæ
illustrator fideliss.

Totius Antiquitatis indagator solertiss.
A Ferdinando Cæs. Aug. non modò in consi-
lium, verùm etiam ordinem alle-
ctus Equestrem:

Multis præterea & amplis ab eodem hono-
rum insignibus nobilitatus:
Obijt diem suum Quinquagenarius in patriâ,
Anno Salutis M. D. LV.

GEORGII CALAMINI.

Vt suggillari se Lazius audijt astris:

Vmbris nonne meis liuide parcis ait?

Quid si non licuit libuit tunc referre, quod optas:

Nec generis potui facta videre tui.


Fortè futura vehent te, Liuide, secula: nescia

Genti principium cuique fuisse suum.

IN VVOLFGANGVM LAZIVM Cæs. Historicum.

IOAN. LAVTERBACHII.

*Liuius historia Princeps, quo Roma triumphat,
 Imperij florens fama quod orbe viget:
 Quum patriâ vellet moriens discedere terra,
 Elysiasq; domos visere, lætus ait:
 Aoniæ, summi proles Iouis inclyta, Musæ:
 Et tu Pierio Pallas amata gregi:
 Romanam vestro descripsi munere gentem,
 Hactenus heroum fortia facta dedi.
 Nunc mea cum nymphis eternum turba valete:
 Nobilis eternum tu quoque Roma vale.
 Scripta triumphantes contingunt nostra Monarchas:
 Defunctus vitâ cum meliore labor.
 Lazius, historicas postremo tempore leges
 Obseruans, aliud texere perget opus.
 Eruet Italia densis monimenta tenebris,
 Quæq; velut mediâ nocte sepulta iacent.
 Dixit, & eterno compressit lumina somno:
 Elysijque peteus culta, reliquit humum.
 Nunc acres subeunt tua LAZI pectora cura:
 Vt studijs surgat Roma renata tuis.
 Liuius ut multos extendit nomen in annos:
 Continget longos sic tua fama dies.
 Omnia consumit, vel sint adamantina, tempus:
 Scripta vetustatis nuncia tuta manent.*



E I V S D E M.

Romana quæris celebratos urbis honores,
 Terrarum quondam quæ caput orbe fuit?
 Lazius historia veterum celeberrimus auctor,
 De Româ scripsit quæ dominante, vide.
 Ausonia fines, celebrem grauitate Senatum,
 Præclaros bello militiaq; duces:
 Difficiles pugnæ, legiones, arma, cohortes,
 Classes, hostili signa relata grege:
 Diuersos ludos, varia ornamenta, sacrorum
 Ritus, gentiles qui coluere deos:
 Hæc super à dominâ deductos urbe colonos
 Cognosces: viuas ne rudis historia.
 Historia præstant vitæ præcepta regenda:
 Alterius discas cautus ut esse malo.
 Historia præstant, rerum mens gnara priorum,
 Vt serâ curam posteritatis agat.


IOANNIS ROSINI.

Illustres quæ terra duces tulit Austria, summis
 Heroas habiles & tulit imperijs:
 Luce suâ fraudata foret, ni gratus alumnæ
 Excoleres, tenebris erueresq; tuam.
 Iam licet exigua per te spectare tabellâ,
 Impositas arces montibus aëryis:
 Flumina quæ properent medio miscerier Istro:
 Auctior ærentem quò riget Hungariam.

Et quæ clarum incunabula lata virorum:
 Quorum posteritas gestit imaginibus.
 Hic Ceres, hic mitis vestit fœcunda Lyæus
 Aequora, formoso condecorata croco.
 An tu plus igitur patria, vel debeat illa
 Plura tibi, dubito: par utriusque decus.

GEORG. LOGI EQ. SIL.

Pannoniæ tepido tellus prædiues ab Austro,
 Austria cui nomen nobilis aura dedit:
 Tot regum fœcunda parens, tot quæ dedit orbi,
 Et dominos porrò tempus in omne dabit.
 Fœcunda ingenijs quamuis tot corda virorum
 Docta dedit, quorum nomina clara vigent:
 Hanc tamē ante alios tam pulchrè illustrat & ornat
 Lazius, Austriaci fama decusq₃ soli.
 Ipse suas artes docuit quem magnus Apollo:
 Et gemina hinc cinxit frondis honore comam,
 Namque idem medica ante alios excellit in arte,
 Et canit Aonio carmina digna choro.
 Quin mundi cœliq₃ vias, & sidera nouit:
 Terrarum & pulcras diuidit arte plagas.
 Idem & res gestas facundo detonat ore:
 Illustrat patriæ dum monimenta sua.
 Subq₃ oculis illam tabulâ tibi ponit in arcta:
 Absens præsentem ut cernere ritè queas.
 Nomine quo multū patria hæc sua debet alumuo:
 Quæ non ingratum, degeneremq₃ tulit.



*Debebunt reges illi, Germania & ingens,
Res gestas quorum, & nomina prisca canit.*

IOAN. SYLVESTRI.

Profopopoeia Viennæ.

Vrbes egregias inter, & inclytas

Sublimi ferio, sidera a vertice:

Viennæq; fruor nomine nunc, prius

Quum certum Fabiana

Nomen castra darent mihi.

Gaudebam titulo, nec minùs alteri

Felici auspicio scilicet indito:

Quod successus idem comprobat optimus

Rerum: nam placuit mox

Vt Vindobona dicerer.

Me ciues alijs mœnibus optimi

Ornant: ingenij dotibus ast meus,

Quas nulla poterunt diruere hinc vices

Rerum, ducis alumnus

Doctor Lazius optimus.

Ergo quem genui, quem gremio tuli,


Lucem cui tribui, quem simul extuli,

Vt scriptis peperit perpetuam sibi

Vitam, sic mihi viuens

Viennæ dedit. hanc suæ,

CONRADVS PELLICANVS
Theologus Tigurinus.



*Quàm sanctæ fuerim linguae, fideiq; peritus,
Scripta probant: passim cetera fama canit.*

M. D. LV.

CONRADVS PELLICANVS RV-
beaquensis Alfatus:

Primis iactis studiorum fundamentis,
Præclarâ Heidelbergæ ac Basileæ in artibus &
linguis navatâ operâ: .

Quarum discendarum studio ordinem Fran-
ciscanorum Basileæ aliquandiu
professus:

Mox eo abdicato, veritate Euangelicæ do-
ctrinæ cognitâ,

Lingux præsertim Ebrææ solidam ade-
ptus cognitionem:

Sacrarum Literarum Basileæ primùm, deinde
Tiguri Professor annis multis perho-
norificè habitus :

Præclaris etiam in vniuersum sacrarum lite-
rarum corpus scriptis editis fa-
ctus celeberr.

Præter eruditionem singularem,

Maximâ vitæ integritate, summaque vir mo-
destiâ præditus:

In quâ ad extremam vsque senectam perseue-
rans, nemini grauis, omnibus gratus,

Migrauit ex hac vita feliciter Tiguri,

anno M. D. LV.

IN CONRADVM PELLICANVM
Theologum.


Epigrammata.

P. CANDIDI.


*Quâ superûm quondam cœlesti ex æthere linguâ
Affatus sanctos est Pater ipse patres:
Exactum callens hanc Pellicanus ad vnguem,
Cumq; Deo potuit, cum superisq; loqui.
Macæ vir ingenio: te sacri interprete libri
Sunt facti illustres iam magis atque magis.*

ÆGIDII PERIANDRI.

*Hebraeam nullo poteras proferre magistro
Linguam, quum Graiâ gratus in arte fores.
Ostendit liquido Manans oratio riuo:
Quàm fuerit terno Teuto sub ore potens.*



205
IOANNES SLEIDANVS
Historicus.



*Sleida dedit vitam: tumulum Argentina domumq̃:
Relligio per me Teutona nota viget.*

M. D. LVI.

IOANNES SLEIDANVS BELGA

Sleidæ natus anno M. D. VI.

Quem Lutetiæ Paris. bonis ex cultum di-
sciplinis Argentina excepit:

In quâ multiplice & eruditionis, & prudentiæ
atque pietatis edito specimine, summo
semper loco habitus:

Legatus deinde non modò in Anglia, commu-
ni Protestantium, quos vocant, nomine: sed &
urbis ipsius in Tridentino Concilio: magnam
sibi apud omnes passim comparauit
gloriam, atque existima-
tionem:

Multò etiam maius adeptus immortalis famæ
decus, ex egregio illo opere suo de Reipub. &
religionis in Germania statu à se veris-
simè simul & elegantissimè
perscripto:

Iacobo Sturmio Prætorè nobiliss. & ampliss.
non modò hortante, verùm etiam ma-
teriam suppeditante:

Addito etiam de summis imperijs eruditis-
simo commentario:

Sui seculi Historicus facilè princeps:

Obijt Argentinæ ex Epidemico morbo, anno
Salutis M. D. LVI. Aet. L.

Iosephi à Pinu Eteostichon.

*Vndenas lustris trieteridas adde trecentis
Octoꝝ: Sleidani tempora mortis habes.*



IN IOANNEM SLEIDANVM
Historicum.

EPIGRAMMATA.

IOAN. LAVTERBACHII.

Est laude dignus, erudit qui posteros.

Quis status in terrâ fuerit, rerumq; per orbem,

Imperio Caesar Carole Quinte tuo:

Quàm rigidos verax Ecclesia senserit hostes:

In Christo sperans regna beata fide:

Quos sit in aduersis pugnans experta patronos,

Qui veram sacris asseruere fidem:

Vox Euaagely superatis sana tenebris,

Purpureum postquàm cœpit habere diem:

Sex & viginti Sleidanus tradidit auctor

Historia, facili dexteritate, libris.

Dum seris studuit prodesse nepotibus, ut res

Congressu possent commemorare bonas.

Est iustum meritis auctori dicere laudes:

Recta quòd historijs secla futura docet.

Erudit historijs seros quicunque nepotes,

Dignus, ut aternâ laude coltur homo.

IOAN. STVRMII.

Sleida mihi patria est prima: Argentina secunda:

Mortuus ut viuam, consequor historia.

GEORGII FABRICII.

Quos tulerint nostri pro religione tumultus

Orsus es aternæ posteritatis opus.

MARTINI CRVSII.

*Lugeo Sleidanum, quum cogito, qualis in illo
 Dulcedo morum vixit, & oris honos.
 Sed multò magis historiâ quum versor in ipsâ:
 Hunc Deus expressit, mox scidit inde typum.*

IACOBI FABRICII.


*Ingenio magnus, pietate insignior, arte
 Sleidanus facilis, dulcior eloquio.
 Vera sciens, nec vera tacens, & vana perosus,
 Germanæ sapiens conditor historia.
 Per patria, & cara per posteritatis amorem
 Temporis acta sui scripsit, & occubuit.
 Ore Deû, ut calamo, placidâ est in morte professus:
 Improbe nequicquam rumperis inuidiâ.*

GEOR. CALAMINI.

*Iunctus qui patriâ, lare qui vicinus & ortu,
 Et socius arte Sturmio
 Aemulus & Musa fuit, & Ciceronis amore
 Sleidanus hoc dormit loco
 Quem pudor heu nimius, calata corporis agri
 Contage terris sustulit.
 Sanctas historiae sat agis cognoscere leges,
 Fidumque pectus ac pium?
 Scripta legas, memori quæ tunc Deus eximet aeo,
 Si quando notitiam sui
 Terris invideat: Simul & cum tempore rerum
 Monumenta fortè concidant.*



IOANNES FORSTERVS
Hebræus Theologus.



*Patria sit quamvis Augusta & Sueuica tellus:
Arguit Hebræum me sacra lingua magis.*

M. D. LVI.

IOANNES FORSTERVS AVGV-
stæ Vindelicorum natus Anno
M. CCCC. xcv.

Permuitis Germaniæ Academijs perlustratis,
Linguarum habens præcipuarum
studium potissimum:

Sacræ Theologiæ Doctor Vitebergæ pro-
nunciatus:

Ac dein Professor Linguae Sanctæ in Acade-
miâ habitus longè doctiss.

Quam & Lexico edito illustrauit pluri-
mum, & amplificauit:

Post fidelem multis annis Reipub. Christia-
næ nauatam operam:


Iisdem studijs, quibus contentus vixerat, fe-
liciter immortalus,


Obijt anno Domini M. D. LVI. XII.
Decembr. Aet. LXI.

Iosephi à Pina.

Eteostichon.

*Reliquit vitæ extinctus Forsterus ut auras:
Acronicho Castor surgit ad astra gradu.*





IN IOANNEM FORSTERVM
Theologum.

GEORGII FABRICII.

*Sic loqueris Forstere, velut de semine cretus
Isacidum: sancta est lingua paterna tibi.
Sic scripta exponis meritum testantia Christi:
Ut manet libris cœlica vena tuis.
Ornetur tumulus fertis: cedroq₃ linantur,
Commendant docti quæ monumenta viri.
Homo Dei imago. Esa. 43.*

IOAN. LAVTERBACHII.

Laudare mortalis, Deumque noscere.

*Et terris ad imaginem beatam
Est formatus homo, Dei parentis
Ut cognoscat in hoc doloris ævo,
A quo conditus est, Deum parentem:
Aeternis ut in hoc doloris ævo,
Toto pectore, viribusq₃ totis,
Laudibus celebret Deum parentem.
Non tantum didici Deum parentem,
Hoc quantum patitur doloris ævum,
Rectè noscere, sicut in salute
Christo se patefecit: inq₃ Christo
Non tantum studui Deum parentem,
Hoc quantum patitur doloris ævum,
Toto pectore, viribusq₃ totis,*

*In templis celebrare gratus: Ipse,
 Nomen Gratia cui dedit perenne,
 Forsterus quoque publicis Hebrae
 Linguae sedulus in scholis Prophetas
 Atque oracula Doctor explicari.
 Meo praestiterim quid in labore,
 A me postgenitis quod est relictum,
 Hebraeum tibi Lexicon probabit.*

*Et cognoscere laudibus parentem,
 Et Deum celebrare sempiternis,
 Munus est hominis, Dei beatam
 Conformati ad imaginem parentis.*


PANTAL. CANDIDI.

*Clara tuo reddis sacra lumine Biblia doctor
 Forstere: hinc nomen clarius ipse geris.*

NICOLAI REVSNERI.

*Dum fontes aperis, & linguae flumina sanctae
 Corruas sacris eiacula tophis:
 Multum Relligio debet tibi sancta: fidelis
 Cuius es interpres, scriptor & arte bonus.
 Multum Grata tibi, Germana, Latinaq; debet,
 Siq; alia est, sacra quae Biblia, lingua, legit.
 Nam fontes liquidos vestigas ritè Sionis
 Sanctae, caelestes vnde petantur aquae.
 Donec relligio, linguae pius usus Ebrae
 Donec erit, celebris laus tua semper erit.*

IOANNES BVGENHAGIVS PO-
meranus, Eccles. Viteberg. Pastor.



*Quo doctore fidem profitetur Dania Christi:
Iessæ Citharæ laus Pomeranus eram.*

M. D. LVIII.

IOANNES BVGENHAGIVS POME-
ranus, Iulini natus anno M. CCCC. LXXXV.

Primo studiorum tyrocinio Gryphisuualdiæ
in Academiâ factò:

Literator iuuentutis primùm Treptæ factus:
ac dein Presbyterorum adiunctus
Collegio:

Lectiõibus operam dans sacris, & concionib.
popularib:

Demum Christianismo per Lutherum instau-
rato, Vitebergam euocatus, anno

M. D. XXI.

Summus Ecclesiæ Pastor, & Academiæ
Professor factus:

Quâ in statione ille totos annos xxxviii. sum-
mâ tùm fide, tùm diligentîâ vbique præ-
stitâ, constantiss. perseueravit:

Ab omni prorsus alienus ambitione, & auaritia:


Quum ad splendidos Pontificatus suscipien-
dos à summis Regib. & Principib. sæ-
piùs inuitaretur:

Plerisque interim Ecclesijs Septentrionalibus,
Daniæ, Pomeraniæ, Saxonîæ piè recteque
constituendis, operam præstans
fidelem:

Tanquam Legatus Dei, & Euangelista sanctiss.
Beata sui memoriâ relictâ,

Obijt placidè Vitebergæ, annum agens vitæ
LXXIII. xx. Aprilis. Anno

M. D. LVIII.



IN IOANNEM BVGENHAGIVM,
Pomeranum, Theologum.

PHILIPPI MELANTHONIS.

Coniugis ut senio confecti corpus aequatum
 Ipsa suis humeris Halcyo grata gerit:
 Sic benè promeritum doctorem Ecclesia curet:
 Et leuet ætatis pondera dura seni.
 Sic tua canities, Doctor Pomerane, fidesq̃,
 Sincera est cunctis iam veneranda p̃ijs:
 Qui procul externis sparsisti fidus in oris
 Pura Euangelij semina voce tuâ.
 Ac ceu Baptistes agnum monstrare solebat
 Aeterno Christum de genitore satum:
 Tu quoque iustificâ docuisti agnoscere Christum.
 Aeterniq̃, Patris sumere dona, fide:
 Fictiliumq̃, alias formas tua lingua deorum
 Fuertit, Papa quas voluere coli.
 Et velut in scopulis celsos locat Halcyo nidos,
 Hyberni circum quos fremit vnda maris:
 Sic medio in pelago felix iam Dania nidos
 Extruxit Christo, te fabricante, pios.
 Te Deus hos inter textit iuuitq̃, labores:
 Nunc vitâ sanctus viuus in arce poli.


IOANNIS LA VTERBACHII.


Opus Dei peccantium conuersio.

*Ferrea quòd domui cœlesti pectora voce:
 A Christo patris est quæ patefacta sinu:
 Humanorum operum mer sos errore fideles,
 In veram potui quòd reuocare viam:
 Quòd rigidos spinis solitus sum flectere dumos:
 Nomen ab officio quod mihi fata volunt:
 Clandestina p̃ij Flatus operatio Christi,
 Ingenij proprium non fuit istud opus.
 Organon est hominis studium, non causa: benigna
 Sed Triados, multis quòd data vita fide est:
 Ferrea corda potest confringere concio verbi,
 Errores, dumos, prauaq; cuncta, Dei.*

A N O N Y M I.

*Si sic docendo flexiles
 Mouere mentes quiueris:
 Lenti ut solent curuescere
 Dum i (id sonat vis nominis)
 Tum laude maior qualibet
 Sis iure habendus omnibus.*





217
IANVS CORNARIVS
Medicus.



*Quos Medicos laudet scriptores Gracia docta:
Per me nunc Latij nobilis ora legit.*

M. D. LVIII.

IANVS CORNARIVS

Cygnæus.

Summus Philosophus, & Medicus excellens:
Literarum præsertim Græcarum & Latinarum
cognitione præstans liberali:

Qui & Theologos illos veteres, Basilium, Epi-
phanium, Chrysostomum, alios: & præte-
reà Medicos Græcos, Hippocratem,
Galenum, Aëtium Latio

donauit:

Alijs quoque Philosophis & Medicis Latinis,
Marcello, Macro, Merboldo, Adaman-
tio, Parthenio, cæteris fidei ope-
râ & studio illustratis:

Tum etiam Isagogicis & dogmaticis quibus-
dam libellis in Medicinâ publi-
cè editis:

Aeternum posteritati nomen suum
consecrauit:

Obijt Ienæ anno Sal. M. D. LVIII,
Aet. LVIII. XVII. KL. Aprilis.

Iosephi à Pinu Eteostichon. :

*Excellens Phœbi Cornari viribus Artis,
Exuuias soluit Parca maligna tuas.*

219
IN IANVM CORNARIVM
Medicum.

EVRICII CORDI.

*Te licet Arctous peregrinum contegat axis:
Sunt tamen hic animi pignora multa tui.
Scilicet egregij doctissima scripta libelli:
Quos versans, magni spem mihi sumo boni:
Vt quæ fœda patet cæcis medicina tenebris,
Efferat excultum, te poliente, caput.*

GEORG. FABRICII.

*Aetas quotquot nostra tulit, quot secula priora,
Præstantes scriptis, artibus, ore viros:
Iano Cornario plura & meliora, nequiuit
E Graijs nemo fontibus hausta dare.
Dicere vera negas tumultum? celerando recede,
Tumba te inexpertum ne vocet ipsa virum.*

IOAN. BARTOLOMAEL.


*Si Iani spectes fœcunda volumina, dices:
Ianus & ingenio, Ianus & arte valet.*

IOAN. MENTII.


*Post quinquagenos vitæ, & bis quattuor annos,
Cornarius claro nomine talis erat:
Illo non melius medicantes miscuit herbas:
Applicuit medicas tam benè nemo manus.
Liberat at dum morte alios, cadit ipse repente:
I nunc, & mortis nil vereare minas.*

TVMVLVS EIVSDEM.

Ingenio si quis sibi nomen & arte paravit:
 Ante alios clarum tu quoque nomen habes.
 Namque simul Graio facundus, & ore Latino,
 Præstans vir Medicæ viribus artis eras.
 Sunt q̃, procul, varias via qua munitur in artes,
 Consita subsidio commoda multa tuo.
 Orba ferè genio, densis abstrusa tenebris
 Restituis studio scripta vetusta tuo.
 Non hunc Coe senex, magni dux doctæ Galeni
 Acceptum non hoc Græcia tota negas?
 Ringere Liior iners: tamen huic sua præmia debet
 Ingenuus meriti non pereuntis amor.
 VIVE Deo, studia ista suo qui numine iuvit:
 Sperantem in Christi transtulit ille sinum.



IACOBVS MILICHIVS
Medicus.



*Multa mihi debet cæli historia edita Plinî:
Leucoris & Medicum me Physicumq̃ colit.*

M. D. LIX.

IACOBVS MILICHIVS FRI-
burgi Brisgauorum natus
anno M. D. I.

Quum & morum suauitate, & literarum eru-
ditione eximiâ præditus esset:

Mathematicum imprimis & Philosophiæ vni-
uersæ studiosissimus:

Quod elegantissima ipsius in Librum Plinij
secundum de mundi historia commen-
taria vel sola abunde conte-
stantur:

Medicinæ Doctor ac Professor in Academia
VVitebergæ publicè constitutus:

Singulari erga Deum pietate, erga homines
humanitate præstans:

Obijt Vitebergæ Apoplecticus anno Sal.
M. D. LIX. x. Nouembr.

Iosephi à Pinu.

Auctorem genitum post omniparentis Olympi


Addita dena annis secla fuere nouem:

Phæbus & hic centum bis quinaq³ lustra peregit:

Milichius vitam clausit in orbe suam:

Fluxerat ipsius decies vbi quintus ab ortu,

In cursu bis iam quartus & annus erat.



IN IACOBVM MILICHIVM
Medicum.


PHILIPPI MELANTHONIS.

*Inuida Milichium rapuerunt fata Iacobum:
 Qui sibi, quiq₃ alijs viuere dignus erat.
 Cui pater ipse suas artes donauit Apollo:
 Natura & gremio nutrit alma suo.
 Ille vias cœlæ, coeloq₃ errantia nôrat
 Sidera, quasq₃ habeant illa vel illa vices.
 Adde potestates herbarum, vsumq₃ medendi:
 Scripta q₃ solerti tot monumenta manu.
 Hic herba vestras decuisset promere vires:
 Quando alios vestra sæpe leuauit ope.
 Sed noua quum tellus quondam noua germina fundet:
 Et noua quum cœlum prouehet astra nouum:
 Tum nouus exuuijs decoratâ carne resumptis
 Milichius, prisca dum videt artis opes:
 Multa super flores, & cœli signa loquetur:
 Abramo faciens mutua verba patri.
 Nunc ver perpetuum felici spiret in urnâ:
 Frondeat ut pictis semper amœna rosis.*

N. REVSNERI.


*Moribus ut suauis Medicus, sic ore serenus,
 Milichij nomen quàm benè dulce geris?*


ERASMVS SARCIERVS
Theologus.



*Si carus superis, nulli grauis, omnibus aequè
Gratus eram: dic cur Sarcina ruris Eram?*

M. D. LIX.





ERASMVVS SARCERIVS

Annæmontanus:

Liberalium artium, & virtutis sapientiæque
 probè excultus studijs:

Sed in primis sacrarum literarum, quibus ope-
 ram Vitebergæ nauauit sedulam,
 scientiâ ornatus:

Quas non solùm concionando, magno cum
 pietatis zelo: sed & scribendo, propa-
 gare atque illustrare pro virili
 conatus est maximè:

Multis ingenij sui monimentis haud vulgari-
 bus piæ posteritati relictis:

Lipsiæ primò Ecclesiastes, ac dein Nassouiæ
 Comitatus Pastor & Antistes
 fideliss:

Optimè de Ecclesia meritus:


Obijt Magdeburgi, anno salutis M. D. LIX.
 Mense IXBR. D. xxviii. ætatis LIX.

IN ERASMV M SAR CER IVM
Theologum.

Epigrammata.

A. S.

*Sunt hac ora, gena, facies & pectus Erasmi
Sarceryj: hac potuit pingere docta manus.
Verum nemo potest, quæ sit constantia mentis
Pingere: quin hoc non esset Apellis opus.
Impia qui nunquam deliramenta secutus,
Sincero fidei dogmate pascit oves.
Quas non concinnas fraudesq, minasq, potentum
Sustinuit, forti pectore dura ferens?
Nestoris eloquio similis facundia lingua
Illius tantâ cum gravitate fluit:
Ut meritò, sibi quem studijs quæsiuit honorem,
Ingenio & celebris fama per astra volet:
Fortior & tulerit quum tot mala multa ferendo:
Exilij fuerit pœna timenda licet.
Ut superet constans quoq, fata sequentia Christe,
Te duce & hunc maneant prosperiora, precor:
Atque Theonino patitur quæ vulnera morsu,
Vulneribus sana, maxime Christe, tuis.*



IOAN LAVTERBACHII.

Accommodans multis, senectus à Deo.

Qui geris à sancto Saceri nomen amore:

Non equidem frustra nomen Erasimus habes:

Religionis honos, artes, vitæq; decorum,

Radices ut agant spe meliore suas:

Das operam sancto mentem percussus amore:

Dum calamo, viua dum sacra voce colis.

Ingenij calamo quæ non monumenta relinquis,

Vt facta, ut maneat gloria recta Dei?

Quæ non suggesto fatundus ab ore Pericles,

Quæ decet, ut faciat munia quisque, doces?

Religionis honos, artes, vitæq; decorum,

Vt Christo, fructu diuite, regna parent:


Extendat vitam longos Deus auctor in annos:

Quæ calamo, viua quæ sacra voce colat.


Est auctore Deo vita longauior etas:

Quæ studio multis commodat usque suo.

P 2



PHILIPPVS MELANTHON, GER-
manix Phœnix.



*Paruus eram: nec me tamen ingens cepit hic orbis:
Fama mei complet nominis omne latus.*

M. D. LX.

PHILIPPVS MELANCHTHON BRET-

tæ Palatinorum natus A. M. CCCC. XCVII.

Portæ Herciniæ primò versatus in literis admodum puer, cum ingenio, nec sine industriâ:

Magno illo Io. Capitone CL. Theol. & Phil.

studiorum cursum moderante:

Primem doctrinæ lauream Heidelbergæ, Alteram adeptus Tubingæ, anno æt. xvi:

Friderici Saxon. Elect. Pr. auspicijs Vitebergæ euocatus, anno Aet. xxi.

Martino Luthero, cuius postea fidelis fuit παρα-
γάτος, omniumque laborum & studiorum

focius, Rem Christianam in Germania reformante:

Quâ in Academiâ totis annis XLII. operam
nauans in docendo laudatiss.

acrarum literarum explicator solertiss ac fideliss.

Veritatis cœlestis Patronus in primis strenuus:

Opt. disciplin. & artium cum instaurator, tum conseruator:

Qui omnem doctrinam, quasi vagam & dissipatam collegit, & ad certam rationem reuocauit:

Pietate, vitæ innocentia, humanitate, benignitate erga omnes, ac in primis incomparabilis modestiæ exemplo, non modò cæteris, verum etiam se ipso superior:

Singulare nostri seculi ornamentum, & decus

Germaniæ perpetuum futurus:

Obijt Vitebergæ sanctè & feliciter XIII. KL. Maij.

Anno M. D. LX. quum annos vixisset

LXIII. & dies totidem.

IN PHILIPPVM MELANTHONEM

EPIGRAMMATA.

NICOLAI REYSNERI.

*Felix illa dies, niueo signanda lapillo,
 Quæ tibi nascenti prima Philippe fuit.
 Felix illa domus: felix vrbs patria, quæ te
 Nascentem gremio souit amica suo.
 Felices, qui te talem genuere parentes:
 Cui vix vlla parem secla tulere virum.
 Tunc pietas tecum re floruit, arsq; Philippe:
 Tunc suus est studijs redditus omnis honos.
 Salue clara dies post Idus Februa quarta:
 Musarum semper concelebranda choris.
 Parua quidẽ, magno sed magna Melanthe salue
 Bretta, Palatini fida columra soli.
 Tuq; adco salue patriæ lux magna Philippe:
 Floreat & generis sera propago tui.*


IO AN. STIGELII.

*Dadaleis manibus facies tua pingitur Heros:
 Mentem qui poterit pingere, nullus erit.
 Si qua manus sancta possit quoq; fingere mentem
 Pingere vel mores, docte Philippe, tuos:
 Pulcrius aspiceres toto vix numen in orbe:
 Nam Diuum te mens diua sub orbe facit.*

GILBERTI DVCHERII.

*Solis ex scriptis auctores nouimus illos,
 Qui laudem ac studium posteritatis habent.*





Sed quum de scriptis notos vehementer amamus:

Tum cœlo multis laudibus adserimus.

Longum interstitium, haud annorum, at patria iniquum

De facie ut nôrim te minùs efficiat:

Scripta, quibus tua fama nitet, diuine Melanthon,

Efficiunt, ut amem te, & tibi honorẽ habeam.

IOAN. LAVTERBACHII.

Honore dignus restitutor artium.

Teutoniæ verum lumen, diuine Melanthon;

Ingenij cuius lucet in orbe iubar:

Barbariæ postquàm Germania mersa tenebris,

Iam captiua diu vincula dura tulit:

Nec studijs auersa bonis, cultuq; nitenti

Erectum potuit ferre per astra caput:

Tu velut Alcides rupisti vincula capta,

Duxistiq; iubar post tenebrosam diem.

Hinc super Europæ crescens Germania gentes,

Alcidenq; suum te colit, atque iubar:

Auxilium studijs quicunque ruentibus affert:

Alter ut Alcides, ut iubar orbe nitet.

ÆG. PERIANDRI.

Nomen habes nigrum: sed non sic splendet in orbe

Titan, hoc veluti lumen vbique micat.

HIER. TREVTLERI.

Ilias exigua nucis abdita tegmine quondam

Mira fuit. veteres hoc ut habetis opus?

Hic Pietas, virtus, Doctrina, & quicquid amoeni est

Claudatur hoc uno (rumpere Mome) viro.

EIVSDEM.

*Bretta mihi patria est: sedes Viteberga: labores,
 Ingenium, curas orbis uterque vehit.
 Præmia diuersi reddunt diuersa: rependit
 Et famam, & cæli tecta tenenda Deus,*

BARTHOLOMAEI REVSNERI.

*Candorem spirant, quem vultus & ora PHILIPPI,
 Quæ dedit in scriptis, cernito viuidius.*

IN EIVSDEM MORTEM.

GEORG. SABINI.

*Hæc inuicte tuus collega Luthere Melanthon,
 Non procul à tumulo conditur ipse tuo.
 Vt pia doctrinæ concordia iunxerat ambos:
 Sic sacer amborum iungit hic ossa locus.*

IOAN. STIGELII.

*Fons latet hoc tumulo: quid quaris amice viator?
 Fons dogmatum piorum & eloquentiæ:
 Si quis ab hoc riuum proprios deduxit in hortos,
 Non aureas huic præferat pyramides.
 Illius obstructas doleo Germania venas:
 Parem futura non habebunt secula.*

IOACH. CAMERARII.

*Vitam fortunasq; suas, studiumq; laboris,
 Quicq; operæ sanctam, consilyq; fidem
 Impendit diuina tuis Ecclesia rehus,
 Teq; pius variâ iuuit & auxit ope:
 Hac in parte sibi post mortem structa Melanthon
 Communi in luctu busta Philippus habet.*

*Qua templi foribus magni vicina Lutheri,
E regione solum quòd tegit ossa videt.*

IOAN. MATHESII.

Flos iabet hic mellis ingrâ tellure Melanthon:

Apes dolete sedula:

Vnde bonus spirabat odor, pia mella fluebant:

Pia fleant Ecclesiæ.

Lenta febris potuit paruum comburere florem:

Lugete parui flosculi.

Nulla viri famam poterit delere vetustas:

Fuci leues faceßite.

Semper apes flauo distendent nectare cellas,

Quà nunc stetit flos melleus.

Semper humus suaues illic diffundet odores,

Quà nunc iacet flos paruulus.

Sed quum summa dies optato illuxerit ortu,

Flos hic virebit denuò:

Et reliquas inter bene olentes pulcrior herbas

Christi nitebit vertice.

IOANNIS MAIORIS.

Maximus hic meritis, sed paruus membra Philippus

Pone iacet tumulum, magne Luthere, tuum:

Cui pia religio se totam debet, & artes,

Et pax, & regni publica commoditas.

Testis erit vitæ, studiꝝq, actiꝝq, laboris,

Quicquid Romano viuit in imperio.

Quumq, odia à multis fuerit perpeßus alumnis,

Nunc cælo precium dulce laboris habet:

Ossa tenet tumulus, sed viuit fama: iacere

Tot dotes vno non potuere loco.

F. B.

*Ecquid terra vires, quum flos tuus occidit? atris
 Vestibus (exuvijs ô Libitina tuis)
 Obsita lugeto: Sic debes esse Melanthon,
 Quum sepelis Solem lurida terra tuum.*

CAROLI HUGELII.

*Occiduo cum Sole tuum Germania sidus
 Occidit, ille quidem manè redire solet:
 At tibi non iterum, quod nox tenebrosa recondit,
 Sidus ab Eois exorietur aquis.
 Dum tamen Eoum mare, dum Sol viset Iberum,
 Sideris illa tui fama superstes erit.*

GEORGII FABRICII.

*Inclyta quicquid habet studij Germania laudis,
 Ingenio peperit, clare Philippe, tuo.
 VVitenberga tuum corpus tegit: orbe sepulcrum
 In toto est: animam magnus Olympus habet.*

THEODORI BEZAE.

*Et tu igitur tandem tumuli sub mole repostus,
 Dic ô Philippe, nunc iaces.
 Et quam inuidisti viuus tibi tute quietem,
 Cunctis quietem dum paras,
 Ipsa tibi cura & sancti peperere labores,
 Carum ô bonis cunctis caput.
 At tu funde rosas, funde isti lilia tellus,
 Tt lilia inter & rosas,*





*Quo nil candidius fuit & nil suauius vnquam,
 Recubet Melanthon molliter.
 Et grauis huic ut sis, caueas iuuenis ūe, senexue,
 Qui nemini vixit grauis.*

IOAN. POSTHII.

*Has lacrymas, hos mœsta parens Germania crines
 Ad tumulum spargit, culte Philippe, tuum.
 Has violas pietas, hanc magnus Apollo cupressum,
 Hæc tibi Pierides laurea ferta ferunt.
 Te pietas luget, luget Germania raptum:
 Cumq̃ suo luget turba nouena Deo,*

E I V S D E M.

*Albi Pater, liquidū quis nām tibi, quis pater amnem
 Turbat? & vberibus cur fluis auctus aquis?
 Ah miser, Aoniū turbat te casus oloris:
 Et tibi iucundos non finit ire dies.
 Ille tui cygnus fontis decus, atque voluptas
 Cecidit, & ripis conditur Albi tuis.
 Hinc ille lacryma, quibus auges flumina, manant;
 Hinc tua funereis vocibus antra sonant.
 Infelix annis, cygno spoliata canoro:
 Fallor? an huic similem non dabit vlla dies?*

IOAN. LAVTERBACHII.


*Quæ replet orbem, fama nunquā concidit.
 Diuino quid opus tumulum tentare Philippo?
 Hoc spacij, cælum quod tenet, urna capit.*

EPITAPHIUM.

Terra fui quondam: nigra gero nomina terræ:
 In terram redeo: dic mihi qualis eram?
 Non tumulus memori partum decus eximet auo,
 Quod spatium cunctas replet in orbe plagas.
 Est longe tumulo decus hoc diuturnius orbe,
 Quod pietas, virtus, ingeniumq; dedit.

IOAN. SCHÖSSERI.

Da sancto lacrymas tumulo, planctusq; sonantes:
 Et pia textilibus contege busta rosis.
 Hac sub mole cubant veneranda Melanthonis ossa:
 Hic antiqua iacet cum probitate fides.
 Hic etiam posuit quondam sua membra Lutherus:
 Ille reformatæ religionis honor.
 Felices anima, per quas Ecclesia Christi,
 Famaq; Pieridum nobilis aucta fuit.
 Quicquid habent artes, & triplex lingua politum
 Debetur meritis, docte Philippe tuis.
 Ergo tibi nunquam dignas Germania grates,
 Immensum per te, soluet, adepta decus.



CONRADVS LYCOSTHENES

Theologus & Philologus.



*Si Pietas, Sophiaq₃ placet tibi regula sancta:
Per lege dicta Sophum, viua labore meo.*


M. D. LX.

CONRADVS LYCOSTHENES

Rubeaquensis Alsatus, natus anno

M. D. XV.

Philosophiæ pariter, & Theologiæ operam
 Heidelbergæ nauans egregiam:
 Basileæ pòst vtrunque in scholâ & Ecclesiâ publi-
 cè professus est, magnâ cum fide & industriâ:
 Philologus præterea & Historicus celebris:
 Theatrum vitæ humanæ,
 Philosophiæ perennis compendium,
 Aet. Luminum Datoris benign.
 Per XLII. valetudinariæ æt. An. M. VII. D. VII.
 sedulò serioque commentatus:
 Quod eo postea mortuo à priuigno Theodoro
 Zuingero Med. & Philos. excellentiss. mirificè
 exornatum, & locupletatū, omnibus omnium
 Cæsarum, Amphitheatris meritò
 antepositur:
 VIII. KL. Aprilis, non improùiso Apoplexiæ
 turbine, ad certam immortalitatem.
 Anno eiusdem reparatæ
 M D. LXI. abreptus:
 Præter votum metumque,
 Sortis Literar. multam simul & magnam reli-
 quit vsuram posteris, in omne æuum
 perduraturam.



IN CONRADVM LYCOSTHE-
nem Philologum.


Virtutum Regina Pietas.

IOAN. LAVTERBACHII.

Regina virtutum pij scientia.

*Humana sapiens est vita regula dictum:
Quod gremio sedem mentis habere decet.
Hoc decet, hoc vita sit ut actio monstrat honesta,
Ne quā iustitia transgrediatur iter.
Religionis adhuc praecepta salubria vera
Ostendit, Pietas tollat ut omne malum.
Vt te virtutes, Pietasq; gubernet, honestum
Ne quā iustitia transgrediatur iter:
Conradi lepido congesta Lycosthenis ausu,
Quae memoranda, tuo dicta reconde sinu.
Vt te virtutes, Pietasq; gubernet, habebunt
In scelus, in vitium ne malus error agat..
Virtutum Pietas Regina boniq; magistra:
Virtutes, Pietas est ubi, regnat enent.*


240
IOANNES OLTENDORPIVS
Iurisconsultus.



*Et causas agere, & iuris bene reddere causas
Si doceam, Iuris nonne peritus ero?*

M. D. LXI.





IOANNES OLTENDORPIVS IC.

Hamburgi natus vrbe Saxo-
niæ liberâ:

Summam in studijs expertus liberalitatem
auunculi Alberti Cranzij Historici
clariss.

Gryphisuualdiæ in Pomerania Doctor Iuris
vtriusque creatus:

Syndicus primò Reipub. Rostochianæ
constitutus:

Pòst Colonia Agrippinæ, ac dein Marpurgi
multis annis ius ciuile in Academia
professus:

Singulari cum laude doctrinæ, fidei, indu-
striæ, sapientiæ:

Commentarijs in multas Iuris partes editis
quàm plurimis:

Ac præsertim Practicâ Actionum forensium ab-
solutissimâ, quâ verus exercendæ Iuri-
sprudentiæ vsus ostenditur,
in medio relictâ:

Obijt Marpurgi anno Christi, anno
M. D. LXI.


IN IOANNEM OLTENDOR-
pium Iureconsultum.

PETRI PAGANI.

*Aspice Casarei venerandum Iuris Athletam:
Quem tenui sollers finxit in aere manus.
Oltendorpiacæ decus hinc, & gloria gentis,
Dicitur: Ausonij portus & aura fori.*


ABRAHAMI SCHVVARZII
Alemanni.

*Si quisquam Themidis fuit sacerdos
Felix ius alios docere sacrum:
Oltendorpius hic fuit disertus,
Qui legum cupidam bonis iuuentam
Libris instituit fidelis, vsum
Monstrando, & varijs fori applicando
Leges iudicijs benè explicatas.
Qui multùm teneram iuuat iuuentam,
Laude est perpetuâ ac honore dignus.*



243

CASPAR A SCHVENC-
feld EQ.



*Sit gens clara licet, me sancta professio vita,
Et mea secta magis, religioq; iuuat.*

M. D. LXI.

Q 2 -

GASPARVS SCHVVENCVELDIVS
ab Ofsiga, Eques nobilis
Silefius:

Quum fidei propagandæ sacræ, quasi numine
correptus, se diuinitus destinatum
cenferet:

Singulari arrepto dogmate.

Eutychetis renouans errores:

Pro sacro diuini ministerio, ἐνθροισιασµὸν
ac motum nescio quem diuinum
suggerente:

Quod longè lateque disseminatum postea in
Germania, multos passim ex Equestri
& plebeio ordine habuit
sectatores:

Cæteroquin corporis dignitate, ac vitæ san-
ctimoniâ vir grauis, & venerabilis:

Plurimis de religione supra LXXX. Germa-
nica linguâ libris diuulgatis:

Obijt senex, in Suevia mense Decembri.
M. D. LXI.

245
IN CASPARVM SVENC-
feldium.

PANTAL. CANDIDI.

*Ipso ex ore Dei, non verbi ex ore ministri,
Dogmata, Suencfeldi, vis petere ipse tua.
Sunt sua danda Deo, sunt & sua danda ministro:
Namque trahit verbo corda mouente Deus.*

N. REVSNERI.

*Vnum agis hoc, ut salua Dei sit gloria: quicquam
Nec virtus hominum vindicet inde sibi.
Ergo doces, saltem correptos numine dio,
Quæ sunt, posse sacramente videre, Dei:
Posse ministerium nihil hic venerabile verbi,
Falleris heic animi, Gaspar, at vnde? rogas.
Nempe ministerium verbi cæleste per ipsum,
Quicquid agit, Deus hoc omne benignus agit.
Mortua non est, sancta Dei vox, littera: vita
Vita, biceps gladius, malleus, ignis edax.
Quam penes est & vis, & spes, & norma salutis,
Cælitus hoc ipso sic moderante Deo.
Qui spernit verbum Domini, verbiq; ministros:
Spernit is in cælis, qui dedit ista, Deum.
Amplius haud manet ergo Dei sic gloria salua:
Fide Deo: vero crede: beatus eris.*

PETRVS MARTYR VERMILIVS
Theologus.



*Tuscia me pepulit: fouet hinc Germania, dein &
Anglia: Martyr eram nomine reg³ pius.*

M. D. LXII.





PETRVS MARTYR VERMILIVS
Florentinus:

Literarum bonarum, ac in primis religionis studio
ab ipsâ pænè pueritiâ inflammatus:

Sancti Augustini Canonorum ordini primùm
addictus in Cœnobio Fæsulano:

Patauij totius Philosophiæ & linguæ Græcæ: Bono-
niæ etiam Hebrææ exactam adeptus notitiam:

Sacris dehinc concionibus habendis, omnium
illius ordinis totâ Italiâ princeps habitus:

Aeterni demum Lum. datoris cœlesti irra-
diatus luce:

Cum Ioanne Valdesio Hispano prima Neapoli, ac
dein Lucæ instaurandi Christianismi fun-
damenta iecit:

Mox Romæ vstulandus, amicorum suasu, ingra-
tæ patriæ valedicens, Tigutum primò, inde Ba-
sileam, pòst Argentinam, procurante

Mart. Bucero, vocatus:

Quin & cum eodem in Angliam ab Edouardo
VI. Rege euocatus Oxonium, ad profi-
tendum sacras literas:

Sed Marianis mox sequutis temporibus iterum
cedens Angliâ, Argentinæ in pristinum
locum restitutus:

Tigurum denique senectæ suæ portum
fortitus optatum:

Quo in loco sacras literas quinquennium cir-
citer, maximè cum omnium attentione
& admiratione interpretatus est:

Præclaros laborum suorum testes post se libros relinquens innumeros nunquam morituros:

Obijt placidè anno M.D.LXII. Aet. LXIII.
Prid. Id. IXBR.

IN PETRVM MARTYREM VER-
milium Theol.

THEOD. BEZAE.

*Tuscia te pepulit, Germania & Anglia fouit,
Martyr: quem extinctum nunc tegit Heluetia.
Dicere quæ si vera volent, re & nomine, dicent,
Hic fidus Christi (credite) Mæptur erat.
Vtq; istæ taceant, satis hoc tua scripta loquuntur:
Plus satis hoc Italis exprobrat exilium.*

IOAN. PARCVRSTII.

*Florida quem genuit Florentia, Martyris ista
Effigiem Petri picta tabella refert.
Doctrinam, ingenium, dotes animiq; stupendas
Non posset Cicero pingere pro meritis.*

ANONYMI.

*Itala quem genuit tellus, nunc exul oberrat,
Quò stabilis fiat ciuis apud superos.
Illius effigies hæc: mentem scripta recondunt:
Integritas, pietas pingier arte nequit.*

RVDOLPHI GVALDERI.

*Quòd Christum vitæ semper testaris & ore:
Martyris haud frustra nobile nomen habes.*



Profopopœia Librorum P.
Martyris.

*Si præsens animi latentis index
Est oratio, sicut eruditus
Rerum nos docuit magister vsus:
Si morum documenta sunt libelli,
Nostro nil melius probatius ué,
Dum vixit, potuit parente fingi,
Nil disertius, eruditius ué.
Nobis nam genitis parente tanto
(Verum dicere siquidem licebit)
Nil sincerius est probatiusq̃,
Nil politius elegantiusque,
Nil illustrius explicatiusq̃.*

*I nunc Liur edax, tuumq̃ rode
Et cor, & digitos, & omne quicquid
Infelix rabies vorare suadet.
Mirum ni tibi plaudis & triumphas,
Inuictus quia miles iste Christi
Nunc victus iacet, & iacet sepultus.
Imponis tibi turpiter scelestæ:
Saltem reddidit id, quod antè fato
Se debere sciebat, & sepulcro:
Et hoc spontè quidem volensq̃ fecit,
Iam vitæ satur, & satur laborum:
Sed quâ parte sui perire nescit,*

*Immortale modo perennat auum
Latis coelicolam beatus oris.*

*Nec nos interea decus parentis,
Nec famam celebrare desinemus:
Dum conuexa poli suos tenebunt
Cursus, in statione dum manebunt
Sol & Luna, diesq; noxq;: donec
Alto flumina se mari recondent:
Toto nos etiam legemur orbe.*

**IN OBITVM EIVSDEM,
CONRADI GESNERI.**

*Hoc tumulto Petrus, tum re, tum nomine uaptus,
Conditus est, Christi testis amorq; sui.
Annum si libeat Domini cognoscere, nī pō
Abijce de Gracis, bis tria & adde, notis.*

VVOLGANGI MVSCVLI.

*Gratulor ipse tibi, quum mundum conspicio istum
Martyr, quod saluum te Deus eripuit.
Rursum ubi doctrina Christi considero sortem,
Adgemitum & luctum me tua fata vocant.
Quicquid id est, pro te sit semper gloria Christo:
Namque ut sis Martyr Petrus & ipse dedit.
Vt Martyr de Christo es testificatus aperte:
Et probat esse Petrum te tua firma fides.*

IOANNIS HALLERI.

*Quam bene Nasonis cecinit doctissima Musa:
Conueniunt satis nomina saepe suis.*

*Sic ego dum Martyr dicor, me Christus Iesus
 Aeterni verbi Martyra constituit.
 Italus audiuit, Gallus, Germanus & Anglus:
 Martyrium sanctum quod tibi Christe dedi.
 Illud & absolui Tigurinâ doctor in vrbe:
 Hic mea membra iacent: spiritus astrat enet.*

IOAN. SCHESLERI.

*Petri nomen habet, firmo quia robore Christu
 E docuit, stabilis qui solet esse Petr
 Testis erat viuus: sed nunc monumenta loquuntur
 Religio vera quid pietatis habe
 Vrina viri cineres tenet hac: colit aetheris æg
 Spiritus: illustris viuet in orbe labo*

M
A
R
T
Y
R

IOANNIS CONRADI FABRICII.

*Martyra mors Petrum nostris subduxit ocellis:
 Clausit & exiguo membra sepulta loco.
 Quò se grex ouium, tanto pastore perempto,
 Vertet, & vnde sibi pabula nota petet?
 Quis doctos ultrâ simili sermone docebit?
 An cuiquam est tantis mens cumulata bonis.
 Non dubitanda loquor: percellimur omine tanto,
 Et vereor mæstas vrbis adesse dies.
 Summe Deus pastorq, gregis, submitte labori
 Pastores: templi commiscere tui.*

252
BONIFACIUS AMERBACHIVS
Iurecos.



*Laude meâ poteram contentus viuere: laus hæc
Crescat ut, hoc hæres iam Basilius agit.*

M. D. LXII.



BONIFACIUS AMERBACHIVS BA-
 fileæ Rauricorum natus anno M.CCCC.
 XCV:

Patre Ioanne Amerbachio, ciue primario:

Quo nullus suo seculo fuit, cum in excudendis
 libris nitidior, quod sumptuosæ dexteritatis est:
 tum in iisdem ad veterum exemplarium fidem
 restituendis diligentior, quod eruditio-
 nem & laborem requirit:

Magister Philosophiæ & liberal. artium in pa-
 triâ salutatus anno M. D. III.

Ciuilis sapientiæ ac Iurisprudentiæ in Italiâ
 & Galliâ perstudiosus:

In quâ summum Doctrinæ gradum Auinione
 cum laude est consecutus:

Quam multis postea annis publicè in Acade-
 miâ Basileæ professus,

Summâ cum admiratione, & commendatione
 eloquentiæ atque sapientiæ:

Reipub. Christianæ, cum docendo, tum de
 iure respondendo profuit plurimum:

Magni illius Erasmi familiaris non modò in
 vitâ amicus, sed & hæres, vna cum Hieron.

Frobenio, & N. Episcopo ex vo-
 to nuncupatus:

Omnium seculorum memoria vir
 dignissimus.

Obijt Basileæ Calend. Februarij: anno M.D.
 LXIII. Aet. LXVII.

IN BONIFACIVM AMERBACHIVM Iurecos.

EPIGRAMMATA.


ABRAHAMI SCHVARZII
Alemanni.

*Iuris & Aonidum cultor sanctissimus, ora
Sic gessit Ammerbachius:
Quem Basilea sacras magno cum fœnore leges
Docere felix audiit.
Cuius in innumeris studio atque labore Lyceū
Artes vigent felicius.
Cum linguis, socio quas instauravit Erasmo;
Germaniæq; reddidit.
Iura foro, doctasq; scholæ qui sufficit artes,
Verè hic duo summa præstitit.*

AEGID. PERIANDRI.

*Enlmen hic est Iuris, Themidi, Phæboq; dicatus.
Quicquid habet ins hîc laudis, id omne tenet.*

SIMON PISTORIS IVRISC. &
Cancell. Saxon.



*Iura prius docui: mox scrinia Saxonis aula
Eloquio rexi, consilioq, meo.*

M. D. LXII.

SIMON PISTORIS V. I. D. LIPSIAE
in eruditâ familiâ natus anno M:CCCC:
LXXX IX:

Patre Simone, Nicolao auo, vtroque Med. Do-
ctore, & Saxon. Archiatro clariss.

In quo vno supra familiæ claritatem natura ma-
ximas & animi & corporis dotes, vnâ cum inclytâ
virtute, summaque cum docendi facilitate, & dex-
teritate, non sine omnium admiratione,
felicissimè cumulauit:

Quem Papia docuit, Lipsia ornauit, Aula Sa-
xonica obseruauit:

Per integrum quinquennium primò in patriâ
Academiâ Professor Cod. Ordinarius:

Perpetuus demum Elect. Saxon. Cancellarius,
& Magister officiorum in aulâ constitutus:
Magnis magnâ cum gloria perfunctus ho-
noribus:

Commeatu tandem gratiosè impetrato:
Satur vitæ, satur gloriæ:

Liberos post se relinquens eruditos hono-
ratos superstites:

Quorum & in libris præclara eius reuixit me-
moriam, in omne deinceps æuum cum
his victurâ perpetuò:

Obijt in pago suo Seuseliz, III. Non. XBR.
anno Sal. M. D. LXII. Aet. LXXIII.





IN SIMONEM PISTORIS MAGNUM
Saxoniae Cancellarium.

GEORGII FABRICII.

*Conditur hoc tumulo Simon Pistorius: atque
A patre præclaro nomen, quoq; tulit:
Saxonica vixit qui Cancellarias aula:
Ultra quinque gerens lustra regentis omnis.
Ingenio præstans, studio indefessus, honore
Summus, consilijs utilis, ore potens.
Quod mortale fuit, tellus tenet: inclita fama
Nominis, haud vllò stat violanda die.*

GREGORII. BERSMANNI.

*Quis Pistoriadum gentis, quis nomina nescit
Nomina Lipsiacas inter fulgentia stirpes?
Inclita doctrinae titulis, & fascibus ampla,
Et meritis præclara suis, & iuris, & artis,
Artis Pæoniae titulis, & honoribus aucta.
Quis te Nicoleos digna celebrare Camæna
Laude Machaonia clarum, titulisq; superbum
Consulis. aut merito possit super æthera cantu
Tollere, teq; Simon Medicum, te nomine eodem:
Insignem, legum custodem, & iuris amissim:
Quem schola Ticini docuit: quem Lipsia summis
Ornavit titulis: quem Saxonis aula recepit
Munere functum amplo, duo ter quinquennia vite.*

WOLFGANGVS MVSCVLVS
Theologus.



*Corde pius, grauis ore, sacro sermone disertus,
Præco Dei, pariter voce styloq̃, potens.*

M. D. LXIII.

VVOLGANGVS MVSCVLVS DVSAE

Lotharingæ oppido, Alfatia finitimò, na-
tus, anno M. CCCC. XCVII:

Monasticam vitam in prima adolescentiâ profes-
sus, religionis & honesti ocij gratiâ:

Pòst veritate agnitâ, Pauli exemplum secutus,
victum aliquandiu Textor opere ma-
nuario quæritans:

Argentinae demum minister Ecclesiæ, à magno
illo Dei seruo M. Bucero pietate doctri-
naque suâ approbatâ:

Ac dein Augusta Vindel. Pastor, & Urbani Re-
gij viri opt. & doctiss. successor
constitutus:

In quâ ipse Euangelicam sincerè professus do-
ctrinam, tum concionando, tum sacras literas
laboriosissimis commentarijs illustrando, tum
Græcorum scripta Latine interpretando, mul-
tis denique obitis pro tuendâ verâ religione
in Comitij imperij legationibus, nomen
in orbe Christiano adeptus est
clariss:

Bello tandem Germanico exul, Bernæ sacra-
rum literarum doctoris in scholâ functus
munere per totos annos qua-
tuordecim:

Obijt placidâ morte III. Cal. Septemb. anno
Christi M. D. LXIII. Aet. LXVI.

R z

CONRADI GESNERI.

*Musculus ut vastis immensa per aquora cetis
 Pranando piscis dux solet esse via:
 Ne breuia, aut syrtes, scopuliue, pericula vita,
 Insidiaue vlla, dira creare queant:
 Muscule sic Bolgange viam mortalibus agris
 Felicem ad cœlum, nomen ut insinuat:
 Monstrabas viuendo piẽ, sancte q̃, docendo:
 Nunc terra hac corpus, sidera habent animam.*

E I V S D E M.

*Ἰχθὺς ἐνι πελάγει μὺς κῆτεσι πρῶτος ὁδὸς.
 καὶ ΜΥΣ ἀνὴρ ἀρίστος,
 μύτης χρισσοσεβῆς, ΛΥΚΟΒΑΤΗΣ δ' ἔνομαι πρῶτος
 ἐν μυτινῶ βαπτίσματος
 ἀνδράσι πᾶσι τῇ διδασκῇ τε βιωῇ τε βροτοῖσι,
 ἕως ἄρ' ἔτι, γέγονε.
 νῦν δ' ἱερῶ λυηάβαντι λογιζομένῳ ἐνὶ λυσσῇ
 αὐτῷ ὀνόματος, ἦλο
 ριφθέντος, μετὰ τοῦ διέβιον πρὸς κρείττον' ἀπηλθὼν
 αἰωνίως ἡσόμενος.*





IN VVOLFANGVM MVSCVLVM
Theologum.

THEODORI BENZII.

Magnum dicere musculum pusillum
Quum sit auribus insolens Latinis:
Magnum hunc dicere Musculum quòd ausim:
Quamuis quluere cònditum pusillo,
Si causam rogitas, viator: audi.
Haud quâquam fuit iste mus pusillus,
(Ipsum si libeat vocare marem)
Illarum ex numero famelicarum,
Quæ felis rapidos verentur vngues:
Sed qui ipsos potiùs catos rapaces,
Quantumuis solitos potentiorum
Ipsis cum dominis domos vorare,
Viuus perculit, & suo pauentes
Adhuc nomine territat sepultus.
Immo quem tremuit quoque illa rupis
Tarpeia arcibus incubans leæna,
Orbis magnanimos vorans Monarchas.
Magnum & dicere Musculum pigebit,
Quamuis puluere conditum pusillo?

ABRAHAMI MVSCVLI.

Musculus hic situs est doctrinâ clarus & ingens:
Nomen in orbe manet: spiritus astra tenet.

ANDREAS GERARDVS HYPERIVS,
Theologus.



*Flandria quem genuit, tegit Hesia, Martis in vrbe:
Quâ fides docui dogmata pura sacra.*

M. D. LXIII.





ANDREAS GERARDVS HYPERIVS,
Hyperis, inclyto Flandriæ oppido natus,
anno M.D.XI.

Patre cognomine Andrea, clarissimo apud
Hyperas Iure consulto:

Post patriæ Gymnasia aliquàm multa,
Philosophiæ pariter, ac Theologiæ studijs,
Lutetiæ ac Louanij eruditus:

Perlustratâ ferè vniuersâ Italiâ, Galliâ, Germa-
niâ, Britanniâ, vitam sectatus perpetuò
Academicam:

Professor demum Ecclesiæ & Scholæ Marpurgi
constitutus anno M. D. XLII.

In quâ ipse diuinas & humanas literas, vir citra
controuerfiam eruditissimus simul, ac
diligentissimus, totos annos
xxii. docuit:

Qui ne mortuus quidem, vniuersam Ecclef.
Christ. libris scientissimè solidissime-
que scriptis erudire desinit:

Plura etiam multò posteris relicturus, nisi maio-
rem vtilitatis publicæ quàm valetudi-
nis curam gerentem, intempe-
stua mors sustulisset:

Rebus excessit humanis, anno Domini M.D.LXIII.
Calend. Februar. annum vitæ agens LIII.

ETEOSTICHON.

Flandria quem genuit, Hassia nostra regit.

IN ANDREAM GERARDVM
Hyperium Theol.

Epigrammata.

THEOD. BEZAE.

Non Hyperis dedit hoc, Hyperi, tibi patria quondam,
Quod superis potius ducis cognomen ab oris:
Nec tibi sors olim tribuit temeraria nomen
Andrea: at ipsa suo ornauit te nomine virtus.
Hoc sancti mores, teneris hoc omnis ab annis
Vita probat, superum cura cœloq; sacrata.
Ecquis enim melius, quisnam te fortius vno
Tarpeia aggressus depellere rupe tyrannum?
Certius an quisquam erranti per deuia turba
Commonstrauit iter, superas quod ducit in arces?
Maecte igitur virtute, Hyperi, quē nec scra totum
Mors domuit, totū nec seruant claustra sepulcri:
Quin superi meliore fauent iam parte receptum:
Altera dum tumulto quæ nunc pars clausa quiescit
Exanimisq; licet iam cœli ad limen anhelat,
Euigilet felix: & quod tu diceris, illud
Euadas, Hyperi, tum re, tum nomine totus.

NICOLAI ASCLEPII BARBATI.

Quo Simeon iustus Christum complectitur vlnis:
Andreas subiit fata suprema die:
Dunisi q; suum Christi miseratio seruum:
Quem fouet eternâ nunc sxa pace quies.

PETRI PAGANI.

Hoc tegitur, placidâ sublatuſ morte, ſepulcro

Hyperius: fato iam meliore fruens.

Transijt è viuis ad vera palatia vita:

Quemq; diu docuit, iam videt ipſe Deum.

Corpus humi moles, animum ſibi vindicat æther:

Scripta piæ munus poſteritatis erunt.

IVSTI VVLTEII.

Τύμβος ὁδ' Ἀνδρείῳ σῶμ' Ὑπεριῖοι καθεύγου,

κλεινὸς εὐσεβέων ἰδμοσυνόνσι λόγων:

ἄρ βασιλεῖς ἐγέραιρον, ἐθαύμαζον δὲ γέροντες.

οἱμοι, ὁ θ' ἡμετέρης κάππεισ' ἐρεμια χολῆς.

NICOLAI RODINGI.

Scripturæ sanctæ doct̃or pius atque fidelis,

Hyperius terras relinquere iussus erat:

Ille nihil renuens: Fiat tua sancta voluntas,

Care Pater: vocem hanc sæpius ingeminat.

Ac morbi perfert animo patiente dolores:

Testificans veram sæpius ore fidem.

Erudiens natos, diuinam discere legem

Hos iubet, & Domini iussa verenda sequi.

Vxorem verbis quoque consolatus amicis:

Commisit summo seq̃ suosq; Deo.

Postremò manibus tensis ad sidera cœli:

Hanc animam, dixit, suscipe quæso Pater.

Mens pia cœlestis patriæ sortitur honorem:

Hic tumulus tantum putre cadauer habet.


NICOLAI REVSNERI.

Quantus eras, vir eras Andrea magne Gerarde;
 Par in te virtus, par pietasq₃ fuit.
 Si taceam, Lani hoc Academia docta loquetur:
 Si neget, hoc tua vox muta loquetur idem,
 Mortuus & vivus sic tu prodesse laboras:
 Tamq₃ valetudo non tibi cara manet:
 Quàm populi tibi certa salus, & gloria Christi:
 Quod suprà in cælo est, maxima cura tua est.
 Cælo mens defixa, nihil mortalia curat:
 Tu curas, superâ quod datur arce frui.
 Patria dat nomē, patria sed cura superna,
 Magne Hyperii, nomen verius una facit.

Tumulus eiusdem Marburgi in sum-
mo Templo.

Hic Noviomagi requiescunt membra Gerardi:
 Iuxta hunc Andreas couditur Hyperius.
 Vt pia doctrina concordia iuxerat ambos:
 Sic idem amborum contegit ossalocus
 Quos sociat tumulus, sociabunt cœlica regna:
 Vt capiant fidei Præmia iusta sua.

N. Rhodinus Pastor.



Electi gratia dei penitus
exi deus non possunt

Martinus ^{bahius} ~~Trib~~
Holinus, Ecclesie
Smolnensis minior



*Gallia me recipit doctore & Scotia Christum:
Pastorem sepelit culta Geneva suum.*

M. D. LXIII.

IOANNES CALVINVS NOVIODVNI

Veromanduorū celebri oppido natus, an. M. D. IX.

Lutetiā primò Philosophiā, dein Aureliani &
Biturig. Iurisprudentiā simul ac Theo-
logiā exultus studijs:

Basileæ totus Hebraicis addictus literis:
Italiā dehinc à limine salutatā, patriæ valedi-
cens Galliæ, iu Germaniam per Allo-
broges regressus:

Genevæ, præter spem ac votum, non modò
concionator, sed & sacrarum doctor literarum
à S. P. Q. G. delectus anno M. D. XXXVI:

Quā in vrbe Christianam religionem ac discipli-
nam, Antichristi iugo liberatam, cum Guil.

Farello & P. Vireto primus constituit,
infinitis cum difficultatibus:

Ob quas deinceps vrbe aliquantis per exce-
dens, Argentiniæ interim Gallicanam
constituit Ecclesiam:

Restitutus demum Genevæ, summā omnium
voluntate, denuo instauratam Ecclesiam ac
constabilitam, totos annos XXIII.
continuos gubernavit:

Commentarijs in sacram scripturam exquisitis,
ac prætereà libris permultis dogmaticis,
maximè de Eucharistiæ negotio,
editis clariss.

Obijt ex Phthisi, vigilijs & ieiunijs immodicis
contractā anno Dom. M. D. LXIII.

Aetat. LIII. Maij. XXVII. die.

IN IOANNEM CALVINIUM

Theologum.

THEODORI BEZÆ.

*Romæ ruentis terror ille maximus,**Quem mortuum lugent boni, horrescunt mali:**Ipsa à quâ potuit virtutem discere virtus:**Cur aded exiguo ignotoq; in cespite clausus**Calvinus lateat, rogas?**Calvinum assidue comitata Modestia viuum,**Hoc tumulo manibus condidit ipsa suis.**O te beatum cespitem tanto hospite!**O cui inuidere cuncta possint marmora!*

E I V S D E M.

*Te viuo, Calvine, fuit mihi viuere dulce:**Hei, quàm dulce foret, te moriente, mori!**Et tamen est, fateor, grata hoc mihi nomine vita,**Quod, tibi quas fundam, sufficiat lacrymas:**Viue igitur Beza in luctus, tibi ut vsque perennes**Caluini in tumulum vita ministret aquas:**Iunctura absenti donec te rursus amico**Mors pariter vitam finiat & lacrymas.*

B. CORNELII BERTRAMIL.

Ex Hebræo.

*Promissam in terram populum deducit Hebræum**Iosua dux, altâ pace iubetq; frui:**Hostes diuincit, terram partitur, obitq;**Officij ut monuit sedulo quemque sui.*

*Præstitit ista suis Calvinus, & astra petentem
Spirituum patri reddidit ipse suum.*

E I V S D E M.

*Est Itali quiddam scorti monstrasse profusos
Luxus, & sordes annumerasse vagas.
At novisse dolos, simul occurrisse, animoq;
Præsentis liberos opposuisse sacros:
Inde Sophistarum nodos soluisse, breuemq;
Et veram ad Christum proposuisse viam:
Aeterna in Christo patris decreta, datamq;
Iampridem electis intonuisse fidem:
Denique ad illius iussa exegisse piorum
Et vitam & mores: hoc opus, hic labor est.
Hæc scriptis & re Calvinus præstitit olim:
Quæ proba vita dedit, mors pia sancit adhuc.*

P. MELISSI.

*Quid blateras, nobis quasi iam sit lumen ademptum,
Merse Erebi nigro, caecæ Sophista lacu?
Aureus obscurâ nunquàm Sol interit umbrâ:
Nec mutat rutilas ignea stella faces:
Nube licet piceâ, nebulaq; vaporibus atris,
Abscondant radio? ille vel illa suos.
Ac velut haud letho sunt occubuisse putandi,
Quæis oculos clausit lenta sopore quies:
Sic quoque vinit adhuc animo, sed corpore summum
Calvinus placidè dormit adusque diem.*




Nec tantum viuis modo, sed quondam quod agebas
 Nunc agis, ô magni maxime præco Dei:
 Nobiscumq, hodie loquitur, semperq, loquetur
 Spiritus, in scriptis qui viget vsque tuis:
 Clarius & multò splendens tua gloria fulget,
 Lucifer Eois quàm nitet ortus equis.
 Iprocul umbrisequùm, procul inigra turba Sophorum:
 Hei nihil ad tenebras lux facit ulla tuas.


L.

G.

Pontificum terror, Romana buccina verax
 Nequitia, & sanctæ religionis amor:
 Iucundusq, lepos, cani venerabilis oris
 Gratia, & Hybleo lingua referta fauo:
 Doctrina excellens, animi præstantia, acumen
 Mentis, & humani delicia generis:
 Fortis in aduersis animus, prædentia constans,
 Infantesq, manus scriptaq, plena Deo:
 Virtutis studium, & toti lux reddita mundo,
 Canaq, honoranda cum pietate fides:
 In miseros non parca manus, pia cura suorum,
 Et quicquid mores non sinit esse malos:
 Demisere caput, quo tu Caluine, sepulcro:
 Et tecum (heu facinus) contumulata iacent.
 Mentior: æternis etenim te laudibus ornant,
 Et secum ad superas te rapuere domos.



ANDREAS VESALIUS ARCHIA-
ter Cæsareus:



*Magnus honos, magis mihi credita cura Monarchæ:
Corporis humani fabrica, maior honos:*

M. D. LXIII.





ANDREAS VESALIVS BRVXELLIS, CE-
 lebri Flandriæ vrbe, natus anno M. D. XIII.
 Post Philosophiæ vniuersæ studia.

Medicinæ vtriusque scientiam adeptus planè
 singularem in Italiâ, omnium studio-
 rum parente & altrice:

Naturæ operum in omni vitâ perquàm
 studiosus:

Sed inprimis fabricæ corporis humani cogno-
 scendæ totus, Basileæ præsertim,
 deditus:

Cui ipse non modò specimen artis & industriæ
 suæ sceleton munus hospitale: sed prætereà etiã
 in vtraque Medicinâ scriptos libros plurimos,
 & in his præclarissimum illud de Fabrica hu-
 mani corporis opus, posteris reliquit
 omnibus suspiciendum:

Ob nominis celebritatem, & artis præstan-
 tiam Caroli V. Cæs. Aug. deinceps
 factus Archiaterus:

Quo ipse munere, summa & fide, & auctorita-
 te, cum laude functus: quum Palæstinæ viden-
 dæ studio, tum religionis, tum naturæ myste-
 riorum cognoscendorum causâ, fla-
 graret incredibili:

Morbo correptus circa Zacynthum insulam,
 repentino quidem, sed exitiali:

Obijt anno M. D. LXIII Aet. L. Mense
 Octobri.

IN ANDREAM VESALIVM.
Bruxellanium, Medicum.

B. ARIAE MONTANI.

*Corporis humani qui membra minuta secaret,
Vesalio nullus doctior extiterat:*

*Hic Medicis auxit, pictoribus auxit & artem:
Dum subit internas, quæ latuere, vias.*

I. S.

*Quis sine te felix Medicus, promptusq; Cherurgus:
Ni artis subiectum membra situmq; sciat?
Secula tot pars hæc latuit: porcum atque catellos,
Non homines prisca diffecuerunt Sophi.*

IOAN. BARTHOLOMAEI.

*Artificem monumenta probant: te sectio nostri
Corporis, artificem te tua scripta vocant.*

NICOLAI REVSNERI.

*Quo non arte prior fuit medendi
Aut Asclepius, aut senex Machaon,
Aut magnus Podalirius: medentum
Princeps Vesalius celebriorum:
Dum morbi bonus artifex medetur
Cunctis: iam sibi nec medetur ipse
Summus Paonia magister artis:
Fato mortuus heu nimis maligno.*





IOANNES LANGIVS ARCHIATER
Palatinus.



*Archiatrum facit Heidelbergæ: Sophum facit antè
Lipsiæ, sed medicum Felsina doct à bonum:*

M. D. LXV.

IOANNES LANGIVS LEOBERGAE

celebris Silesiæ oppido, natus,

anno M. CCCC. LXXXV.

Magister Philosophiæ creatus Lipsiæ, anno

M. D. XIII. Petro VVirtho consobрино,

Collegij Philos. Decano existente:

Quà in Academiâ postea & bonas literas, frequenti auditorum confessu, professus: & publicis per annos aliquot functus muneribus:

Magnâ cum laude doctrinæ, virtutis, sapientiæ, pietatis, industriæ:

Medicinæ demum studium, maiorum suorum exemplo, amplexus:

Bononiæ Medicis honoratus clarissimis:

Pisis Hetruriæ summum Doctrinæ gradum consecutus, anno M. D. XXII.

Tandem Illustr. Elector. Palatinorum V. Archiatrus, alter ceu Podalirius:

Magno & sibi, & familiæ, & patriæ fuit ornamento ac honori:

Monumentis ingenij sui excellentis variâ ac rarâ cum eruditione, tum rerum omnis generis scitu dignissimarum explicatione refertis, post se relictis quàm plurimis:

Præsentibus carus, posteris etiam admirandus:

Obijt Heidelbergæ senex anno Sal. M. D. LXV.

Aet. LXXX. Iunij die XXI.





IN IOANNEM LANGIVM
Archiatrum Palatinum.

A N O N Y M I.

*Aspice spectata Medici probitatis agalma:
Bisseptem cui sunt lustra peracta seni.
Archiatrer Comitum Rheni, fidusq; minister:
Slesia quem genuit, Lipsia quem erudit.*

GEORG. VVIRTHI.

*Sæpe Palatinos, veluti Podaliirius alter,
Per mare, per terras subsequor ipse duces,
Decrepiti seruat cineres prope Neccaris vndam
Heidelberga: pio mens pia iuncta Deo.*

IOAN. POSTHII.

*Hac facie spectandus eras, clarissime Langi:
Quum tibi supremum dicerem iuuenis, vale.
Nunc canus tua busta, Pater, cineresq; saluto:
Post lustra quinque redditus Nicro meo:
Officioq; tuo magnâ defungor in aulâ:
Vtinam pari cum dignitate & gloria?
Fama tuas resonat laudos, tua scripta leguntur:
Audisq; vates pariter, ac Medicus bonus.*

PHILIPPI SPRENGERI.

*Ac spectandus erat Medicus sub imagine quondam
Langius, ingenio maximus, arte potens.*

*Posteritas hunc ut, quem noscit, cernere possit:
Fecit Sprengerus Pharmacopola virum.*

IANI BARTHOLOMAEI.

*Iane tuus codex est valdè docta supellex:
Hunc ait esse decus Bibliotheca suum.*

MARTINI PRAETORII.

*Qui quondam medicas agris feliciter herbas
Miscuit, & doctâ pharmaca certa manu:
Occidit ecce tuos non infimus inter alumnos,
Carminis & medicæ Phœbe repertor opis?
Occidit hæi pia cura Ducum, dum fata sinebant,
Langius, & summum clausit in orbe diem.
Non ars artifici tulit, aut Panacea salutem:
Vlla nec huic succo profuit herba suo.
Hæc igitur studijs soluentur præmia nostris?
Hæc merces hausti digna laboris erit?
Arte Machaonia lucis qui prerogat usum,
Fertq; alijs promptam, ceu Deus alter, opem;
Non potuit miscere suo medicamina morbo?
Sed fuerit doctâ fortius arte malum?
Ecquis, Phœbe, tuâ tempus consumat in arte,
Si plus arte tuâ fata severa valent?
Heu nimium duras, fatalia numina, Parcas,
Parcere quàm vestræ non didicere manus!
Siccine fas vobis, communi mittere letho
Præstantes meritis & pietate viros?*





*Nec vos integritas, nec multa scientia rerum,
 Nec movet, innocuâ cum probitate, fides?
 Sed quid lanificas frustra perstringo sorores?
 Verba quid Aeolys irrita fundo Notis?
 Scilicet hæc veterum sunt ferrea iura dearum,
 Vt simili cunctos subiuga lege trahant.
 Ergo age, quod meriti busto referantur honores,
 Et dentur cineri debita iusta pio:
 Chloris amica veni, rerum pulcherrima Chloris:
 Fer tumulo plenâ dona suprema manu.
 Dâ casiam, fragransq₃ thymû, nardumq₃ virentē,
 Mistaq₃ purpureis lilia sparge rosis.
 Daviolas, roremq₃ maris, da mascula thura:
 Spiret odorato fac Libitina solo.
 Hoc præclara viri meruit doctrina fidesq₃:
 Hoc meruit virtus, & pietatis amor.
 Et vos exequias vmbri perfolvite Musæ:
 Hisq₃ sacrata viri busta notate modis:
 Quantum inter reliquos argentea lilia flores,
 Aureolas tollunt vere tepente comas:
 Tantum Pœonios caput extulit inter alumnos
 Summus Apollineæ Langius artis honor.*


HIERON. REVSNERI.


*Hic vir hic est, vlli medicorum haud arte secundus
 Langius: excellens enitet ore decus.*

*Illum nulla dies vnquam memori eximet aeo:
 Pæoniam dubius dum petet ager opem.
 Felix felicem, adfertis feliciter ægris,
 Aserâ laudom posteritate tulit,
 Testis erit clara Heidelbergæ, vigentq; per orbem
 Scripta viri, pietas, candor & ingenium.*

N. REVSNERI.

*Langi clare senex, vnerande nepotibus ipsis,
 Accipe pro lacrymis posthuma verba meis.
 Te Leoris genuit, docuit te Lipsia clara:
 Quæ cathedram rursus dat tibi spontè suam.
 Te Medicum, Medici coniunctum mente Leoni,
 Felsina, Pisarum te schola docta creat.
 Archiatrum tandẽ facit Heidelbergæ : medentem
 Aula Palatini principis ampla colit.
 Magnas hæc & opes, & honores contulit amplos:
 Contulit & tumulum grata deinde seni.
 Corpore dum spoliat te sex post lustra decemq;
 Spiritus ut celsâ viuat in arce Deo.
 Salue care senex: semper tua fama manebit:
 Ingenij viuent & monumenta tui.*





CONRADVS GESNERVS PHILOS.
& Medicus.



*Plinius alter eram: per me vis iam liquet omnis
Naturæ, ingenij vi superata mei.*

M. D. LXV.

S 5

CONRADVS GESNERVS TIGVRI,
vrbe Heluetiæ primariâ, natus anno
M. D. XVI.

Post patriæ scholam, Argentinæ primò, dein
Biturigibus Auaricum, & Lutetiæ Paris.
optimis eruditus disci-
plinis:

Laufannæ post Græcas professus literas
per triennium:

Basileæ demum supremam in Medicinâ
laureolam adeptus:

Tandem constituto Tiguri perpetuo domicilio:
Quâ in vrbe is & medicinam fecit, & Philo-
sophiam publico docuit stipen-
dio, annis XXIII.

Pietate duce, virtutibus reliquis comitibus,
omnia naturæ arcana perscrutatus:
Dum de aliorum vtilitate promouendâ magis,
quàm de propriâ salute tuendâ cogitat:
Editis in omni literarum genere, præsertim
verò Medicinæ & Nat. Philos. lucubra-
tionibus clariss.

Philologus & Polyhistor,
Germaniæ lumen, Heluetiæ decus:
Ecclesiæ, Scholæ, Reipub. bonorum denique
omnium cum incredibili luctu:
Blandiss. eademque atrociss. pestil. absumptus:
Obijt Tiguri, anno M.D.LXV. Aet.
XLIX. XIII. XBR.

IN CONRADVM GESNERVM
Philos. & Medicum.

THEODORI BEZÆ.

Te cælo mutante solum, Gesnere, volucres

Quacunque pennis aër permeant,

Repleuere modis omnia tristibus:

Migrantem amicum extrema supra sidera

Omnes cum gemitu graui insequutæ.

Te cælo mutante solum, Gesnere, feroces

Gemunt in antris belluæ,

Et stabuli pecudes oblitæ:

Sibilis colubri te feri gemunt lugubribus,

Imisq; quotquot sub cauernis

Occulta terrarum colunt:

Et flaccidum plantæ virentes,

Et pallidum flores nitentes,

Et flaccidum arbores comantes.

Regna te per humida

Et belluosus qua ferit vndique

Reboantia littora pontus,

Planctu sonoro deflet Amphitrite:

Et liquidis sub aquis pisces natantes mutitant.

Natura te omnis denique ut suorum fidum antistitem

Plorat sacrorum, muta

Futura deinceps, ni loquaris mortuus.

*Hæc inter tibi turbatus, Gesnere, parentat
Beza tuus, vati vates, & amicus amico,
His incompofitis innumeris numeris.*

IOAN. CRATONIS.

*Lux veterum, ſeculiq; ſui decus, atque ſequentium
Dulcis amor, trifti conditur hoc tumulo.
Pars melior viuet ſcriptis & mente bonorum
Condita, & in Chriſti morte recepta ſinum.
Viuet & in me ipſo, dum vitam morte lucrabor:
Utque ero, quod nequeo corpore, mente Crato:*

HENRICI STEPHANI.

*Vix quinquagenos implens, Gefnere, Decembres,
Fata impleſ vitæ præproperata tuæ.
At te poſteritas annos impleſſe Sibylla
Dicat, tot libros vel neget eſſe tuos.*

ACHILLIS P. GASSERI.

*Quos iungebat amor, nunc peſtis diſgregat atrox:
Tu gaudes cælo, quando ego verſor humo:
Sed tua ſic virtus, Gefnere, meretur abundè
Felix ut viuas ſemper apud ſuperos:
Gaſſerumq; decet, gratis nunc laudibus ut te
In terris ornet, ſit memòr inde tui.
Iuppiter indigno dum doctos eximit orbe,
Monſtrat ſe iratum, Barbariemq; dabit.*

THEOD. ZVINGERI.

*Plinius hîc ſitus eſt Germanus: perge Viator:
Geſneri toto nomen in orbe volat.*

RVDOLPHI GVALTHERI.

*Si doctrina, fides, pietas fera fata morari
Possent, Gesnerus non moriturus erat.*

IOAN. VVOLPHII.

*Multa legens, tñm multa docens, henè deniq, scribens,
Multis de morbis clara trophæa tuli.
Nunc vbi confeci cursum, & mea fata peregi:
Maximus his actis accumulatus honos.
At modò defunctus nunc istâc condor in urnâ
Corpore, non animâ, quæ viget atque valet.
Hic mihi per Christum promissâ pace quiesco,
Exemptus curis omnigenisq, malis.*

CASPARI VVOLPHII.

*Ars medica, & lingua, stirpes quod denique, Musæ
Sunt passæ eclipsin, mors tua causa fuit.
Det Deus ergo alium, lumen qui reddat iisdem,
Gesnerum, & studijs pergat adesse bonis.*

IOANNIS FABRICII.

*Quid miser in tumulto Gesneri figis ocellos?
Hic iacet, exuuias præter & ossa, nihil.
Amplius exili nequijt mens corpore claudi:
Cui nimis angustus maximus orbis erat.
Quicquid enim tellus, quicquid mare gignit et aër
Ingenio tanti cesserat omne viri.
Vnus erat reliquus, qui iam restabat, Olympus:
Disceret in summo nunc vbi cuncta Deo.*

P. MELISSI.

Gesneri postquàm tristes morientia Musa
 Viderunt atrâ lumina nocte tegi:
 Proversu gemitus, lacrimas pro carmine fundunt
 In gemitus carmen, versus it in lacrimas:
 Prætexitq₃ nigro Phœbus velamine frontem,
 Plus fatum, mœrens, arte valere suâ
 Attamen ut tumulo meriti reddantur honores:
 Nec tanti iaceat fama sepulta viri:
 Protinus Hesperidum selecta fragrantibus hortis:
 Pierides cineri dona suprema ferunt:
 Ambrosiam, roremq₃ maris, nardumq₃ virentem,
 Scilicet & flores ô Hyacinthe tuos:
 Spargunt & violas, & purpureos amarant hos:
 Inscriptisq₃ locant marmora cæsa notis:
 Qui jacet hîc, qualis quantusq₃ prioribus annis
 Gesnerus fuerit, charta loquetur anus.

FELICIS TRVBII.

Quum nossẽm terras, nossẽm genus omne ferarum
 Aethereumq₃ genus, squamigerumq₃ genus:
 Plantarum seriem quum vellem ponere certam:
 Mors operi intentum repperit atra meo.
 Et Gesnere tibi, dixit, spectanda supersunt
 Nunc tandem rutili sidera celsa poli.
 Linque igitur terras, & corpora linque caduca:
 Cum Christo in cœlis viuere posse datur.

GEORGII FABRICII,

*nuidiâ maior Gesnerus morte peremptus
 In patriâ, magnâ laude quiescit humo.
 Hunc fleuit natura parens: fleuere quot effert
 Terra herbas, pisces flumina, silua feras.
 Dignus erat meritis, qui tempore viueret omni:
 In terris omnes sed rapit æqua dies.*

N. REVSNERI.

*Siste parum, manesq, iube saluere Viator:
 Conditus hic rarâ vir pietate iacet:
 Ingenij magni magnis qui dotibus auctus:
 Cultor Apollineæ sedulus artis erat.
 Nota viri pietas satis est, testataq, virtus:
 Nota domi rerum gloria, nota foris.
 Candidus, innocuus, iustus, bonus, integer, æquus,
 Et probus, & vero dignus amore fuit:
 Calluit herbarum vires, vsunque medendi:
 Nouit & ætherei sidera clara poli.
 Abdita naturæ scrutatus iura sagaxis:
 Præclaros medicâ scripsit in arte libros:
 Quos nec longa dies, nec serior opprimet ætas:
 Mors ius in fama non habet atra decus.
 Corpus humo positum requiescit: nomen in orbe,
 Spiritus excelsâ viuit in arce Deo.
 Quisquis es, ô requiem cineri, pacemq, precatus,
 Incertas lethi disce timere vices.*

MODESTINVS PISTORIS
Iurifconsultus.



*Iure Modestinus fuit olim clarus: vtroque
Iure Modestinus sum quoquo clarus ego.*

M. D. LXV.





MODESTINVS PISTORIS, SI-
mo. F. Sim. N. Nicol. Pron. Lipsiæ
natus anno M.D.XVI:

Quem & patria atque domestica disciplina eru-
dijt sedulò: & Italia per totū quinquennium
omni liberali doctrinâ, ac in primis
Iurisprudentiâ excoluit
mirificè:

Legum in patriâ consultus Doctor, & faculta-
tis Iurid. Ordinarius:

Saxonix Elect. Princ. Consiliarius, & Iudicij
Curialis Assessor Perpetuus:

Quin & Proavi Cos. Lips. & Aui Medici, &
Patris Iurisc. Præstantiss. exemplo, per
multos annos Consulari fun-
ctus dignitate:

Magnâ cum laude dignitatis, virtutis, sapien-
tiæ, iustitiæ:

Magni illius Modestini, veteris IC. Rom. vt
nominis, ita ingenij ac studij con-
fors digniss.

Non tam ætate consumptus, quàm laborum
pertinaci assiduitate fractus:

Cum max, non suorum modò, sed totius Reip.
extern. quoque luctu.

Piè ac religiosè ex hac vitâ excessit Anno Sal.
M.D. LXV. Aet. XLVIII. M. IX. D. VI.

IN MODESTINVM PISTORIS
Iureconsultum.

EPIGRAMMATA.

MATTHIAE GROSII.

*Qui sub Alexandro quondam sacrata Seuero
Iura Modestinus tractans, dubiosq; resoluens
Ambiguae Themidis nodos, laudabile nactus
Nomen, in aeternum meruit clarescere scriptis:
Nostra Modestinum, claro quem clara parente
Lipsia progenuit, non inferiora secutum,
Nec cuiquam veterum doctrina laude minorem,
Secula non magni faciant, venerentur, amentq;
Testis opus praesens fidei, prudentiae & almæ
Integritatis erit, quæis ciuica iura profess
In patriâ fulsit Phœbeæ lampadis instar:
Dij facite, Hartmannus viuat Pistorius, ortu
Nobilis, ingenio magnus, meritisq; celebris:
Cuius ope accipiunt lucem geniumq; labores
Fraterni, & legum capit incrementa facultas.*

N. REVSNERI.

*Quanta Modestino Iuris prudentia magnæ
Consilij grauitas, quanta, fidesq; fuit:
Tanta Modestino Iuris prudentia nostro,
Consilij grauitas tanta fidesq; fuit:
Lipsia maiorum claro quem protulit ortu:
Quos artis medicæ, Iuris & ornat apex.*





Multum cui Schola, cui debet Respublica multum

Illius doctor, Consul ut huius erat.

Multum debet & ipsa potens cui Saxonis aula:

Consilio patriæ rexit ut ille duces.

Consilio quantus fuerit, monumenta loquuntur

Publica, cordato pignora digna viro;

Latera prætereo: pietas, sapientia, virtus

Cunctis nota, suum promeret ipsa decus.

Patria post vitæ sepelit septennia septem

Corpus: at in cælum mens reuocata redit.

GREGORII. BERSMANNI.

ingenium, virtus, sapientia, Gratia, Splendor,

Vrbis honos, Aula Gratia, Fama scholæ:

cuncta Modestini lugent Pistoris ad vrbem:

Lipsia sed cunctis tristior, orba gemit.


et merito: quoniam Iuris consultior illo

Consule nullus erat, nec magis vrbis amans.


Non mors hunc rapuit: terras Astra perosa

Noluit hunc terris longius esse super.

T 2



292
IOANNES MATHESIVS
Theologus.



*Præco metalliferæ Ioachimi valle Sareptæ:
Ipse potens calamo, voce disertus eram.*

M. D. LXV.





IOANNES MATHESIVS ROCH-
licij Misniæ oppido natus anno

M. D. IIII.

1700 24 1711

Multijvgâ eruditione Vitebergæ sibi compa-
ratâ, sub opt. & clariss. doctoribus M.

Luthero, Ph. Melanthonæ:

Ludi literarij primò Magister, ac dein Pastor
Ecclesiæ in valle Ioachimicâ fideliss.

Pariter, ac vigilantiss.

Cuius pietas & constantia eximia, cæteræque
virtutes, admirabilis denique ac pænè diuina
fâcundia, & in docendo dexteritas singularis
nunquàm satis dignè prædicari

poterit:

Præclaro Meditationum & Concionum sacra-
rum Thesauro, de omnibus fidei Christianæ
capitibus, piæ posteritati fruendo per-
petuò, post se relicto:

Pro concione, finem vitæ præfagiens, suę vale-
dicens Ecclesię:

Moritur Apoplecticus anno Christiano M.D.
LXV. Aet. LI. Non Octobr.

EPITAPHIUM.

*Securus recubo hic mundi pertæsus iniqui:
Et didici, & docui vulnera Christe tua.*

294
IN IOANNEM MATHESIUM
Theologum,

BALTHAS. MENTII.

*Talis erat docti facies veneranda Mathesi:
Quando fidem Christi voce professus erat.
Patria Rochlicium est: sed Leucoris a'm. & fidelem
Discipulum adiunxit, sancte Luthere, tibi.
Ex Sophiæ studijs fructum percepit, & ipsi
Eximium attribuit Pallas in arte gradum.
Fraterno coluit quem magnus amore Melant bon,
Quiq, sacer templi rector Eberus erat.
Valle Ioachimicâ munus doctoris obivit:
Arguit & fraudes, impie Papa, tuas.
Quin etiam vicit diuinâ voce cateruam,
Sacra petit varijs quæ tua Christe dolis.
Sola hîc ora vides si vis & cernere pectus,
Scripta lege: & nosces pectus & ora viri.
Corpus habet tellus: mens viuit in æthere, donec
Iungatur carni rursus, ut antè, sua.
Interea, bone Christe, pios largire ministros,
Qui simili doceant agmina sancta fide.*

IOAN. LAUTERBACHII.

*Fidelibus Deus ministris præmium,
Præco sacro sanctæ Triados, diuine Mathesi:
Quo Christus patuit sacra docente lytron:*

Cura ministerio tua non modo profuit vrbi:
 Obtinuit nomen quæ Ioachime tuum:
 Profuit vtilibus quoque inagno sænore libris,
 Quos terit assidua Teutonis ora manu.
 Præmia pro tanto numeret tibi digna labore,
 Vltima iudicij quum ruet hora dies.
 Dicimus interea memori de pectore grates:
 Optamusq; tuos sors ut honesta beet.
 Fidas haud operas Deus orbe relinquit egentes;
 Inq; solo ditat commodus, inq; polo.

GEORGII FABRICII.


Matheſius magni facundus praco Prophetæ,
 Functus honorifico munere, spectat humum.
 Quicquid habet pulcri Germanica lingua nitoris,
 Ingenio cœpit comptius eſſe tuo.
 Siue tuos voluo libros, miramq; Sareptam,
 Siue venustatis carmina tincta fauo:
 Nectareum miror laticem: tibi florat vrna:
 Fracta labore graui nec premat ossa lapis

P. CANDIDI.


Quæ matris scrutata sinus nitida ære metalla
 Eruit ex imis Misnia visceribus:
 Illic verba pio diuina Matheſius ore
 Tradidit: hœc præstans pulcrius officium:
 Quod pia Relligio splendenti eſt pulcrior ære:
 Aera, ad opes verbi, nil rationis habent.

GEORGII CALAMINI.

Hoc Mathesius est loco sepultus:
 Qui cum singula, quæ docet Mathesis,
 Calleret: tamen huic Dei Mathesin,
 Verbi scilicet enthei Mathesin,
 Humanæ antetulit pius mathesi.
 Nunc cælo viget, ac videt, quot vnquam
 Christo pectora cœlitus renata
 Conquisivit, & imbuit mathesi
 Et quæ non licuit videre carni
 Aut inquirere: iam perennè plenâ
 Rerum mens orat omnium mathesi.



297
IOANNES DRACONITES
Theologus.



*Tam benè tot linguis apto dum Biblia sancta,
Heu morior. morior? nunc quoque viuo Deo.*

M. D. LXVI.

T 5

IOANNES DRACONITES

Caroloſtadius Francus:

Primo ætatis ſuæ tempore in ſtudijs literarum
& doctrinæ Erfordiæ conſumpto:

Quas eodem in loco, honores adeptus ſchola-
ſticos, aliquandiu publicè & priuatim
cum laude docuit:

Sacros. Theol. Doctor Vitebergæ renunciatus:

Pòſt Marpurgi: deinceps Roſtochij ſa-
cras profeſſus literas:

Dehinc Sambienſis Eccleſiæ Præſul
conſtitutus:

Inde Vitebergam reſſus, opus Biblicum
quintuplex, ad inſtar celebratę illius monu-
mentiſ veterum Origenis operę, ut & alte-
rius recentioriſ Complutenſis,
animo agitanſ.

Cuiuſ ſpecimen in medio reliquit ſanè egre-
gium, & poſteriſ admirandum:

Inter pios & ſanctos conatuſ, vir optimuſ, &
doctiſſimuſ, ac in primis linguę Hebrę,

Chaldeę, Gręcę, Latinę, præter ver-
naculam, peritiſſimuſ, è vita

euocatuſ:

Magno Reip. & Eccleſiæ cum detrimento.

Obijt Vitebergæ maior Septuagenario, anno


Sal. M. D. LXVI. XVIII. Aprilis.

IN IOANNEM DRACONITEM

Theol. Acad. Marpurg.

H. EOBANI HESSI.

Postquàm est aperta, & explicata veritas
 Per scripta Christiana, per verbum Dei:
 Vt ipsius vel è media plebe infirmi
 Mysteriorum conscij, nil ambigant:
 Quin constet Antichristidos regnum scholæ
 Venisse in ista, & perdidisse tempora:
 Quid ni fateamur Antichriston impium
 Exterminandum Christianis omnibus,
 Ac persequendum Christianis omnibus
 Constante veritate, scripturâ, fide:
 Ne pergat vltrâ Christianos fallere
 Tyrannicâ crudelitate & fraudibus.
 Si fortè quæris illius potentiam
 Nouisse, plus quàm regiam potentiam,
 Auctoritate quæ sit ad verbum Dei,
 Quod ipse deprauârit improbißimè,
 Et plura eodem scripta pertinentias
 Hæc cerne scripta, quæ Draconites tibi,
 Sed scripta pauca, at erudita condidit:
 Quæ Christianæ veritatis maximam
 Partem, scopumq; persequendum continent.




GEORGII FABRICII.

*Vrba Draconitem tegit hac doctumq₃ bonumq₃,
 Laudatumq₃ piâ sedulitate senem.
 Ille sacros libros Ebraea, Latina, Pelasga,
 Chaldaea, in vulgus scripta daturus erat:
 Nondum finito quem linquit vita labore:
 Quanta vnus studijs facta ruina senex!*

P. MELISSI.

*Hos cineres, hac busta Fides innoxia seruat,
 Dulcisq₃ Spes & Caritas:
 Filiae Iouis inclyti, sorores.
 Prima sacras lauri frondes, at proxima palme
 Spargit virentis ramulos:
 Mitis vltima gemmulas oliuae.
 Salue care senex: tu nunc quasi stellula fulges
 Celso nitens in aethere:
 Hoc tui precium laboris esto.*



GVILIELMVS GRATAROLVS
Bergomas Medicus.



*Cara valetudo medico sua, cara suorum:
Vt rectè valeas, te mea scripta docent.*

M. D. LXVI.

GVILIELMVS GRATAROLVS

Bergomo, Gallia Cispina op-
pido natus:

Medicus & Philosophus excellens:

Physiognomon in primis, & naturæ specula-
tor solertissimus:

Memoriæ & valetudinis tuendæ servandæque
libris accuratè pulcreque scriptis
celebris:

Chemicorum etiam præcipuorum moni-
mentis vno editis volumine.

Aliorum prætereà clarorum Medicorum
Consilij publicatis:

Toto terrarum orbe cognitus:

Ex vita decessit mortali anno

M. D. LXVI.

LEONHARDVS FVCHSIVS
Medicus.



*Artem si Medicam spectas, nouus ipse Galenus:
Si plantas, nouus en exsto Dioscorides.*

M. D. LXVI.

LEONHARDVS FVCHSIVS VVEMBDI
gæ, Rhetie oppido, natus anno M.D.I.

Primis literarum rudimentis Heilbrunnę positi
Per omnes honores ascendendo scholasticos:
Bonarum artium Baculaureus Erphordię salutatu
Magister Philosophię, Ingolstadij: & aliquot
annis pòst Medicinę Doctor appellatus:
Quam & publicè aliquandiu professus est ea-
dem in Academia, summà cum fide &
diligentià:
Pòst Onolsbachij medicinam factitans, Princ.
Marchionum Brandeb. Archiater:
Inde Ingolstadium reuocatus, sed religione ob-
stante Onolsbachium regressus:
Tubingam denique ad Medicinam publicè
docendam euocatus:
Quam ipse & ratione optimà, & oratione sa-
pientissimà, multis annis fideliter & studiosè
explicauit, magnà cum admiratione
omnium, & gratià:
Commentarijs pręterea innumeris, spectatę
eruditionis atque scientię, in omni medicinę
genere illustrauit plurimum:
Exemplum diligentię & laboris:
Decus & ornamentum Academię singulare:
Optimè de pręsentibus posterisque meritis:
Summà cum testificatione constantię & fidei in re-
ligione obijt in Christo feliciter VI. Idus
Maij, anno M.D.LXVI. Aet. LXV.

IN LEONHARDVM FVCHSIVM
Medicum.

IOAN. LAVTERBACHII.

Securus ambulat sequens viæ ducem.

Quale Dioscorides medicâ præclarus in arte

Herbarum nomen cognitione tulit.

Tale suâ meruit, maius quoque, Fuchsius arte.

Herbarum nulli cognitione minor.

Herbarum proprijs naturam viribus ille

Vt tantum nudè prodidit absque typis.

Sic tribus hic omnes veris iconibus herbas

Exprimit ingenio dexteriore tomis.

Arte Dioscorides quod Gray's: Fuchsius istud

Non modò Germanis, omnibus orbe locis.

Ne sit opus terras vitæ penetrare peritlo:

Ne iuga, vel valles, vel nemorosa loca:

Absque labore tomis herbas cognosce. fouere

Augustas medica qui cupis artis opes:

Dux bonus herbarum species, viresq, ministrat.

Haud errat, graue qui cum duce tentat iter.

IANI BARTHOLOMAEI.

Tu licet ingenio sis clarus & arte medendi.

Par tamen est meritis gloria nulla tuis.

MARTINI CRYSII.

Φούνοιος ὁ κλεινὸς θάνατε, τὸ κλέος ἐν τήρῳ


Φέουσιος, ὃς βοτανῶν πλῆθος ἐδέξε τόσον.

Φύσιος, ἔβιβλοι γνῶς ἀντυλίχ τε δύσεϊς,
 Φύσιος, ὃς λαμπρὰν πᾶσι τύβει γγαρ ἔβη.
 ἡμῖν μὲν λίην ὀδυνκρῶς, Φύσιος κλεινὴ,
 ἐμπνευσας, σπαντῶ ἀσπασίως δὲ παῦν.
 Φῆδα γάρ, ἀλλύειν γλῆχομαι, χριτῶ τε συσεῖναι,
 ὡς ἐπὶ γῆς ἐμὶ χρύσιμος ἔδερ ἐτι.
 γενναίως τάδ' ἐφηδ', ἥ δ' ἄλλα, Λατινίδι φωνῇ,
 ὦσπερ ἄρ' ὑπὲρ νοσῶν, ὥς τε με θαυμάσ' ἄγαρ.
 ὡς ἔρ' ἀργάλεον Σιμεῶνα σε κύριος οὐτως
 κῦρ' ἐς ἀθάντον διμῶ' ἀπέλυσε χαράν.

LEONHARDI ENGELHARTI.

Fuchsius occubuit, medicorum gloria rara:
Fuchsius herbarum nomina multa notans?
Fuchsius ex scriptis totius notissimus orbis
Fuchsius ille tuum, cara Tubinga, decus.
Est ingrata quidem nobis, ô inclyte Fuchsi,
Nunc tua mors, aderat quæ tibi grata tamen.
Dicebas quia: Dissolui, Christumq; videre
Gestio: nunc terra commoda nulla fero.
Dicebas animo forti hæc, & plura Latine,
Ceu non agrotus: res ea mira fuit.
Te Deus ergo bonum servum, veluti Simeonem,
Dimissum iussit regna subire poli.

IOANNES OPORINVS
Basilienſis.



*Si famam aeternam Typicae do sedulus arti:
Aeternum cur non reddat & ipsa decus?*

M. D. LXVIII.

IOANNES OPORINVS BASIL.
Typographus

Doctus, Operosus, Elegans:
Libris innumeris

Partim à se scriptis, partim publicatis:

Virtutum Hærede ex IIII. coniuge, vnico
relieto:

Pub. Lacrimis: Priuatâ pietate:

Sexagenario Maior moritur.

Anno M. D. LXVIII. VI. Iulij.

Natus anno M. D. VII. Die XXV. Ianuarij.

*

*Frugifer Autumnus perijt, Dijs notus & orbi:
Orthion elapsus nautis, meditatur Arion.*

*

*Quantula sint hominum corpuscula, disce viator:
Magnus Oporinus conditur hoc tumulo.*





IN IOANNEM OPORINVM.

LVDOVICI ROCHEFORTII.

*Quis sit Oporinus, si percontaris, & ipsum
Exiguo hoc claudi marmore posse putas:
Rusticus es, toti cùm sit notissimus orbi:
Tota ipsi tumulus terra nec esse queat.*

IOAN. SAMBVCI.

*Quis tua non vidit praeli monumenta labores?
Quæ minima aut caruit bibliotheca typis?
Ars fuit inuenta hæc Germanis, laude perenni:
Extulit hanc Aldus, perpolijt q̃ rudem.
Perfectam exerceas sex & triginta per annos:
Cæsaris ut superes nomine rebus opes.
At tibi iam emerito pateant cœlestia templa:
In terris semper nomen honosq̃ vigent.*

HIERONIMI VOLFII.

*πᾶσα Οπορινῶ μνημνία βιβλιοθήκη γει:
σῶμα δ' ἐκεμνηνὸς σῆμα τόδ' ὅσον ἔχει.*

GVILIELMI XYLANDRI.

*Aurea non mortalis adiuit Oporinus astra:
Parte sui repetens deteriore solum.*

GEORGII FABRICII.

*Immortale decus tibi donat Oporine virtus,
Famaq̃ stellifero, quæ volat alta, polo.
Nam per te Latij libri Grayq̃ leguntur:
Doctrinaq̃ nouâ laude reuixit honor.*

*Clauderis exigua magno sub nomine terra:
Sed claudi tumulo gloria tanta nequit.
Nam quot habent apices, tua quot monumenta figuras,
Tot meritis par est reddere grata tuis.*

CAROLI VTENHOVEN.

*Lumine si cassis potuit qui reddere vitam
Nuper Oporinum mors tamen atra tulit:
Heu quantis tenebris te circumfusa manet nox,
Luce nihil dignum qui meditaris homo.
Sol simul occubuit, iubar occuluitq; coruscum,
Ceu moriens lucis linquit in orbe nihil.
At sua Oporinus maior post fata resurgens,
Quo caret, hoc alijs donat habere iubar.*

EIVSDEM.

*Quisquis Oporinum fatis cessisse dolebit,
Hic & Oporinum doleat vixisse necesse est:
Quem vixisse semel veniens letabitur atas.*

PAULI MELISSÆ.

*Ver, autumnus, hyems redarguebant
Aestatem, quod Oporino fuisset
Mortis causa: magis sed ipse multo
Autumnus male ferre, ferre iniquè,
Suum quod sibi Oporinum necasset
Aestas morbida Sirij noverca
Quæis Tempus: Remouete, ait, querelas:
Immutabilis hanc Dei voluntas
Olim iam sibi destinârat horam.*






Doctorem Labor Celebris.

IOANNIS LAVTERBACHII.

Aeterna doctorem labore gloria.

Quo studio priscos illustris Oporine vates,
 Quoq, novos cures ære, labore, typis:
 Quem latet? hic oculos modò si recludere tentet,
 Urgeat hos quamvis ex adamante sopor.
 Ut magis integri placeant, cultiq, legantur,
 Te studijs donas, & tua cuncta bonis.
 Inde tuum terris florebit Oporine nomen,
 Florebunt terris dum labor, æra, typi.
 Aere, labore, typis vates qui promovet, ipso
 Nomine fit vivax ære, labore, typis.

V. 4



PETRI PITHOEI.

Prodesse dum vult litteratis omnibus,
 Remq; ampliare litterariam studet,
 Oporinus artis litterariae decus,
 Absumfit omne patrimonium lubens:
 Sumfitq; volens vndecunque mutuo.
 Aeratus ergo cessit? imò ærarius,
 Plures rei eius debitores cui sient,
 Quos delegare creditoribus queat.

MICHAELIS GRAVIL.


Cur citharæ nervos impellere gaudet Arion?
 Delphini insistit pes, premit alter humum?
 Scilicet indignè iactatus Oporinus alto,
 Nauigat in portu, numine Christe tuo.
 Sicq; vel inuitis piratis, liber ab omni
 Curâ, cœlesti latitiâ fruitur.
 Carmina permulcent ratione carentia bruta:
 Flectere sed nequeunt cum ratione homines.
 Cedite, quos auri fames insatiabilis vrget:
 Elapsa est ipso remige præda Deo.
 Interea toto celebratus Oporinus orbe,
 Aeterna meruit laudis habere decus.

NICOLAI REVSNERI.

Tot libros mundo qui protulit, instar Opora,
 Quæ varias cornu diuite fundit opes:
 Hic situs est operosus Oporinus. Ergo & Arion
 Cum cultore suo iam requiescit iners.

GILBERTVS LIMBURGIUS

Medicus.



*Hippocrates medicus, medicus sit & ipse Galenus:
Par vtrique manet per me Auicenna meus.*

IOANNES SCHNEIDEVVINIUS
Iurisconsultus.



*Iuris & interpres sum, iustitiaq₃ sacerdos:
Si taceam, libris constat id omne meum.*

M. D. LXVIII.



IOANNES SCHNEIDEVVINVS STOL-
bergæ natus in Turingia, anno M. D. XIX.

Puer admodum Vitebergam missus, studiorum
causâ: & M. Luthero, à quo filij loco semper
habitus fuit, commendatus:

Præceptore vsus domestico Vito Theodoro
Theologo clarissimo:

Ciuilis sapientiæ cognitione instructus egregiâ:
Perbenignè in aulam Sacr. Rom. Imperij Comitum
Schuarceburgicorum accersitus, quibus à con-
silijs fuit per integrum quadriennium:
Pòst reuocatus inde in Academiam perhono-
rificè, & in eâ summos adeptus honores
in Iurisprudentiâ:

Neque solùm in Collegium Iuridicum, sed &
Iudicium allectus Prouinciale:

Operam Reipub. & docendo, & dicundo iure
nauans vtilem ac fidelem, per annos XX.

Quum non magis iuris, quàm iustitiæ, & æqui-
ratis consultus videri vellet:

Commentarijs in aureolum illud opus Insti-
tut. Imp. fanè locupletissimis & foro præfer-
tim accommodatissimis, plurimum Reip. at-
que adeò omnibus Iurispr. studiosis etiam in
posterum profuturus, & in hys cum grata
sui memoriâ, & multorum vtilitate
perpetuò victurus:

Obijt Seruestæ Apoplexiâ anno M. D. LXVIII. Aet.
XLIX: Sepultus Vitebergæ, ad latus M. Lutheri,
quo ipse in vita hospite ac Magistro ad
pietatem vsus fuerat.

IN IOANNEM SCHNEIDE-
vvinium Iureconsultum.


MARTINI HENRICI.

*Quem fecunda tulit venis Stolberga metalli,
Lumine sed verbi ditior illa sacri:
Hæc est Oenotomi Iani doctoris imago:
Effinxit Luca quam tibi docta manus.
Carus erat Luthere tibi, ceu filius: instar
Hunc quoque fouisti, docte Philippe, patris.
Religionis amans, veri studiosus, & equi:
Integer & vitæ vir, fideiq₃ fuit.
Laudibus est dignus geminis, dum certat vtrunq₂,
Iuris in hoc, sanctâ cum pietate, decus.
Semina Romani iuris, sub Leucoris vrbe,
Cum binis annis per tria lustra docet.
Dum quid sit rectum, quid iniquum è lumine verbi,
Ac iuris, facili dexteritate videt.
Lustra nouem vitæ cum quatuor egerat annis,
Quum Deus hunc vitæ de statione vocat.
Ipse per Europæ famâ celeberrimus vrbes,
Mortuus æternum nunc quoque nomen habet.*

NICOLAI REVSNERI.

*Dum ius ritè doces, ius dicis & omnibus æquè:
Consultus iuris, sed mage iustitiæ:
Iustitiæ meritò dicaris Iane sacerdos:
Par Celfo, aut magno, hoc nomine, Sulpitio.*

IOANNES SEBASTIANVS PFAVSERVS
D. Maximil. II. Aug. Ecclesiastes.



*Præco, Cæsar, eram tuus, Aemyliane: Lauinga
Præsul at hinc, pariter sum maneoq, tuus.*

M. D. LXIX.

IOANNES SEBASTIANVS

Pfauserus Bodamicus, natus

Anno M. D. XX.

Theologus egregius, fortis, constans,
diligens:

Præsenti magnitudine animi &
consilij:

Magnâ prætercâ & eloquentia, &
dignitate præditus:

Perpetuus Orthodoxæ fidei Euangeli-
cæ assertor.

Diuo Maxæmiliano II. Aug. à sacris
concionibus, & consilijs:

Præsul demum, & Antistes Ecclesiæ Lauin-
ganæ in Palatinâ ditione fideliss.

Planè vir bonus, & omnibus rebus
ornatus:

Obijt Lauingæ Apoplecticus anno Sal.
M.D.LXIX. Aet. XLIX.
VI. Iunij.



IN IOANNEM SEBASTIANVM
Pfauserum Theol. Cæsar. & Antist,
Lauinganum.


N. REVSNERI,

*Ioannes cubat hic Sebastianus
Pfauserus, placida sepultus vrnâ:
Quo vix sanctior hic, Deiq; vixit
In terris reuerentior: piarum
Plenus pectore cogitationum:
Præco, Christe, tuus: tui professor
Inuictus meriti, sacriq; verbi:
Pro quo mille tulit volens labores,
Casus mille: simul minas potentium
Forti pectore spreuit, ac pericla:
Pro Christi decore, & fide paratus
Pulcræ, si sit opus, necem pacisci:
Inculpata fuit, grauiq; vita;
Virtus ardua, splendor eruditus:
Mores ingenui, fides probata,
Pectus mite, cor altum, & os disertum
Magno maximus hunc fauore Cæsar
Complexus, sibi Præsidentem sacrorum
Legit, consiliariumq; fidum:
Nunc Ecclesia Præsulem Lauingæ*

Tristi funere mæret interemptum.
 Mæret publicæ res pium parentem:
 Mærent eximium scholæ patronum:
 Mærent, quotquot in orbe sunt piorum.
 Et nunc it per iter serenus altum
 Illuc, vnde negant redire quenquam:
 Ac curis hominum malisq³ liber,
 Stellis pulcror, aureoq³, Phœbo,
 Fulget ante Deum: novoque in orbe
 Sertum iustitiæ ferens perennis,
 Pro vitæ spolijs laboriosæ,
 Vitæ gaudia possidet beata.


P. CANDIDI.

Caesaris augustas docuit Pfauserus ad aures
 Præco celebrandi dogmata sacra Dei.
 Quanto maior erat, quem tu Pfausere docebas:
 Sacra, alijs tantò tu quoque maior eras.



CAELIVS SECVNDVS CVRIO

Philosophus.



*Cælo mens affixa prius mea, nunc quoque cælo
Viuit, quàm scitè Cælius ecce vocor!*

M. D. LXVIII.

CAELIVS SECVNDVS CVRIO CYRIA
ci Taurinorum oppido natus anno M.D.III:

Monticalerij educatus primâ pueritiâ: Adole-
scens Taurini ingenuis imbutus artibus:
Quum ob sinceram fidei Christianæ doctrinam,
quam ab ineunte ætate, spretâ superstitione Pon-
tificiâ, amplexus fuerat, varias ab hostibus per-
secutiones, carceres, vincula passus esset:
Semper tamen post tot Eporediæ, Taurini, Lucæ
intentatas mortes atque flammæ, præsen-
tissimâ numinis ope mirabiliter

ereptus:

Præcipuis Italiæ in vrbibus, ac præsertim Me-
diolani & Papiæ, famâ eruditionis & reli-
gionis suæ passim sparsâ:

Quum ob Pontificis Romani insidias ampliùs
in Italiâ se tutum esse non posse videret:

Lausannæ primò ampliùs quadriennio: ac dein
Basileæ, à quâ & Magisterij insignibus ornatus,
& ciuitatis iure donatus fuit, Philosophiæ
& Eloquentiæ studia professus, an-
nis propemodum XXIII.

Præclarâ sui memoriâ ad immortalitatem tum
docendo, tum scribendo post se relictâ:

Magnâ cum laude veræ pietatis, & humanita-
tis insignisque constantiæ:

Excessit è vivis Aet. S. Anno LXVII. Sal. M. D.
LXIX. ad VIII.KL.DCB.

IN CAELIVM SECVNDVM Curionem.


PAVLI CHERLERI.

Arte pōtens, pietate grauis, sermone politus
Caelius, hīc molles in leni funere somnos,
Iuxta cara sibi quondam sua pignora, carpit:
Cumq̃ his exurget, priscis reuidendus amicis,
Luce sub extrema: cū tu, fortissime IESV,
Viua Dei soboles, sonitu praeunte tubarum,
Adueniens iudex liquidis in nubibus acer:
Iudicioq̃ p̄m̄es orbem, & noua prēmia reddes:
Prēmia grata probis, reprobis ingrata: sed aqua,
Et fidei vacuis, ipsorum debita factus.

N. REVSNERI.


Si lacrymis decorare pios, & funera fletu
Fas est, quos nobis abstulit atra dies:
Te lacrymis decorare pium est, & funera fletu
Curio, quem Musis abstulit atra dies.
Sed neque tu lacrymis, nec egent tua funera fletu:
Cur? tua laus toto viuit in orbe prius:
Et tua mens cœlo viuit sanctissima, CAELI:
Felix, cui fas est tam benè posse mori!

324
PAVLVS EBERVS
Theologus.



*Qui fueram Sophia, Christi sum denique doctor:
Si corpus paruum, mens mihi magna sat est.*

M. D. LXIX.



PAVLVS EBERVS KITTINGAE
 Franciæ oppido natus, anno M.D.XI.

Post patriæ scholam, ad spem vberioris doctrinæ Onolsbachium primò commigrans:

Aeger anno vix exacto in patriam reuersurus, ab equo raptatus consternato, multis corporis partibus miserabiliter luxatis, magnam valetudinis suæ passus iacturam:

Eâ demum confirmatâ, Vitebergam profectus, homo in omni iudicio elegantissimus, Philosphiæ pariter, ac Theologiæ studijs summè deditus:

Summos in vtraque sapientiâ tam diuinâ quàm humanâ honores cum laude promeritus:

Professor tandem vtriusque in Academia annis circiter XXXVIII. clarus ac eloquens:

Pastor prætereà Ecclesiæ, & Antistes verus vigilansque:

Sacræ historiæ, & Philologiæ in primis studiosus:

Quam & compluribus ingenij monumentis egregijs plurimum illustrauit, & ad posteros propagauit:

Pie sanctæque obijt Vitebergæ X. Decembr. anno Sal. M. D. LXIX. Aet. LVIII. D.

XXXII.

IN PAVLVM EBERVM
Theologum.

IOANNIS SCHOSSERI.

*Hos quicunque vides infirmi corporis artus,
Quos tibi Pastoris parua tabella refert:
Consilium perpende Dei, qui splendida mundo
Visa, putat regno non satis apta suo.
Eligit infirmos, per quos Ecclesia Christi
Docta, salutarem possit habere fidem.
Ille etiam præiens iuuat instrumenta salutis,
Præsidioq; leuat membra pusilla suo.
Et nunc parua licet sit vox & corpus Eberi:
Ipse per hunc optat notior esse Deus.
Ergo prius celebres docuit qui sedulus artes:
Aethereo sacras nectare pascit oues.
Quid spectas teneros artus? in corpore parua
Sapè etiam pietas, ingeniumq; viget.*

N. REVSNERI.

In Paguro sapientia.

*Quid modicas paruo rides in corpore vires:
Pectore si magnus sum, Polypheme, sat est.
Scilicet est paruis etiam sua gratia rebus:
Formicæ quoque vis, & sua bilis inest:
Et sua commendat sapientia rara pagurum:
Pendet hic è collo, magna Diana, tuo.*

*Conſilij ſignum prudentis: in ade dicatâ
 Quæ gaudes Ephēſi per tua ſacra colî.
 Mulo mihi paruo ſit mens in corpore magna:
 Quàm Cyclopeo robore membra geram,
 Mentis inops. malè ſic habitat mens ardua Galbæ:
 Ingenuas vires, nobile pectus amo.*

P. CANDIDI.

*Religio, pietas, doctrina, modeſtia, candor
 Dona, quibus fuerat clarus EBERI'S, erant.*

IOANNIS STIGELII.


*Colligis è priſcis quòd idonea tempora faſtis:
 Quòd cœlum & cœlo tempora lapſa notas:
 Paule tibi referet meritas Eccleſia grates:
 Hac etiam ſpeculum quæ videt arte ſuum.
 Paule tibi referet meritas Reſpublica grates:
 Cui ſuus hoc ſtudio vindice conſtat honos.
 Et iam fata tuis aſpirant mollia chartis:
 Sentit & æternos pagina viua dies.
 Adijciunt Muſæ lætæ frondentia leuro
 Serta, Aganippæi fonte rigata iugi,
 It comes adſpirans animam, ſenſumq; libello,
 Aetatum Genius ſemina longa trahens.*

IOAN. LAVTERBACHII.

Perennis eſt diſertus eloquentiâ.

*Splendor Theſpiadum nitens EBERVS,
 Paruus corpore, ſuauiſſime magnus*

Dicendi, teneram scholis iuuentam
 Bonas seu docuit disertus artes,
 Sacram seu docuit disertus adem:
 Præsentem retulit lepore formam,
 Præsentem retulit colore vultum.
 De tam corpore plura scire paruo
 Si quæris, monumenta quæ reliquit
 Haud segnis, lege, sis nec ipse segnis.
 Quàm magnus fuerit scholis docendis,
 Quàm magnus fuerit sacris docendis,
 Librorum monumenta predicabunt.
 Paruo ex corpore nemo iudicandus:
 Gemma corpore parua, vi sed ingens:
 Terræ sic quoque dum manebit orbis,
 Paruus corpore, suauitate magnus
 Dicendi celebrabitur per orbem
 Splendor Thespiadum nitens EBERVS.





IOANNES BRENTIVS
Theologus.



*Tot lucubratus, tot Christo sancta locutus,
Ipse senex obo, non sine laude, diem.*

M. D. LXX.

IOANNES BRENTIVS, VVEILAE, SVEVIAE
oppido imperiali natus anno M. CCCC.
XCIX.

Primæ laureæ, anno ætatis XV: Secundæ, XVIII.
in signibus Heidelbergæ decoratus:

Admodum iuuenis diuinas & humanas profes-
sus literas, magno applausu discentium:

Halæ Sueuorum Ecclesiastes constitutus
anno XXII.

Reformandæ eâ in vrbe, tota quæ Germaniâ,
vnâ cum M. Luthero & Ph. Melanthe,
auctor optimus maximus:

Magno cum discrimine vitæ & fortunarum:
Tubingam demum, auspicijs Huldrichi Du-
cis VVirteberg. euocatus: Academia Com-
missarius, & Antistes Ecclesiæ:

Tandem Studgardia, Christophori Ducis voca-
tu, Pastor ac Præpositus Ecclesiæ verè
Apostolicus:

Quo ipse munere ad vitæ vsque finem summâ
religione, fide, prudentiâ, dexteritate, industriâ,
vigilantiâ functus est, maximo commo-
do Reip. Christianæ vniuersæ:

Colloquijs Religioni componendæ Imper. ad-
hibitus, Augustæ, Haganoæ, VVormatiæ,
Ratisbonæ, Tridenti:

Commentarijs in Biblia sacra vniuersa Exe-
geticis, alijs prætereà scriptis dogmati-
cis editis clariss.

Obdormiuit in Domino anno Sal. M.D.LXX:
Act. LXXI. M. II. D. XVII. XX. Septembr.



IN IOANNEM BRENTIVM
Theologum,

EPIGRAMMATA.

MARTINI CRYSIL.

ὁς θείας μνηρὸ πάσας ἐν φώτισε βίβλας:
ἐν ξυνόδοις πάσαις καὶ διωλέξεν ἔλιν:
ἐνσεβέων τ' ἀγέλαις βαλαῖς ἔργοισι τ' ὀφέλιν:
τίετο καὶ λαμπροῖς ἡγεμόνεσσιν ἰλίιν:
πενήρημον ἴα τ' ἐν μαύδρας χριτοῖο διδάξεν
κηρύττειν νερὸς νυῖ ἐτι ῥῆμα θεῶν:
τοῖος Ἰωάννης ἦν βρέντιος ἐν τὸς ἰδεῖν θα.
τὴν δ' ἐν τὸς μορφὴν, ὅς ἦν σερ, οἶδε μόνος.

IDEM LATINE.

*Qui cū laude sacros libros propè scripsit in omnes:
Omnibus in Synodis, Colloquijsq; fuit:
Et pia consilijs ac factis agmina iuuit:
Vixit honoratus Principibusq; viris:
Ac quinquaginta docuit diuina per annos:
Et post fata pijs nunc quoque doctor adest:
Ioannes fuit hoc spectandus Brentius ore:
At mens est soli nota decora Deo.*

IOAN. LAVTERBACHII.

Defensio verbi ministrorum, Dei.

*In restaurandâ socius pietate Lutheri
 Brentius, Ausonij magna ruina Pape:
 Talis erat facie senij confectus ab ævo:
 Quàm prius abriperet mortis auara manus.
 Consilij multum conuentus inuit honestos,
 Quos habuit sanæ religionis amor.
 Colloquijs præsens interfuit omnibus: idem
 Immensas auxit Religionis opes.
 Vera quod Europæ floret doctrina per oras,
 Quæ celebrat Christum religiosa fide:
 Non paruas isti grato fert pectore partes:
 Plurima pro cuius nomine dura tulit:
 E quibus, insidias fugiens, odiumq; potentum
 Diuinâ tectus liber abiuit ope.
 Urbis Alexandri Doctor velut obuius hostem.
 Effugit, Nili quum peragraret aquas.
 Organa doctrinæ Christi quod in orbe furores
 Hostiles superant, cura benigna Dei est.*

E I V S D E M.

Viuit polo doctor salutis, ac solo.

*Brentius egregium cui fecit gratia nomen:
 Egregius sanæ religionis amor:
 Sternuus assertor qui maiestatis IESV,
 Scripturâ docuit teste salutis iter:*

Decurſo vitæ ſpatio, ſatur abſtulit annis

Iuſtificâ Chriſti præmia digna fide.

Ingenio ſupereſt terris: mortale ſepulcrum:

Expers mortis, ouans ſpiritus aſtra tenet.

Propugnans Chriſtum verâ pietate, beatus

In cœlis animâ, nomine viuuit humo.

LEONHARDI ENGELHARDI.

Bis ſeptem luſtris iam Brentius addidit annum:

Corporis & poſuit membra caduca ſui.

Illius in mundo ſemper pia ſcripta manebunt:

Sed pius in cœli ſpiritus arce ſedet.

HENRICI POLANI.

Felix ô Brenti, cui cœli debita ſedes

Optatæ donat dulce ſalutis iter.

Luthero fidus ſocius, carusq; Philippo,

Et puræ vindex religionis eras.

Concilium Chriſti ſanctâ nunc mente frequentas:

Cernis & in triplici numine numen idem.

GEORGII OSTERMARI.

Qui docuit Chriſtum, Chriſtoq; fidelis adhaſit

Brentius, ingenio clarus & eloquio,


In Chriſto moriens, Chriſti ſuper aſtra receptus,

Aurea ſe gaudet templa videre Dei.

Occidit eloquiū viuens cum corpore virtus:

Ingenij nobis ſunt monumenta ſuper.

334
IOANNES PFEFFINGERVS
S. Theol. D.



*Magna oris gravitas, animi constantia magna,
Doctrinæq; fides: Lipsia nōuit adhuc.*

M. D. LXXIII.





IOANNES PFEFFINGERVS BAVA-
rus, natus anno M.CCCC:XCIII:

Speſtataꝝ tum eruditionis. tum probitatis vir,
& inſignis Theologus:


Totus à primâ ætate promouendæ Chriſti
gloriæ addiſtus:

Superſtitione repudiata Pontificiâ, etiam multò
ardentius, veritatem agnitam
amplexus:

Sacrarum literarum Doſtor
præclarus:

Lipſienſis Eccleſiæ Paſtor & Antiſtes verus,
ac venerandus:

Fatis conceſſit anno Chriſtiano M. D. LXXIII.
Aet. LXXX; III. Non. Ianuar.



IN IOANNEM PFEFFINGERVM
Theol. Lipsicum.

EPIGRAMMATA.

GEORGII BERSMANNI.

Qui Pfeffingeri similes in imagine vultus
Aspicias, hospes & hac pellege scripta memör.
Bauaria dedit hunc tellus in luminis oras:
Quem vitâ functum Lipsia condit humo.
Dicere longa mora est, per quot discrimina reram
Hunc exercueris Dæmonis ira trucis:
Finibus extorrem patria, pressumq̃, suorum
Inuidiâ, atque odys turba profana tuis:
Dum venale Papæ cælum, missamq̃, perosus,
Mauult esse tui portio Christe gregis:
Cui se doctrinæ studio, sanctoq̃, labore,
Atque operæ curâ, consilijsq̃, fide
Addixit, moderansq̃, scholas, & tēpla gubernans:
Haud grauis imperij fulmine, pacis amans.
Testis erit iuueni vitæ sine labe peractæ:
Leucoris, & seclī fama, Luthere, tui:
Et tu, religionis apex, diuine Melanthon:
Et tu, qui clarum de Cruce nomen habes:
Postq̃, hos consilij consors, sociusq̃, laborum,
Tu quoque adhuc nostræ spes, Ioachime, scholæ.
Orba sui luget Pastoris Lipsia satum:
Amissumq̃, gemit Misnidos ora patrem.

*Salve sancte senex, decus ô venerabile morum:
Salve cœlestum confociate choris.*

M. I. L.

*Quàm benè Pffingere tuos sub imagine vultus
Artifici hæc spirat picta tabella manu!
Cui Deus excelsis Philyræ sub mœnibus vrbis
Pascendum verbo tradidit ipse gregem.
Namque Dei pastor vix dignior vllus ouili:
Dignius aut curâ talis ouile ducis.
Cuius vt est vultus comi grauitate seuerus:
Et purâ cultus simplicitate niter:
Sic quoque vita grauis, sic omnis nescia fuci:
O prisco verè tempore digna patrum!
Quam licet haud vno proscindat crimine liuor:
At tamen ipsa Deo salua probante manet.
Est aliquid dignante Deo de millibus vnum
Grande ministerij munus obire sacrum.*

P. CANDIDI.

*Lipsia, vera Dei te Pffingere docentem,
Audijt intentis dogmata pectoribus.
Magna quidem est pietas, patriæ seruire docendo:
Maior at est ipsi grata docere Deo.*

N. REVSNERI.


*Præco Dei magnus, magnus virtute fideq̃,
Magnus eras verâ relligione Dei:*

T


*Pfessingere senex, vitâ grauis auctor & annis.
 Quid tum? post cui lustra bis octo peris.
 Mors tua sic Iani funestat mœsta Calendas:
 Lata tibi, nobis qua nimis ægra venit.
 Lipsia quem multis annis mirata docentem
 Nunc gemit, & sacri concio tota gregis.
 Salue, sancte senex, venerande nepotibus ipsis:
 Fama tui nescit nominis ampla mori.*

PETRI LOSSII.

*Eximium cathedra decus, & pia fama suorum
 Ille ego sum populi Lipsia clara tui.
 Qui verbis potui mollire adamantina corda:
 Soluere qui curis tristitiaq³ graues.
 Exemplum fueram morum & pietatis honestum:
 Id quoque nunc cultâ posteritate probo.
 Innide dic de me nunc quidlibet: ipse ego iunctus
 Christo, te longè sum meliore loco.*



339
GEORGIUS MAIOR
Theologus.



*Sanctum opus absq. fide, sine sancto opere haud placet vnquam
Sancta fides: fides summa sit ista mea.*

M. D. LXXIIII,

T 2

GEORGIVS MAIOR NORIBERGAE,
vrbe imperiali, natus anno M.D.II:

Summè omnium doctrinarum studiosus
à primâ adolescentiâ:

Magister optimarum artium primò, ac dein
sacros. Theologiæ Doctor Vitebergæ
auctoritate publicâ renun-
ciatus:

Quam multis annis, non solùm in Academiâ,
verùm etiam Ecclesiâ publicè priuatimque do-
cuit, singulari laude industriæ, pruden-
tiæ, eloquentiæ:

Commentarijs luculentis in præcipuos Euan-
gelicos & Apostolicos libros, alijsque lucubra-
tionibus eruditis, Reipub. literariæ
communicatis celebris:

Obijt senex anno Sal. M. D. LXXIII. Aet.
LXXII. XXVIII. Nouembr.

Eteostichon Iosephi à Pinu.

*Felici vt genuit Maior te vrbs Norica luce,
Pest tuus Orion vespere laus obit.*

IN GEORGIVM MAIOREM
S. Theol. D.

IOAN. MAIORIS IOACHIMI.

*Qui donis animi mensuram nominis implet,
Hac tibi Maiorem parua tabella refert.
Cui linguam Charites, cui Pleiade natus acumen,
Facundosq; dedit Suada canora sonos.
Sed non Mercurius, si vellet, pingere posset:
Ingenium scriptis pinxit ut ipse suis.
Multa tulit, fecitq; pie templisq; scholisq;
Illustrans studijs dogmata sacra suis.
Nec tamen effugit deliri iurgia Flacci:
Qui furit in fatum Teutonis oratuum.
Gratus odor cerebro est, quē mollis Amaracus edit:
Sed necat immundas illius aura sues.
At tu Maior eris, rumpantur ut ilia Flacco:
Cum fidei fructu perge docere fidem.*

IOAN. LAVTERBACHII.


*Liuor nocere cui nequit, laus optima.
Maior ab aeterno Patre multis obrute donis:
Celsa quibus nomen tollis in astra tuum.
Magnus es ingenio: maior virtutibus: imò
Maximus in verâ cognitione Dei.
Fidus, ad ingenuas pueris industrius artes,
Monstrasti latâ fronte Magister iter.*

Egregium terris idem virtute fuisti
 Exemplum, quo sit vita regenda modo.
 Quod summū est, Doctor scriptis & voce, salubris
 Plantasti dives religionis opes.
 Hinc monumenta tui relegens diuina Laboris,
 Nemo non, saluus qui cupit esse, probat:
 Nocturnā versatq₃ manu, versatq₃ diurnā:
 Proq₃ tuo grates munere gratus agit:
 Dum monumenta tui viuunt diuina laboris:
 Perpetuò nomen viuet in orbe tuum.
 Quod Liuor memori nunquam miser eximet auo:
 Perpetuo florens tempore nomen erit.

CASP. CROPACII.

Vt te care senex, memorande nepotibus olim,
 Hac atas meritò prædicat atque colit:
 Maxime qui cæli reſeras penetralia Maior:
 Ad populum quando verba sacrata facis.
 Viuus ab ore fluit tibi sermo nectaris instar:
 Quemq₃ doces Christum, corde animoq₃ geris.
 Maiorem afficient seri quoque laude minores;
 Et tua non poterit viuida fama mori.

IOANNES GVINTERIVS AN-
dernacus Medicus.



*Argentina tuus, tuus antè Lutetia doct̃or
Sum Medicus: famâ notus in orle satis.*

M. D. LXXIIII.

Y 4

IOANNES GVINTERIVS ANDER-
naci Vbiorum oppido celebri natus
M. CCCC, LXXXVII.

Primis annis Dauentriæ, ac Marpurgi in literis
versatus, cum ingenio, nec sine industriâ:
Goslariæ dehinc scholæ Moderator: ac dein Lo-
vanij Græcæ linguæ Professor:
Medicinæ pòst deditus studio Lutetiæ Parisio-
rum: familiaris summus Guil. Budæi, &
Lascaris Græci:
Medicis Græcis, ac præsertim Galeno, in La-
tinum conuersis sermonem:
Francisci I. Regis Galliæ, & Ioan. Bellaij Card.
liberalitate summâ Medicinæ Doct̃or, &
Medicus Regius salutatus:
Anatomes corporis hum. auctor atque
instaurator:
A Rege Daniæ perbenignè expetitus:
A Ferdinando Cæs. Augusto singularis meriti
ergò nobilitatus:
Pòst tumultu Gallico ob religionem moto,
Mediomatricum in vrbe primùm, deinceps
Argentinae exercens Medicinam:
Aristotelis & Demosthenis in eadem Acade-
miâ interpres:
Optimè de Repub. literariâ meritus:
Obijt feliciter Argentinae anno Christi
M. D. LXXIII. 4. Octobr.





IN IOANNEM GVINTHERIVM
Andernacum Medicum.


MICHAELIS TOXITAE.

*Hoc Andernacus vultu praeclarus & ore,
Ceu docet effigies, conspiciendus erat.
Corporis expressit pictoris dextera formam:
Ingenij vires scripta polita probant.
Doctrinâ paucis praestante secundus: at inter
Multos virtutis lumine primus erat.
Fidus Apollineae fuit artis alumnus, & annos
In seros medicâ corpora duxit ope.*

HVBERTI DAMII ANDERNACI.

*Γυνθερίς ἴφθι οὕτω περὶ σώματος εἰνῶν,
ἱκτρῶ γεραρῶ, δλείνυσιν ὡς γραφικῇ.
τὴν δ' ἰσχὺν φύσεως μετὰ τῆς, ἥς χρῆστο, μαθάνει,
σωσιπρατὲς τέχνης ἔργα διδῶσι σάφα.
ἐν μύσαις τε λόγοις τ' ὀλίγων ἢ δεύτερος ἄλλων,
τῆς δ' ἀρετῆς πολλῶν ἀγλαίῃ πρότερος.
τῶ φοίβῃ πιστὸς θεραπῶν, ὑγίης τε βροτοῖσι
μικροβίς, τέχνη πρόξενος εὐπαλάμῳ.*

Y 5



In Tumulum eiusdem.

E I V S D E M.


*Vt natura parens dederat mortalibus olim
 Hippocratem, ipsa suum quò retineret opus:
 Sic quoque Guintherium tandem Deus artis alumnum
 Edidit, & medicam reddere iussit opem.
 Fecit & occubuit: tua quo Germania fama
 Nunc medico celebris gloria parta viget.
 Fama per ignotas gentes volat: ossa recepit
 Terra: sed aetheream mens colit vna domum.*

MICHAEL TOXITAE.


*Hic situs est Andernacus propè coniugis ossa:
 Expectans regni gaudia leta Dei.
 Certabant virtus, pietas, doctrina, senectus:
 Et voluit primo qualibet esse loco.
 Sed vicit pietas, animamq; per aethera Christo
 Adduxit, cuius numen adorat ouans.
 Ingenuas coluit felici fidere Musas:
 Pæoniaq; tulit pluribus artis opem.
 In terris famam, nomenq; reliquit honestum:
 Spiritus it cœlo: membra recepit humus.
 Excessit septem decies ac amplius annos:
 Mens tamen in sano corpore sana fuit.
 Sed quid opus multis? laus vni hæc sufficit vna:
 Ingenio magnos vicit, & arte viros.*



Octo Guintherius iam quando decennia, messem
 Et clausit ævo septimam:
 Iam jam care Pater (dictis Panacea modestis
 Compellat Aesculapium)
 Sat vitæ famæque dedit, nostroq; labori
 Guintherius arte nobilis.
 Scis, quòd Lovanium, sit & Argentina docentem
 Mirata post Lutetiam:
 Hic ubi Vesalius medicus, Graiaq; magister
 Linguâ polivit Sturmium,
 Scis, quòd lustra novem medico iam floreat vsu:
 Antiqua nostræ cum novis
 Artis & eruerit nostro mysteria ductu:
 Perennis ac vivet libris.
 Sit requies aterna Seni, sit vera voluptas,
 Et nata cælo gaudia.
 Sic ait: hinc animâ Guintherius intrat Olympum:
 Mortale terra suscipit.



MATHIAS FLACIVS ILLYRICVS
Theologus.



*Scire meum vis dogma? Homo totus culpa, scelusq;
Quid blateras? utrum sic Manichæus ero?*

M. D. • LXXV.

MATHIAS FLACIVS ILLYRICVS

Albonæ natus anno M. D. XX:

Cognoscendæ Evangelicæ doctrinæ magno
ardens desiderio:

Basileæ primò, dein Tubingæ, pòst Vitebergæ in
studijs pietatis versatus:

Linguae sanctæ in Academia Professor:

Dehinc bello Germanico Madeburgum
profectus:

Quò loci cùm alia scripta dogmatica innumera,
tùm opus illud Historiæ Ecclesiasticæ pas-
sim notum cum suis collegis in
publicum protulit:


Ienæ tandem Theologiam professus:

Sed ob motam cum Viçt. Strigelio de Libero
arbitrio controversiam implaca-
bilem dimissus post quin-
quennium:


Denique Ratisbonæ, Antuerpię, Francofurti,
Argentorati exulans aliquot annis:

Obstinatus dogmatis sui de peccati substan-
tia semel professi defensor:

Mortem obiit Francoforti ad Mœnum Aet. anno
LV. V. Idus Martij. M. D. LXXV.



GVILIELMVS XYLANDER !
Philologus.



*Quàm benè Plutarchi Gracè sonat antè: Latine
Per me nunc loquitur tam benè Musa mei.*

M. D. LXXV.

GVILIELMVS XYLANDER

Augustæ Vindelicorum natus,

anno M. D. XXX.

Magna vtriusque linguę cognitione egregiè
instructus, & variâ ac multiplice eru-
ditione ornatus:

Magister optimarum artium Basileæ
designatus:

Literarum Græcarum professor Heidelbergæ
fidelis pariter ac diligens:

Præclaram nominis famam, & immortalem
adeptus gloriam, tum ex alijs scriptis Philo-
logicis & Historicis: tum ex optimis aucto-
ribus, præsertim Græcis, partim reco-
gnitis: partim in Latinum sermo-
nem conuersis.

Quod vel Plutarchi, Dionis, Stephani, Strabo-
nis, Cedreni, aliorum opera abundè
contestantur:

Fatis concessit, & naturę præmaturâ morte
anno Sal. M. D. LXXV. Heidelbergę
sepultus. Aet. XL.

O quisquis es, Viator, atra transiens
 Hæc busta, Guilelmum sibi quæ creditum
 Debent Xylandrum: siste quæso, & aspice,
 Siste ô gradum: incorrupta canaq₃ hîc Fides,
 Nec non Honos, hîc Candor, hîc Integritas,
 Hîc mentis humana bonum summum iacet:
 Et saxa magnum parua contegunt virum:
 Cui vix parem dedere Patrum secula,
 Et nostra vix parem modò dant secula,
 Dabuntq₃ vix parem nepotum secula.

Quòd non columnas nobilet è marmore
 Structas superbo, quòd nec æra viuere
 Manu Magistri iussa, nec surgentia
 Ad astra Mausolea cernis, desine
 Mirari: honores id genus quærunt sibi,
 Qui nil relinquunt, quo ferantur nobiles:
 An hîc inanem morte capiet gloriam,
 Cui gloriæ sat veræ erat superstiti?
 Non his eget virtus viri ter maxima
 Huius, mori vix digni, inanis gloriæ
 Auræq₃ vulgi nescia. hæc honoribus
 Refulget ingeni arte partis arduâ:
 Morti hæc, rogisq₃ hunc eripit silentibus.
 Extincto ut ipse posthumus viuat sibi.
 Quin & sacro ordini additus iam cœlitum

*Cælosq₃, terrasq₃, & superstites sibi
 Deuinxit omnes vnus ille Creditor.
 Cælo reponens spiritum, corpus putri
 Terræ locauit: dia mentis munera,
 Abstrusa pandunt quæ artium mysteria,
 Nobis dedit, deditq₃ seris posteris.
 Tantum virum, talem virum saxa hac tegunt.
 Ergo, Viator, vile bustum desine
 Mirari: humo pignus repostum nobile
 Mirare, sortis & tuæ memor vale.*

H. VV.


*Clauditur hac vrnâ, quod erat mortale Xylandri:
 Pars reliqua est merito, Christe, beata tuo:
 Qui illud & hanc olim rediens reuocabis in vnum,
 Magni & supremi tempore concilij:
 Vt quæ coniuncta in miserâ pietate fuerunt,
 Aeternum pariter gaudia participant.
 At iusta est nobis luctus data causa, decore
 Et tanti orbatæ vtilitate viri:
 Cui labor intempestiuus nimiusq₃ videtur
 Præproperum fati constituisse diem:
 Qui nostra inueniet trunca hoc Academia membrô
 Non facîle ingenio, non facîle arte parem.
 Summe Pater, da doctores, cætusq₃ docendos:
 Et quamuis raras quæso tuere scholas.
 Ethnica ne rursus nostris dominetur in oris:
 Quæ fuit antè decem secula, barbaries.*

354
HENRICVS BVLLINGERVS
Theologus.



*Sic vixi, sic viuo meis nunc denique libris:
Vt nunquam videar mortuus esse bonis.*

M. D. LXXV.



HENRICVS BVLLINGERVS

Bremogarti, Heluetiorum oppi-
do, natus anno M.D.IIIL

Embricæ primò, dein Colonia Agrippinæ li-
teris eruditus humanioribus: & in his
Magisterij titulo insignitus:

Capellæ dehinc ludo præfectus literario per
integrum sexennium:

Sacris pòst præfectus concionibus
in patriâ:

Tiguri tandem Pastor & Antistes Ecclesiæ in
Zuinglij locum successus:

Quam annis XLIII. singulari fide & indu-
striâ administrauit:

Lucubrationibus propemodùm infinitis de
Religione partim Didacticis & Exegeticis, par-
tim Polemicis, & Dogmaticis, passim in
toto orbe Christiano no-
bilitatus:

Obijt senex Tiguri XVII. Septembr. anno
Sal. Christ. M.D. LXXIIIL
Aet. LXXI.

356
IN HENRICVM BVLLINGE-
rum Theol.

THEODORI BEZÆ.

*Doctrina si interire, si Pietas mori,
Occidere si Candor potest:
Doctrina, Pietas, Candor, hoc tumulo iacent,
HENRICE, tecum condita.
Mori sed absit illa posse dixerim,
Quæ viuere iubent mortuos.
Immo interire forsan illa si queant,
Subireq; tumuli specum:
Tu tu illa doctis, tu pijs, tu candidis,
Et non mori certissimis,
Tenaci ab ipsâ morte chartis asseras,
Ipso approbante numine.
Fœdus beatum! mortuum illa te excitant,
Et tu mori illa non sinis.
At hunc, amici, cur fleamus mortuum,
Qui viuit alijs, & sibi?*

RVDOLPHI GVALTHERI.

*Quum Bullingeri Pietas heic conderet ossa:
Hoc sita sunt (dixit) viscera nostra loco.
Et tota in lacrymas effusa, hæc addidit: Eheu
Nate vale, ah nulli nate secunde, vale.
Quid loquar? est toti virtus tua cognita mundo:
At miseram prohibet dicere plura dolor.*

Quòd tamen optat â sopitus pace quiescis:

Quòd tua mens cœli tecta beata colit:

Me recreat mœstam. at tu, Christe salutifer, ipse

Sume pedum, atq; tuas nunc rege Pastor oues.

Pelle lupos stabulis: hircos procul inde salaces

Eijce: & vnanimem protege Christe gregem.

IOAN. SERRANI.

Mosis ministri voce maximam Deus

Hæreditatem adiecerat

Suo Israeli: non eam Moses tamen

Adit, sed eminùs videt.

Henrice, maius contigit quiddam tibi:

Cum Zuinglio primus propè

Ad initia pugnasti Dei imperio. ast vbi

Athleta magnus Zuinglius

Cessit quietem consequutus: tu nouis,

Henrice, viribus potens

Prodis: peremptis hostibus victoriam

Refers: trophæa splendida

Victoriæ victor statuis. Lustris meant

Per plurimis cursus graues,

Quum victor instas, patria in dulci sinu

Felixq; votorum senex

Compos tuorum. Tum Deus dixit tibi:

Quiesce tandem, ô optime

Quiesce tandem serue: iam satis tibi

Satis laborum est: percipe

Parata cælo præmia. edixit Deus.

Henricus annorum satur

Concessit in cælum: beatus & modò

Fruitur beatis sedibus.

IOAN. BAPTISTAE ROTANI.

Relligiose senex, sacrorum maxime vatum

Te viuente mihi viuere dulce fuit.

Viudere dulce fuit. nam te viuente, parentis

Vixit sancta Dei filia Relligio.

Vixit, per quod erat mihi tantum viuere dulce:

O mihi si liceat te moriente mori!

IOANNIS IEZLERI.

Lustra decem tu sancta doces mysteria: lustra

Viuis in his terris quattuor atque decem.

In te num pietas fuerit doctrinaue maior

Contendunt, quibus est vtraque nota probè.

Vicerit at Pietas, doctrina iuncta per orbem

Tè memorans, cælo viuere sola facit.

IOAN. PONTISELLAE.

Nuper vbi in longam Bulgero lumina noctem

Mors tegeret, dulci membra sopore rigans:

Turbida mœrentem velauit patria vultum:

Inq̃, pias lacrymas tota soluta fuit.

Heu quò vertar? ait: cecidit, fixa hæcenus omnis

In quo nostra vno spesq̃, salusq̃, fuit.



Nam busto inferimus, quo non infractius alter

Hoc seculo Christi signa corusca tulit.

Ille quidem placidâ compostus pace quiescit:

At patet in curas area lata meas.

Mome quid oggannis? ponas cum fronte pudorem:

Nec careat probris hora locusue tuis:

Huius nulla tamen laudatum obliuio nomen

Deteret, & quis sit, carta loquetur anus.

IOAN. VINSLERI.

Si lacrymis redimi, Pastor, tua funera possent:

In lacrymas iret Limagus ipse pias.

Numinis at flecti nequeunt pia fata potentis:

Omnibus & lethi porta terenda venit.

Diuerfos eadem peperit (mirabile) fructus:

Damna dedit nobis, maxima lucra tibi.

Nec tua lugubri ploramus funera planctu:

Nostra tamen meritò damna dolere decet.

Tu nunc ambrosiam carpis: tu nectare viuis:

Qui nos pauisti nectare & ambrosia.

IOAN. RVDOLPHI BYGELII.

Henricus Bullingerus post fata quiescit:

Contiguus Petri Martyris exuujs,

Quid mirum? vnanimis quondam, nunc corpore iuncti

Aeternum seruant nomen amicitiae.

Heluetius quamuis erat alter, & Italus alter:

At vox de Christo consona vtrique fuit.

Excepit geminum tellus Tigurina cadauer:
 Fortunati ambo quo docuere loco.
 Papa quid insani? superis in sedibus vnà
 Gaudia cum Christo mens vtriusque capit.
 Succedant alij, quibus est Ecclesia cura:
 Qui legis hac, supplex vsque precare Deum.


RVDOLPHI LEE MANNI.

Bullingerus in hac teneor celeberrimus vrna:
 De quo si quid amas nosse viator, ades.
 Ter quinque à nato numerabis secula Christo
 Iungere quæis totidem denique lustra velis:
 Mortis habes annum: fuerant sed meta senectæ
 Bis septem menses, tot quoque lustra mea.
 Aergouium genuit: Tigurina Ecclesia summum
 Pastorem vndenas fovit Olympiadas.
 Si quos pertulerim quæras pro gente labores:
 Nullum illi, hospes, habent innumeri numerū.

CHRISTOPHORI THRETII
Poloni.

Est vixisse diu quiddam, nomenq, per orbem
 Permuitis quæsisse libris: sed gloria nobis,
 Quòd semper Christo vixi, & sum mortuus vnà.

IOANNES VVOLPHIYS
Theologus.



*Præco Dei, doceo, Tigurinâ clarus in vrbe,
Præco Euangelicus quis sit, & vnde, bonus.*

M. D. LXXII.

Z 5

IOANNES VVOLPHIVS TIGVRI,
celebri Heluetiorum vrbe, natus:


Philosophiæ pariter ac Theologiæ
studijs eruditus:


Præclara ingenij & industriæ fidelis opera
in publico reliquit:

Onomastico primùm Physico &
Geographico,

Præcone dehinc Evangelico, vnà cum Com-
mentarijs suarum concionum & ausculta-
tionum in sacra Biblia innu-
meris, relicto:

Mortuus Tiguri in patriâ anno
M.D. LXXII.





*Me docet Historicum simul, Astronomumq₃ fuisse
Patria, doctorem sed magis, alma, Dei.*

M. D. LXXVI.

IOSIAS SIMLERVS HELVETIVS
Capellensis:

Elegantis homo ingenij, ac doctrinæ:
Mathematicus nobilis, Historicus
excellens:


Quòd tum scripta eius, quibus patriam immor-
talitati consecrauit, tum instrumenta ab
eo excogitata Astronomica
testificantur:

Sacro sanctæ Theologiæ in scholâ Tigurinâ
Professor celebris:

Qui quanti non modò in docendo, sed & scri-
bendo, tum acuminis, tum iudicij fuerit, vete-
rum quoque Theologorum lectione confir-
mati, lucubrationes eius in omni doctrinæ
genere in publicum editæ satis
superq; ostendunt:

Morbis cum duobus sæuiss. calculo nimirum,
& podagrâ conflictatus acerbè, annis
aliquot prioribus:

Morte tandem obiit immaturâ, annum vix
agens XLV: die secundâ Iulij, anno
Domini M.D.LXXVI.







IN IOSIAM SIMLERVM

Theologum,

EPIGRAMMATA.


P. CANDIDI.

*Simleri quæ representat imagine vultum:
 Afficit hæc oculos pulchra tabella tuos.
 Si queat excellens animi quoque pingier illa
 Gratia: nil oculi pulcrius aspicerent.*

THEOD. BEZÆ.

*Simlere, mi Simlere, quo superstitæ
 Tot mortui reuixerant:
 Quos ira nobis numinis, tam pauculis
 Ademit annis plurimos:
 Simlere, quem tremuit renatus Arrius,
 Tren:uit renatus Euryches,
 Vastator ille Polonia, hic Germania,
 Læsi flagella numinis:
 Heu subitæ & immatura te mors auferens
 Quàm multa tecum sustulit!
 Lamenta amicis quantà, quot iustissimos
 Secum dolores attulit!
 Quos inter, ecce Beza quondam haud vltimus
 His irrigat te lacrymis:
 Beza repetito vulnere isto saucius,
 Communis ad tumulum patris:*

PAVLVS SCHALICHIVS COMES
Hunorum, S. Th. D.



*Regulus Hunnorum, Scala haeres gloriior esse
Gentis: Sacrificus Caesaris, inde Papa.*

PAVLVS SCALICHIVS COMES

Hunnorum, Marchio Veronæ,

È priscâ illâ Scalana gentis familiâ principe
originem venditans suam:

Mythicæ Philosophiæ, & totius Encyclopædiæ
scientissimus:

Quod vel ex vno Catholico Epistemonè, quo
universus orbis tam sacrarum, quàm profana-
rum disciplinarum, omnisq; omnium secta-
rum & Philosophiæ doctrina catholica
declaratur, satis appâret:

Sed idem tamen in Theologia alter sui
temporis Eceboles:

Olim FERDINANDO Aug. Cæs. à sacri-
ficio Missæ:

Fidei pòst aliquandiu professionem in
Borussia simulans Evangelicæ:

Tandem Canonicus Eccles. Pontif. Monaste-
riensis iniquis electus suffragijs:

Partes Antichristi Romani, quas antea oppu-
gnaverat, scriptis propugnans suis:

Multis variantis fortunæ exercitus casibus,
vitam in terris clausit suam,
fine incerto.



*Eustathio quantum, tantum mihi debet Homerus:
Cetera ne memorem, fama loquetur anus.*

M. D. LXXIIII.

IOANNES HARTVNGVS MILTE-
burgi Ostrofranciæ oppido na-
tus anno M. D. V:

Omni liberali eruditione vir poli-
tissimus:

Magister Philosophiæ salutatus Hei-
delbergæ:

Literarum Græcarum Professor ibidem
per annos XV:

Friburgi dein Brisgoiæ per cæterum vitæ
tempus annor. XXXIII:

Singulari cum laude veræ probitatis, fidei,
industriæ:

Poëseos ac historiæ mirificè studio
flagrans:

Plerisque Græcis ac Latinis Poëtis, & inprimis
Homero, Apollonio Rhodio, Q. Calabro, non
docendo solùm, sed commentando quo-
que à se egregiè expositis atque
illustratis:

Multis præterea studij Philologici inmedium
propositis monimentis præclaris:

Obijt Friburgi senex anno Christi M. D.
LXXIX: Aet. LXXV. XVI:

Iunij:

IN IOANNEM HARTVNGVM Philologum.

IACOBI MICYLLI.

*Aesonidae varios casus, variosq; labores;
Idem quos terrâ pertulit atque mari:
Auxilioq; Dea factam, tectamq; carinam,
Raptâq; fœmineis aurea terga dolis:
Omnia quæ quondam Rhodio cantata poëta,
Traditâq; Argolicis tota fuere modis:
Si quis fortè cupis Latîâ cognoscere linguâ,
Verbaq; cum verbis ponere versa suis:
Perlege, quæ Graphicâ transscripsit Oporinus arte
Hartungus Latios iussit habere sonos.*

ÆGID. PERIANDRI.

*Non es Germanus, sed es aut prognatus Athenis,
Aut Romæ; duplici tantus in ore manes.*

P. THEVENINI.

*Cur lacrymis decorem Hartungi, cur funera fletu
Ornem viri tanti meo?
Vivus adhuc volitat qui docta per ora virorum,
Vivetq; semper posteris?
Quem sua scripta diu totum vulgata per orbem
Ad astra laudibus vehunt?
Non sit ut Euripides Graijs, aut Ennius ipse
Suis Latinis notior.
Bina quidem bis quem notum Centuria reddit,
Ac quinta nondum prodiens:*



Multaq₃ prater à vena monumenta beata
 Latina, Græca, & vrraque?
 Sed quo se in primis interprete iactat Homerus,
 Spreto vel ipso Eustathio:
 Quem (quod Alexandro quondam quoq₃ cessit honori)
 Semper ferebat in sinu.
 Cur igitur decorem Hartungi nunc funera fletu,
 Quo iam nihil celebrius?

IOACH. ROSALECHII.

Hic erat, hinc abiit, nunc est Hartungus vbique:
 Et fruitur meritis hic & ubiq₃ suis.
 Nam dedit huic virtus toto clarescere mundo:
 Inq₃ omni, famâ nominis, esse loco.

EPI TAPHIVM.

à viuo Hartungo compositum.

πολλά παθὼν, καὶ πολλὰ μαθὼν ἐν παιδείᾳ διδάσκειν
 ἐνθα δὲ νῦν κείμαι σὺν θεῷ ἡσύχιος.
 Multa tuli, didici, docui, dum fata sinebant:
 Mortuus in summo iam requiesco Deo.

ALIVD.

ἥραϊ, ὃ νῦν σωβίον ἐλπίσιν ἐνθάδε κείμαι
 ἄθλιος ἐν καμᾶτῳ, ὄλβιος ἐν θανάτῳ.
 Non obij morbo, sed longa mole senecta:
 In vitâ misero est morte parata quies.

ERASMVS OSVALDVS SCHREC-
cefuchsius Mathematicus.



*Astra notans, sanctæq; docens mysteria linguae,
Mente adij pariter luminibusque polum.*

M. D. LXXIX,





ERASMVVS OSVALDVVS SCHREC-
 cefuchsius Austrius, natus
 anno M. D. XI:

Præter scholam patriam, Ingolstadij, Lipsiæ,
 Basileæ optimis eruditus artibus,
 & doctrinis:

Memmingæ aliquandiu ludo præfectus
 literario:

Tubingæ deinde Magister Philosophiæ
 appellatus:


Mathematicæ disciplinæ, & Hebrææ linguæ,
 exemplo Sebast. Munsteri doctoris
 sui, per studiosus:

Quam postea vtramque Friburgi Brisgoiæ
 magnâ cum laude publicè est
 professus:

Commentarijs in Sphæram, & Primum mo-
 bile, & Theorias Planetarum luculen-
 tis in publicum editis:

Benè de Rep. literariâ meritis:

Obijt Friburgi anno Christiano
 M. D. LXXIX.



IN ERASMV M OSVALDV M
Schrecccefuchfium.

IOANNIS HARTVNGI.

πολλὰ μὲν εἰς τέχνην πρόδερ Σχεκκεφύσσιος ἀνὴρ
ἀσκηῶν ἐλλόγιμος τεύξατὸ ὕβριν.
ἀλλὰ δὲ καὶ ταύτης διδαχῆς εἰς αἴνον παρελάσας
ἐβραῖον τε καλῶς ἀμφοτέρων διδάσας.
ἤρα φέρων αὐτὸς σύγγραμμα τόδ' ἐξέπνευσε
ἀστροπόλοισι πάρος γ' ἐνδοθὲν ὀλέποτε.
σφαιρικὰ γάρ ὅστις μετέωρά τε κύνελα νοῦσαι
ἴεσαι, ἐκδελεχῶς τευχεῖ τῷδε χεῖρας.

CHRISTOPH. MOSELLANI.

Commendat veteres solertia mira poetas:
Quod varios quondam finxerit esse deos.
Si vel in egregio meritis quis corpore laudem,
Si vel ab ingenio suspiciendus erat:
Illi diuorum veneranda licentia cessit:
Ut meriti ferrent ampla trophæa sui.
Tempore si nostro magni mereantur honores:
Haud cadet in minimos gloria vana viros:
Quos summa referant ingentia premia laudis,
Osualdus certè non reticendus erit.
Qui præter reliquos, monumēta probanda, labores
Expressit placido sidera fluxa stylo.


*Ergo nec indignus debes Osualde videri:
Semper quem celebri secula laude canant.*

VVERNERI FVRERI.

*Si tibi sunt curæ fulgentia sidera cælo:
Si cupis ætherei lumina nosse poli.
Consule Schrecfuchsi conscriptum ritè libellum:
Qui poterit varijs vtiles esse modis.
Felix es iuuenis, qui nostro tempore viuis:
Quo potes à doctis discere multa viris.
Inter mortales hæc vna scientia summa est:
Quæ docet errantis sidera clara poli.
Astra regunt terram: sub se tegit omnia cælum:
Sedibus æthereis, quicquid habetur, adest.*

MATTHIAE HENNERI.

*Magnus es, implexos demonstrans orbibus orbes,
Appositis tantâ dexteritate typis.
Quæ tibi iam restant (ut non scrutabile cælum est)
Dij faciant simili laude subire velis.*



HIERONYMVS VVOLFIVS OETIN-
gensis Philologus.



*Tot rerum scriptor pariter, doctorque bonarum
VVolfius, aeternum nomen ab orbe fero.*

M. D. LXXX.

HIERONYMVS VVOLFIVS

Oetingæ, Rhetia oppido, natus
anno M. D. XVI:

Pereruditus in omni scientiæ genere, ac Græ-
cis præcipuè deditus literis:

Acutus Philosophus: Elegans Poëta: Præstans
Astrologus: Philologus denique
incomparabilis:

Quem perlustratis Germaniæ & Galliæ ple-
risque Academijs,

Augusta illa verè vrbs augusta multis annis Græ-
cas & Latinas litteras in schola Annæa fideliter
docentem fouit, atque ornauit:

Politioris doctrinæ Princeps:

Præter scriptores Latinos, & inprimis M. Ci-
ceronem, quem Commentarijs
suis illustrauit,

Ifocratis, Demosthenis, Zonaræ, Ariani, Sim-
plicij, aliorum Græcorum inter-
pres egregius:

Lithiasi conflictatus cum intolerabili:

Sibi quidem neque præmaturè neque infeli-
citer, sed Reip. literariæ intempestivè &
luctuosè decessit,


Augustæ Vindelicorum anno Sal. M. D. LXXX.
Aet. LXIII. VII. Idus Octobr.

IN HIERONYMVM VVOLFIVM,

CAROLI VTENHOVI

*Pagina sacra sacrum cui nomen et omen amicum**Indidit, agnomen cur habet ille Lupi?**Quo nec amabilior, nec amicior alter amico,**Quo nec in Oeteis mitior agnus agris.**Quem minus hoc decuit cognomen habere, ferinū**Quem minus agniuari nomen habere Lupi?**Quem licet vberibus Lupa nutriuiſſet, alumnū**Quem Charis erudit, non ſinat eſſe Lupum.**Sic quoque cognomen tellus dedit atra Philippo:**Pectora cui fuerant candidiora niue.**Sic cicere à vili Cicero ipſe legumine nomen**Traxit, & à piſis Piſo, fabâ Fabius.**Seu lupus ergo dedit nomen tibi, ſiue Lycurgus,**Siue Lycaonia fabula nota dapis:**Quum placidas placido Vuolſi manſuetior agno**Reſpicias placido pectore Pieridas:**Cui ſedet in vultu violentia nulla proteruo:**Cui micat in lætâ candida fronte fides:**Flumina Cecropij qui Rhetoris omnia duxti**Primus in Auſonium, facta Latina, ſolum.**Quicquid & Iſocrates Graio dedit ore Pelasgi,**Auſus es in Latios cogere primus agros:**Eſſe nat' αὐτίκ' ἄρ' ὀνομασθαι cognomen & iſtud adeptum**(Sicut & Eumenides) te quoque crediderim.*





P. MELISSI.

*Si quis ἀμύστος erit vocitandus ab artibus illis,
 Quas & Apollo probat Theſpiadumq; chorus:
 Si quis ἀμύστος erit, Grata Latiaeque Camoena
 Quem disciplinis excoluere suis:
 Si quis ἀμύστος erit, Sophia cui dia reperta
 Ingenio follers noſſe Minerva dedit:
 Certè equidem Vuolſi, qui doctior artibus ipſis
 Pallada cum Phœbo Pierideſque doces:
 Indice chirographo (quis enim tua verba reſellat)
 Dicier es merito dignus ἀμύστος ἄνθρωπος.*

E I V S D E M.

*Deſiſte vitæ ſtamen ô Vuolſi tua
 Deſiſte quaſo texere:
 Recifa nunquam fila de fati colu
 Seuera rumpet Atropos.
 Aeternitati conſecraſti, ſcilicet
 Perennis ipſe, plurima:
 Laudes tuas quæ non ſinent intermori,
 Europa quàm latè patet.
 Quòd ſi regeniti principes ſacundia
 Partu Minervæ iam tuæ
 Demotheſenes Iſocrateſque (ceteros
 Omitto) vivent perpetim:
 Quanto magis tu (livor abſit) qui pater
 Es eloquentiæ patrum?*

N. REVSNERI.

Qui manes putat esse tuos, Hieronyme VVolſi,
 Terrâ ſepultos inuidâ,
 Fallitur: haud moreris totus: nam fama ſuperſtes
 Triplex replet mundi latus:
 Et tua mens cœli viuit iam ſede recepta,
 Sancto beata gaudio.
 Neûe ſuo careat ex angue cadauer honore:
 Muſa nouem, cum Gratijſ
 Serta tribus victura parant, & carmina pangunt:
 Buſtique cuſtodes tui
 Sic clamant: Situs hîc Hieronymus ille quieſcit,
 Phœbi Sacerdos, VVolſius.
 Sic tu viuus adhuc inuit â morte ſuperſtes,
 VVolſi: meo ſub pectore,
 Dum viuam, longum ſemper victurus in euum:
 Virtus mori nescit tua.

E I V S D E M.


Si doctrina mori & virtus, Hieronyme VVolſi,
 Poſſent: debuerant te moriente mori.

E I V S D E M.

πολλὰ χαίρω, καὶ πολλὰ λέγω, Ιερώνυμος ἐσθλὰ
 Βόλφιος, εὐρὺν κλέος γῆρ' ἁπασαν ἔχει.



IOANNES MARBACHIVS
Theologus.



*Isna prius, dein Argentina pependit ab ore
Clara meo: nouit cetera Teuto potens.*

M. D. LXXXI.

IOANNES MARBACHIVS LIN-
dauia, vrbe imperiali, natus anno
M. D. XXI:

Post prima doctrinae fundamenta fideliter
iacta in patriâ,
Argentinae primò, ac dein Vitebergæ diuinis
& humanis eruditus literis:
Ienæ Ecclesiastes annum non ampliùs vnum:
Sacrae Theologiae mox Doctor designatus, à Mart.
Luthero, Antichristi domitore:
Isnæ per biennium Antistes. Ecclesiae
Euangelicae:
Argentinae de cæterò Pastoris ac Præsidis fun-
ctus munere per annos XXXVI:
Academiae præterea Professor, & Ephorus
Perpetuus:
Collegij demum Thomani Decantis
dignissimus:
Colloquijs de Religione Tridenti &
Vvormaciae adhibitus:
Reformandæ scholæ & Ecclesiae à Princ. EL.
Palatinis identidem expetitus:
Pietate, integritate, fide, virtute, sapientia, hu-
manitate excellens:
Moritur Argentinae anno Sal. M.D.LXXXI.
Aet. LX. Die XVII. Martij.

IN IOANNEM MARBACHIVM
Theologum.

ABRAHAMI SCHVARZII
Alemani.

*Sic frontem, sic viua tuli Marbachius ora,
Præco Dei sanctissimus.
Charus eram diub Luthero, acrig³ Philippo,
Sacra quos docentes audy.
A quibus Argyream perueni missus in urbem,
Ad iussa docendum cœlica:
Quod summâ, spretis heroo corde periclis,
Fide ac pietate præstiti.
Templa scholæq³ meo florent purgata labore,
Et institutis optimis.
Qui Christo multos adducunt, sidera tanquàm
Cœli micabunt ignea.*

IOANNIS PAPPI.

*Doctorem puræ fidei, magniq³ Lutheri
Discipulum, insignem religionis virum:
Argentina diu fuit admirata docentem:
Diuino afflatum numine Marbachium.
Nunc dolet extinctū mœsta, absentemq³ requirit:
Sublatumq³ videt charius esse bonum.
Impiger ille Dei verbum cum laude fideq³
Aedibus in sacris tradidit; inq³ scholâ:
Illius officio simul hic Ecclesia Christi
Creuit, & intacta religionis amor.*

Obstitit his, Domini qui clam vineta reuellunt:
 Quiq₃ Deum violant, & noua sacra mouent:
 Pastoresq₃ gregi sacro multosq₃ bonosq₃
 Instructos magnâ sedulitate dedit.
 Ergo, qui perijt, vivit: quia nomen in orbe
 Vivit, & in cœlis gaudia viuâ capit.


STEPHANI BERCHTOLDI.

Quæ subito tenebra, noctis quæ nubila surgunt?
 Fauce fremunt rabidi cur vlulante lupi?
 Lux extincta iacet: Pastor secessit Olympum:
 Ingruit hinc fera nox: vastat ouile lupus.
 Cur lux interijt? cur Pastor adiuit Olympum?
 Mundus amat rabiem: nubila mundus amat.
 Certè (nec fallor) tempestas imminet vrbi:
 Christi adumq₃ gregem multa pericla manent.
 Nempe Deus sanctos vbi poscit ad æthera vates:
 Vastat ouile lupus: lux quoque sacra perit.
 Fulcra ruunt stabuli: pastor secessit Olympum:
 Ergo Christe tui iam miserere gregis.

N. REVSNERI.

Septima post decimam Martis lux tristis oborta,
 Marbachi luctum dat, lacrymasque pÿs.
 Te schola, te multis Ecclesia præside lustris
 Floruit: & didicit dogmata pura Dei.
 Te moriente, fides moritur: fraus regnat in orbe:
 Impietas & habet pro pietate locum.






385
IOANNES FICHARDVS
Iurisconsultus.



*Ius Musis, Musas exorno iure vicissim:
Consilio prudens, eloquioque potens.
M. D. LXXXI:*

IOANNES FICHARDVS PATR.
 Francofurtanus natus anno
 M.D. XII:

Optimus & vir, & Iureconsultus:
 Multâ doctrinâ, plurimo rerum vsu:
 Sub Huldr. Zasio IC. doctore multis annis Fri-
 burgi Brisg. in Iurisprudentiæ studio ver-
 satus: & vnâ cum Ioan. Sichardo
 summum Doctrinæ hono-
 rem consecutus:
 Spiræ Nemetûm in Supremo imperij Ger-
 manici tribunali aliquandiu feli-
 citer exercitatus:
 Patauij demum, ac Bononiæ, cæterisque Italiæ
 Academijs confirmatus plurimum:
 Reipub. Syndicus in patria per annos
 XLIII. clariss.
 Multorum prætereâ Principum ac procerum
 Imperij consiliarius sapientiss.
 Plurimis non modò veterum Iurecos. Com-
 mentarijs, sed & ingenij monumentis sui pul-
 cerrimis, & Collectaneis vtiliss. in publi-
 cum editis nobilitatus:
 Decus & ornametnm eorum, quibus cum
 vixit, & patriæ, imò Germaniæ
 totius, & seculi sui:
 Functus vitâ decessit Francofurti ad Mœnum,
 anno M. D. LXXXI. annum
 agens LXX.



IN IOANNEM FICHARDVM
Iuricons.

IOAN. LAUTERBACHII.
Iurisperitus æquitatis regula.

*Quanta sit ingenij, Ficharde diserte, facultas:
Quanta sit innocuo vita pudore nitens:
Qua virtus, cælum donans, pulcerrima rerum:
Hinc Themidis quantum Iustitiæq; decus:
Tot præclara tui referunt monumenta laboris:
Insignes morum tot super orbe notæ:
Facta tot humano qua commendantur ab ore,
Arbitrij leges, consilijque tui:
Vt nullos famâ pereas Ficharde per annos:
Astra licet fato raptus ab orbe colas.
Fama tui viuat multos ut nominis annos,
Ingenium, virtus, vita, Themisq; facit.*

FRANCISCI MODII.

*Virtutis, Ficharde, tua mihi trans mare ad aures
Acciderat dudum fama, impleatq; videndi
Te desiderio ingenti, affandiq; sacerdos
Iustitiæ ô venerande: meis contraria votis
Quum mors florenti dignum gaudere senecta
Perpetuum, humanasq; vices nescire, piorum
Cœtibus Elysium in campum, transmisit, ut illis
Iudicibus iunctus bis ius legesq; duobus
Defunctis dicas: ergo, quem cernere coram
Tantoperè optabam, iubeam saluere necesse est.*

*Dum veniat mox illa dies, quæ me quoque vitæ
Curricula emensum ancipitis prærupta, quietis
Addat: quod quoniam citius spe forsit an instat,
Paruo, care Deo, salue mihi tempore: iam te,
Aut certè mox, vt volui, Ficharde videbo.*

E I V S D E M.

*Audio, & est, ut ais: morietur, quicquid vbique
Est hominum: hac nati conditione sumus.
Non tamen hinc sequitur, Fichardi in morte dolendum
Esse minùs: nostro hæc quòd data lex generi est.
Vulgarì valeat medicina in funere talis:
Hæc mors eximium hoc, cur doleamus, habet:
Quòd cum Fichardo terras Astræa reliquit:
Quo viuente iterum illa antè colebat humum.*

N. REVSNERI.

*Quamuis Iane fores animi niaturus, & aui:
O mihi perpetuâ culte Ficharde fide:
Te tamen immatura senem mors abstulit orbi:
Et lacrymas nobis sic gemitusq; dedit.
Nam neque te melior quisquã, nec amantior equi
Carior aut Musis vir fuit, atque Deo.
Assidet ergò Themis tumulo modò tristis amico:
Assidet huic Charitum Pieridumq; chorus:
Quem viuum pariter coluere, subinde requirunt:
Ac lugent cassum lumine, cum lacrymis,
Salue, care senex, salue: post tempora vitæ
Te Musæ, Charites, & Themis ipsa sacrant.*






389

NICOLAUS CTSNERVS

Iurisconsultus



Ius docui, dixiq; scit Heidelberg, Palati
Imperij schola scit Spira, forumq; sacri.

M. D. LXXXIII.

b 3

NICOLAUS CISNERVS MOS BACHII,
 Palatinatus Elect. oppido, natus anno
 M. D. XXIX.

Spectata vir industriæ, ac virtutis:
 Qui multiplice exquisitaque omnium panè
 literarum præstans scientiâ:
 Philosophiæ, & Iurisprudentiæ Doctor
 celeberrimus:
 Academiæ primò Heidelbergensis Antecessor
 Iuris ciuilibis solertiss.
 Dein supremi Camerae Imperialis Iudicij As-
 sessor, per annos xviii. integerrimus:
 Pro ludex tandem, & Senator Illustr. Septem
 vir. curiæ Palatinæ digniss.
 Per eruditus in omni doctrinæ genere, ac præ-
 sertim in iure libris scriptis immortalem
 sui nominis laudem, & gloriam
 apud omnes mortales re-
 liquit sempiter-
 nam:
 Iustitiæ & Aequitatis Antistes ac Præses
 Opt. Max.
 Musarum, & Historiæ cultor eximius:
 Piè sancteque mortuus decessit Heidelbergæ,
 anno Sal. M. D. LXXXIII. Prid. Idus Martij
 Aet. anno LIII, M. XI, D. VI.



IN NICOLAVM CISNERVM

Iuriscof.

IOAN. POSTHII.

Maximus ingenio Cisnerus, corpore parvus,
 Aonidum vixit gloria, Iuris honos.
 Spira forum imperij, Themidisq; sacraria norunt
 Augusta, ac celebris littorâ culta Nicri.
 Quæ doctam toties vocem stupuere loquentis,
 Iam pia defuncti corporis ossa tegunt.
 Magna Palatini quem principis aula requirit,
 Et clara antiqui pulpita Gymnasy.

E I V S D E M.

Litterulas totidem planè & Cisnerus easdem,
 Quas Sincerus habet: collige, certus eris.
 Et benè: cui sincera fides, mens, vitæque tota est,
 Sinceri nomen conuenienter habet.

P. MELISSI.

Nominis hac elementa tui Cisnere, disertim
 Transpsuit Natura sagax, studio ne vel arte
 Fecerit occultans, artem studiumque Mineruæ
 Expertura mex? sincerus es atque fidelis,
 Theseâque fide non te sincerior alter:
 Theseas immo inter tu sincerissimus omnes;
 An non te Musæ inscribant Amarantide cerâ?

IOAN. LAVTERBACHII.

Nil iuris est in arbitros iuris, neci.

Cista quod est auro, nitidis quod scrinia gemmis,

Dolia quod vino, laxa quod arca libris:

Hoc Cifnere sacris es nostro legibus auro:

Omnia sollerti pectore iura tenes.

Ingenio Cifnere tuo, ceu diuite cornu,

Eloquij puro flumine iura fluunt.

Dum Cifnere sacri durabit gloria iuris,

Durabit florens nomen in orbe tuum.

Non moritur iuris, non servantissimus equi:

Mors nihil in iuris lumina iuris habet.

Aeternum iuris diffundunt lumina lumen:

Splendidius Luna quod iacet orbe iubar.

E I V S D E M.

In tumulum Cifneri.

Perire dignum laude Musa non finit.

Musarum, historiae, iuris, pietatis asylum,

Cifnerus fama notus in orbe sua:

Post exantlatos Musarum mille labores

Iuris, & historiae quos cumulavit amor:

Musis, historiae, iuri valedixit, & orbi:

Astraque confessa cum pietate subit.

Quos immaturo correptus funere luctus

Mouerit, & lacrymas, Musa referre nequit?

Hoc desiderium testatur Principis ingens,

Clara Palatinae quem fouet aula domus.



*Tessantur Musæ, ius, historiæq; Patroni
 Mastæ quæ digno nomen honore colent.
 Dum Musæ terræ, ius, historiæq; manebunt,
 Cisneri multa laude manebit honos.
 Haud moritur, famâ terrarum viuit in orbe,
 Quem ius, historiæ, Musæq; laude vebunt.*

PASCHASII BRISMANNI.

*Cisnerus iacet hic, sat dictum hoc: cætera nôrunt
 Mundæ, Oenus, Rhenus, Vistula, Tybris, Arar.*

NICO. REVSNERI.

*Quæ flet Diua Themis, quæ Peithô, quemq; Thaleia
 Et Clio, Charitum quem flet & ipse chorus:
 Quis fucrit, quæris fortassis, amice viator?
 Ingenio magnus, magnus & arte fuit:
 Cisnerus, cui dat victoria nomen & omen:
 Ingenio multos vicit, & arte viros.
 Magnus erat Iuris consultus, magnus & idem
 Orator, vates magnus, & historicus.
 Hinc flet Diua Themis, flet Peithô, fletq; Thaleia,
 Plet Clio, Charitum flet simul ipse chorus.
 Flet schola, Cæsareum pariter flet triste tribunal:
 Atque Palatini Curia celsa ducis.
 Mortuus at gaudet se cæli sede receptum,
 Cum superis tandem viuere, cumq; Deo.
 Quisquis es, ut cælo viuas, terrena relinque:
 Et casus bene sic præmeditare tuos.*


394
IOANNES SAMBVCVS
Med. & Historicus.



*Cæsaris Historicus, Medicus bonus, atque Poëta,
Viuo meis, veterum viuus & ipse libris.*

M. D. LXX XIII.





IOANNES SAMBVCVS TIRNAVIAE,

Pannoniæ oppido, natus anno

M. D. XXXI.

Qui plerisque in Academijs Italiæ, Galliæ,
Germaniæ cum laude versatus:

Præter cæteros vnus cum literis humanitatem,
Græca cum Latinis, antiquæ Philosophiæ scien-
tiam, quod è scriptis eius facile apparet,
cum elegantia doctrinæ
coniunxit:

Medicus elegans:

Poëta scitus:


Antiquarius sollers:

Diuo Maxæmyliano & Rudolpho II. Aug. Cæs.
à Consilijs & historijs:

Maximam gloriam cum proprijs scriptis elu-
cubrandis, tum auctoribus veteribus recol-
ligendis, & quasi à mortuis excitandis
adeptus in orbe Christiano
vniuerso:

Obijt Viennæ Austriæ Idib. Iunij; anno Sal.

M. D. LXXXIII. Aet. LIII,



IN IOANNEM SAMBVCVM
Cæs. Historicum.

IOAN. CRATONIS.

*Os oculos pictor Sambuci reddidit, aptum
Ingenij munus fingere solus amat.*

EIVSDEM.

*Me pictura tenet, retinet gravitate poemâ:
Libera Sambuci sic tenet ora liber.*

IOAN. POSTHII.

*Præstantes medicos, præstantes carmine vates,
Maximilianus habet Cæsar & historicos:
Hæc tria sed solus qui præstet munia, nullum,
Sambuco excepto, Cæsaris aula videt.*

GEORGII FABRICII.

*Angusto quamvis emblemata tempore scripta
Sambuce, ingenij dant documenta tui.*

IN TVMVLVM


EIVSDEM.

VICTORIS ALTHANI LIB.

Baronis Auftrij.

*Quæ modo Cæsareo vixit Sambucus in horto,
Deposuit lætæ, languida facta, comas.
Flete p̃j flores, veterem tu Hyacinthe querelam,
In scriptam folijs, lugubris ede, tuis.
Flete p̃j niveâ quicunque sub arbore cygni
Duxistis, dum fors risit amœna, modos.
Namque nec Alcinoi silvæ, nec Atlantia tempe,
Quæ samâ Hesperidum est culta fuisse manu:*





Sambuco flores similes, floresq₃ tulerunt:

Sambuco, Hunnorum quæ fuit orta solo.

Illæ sed vrenti nimis heu nimis obvia vento

Concidit: at terris concidit vsta modò:

Iamq₃ Paradisi quæ felicissima vitæ

Frondeb^{us} æternis arbor opacat humum:

Arte creatoris liquido viret æthere: deq₃

Iustitiæ puro flumina fonte bibit.

Illinc non Austri spirant mala flabra, nec vlli

Officiunt æstus, vlla nec vrit hyems.

Salve arbor dilecta Deo, dilecta beatis

Mentibus, & Regi vive beata Deo.

THEODORI BEZÆ.

Dum ciet obscuro Graias Latiasq₃ Camenas

Oblivionis è specu

Sambusios, patriæ lumen, natusq₃ beando

Nostro beatus seculo:

Corporis exuvijs spoliatum sustulit, illum

Mortalibus mors invidens:

Spe delusa tamen. nam quî perÿsse putemus,

Tot qui excitavit mortuos?

IOAN. POSTHII.

Sambuci exuviæ tumulo conduntur in isto:

Cui dederat clarum Pannonis ora genus.

Sed genus ingenio & studijs superavit honestis,

Historicus, vates nobilis, & Medicus.

Dotibus hisq₃ fuit magnæ acceptissimus aulæ,

Romani dominus quam regit Imperÿ.

*Vnde tulit dignos virtutum premia honores,
 Et famam toto sparsit in orbe suam,
 Iamq; fatigatus curis, ac debilis aeo,
 Et longi impatiens penè laboris erat:
 Ergo dissolvi cupientem, ac multa precantem
 Audijt excelsâ mitis ab arce Deus.
 Et subitò è terris raptum super æthera vexit:
 Lata ubi perpetuae gaudia lucis haberi*

PASCHASII BRISMANNI.

*Dum Sambuce cadis, cœli terraq; marisq;
 Numina decessum congemuere tuum.
 Si perijsse queant, cœli terraq; marisq;
 Nomina te extincto disperijsse putem,
 Iam cœlum, terram, mare, gesta recondita mundi
 Ceperat ingenij vis operosa tui:
 Verùm orbem hunc quia iam superaras, antè petisti
 Orbem alium. potis haud hîc satis esse tibi.*

IOAN. LAVTERBACHII.

*Doctum perire Musa non finit virum.
 Sambucus linguas coluit qui doctus, & artes:
 Cui natale fuit Pannonis ora solum:
 Caesaris historicus, præmissi temporis acta,
 Et dignos scripsit cognitione libros.
 Aonios inter meruit quoq; nomen olores,
 Carmine iucundum qui cecinere melos.
 Testantur lepidis Emblemata cusa figuris,
 Doctorum passim quæ terit orbe chorus.*





*Testantur super hæc diuersa poemata, nec non
 Vitalis veterum, quem videt aura, labor.
 Ante diem quamuis, Musis plorantibus, ipsum
 E medio tulerit mortis auara manus.
 Ipse tamen superat meliori parte superstes,
 In cœlis animâ, nomine clarus humo.
 Nil in sollertes Musarum iuris alumnos
 Mors habet: à Musis doctus obire nequit.*


N. REVSNERI.

*Fatales Sambuce suas tibi Iunius Idus
 Consecrat, heu Clarij fortis alumne chori.
 Tu bonus es vates, medicus bonus, historicusq;
 Caesaris, orator, Philologusq; bonus:
 Tot scriptor, veterū tot & auctor nempe librorum:
 In lucem tua quos Bibliotheca dedit.
 Ipse quidem moreris, sed in his nunc deniq; vivis:
 Fama libris vivax tot nequit ipsa mori.*

GEOR. CALAMINI.

*Hæc, quò mortis erat, Sambucus dormit in vrnâ:
 Quo sed erat vitæ, vivit ad ora Dei.
 Hos bonus inuideat licet illi nullus honores:
 Non tamen occasum non doluisse potest.
 Ipsa domi videas monimenta relicta deorum
 Marmoreis fletus elicuisse genis.
 Sancta Poësis adit, tumultumq; Mathesis adornat:
 Hunc sibi præreptum plangit & Historia,
 At Medicina gemit, cita se differre vel vnum
 Fata pio vati non potuisse diem.
 Vna venit Pietas, Divas solatur & omnes,
 Et dormire viri molliter ossa iubet.*

400
SIMON SVLCERVS
Theologus.



*Sancta recensentem vera monumenta salutis;
Pastorem coluit me Basilea suam.*

M. D. LXXXV.

SIMON SVLCERVS BERNÆ

Heluetiorum vrbe celebri natus,

anno M. D. VIII.

Trium linguarum, & artium diuinarum atque
humanarum egregiè
peritus:

Summos honores studiorum consecutus in
Philosophia & Theologiâ:

Post functionem Bernensem,

Academiæ & Ecclesiæ Basiliensis, cui nutricia
sua liberali animo rependit [per annos XXXIII.]
verus vigilansque Antistes

& Doctor:

Vtraque manu vineam Domini sui
excoluit:


Scholam Theologicam erexit atque
rexit:

Fidâ docendi assiduitate suspiciendus:

Vitæ sanctimoniâ etiam probis
imitandus:

Vixit annos LXXVII:

Obijt anno Sal. M. D. LXXX: v: Die xxii. Iunij.



IN SIMONEM SULCERVM
Theologum.

P. CANDIDI.


*Antistes Basilea tuis qui præsuit aris,
Sulceri brevis hæc ora tabella refert.*


CAROLI VTENHOVII.

*Qui pia sincerè populum mysteria Christi
Ex Euangelicis fontibus hausta doces;
Numinis & cultor qui sincerissimus idem,
Acer ad obsequium cerneris ire Dei:
Omen ab obsequio nomenq; Simonis adeptus,
Postmodò Sincerus, non mihi Sulcer eris.
Fallor? an & medicas animæ curare per artes
Vlcera Sulcero pulcher Apollo dedit?
An quia Sal terra vos Christus & ipse vocauit,
Diceris & puri lucida mica salis?
Quem sale non parco Christus donauit Iesus:
Quo sine nil sapiunt omnia nostra sale.*

ABRAHAMI SCHVARZII.
Alemani.

*Sincero Christi defendi dogmate laudes:
Et purâ exposui mystica verba fide.
Ore Deum & calamo docui, diuosq; fidelis
Explicui doctâ simplicitate libros:*





*Me Christum verè didicit Basilea docentè;
Atque vni totâ fidere mente Deo.*

GEORGII CALAMINI.

*Salcerus cubat hîc: qui mitis, acerbis & idem
Munus ferebat mysticum.*

*Nam salerat terræ: falsis & pectora dictis
Prohibebat à putredine:*


*Et sale condibat mortalis vulnera carnis,
Ne labe fœterent suâ*

*At licet à populo vermes divina docendo
Prohibebat, ac putredines:*

*Ipse tamen letho victus putrescit in urnâ,
Et cinis, & esca vermium.*

*Sed sale doctrinæ, famaq; superstitie vivit:
Ac mente cœlos incolens*

*De cinere expectat redivivos corporis artus,
Quod luce vincat sidera.*



404
MARTINVS CHEMNICIVS
Theologus.



*Pontificum normâ decreta examino sanctâ:
Sit fidei testis vrbs tua, Bruno, mea.*

M. D. LXVI.

MARTINVS CHEMNICIVS BRVN-
fuigi, vrbe Saxonix liberâ natus anno

M. D. XXII.

Optimis semper disciplinis Vitebergæ dedi-
tus sub M. Luthero & Ph. Melanthere
doctolib. clariss.

Philosophus & Theologus summus:
Antistes Ecclesiæ Brunsvicensis fidelis pariter
ac diligens:

Multis egregiis de Religione scriptis libris, ac
in primis Examine illo Concilii Triden-
tini in publicum proposito, toto
orbe terrarum cele-
bratus:

Cui neque studio veritatis & bonarum artium,
neque laude officii facilè quisquam esset
anteponendus:

Magno cum bonorum omnium luctu,
& dolore:

Sibi quidem non præmaturè, sed admodum
intempestivè Ecclesiæ,

Euocatus in cœlestem patriam

Obiit anno Sal. M. D. LXXXVI. Aet. LXIII.

IN MARTINVM CHEMNICVM
Theologum.

Doctor Euangelij Rex
Psalmo. LXVIII.

IOAN. LAVTERBACHIL.

Caligini, lucente verbo, non locus.

*Quod Rex imperij cælo donatus honore,
Officium vigili qui facit ore suum:
Hoc pius est verbi doctor cœlestis, Iesus
Protulit arcano quod patris ipse sinu.
Strenuus ille suos armis ut reprimat hostes:
Per vim subiectos quos violare videt:
Sic contra Sathana bellum gerit iste ministros;
Roborat & sanâ religionem suos.
Ille pijs veluti propagat legibus æquum:
Vt cunctis vigeant iuraq; paxq; locis:
Sic Euangelij densas ex orbe tenebras,
Quàm procul ostenso lumine Solis agit.
Docte, Tridentinas tenebras quòd luce fugasti,
Chemnici, ob hoc Regis nomine dignus eras,
Perge fugare plagâ Germaniâ perge tenebras;
Ne pulsâ victas luce det illa manus:
Lux vbi cœlestis fulget clarissima verbi:
Firmus ibi tenebris haud locus esse potest.*


GEORGII CALAMINI.

Magnum terra virum, magni post fata Lutheri,
 Si quem felici Teutonis orbe tulit:
 Certè Chemnicus fuit is: monumenta librorum,
 Hercule vel dignus quod labor ille probat:
 Impia dum Latæ decreta examinat Hydræ:
 Foeta Tridentinâ quæ parit vrbe solo.
 Enthea siderei tutans & iura Senatus,
 Pugnando Christi pro grege victor ovat.
 Et benè habet: monstrū vires quodcunq; resumat,
 Pestis Chemnicium vincere nulla potest
 Et quis erit semper Martinus in arma paratus?
 Alcidenq; dabunt secula quæque suum.

C 4



IOANNES CRATO ARCHIA-
ter Cæsareus.



*Me Cæsar medicum sibi lēgit Tertius: alter
Ceu Phæbus, vates sum, medicusq; potens.*

M. D. LXXXVI.





IOANNES CRATO A CRAFT-
heim, Vratislaviæ, vrbe Silesiorum
primariâ, natus anno

M. D. XIX:

Præceptore vsus maximè in Germaniâ Ph. Me-
lanthone, in Italiâ Io. Baptista Montano
Medico excellentiss.

Optimus & Philosophus, & Medicus, neque
minùs poëtica laude & literarum ele-
gantia vehementer ex-
cellens:

Cuius summorum suæ ætatis vel ingenio, vel
dignitate, vel gratiâ, vel famâ po-
puli par:

Ferdinandi I. Maximil. II. Rodolphi II.
AVGGG. Consiliarius & Archia-
trus, per annos XXVI.

Politioris literaturæ Hierophantes:

Hygiæ ac Panacæ Mystes: Alter ceu Gale-
nus, & Hippocrates:

Vtroque Medicorum principe scriptis suis
egregiè illustrato clarus:

Propter insignem & elegantem doctrinam, cum
pari humanitate erga bonos & eruditos
coniunctam, carus omnibus,
ac venerandus:

Obijt Vratislaviæ, in patriâ, sine beato & opta-
to: annum agens LXVII: anno Sal.

hum. M. D. LXXX; VI.

410
IN IOANNEM CRATONEM
Cæsar. Medicum.

IOANNIS POSTHIL.

*Cæsaris effigiem magni, effigiemq; Cratonis
Qui confert, similes protinus esse videt.
Quòd si animum posset diuinum effingere pictor:
Idem, ut credibile est, planè vtriusque foret.*

E I V S D E M.

*Si, quibus est similis facies, similis quoq; mens est:
Cæsaris haud differt, & tua, docte Crato.*

IOAN. BARTHOLOMAEI.

*Prima tenet medica Crato iam subsellia clasis:
Et talem meritò Cæsaris aula foveat.*

ÆGID. PERLANDRI.

*Qui flectit citharam, venit en manifestus Apollo:
Si depromit opem, fidus Apollo venit.*

FR. PL. RAPHELENI.

*Cratonis Methodus Therapeutica prodijt ausis
Doctrinæ ad normam, docte Galene, tuam.
Cæsareæ meritò Medicus cluet inclytus aula:
Et paucos videas dextera te pares.*





IOAN. CRATONIS DE SVA
effigie.

*Effigies si fortè mea est, vix dicere veram
Ausim: nil agit hac, est mihi nulla quies.
Sed brevi erit sperata quies, finisq, laborum,
Quando quiescendi tempora fata dabunt.*

E I V S D E M.

*Cesaribus placuisse tribus non ultima laus est:
Me Pater hac ornant, Filius, atque Nepos.
Consilijs usum rectis mens conscia gaudet:
Testis & ars medica, testis & invidia.*

IN OBITVM EIVSDEM.

IO. POSTHUMI.

*Ex oculis igitur nostris iam te quoque fata,
Crato optime & carissime,
Surripuere? iterum nec te spes ulla videndi,
Nec alloquendi in posterum
Mì dabitur? dabitur certè, hac compage solutum
Quum Rector omnium DEVS
Me quoque sidereas conscendere iusserit arces,
Et templa sancta cœlitum
Interim in hisce oculis, & in hoc mihi pectore viues
Dum vivus in me spiritus
Hos reget exigui languentes corporis artus,
Animusq, memor erit sui.*

NATH. CHYTRAEI.

Hic fractus senio, durisq₃ laboribus aula,
 Quos sub Caesaribus non sine laude tribus
 Pertulit, ille Crato medicorū hoc tempore princeps
 Est situs, ô fidus Bratesilea tuum.
 Rara viro virtus, constantia rara, fidesq₃
 Et pietas rarâ cum gravitate fuit.
 Exquisita etiam doctrina, & cognita magnis
 Ingenio, eloquio, iudicioq₃ viris.
 Quos inter nostro ceu Sol Camerarius aeo,
 Emicuitq₃ iubar, magne Philippe, tuum.
 Emicuerē alij, quibus omnibus iste probavit
 Doctrinam, & genij scripta fidemq₃ sui.
 Inprimisq₃ seni nugis valedicere mundi,
 Et meritis Christi fidere cura fuit.
 Illius & dulci veluti tabescere amore,
 Quod Cygnea eius carmina sacra probant.
 At nunc votorum compos victorq₃ suorum
 Mente ovat, in tumulto corpus inane animæ,
 Expectat reditū Christi, atque è marmore clamat
 Prorsus in humanis nil stabile esse bonis.
 Quocirca eternæ patriæ querenda cuique
 Gaudia, ubi est vicibus non opus, aut lacrymis.

GEORGII CALAMINI.

Quem vix magna sinu Germania cepit ob artes:
 Hoc Crato sub tumulto conditur ille brevi.
 Hunc Avus, & coluit post cū Genitore Rudolphus:
 Vixit Caesaribus sic medicina tribus.
 Annos ipse tamen tres lectis ager adhaesit:
 Tela fuit lethi nec prohibere potis.



Nam sex ut messes, bis senaꝑꝫ lustra peregit:

Vitâ fessus igit̃ letus ad ora Dei.

Disce mori, nulli parcit Libitina, viator:

Vitaꝑꝫ longa satis, quæ bene clausa fuit.

E I V S D E M.

Vidit ut ingenio Phæbus florere Cratonem:

Hunc, inquit, medicum tu tibi Cæsar habe.

Dixerat: ergo suã vocat hunc Fernandus in aulam

Filius è cunctis hunc amat, atqꝫ Nepos.

Cæsaribus placuisse tribus non ultima laus est:

Esse domi notum laudibus, esse foris.

Et meritò: princeps meruit quia nomen, & arte

Magnus Pœoniâ, magnus & Aoniâ.

Magnus & eloquio tria per discrimina linguae:

Iudicio magnus, consilijsqꝫ Crato.

Climacter morbum nonus tulit: annus ab illo

Fregit & hic vires, reddidit alma Salus.

Non alijs vixit satis, ut sibi vixerit ipse

Iam satis: & fas est hunc superesse diu.

Nam dignè laudum mensura congruit etas:

Quisquis es, ô mecum dic, benè vive Crato.

MARTINI PRAETORII.

Dum revocat diris animas Crato faucibus Orci,

Summaꝑꝫ Pœoniâ fata moratur ope:

Iracunda virum Lethæo Parca sopore

Spargit, & huic celeri pollice fila secat.

Sic Crato, sic Phæbo Nymphaꝑꝫ, Coronide natus

Ambo sui precium triste laboris habent.

N. REVSNERI.


Quò maior Caesar, terrarum rector, habetur:
 Hòc medicis reliquis tu Crato maior eras:
 Caesaris Archiater magni, non vnus: immò,
 Proxima quos mundo secla tulêre, trium.
 Tantus eras medicâ, Sophiæ tam clarus in arte:
 Tamq̃ bonus melicâ, quã medicâ arte potens.
 Caesaribus potes ipse mederi: ritè mederi
 Sed potes haud, quando mors venit atra, tibi.
 Mors equidem terram terræ, cœleste sed infert,
 Cælo: fama tuæ laudis in orbe volat.


CHRISTO VIVO SACRVM.

Caesaribus vixi tribus intimus arte medendi:
 Me Pater asciuit, Filius, atque Nepos.
 Quem mihi iactato das portum Christe quietis
 Hunc teneo, iungas dum mea membra tibi.
 Ioan. Crato.

A L I V D.


Saucius invidiæ morsa, sed vulnere sanus
 Christe tuâ iacet hîc in requiete Crato.
 Conscia mens recti, Christo confidere docta
 Omnia fert, ferat ut, scire Deum, satis est.





415

ORLANDVS LASSVS
Musicus.



*Si mea principibus tot Musica Caesaribusq;
Grata placet, cœtus Rex ero nōnne mei?*

ORLANDVS LASSVS BERGAE,
Hannoniæ vrbe, natus anno

M. D. XXX:

Musicus & Symphonicus sui seculi
facile princeps:

Primâ ætate admodum puer, ob miram vocis
suauitatem in canendo, aliquoties
plagiò sublatus:

Sub Ferdinando Gonzaga Prorege Siciliae, an-
nis fermè sex partim Mediolani, partim in
Siciliâ, inter symphoniacos
educatus:

Neapoli dein per triennium, ac demum Romæ
ampliùs biennium Musico præfectus sa-
cello longè celeberrimo:

Post peregrinationes Anglicanas & Gallicanas
cum Iulio Cæsare Brancacio susceptas,
Antuerpiæ totidem annis ver-
fatus:

Tandem Alberti & Guilielmi ducis Boiorum
Musicæ Magister supremus per inte-
grum vicennium:

A Maximiliano II. Cæs. nobilitatus:

A summis imperij Principibus ac proceribus
summè honoratus:

Cantionibus Harmonicis tam sacris quàm
profanis omnium linguarum in
orbe vniverso celebratiss.

417
IN ORLANDVM LASSVM
Musicum.

P. MELISSI.

*Quantus apud Macedum reges Milesius ille
Timotheus melicæ claruit arte lyra:
Tantus apud Bavarum magnos illustria corda
LASSE duces clares dulcibus harmonijs.
Inde celebratus tua fama volauit in aulas,
Regibus exhilarans Caesaribusque animum.
Non tamen hi solum placitâ mulcedine gaudent:
Transijt ad cives consonus iste canor.
Concentu vario mentes auresque fruuntur,
Quas rapit ad Musas melle repletus amor.
Vis quanta artificis, procures apud ordinem & in unum
Auctor ubi in precio est, est in honore melos!*

E I V S D E M.

*LASSE, poëtarum Buchananum tempore nostro
Qui scripsit esse principem:
Illius ingenij divinas novit is artes,
Nervosque vimque carminis.
Ast ego censura Iudex nihil ambigo regem
Te musicorum dicere:
Scilicet harmonico sese modulamine victos,
Cuncti fatentur musici.*

*Forſan ut heic aliquis craſſâ pinguique Minervâ
Reclamet auritus Midas,
Teſtibus ille tribus convincitur, Heſperiaque
Et Gallia & Germania.*

E I V S D E M.

*Bruta Orpheus, ſaxa Amphion, delphinas Arion
Traxit: at Orlandus poſt ſe terramque fretumq;
Poſt ſe traxit itera molem totius Olympi.
Quanto igitur maior, quantoque potentior vnus
Orlandus tribus his, Amphione, Arione, et Orphæo!*

IOAN. LAVTERBACHII.

Leuat canore mœſta corda Muſicus.

*Sol quod ſplendidus inter eſt planetas,
Stellas Luna quod inter eſt micantes:
Laſſus ſplendidus artifex canendi,
Inter artifices id eſt canendi.
Reſ ut Sol recreat ſuo calore,
Reſ ut Luna fouet ſuo vigore:
Mœſtos ſic leuat artifex canore
Laſſus, ſic fouet artifex ſonore.
Suaues qui canit artifex ſonores,
Dulces qui ſonat artifex canores,
Eſt quod Sol vagus inter eſt Planetas,
Stellas Luna quod inter eſt micantes.*






IOAN. POLETI.


Armipotens sola haud doctis Germania gaudet
 Orlandi Lassi cantibus atque melis:
 Quin tota Italia regio, atque Brabantica tellus
 Illius venæ flumina larga probat.
 Ingenij admiratur opus quoque Gallia: Solis
 (Quid dicam?) famâ tangit vtrunque domū.

NICO. REVSNERI.

Musica res sancta est, animi iucunda voluptas:
 Artificem colit hac te quoque, LASSE, suum.
 Alter ut Amphion, Orpheus vel, & alter Arion,
 Saxa, feras, homines arte ciere tuâ
 Doctus eras: magnis hinc carus regibus, atque
 Principibus summis, Caesaribusq; manes.
 Sola manet surdis mors immota auribus: illa
 Te perimens mundo gaudia tanta premit.
 Sed tamen haud perimit totū: pars maxima cœlo
 Dulce pijs animis accinit vsque melos.




LVDOVICVS LAVATERVS TIGV-
rinus Theologus.



*Patria me Tigurum verbum coeleste docentem,
Dum viuo, merito semper honore colit.*

M. D. LXXXVI.





LVDOVICVS LAVATERVS
Tigurinus,

Patriæ Ecclesiæ & Scholæ minister
fidelis:

Quam & voce vivâ, & manu doctâ erudit
multis annis:


Multis cum suis, tum aliorum lucubrationi-
bus, præsertim in Theologia, in pu-
blicum prolatis:

Controversiæ Sacramentariæ historiâ
inter alias quoque editâ:


Obijt Tiguri anno Christiano.

M. D. LXXXVI.

d 3



RVDOLPHVS GVALTHERVS
Theologus.



*Sacra docens, scribens quoq, sacra volumina: carus
Sum patriæ ciuis, fortis Athletæ Dei.*

M. D. LXXXVI.





RVDOLPHVS GVALTHERVS, TIGVRI,
Heluetiorum vrbe primariâ, natus
anno M. D. XVIII:

Literarum tum diuinarum, tum humanarum
scientiâ ornatus egregiâ:

Poëta æquè bonus, ac orator:
Pastor & Antistes Ecclesiæ Tigurinæ
celebris:

Quam ipse annis ampliùs XL. concibnando
erudijt diligenter, & administrauit
laudabiliter:

Lucubrationibus in omni genere doctrinæ,
ac præsertim in Theologiâ, ad posteros
transmissis propemodum innu-
meris clarus:

Quod vel Homeliæ eius in libros ferè omnes Pro-
pheticos, & Apostolicos, Euangelicosque
abundè testatum faciunt:


Morum grauitate, & vitæ sanctimoniâ
reverendus:

Obijt Tiguri anno Christiano M. D. LXXXVI.
annum agens vitæ LXXIII.

ÆGII DII PERIANDRI.

*Coniunxit sacris Musas, Germana Latinis:
Lataq₃ cum Graio nomina fonte parit.*

MATTHAEVS VVESENBE CIVS
Iureconsultus.



*Prompta si fecis, vis ingenij mihi prompta, vel oris:
Seu scribo, doceo seu sacra lura pius.*

M. D. LXXXVI:

MATTHAEVS VVESENBECIVS ANT-
verpiæ, celeberr. Europæ emporio, natus,
familiâ nobili & patriciâ,
anno M. D. XXXI.

Quum præstantissimum ingenium contulisset
ad summam iuris ciuilis, & ad perfectam
rerum diuinarum & humanarum
fuentiam

Sub Gabriele Mudæo Iurecos, doctore, Louanij
egregiè & eruditus, & exercitatus
publicè priuatimque:

Summum in vtroque iure gradum, vnâ cum
fratre Germano Andrea, studiorum
socio perpetuo, consecutus:

Scriptor iuris valde peritus, & Antecessor Ienæ
primò, dein Vitebergæ, eloquens
pariter ac doctus:

Quo in loco iuris doctrinæ publicè præfuit an.
xvii. Magna cum iuris civilis intelligentiâ,
maximâque gratiâ:

Quum & consuleretur plurimum, & diceret,
doceretque ius in scholâ & foro, cum
fide & religione summa:

Ingenium, laborem, fidem suam peræquè prom-
ptam expeditamque, quandiu vixit, præ-
bens omnibus:

Antistes iuris, & Iustitiæ sacerdos maximus:
Commentarijs iuris Methodicis, & Responsis,
alijsque egregijs operibus, de verâ Iuri-
sprudentiâ præclarè meritus:

Obijt Vitebergæ A. Sal. M. D. LXXXVI. Aet. LV.

IN MATTHAEVM VVESENBE- cium Iurecos.


HENRICI BOLSCHENII.

*Clara Vesenbecij fert ora tabella: sed artem
Laude feret digna posteritatis honos.
Cui quod auita domus, quod nobile stemma, quod ardens
Iustitia & iuris cura nitorq; dedit:
Id pietas animi, & vigil experientia legum
Auxit, & id calamo dextra potenter refert.
Consilijs felix, grauis ore, excelsior acri
Iudicio, scriptis clarus, & arte potens.
Belga dedit: Saxo fouet: Itala regna serentem
Iura colunt: aequat Gallia sola virum.
Assere summe Deus tua iussa verenda colentem:
Pro meritis viuant scriptaq; virq; suis.*

M. VVESENBECIVS DE SE ipso loquitur.

*In Belgis natus, Germanis hospes in oris,
Exilij tolerans, quod fert Ecclesia, partem,
Conficio spacium peregrinae flebile vitae
Dum veram vocor in patriam, quae sanguine parta est
Christe tuo: tu me post funera, magne sacerdos,
Suscipe, & extremae subduc discrimine lucta.
Mors tua vita mea est: tu debita lytra parenti
Soluisti moriens, ut per te viuere possim.
Hac ergo fretus spe non dubitante recondar
In mortem, dux Christe, tuam, quae ianua vita est:
Vt tecum moriens, tecum o mea vita resurgam.*





Non qui, multa tenet: sed qui scit, donec vite
Hic docti doctus, cur mereatur habet. H 27

Quel juvat innumeros scire atq; evolvere casus.
Si fugienda facis, 427 Facienda fugis. 1605

IDEM DE SVIS INSIGNI- bus gentilitijs.

Lilia cum armatis crescant argentea malis,
Quæ campo æthereo virgula fulva secat!
Illa VVesenbecia faulrix Antuerpia gentis,
Temporibus latis patria dives ait.
At modò conversis (ut sunt mortalia) fatis,
In quæis nil stabile est, perpetuumq; nihil:
Ipsa sui haud compos, tacitè vix audeat illam
Nunc inter ciues annumerare suos.
Ergo funesta si conuenientia sorti
Pingere vis pictor stemmata, pinge crucem,
Hoc, ait, in signo vinces, Deus: hæc rata sunt
Christi adum sacra symbola militia.

E I V S D E M,

EPITAPHIVM.

Matthæus placidâ sopitus pace quiesco,
Iustitiæ & iuris praco VVesenbecius.
Vita mihi studium fuit, impensiq; labores,
Et dolor, & gemitus, assiduæq; preces.
Iova pater, miserere mei, miserere meorum:
Solus in Christi sanguine nostra salus.

N. REVSNERI.


Consilio, Iurisq; potens VVesebecius arte:
Constituit magnâ quam ratione scholis:


Ille sacer legum interpres, iurisq, sacerdos:
 Sulpitius verè, Teutona terra, tuus:
 Annis quem tot Iena, tot & Viteberga docentem
 Audijt, & coluit Saxonis aula diu:
 Occidit heu, subito simul & Themis occidit: vno
 O quanta est iuris facta ruina die!
 Hoc meritum est nostrum: Iuris reverentia nulla:
 Ius, Astræa, Themis linquit & ipsa solum.

BARTHOL. REVSNERI.

ROMA suum quondam mirata est Papinianum
 Et coluit: noster Papinianus erat,
 Cuius in hac tabulâ grave lumen & ora severa
 Artifici spectas effigiat a manu.
 Quippe eadem vitæ integritas laudabilis, idem
 Extitit ingenij iudicijq, vigor:
 Par animi pietas, candor, constantia, cura
 Iustitia, vis in pectore, in ore fides.
 Cognitio fuerit quæ quantaq, Iuris & Aequi,
 Nobilis ingenij sat monumenta docent:
 Doctrinaq, modum quævis mirabitur ætas,
 Et præceptorem perpetue laude vehet.
 Si taceant omnes, tamen hoc Paratitila loquentur
 Iudicij plenum & dexteritatis opus.
 Quisquis in hanc igitur faciem desigis ocellos,
 Aeternum, dicas, vivere dignus erat.

FINIS.





MAGNIFICO ET NOBILI VIRO
D. NICOLAO REV-
NERO LEORINO I.C. AC
Poëtæ Præstantiss. S. D. P.

CHRISTOPHORVS VVINERVS.

ROI imaginibus literis illustrium prima
centuriæ, præstantissime REVSNERE,
omnes tibi Charites, Apollo cum Musis,
Minerva & bonis literis gratiam de-
bent. Verè tu hic alter es Deucalion: qui
cum androzographia Pyrrha tua iucundissima, STIM-
MERI pictura superioris ætatis & seculi homines illu-
stres in vitam nobis restituis. Et quemadmodum in Ita-
liæ tabulis peregrinantium suppleo defectum: Ita hic
in nostris nobis Museis citra peregrinationis molestiam
absq; labore copiam præstas gratis spectandi & allo-
quendi bonos viros, qui præcipua nostræ ætatis & avo-
rum nostrorum memoria lumina fuerunt. Gratam &
iucundam nobis dictorum factorumq; memoriam &
recordationem hæc imagines revocant, & instar Aca-
demiæ domesticæ corpus representant. Terminos etiã
humana vitæ à longissima illa primorum patrum æta-
te, ad breviora intervalla vel ad summum septuaginta
annorum, velut in compendium redactos, si inspicere
in hac historiola velimus: unicum NONAGENA-
RIVM cum Thaletæ, Sophocle, Socrate, Dione, T. Pom-
ponio Attico & D. Hieronymo, Doctorem Langium co-
gnatum & popularem tuum invenimus. OCTVAGE-
NARIVM verò cum Bercellaio Galaadite Davidis
amico,

amico, Pythagora, Protagora, Numa Pompilio, Stofle-
 rum: & septem annorum excessu hunc superantes Al-
 bertum Magnum, & Ioannem Guintherium medicū.
 Huic SEPTVAGENARIOS in decimo hebdomadico
 critico cum Davide, Solone & Ennio patre, in etate
 capulari τῶν πεμπέλων Copernicum, Schonerū, Dra-
 conitem: & anni excessu superiores Cellium, Brentiū,
 Bullingerum, Fichardum: duū Maiorem: trium Bu-
 daum, Bugenhagium, Gualtherum & Simonem Pisto-
 riam: quatuor Zasium: quinq, Ioan. Hartungum: sex
 Keisersbergium: septem Simonem Sulcerum: SEXA-
 GENARIOS in media senectutis limine VETERA-
 NORVM Marbachium, Forsterum, Oporinum & Bu-
 cerum: & superiorem his duobus annis B. Rhenanum:
 tribus verò in anno Aegyptiorum androda, novenario
 et septenario critico cōcurrente, quem αἷτ' ἐξοχὴν κλ.
 μαντήρα vocant, quod universam vitæ hominis substan-
 tiam frangat, MAGNVVM illum & insuperabilem
 LVTHERVVM, victorem contra omnes Empusas Roma-
 nas, Munsterum, Ionam & Martyrem: quatuor Me-
 lanchtonem & H. VVolfsum: quinq, Fuchsum: sex
 Musculum: septem Amerbachium, Cælium Secundum
 Curionem: Ioan. Cratonem: octo Aventinum & Schre-
 kenfuchsiū: QVINQVAGENARIOS, in propitiatio-
 nis, libertatis & vacationis anno τῶν ὡμογερόντων seu
 PRESBYTERORVM, quibus in morbum prolapsis im-
 piè Thebani lege lata, tanquam in via mortis constitu-
 tis medicinæ opem negabant, Plutarcho auctore: divi-
 næ verò leges libertatem manendi in tabernaculis: &
 QVARTA PERSARVM curia vacationem ab itinéri-
 bus, bellis & exercitibus gerendis tribuebat, cum co-
 gnitione





gnitione & iudicio publicarum causarum domi iudi-
 candarum: Zafium, Sleidanum & Vesalium: & ma-
 iorem anno Matthesium: trium verò Eoban, Hessum &
 Hyperium, Nicolaum Cifnerum, Ioannem Sambucum
 & VVesenbecium: octo Cornarium, Milichium &
 Eberum. **QVADRAGENARIOS** in auge & equidio
 humanae vitae constitutos, quos semicanos μεσαιπολιους
 & μεσαιοπολιους vocant, quibus & Plato deinceps
 vsq; ad finem vitae usum vini in remedium adversus se-
 nectutis grauitatem & mæstitia oblivionem in convi-
 vijs & sacris Deorum liberiùs concedit: Xylandrum: &
 biennio superiorem Rudolphum Agricola, Sebastia-
 num Brandum: quadriennio Zuinglium bellatorem:
 quinquennio Savanorola, Crucigerum, Fagium &
 Simlerum: Sexennio, quo Cato primum senectutis li-
 men constituere videtur, Georgium Anhaltinum prin-
 cipem, & Lycosthenem: Septennio nova ac Spagirica
 medicinae inventorem Theophrastum Paracelsum:
 Octennio Grynæum & Modestinum Pistorium: noven-**Plato. 4.**
 nio Oecolampadium, Gesnerum & Ioannem Schnei-**de leg. Hip.**
 devinum. **TRICENARIOS** in honorum & nuptiarum **lib. de carn.**
 anno Platonico, post enatos in quarto septenario sa-**Tom. 4.**
 pientiae dentes secundum Hippocratem, & ut Augusti-**fol. 330.**
 nus nominat in praeliantium aetate: Birkheimerum &
 Huttenum: ut si cum his nostratibus philosophis & pa-
 tribus primos patres Macrobios ante & post diluvium,
 vel etiam, si libet, magni illius Apollonij Philosophi cur-
 riculum conferre velimus: inter hos centenos nemo se-
 cularem annum, quo ille iuvenē, Philostrato & Marfi-
 lio auctoribus, præ se ferebat, attigerit. Aded ars longa,
 vita brevis est. Qui quidem annus secularis, ut Syraci-
 dae

Marf. lib. 3.
de vita coe-
lius agen-
da Cap. 8.
Syracid. 18.


2. Pet. 3.

Li. 2 rerum
Italic.
fol. 153.

Pfalms. 51.


11. Aug.

da verbis loquar, quasi gutta maris, & sicut calculus
est arena: οὐτως ὀλίγα ἐστὶν ἐξ ἡμῶν αἰώνος. Quae brevi-
tas & fragilitas humanae vitae & mortalitas curriculi
nostri brevissimi Deum commovet ad longanimitatem
& patientiam, ut in homines suam effundat miseri-
cordiam, μὴ βεβλόμενος, τίνας ἀπολέσθαι, ἀλλὰ πάντες
eis μετέσταν χωρῆσαι, ut. Apostolus loquitur Accedit ad
harum imaginum descriptiones pictura illustratio &
artificium insigne, quo posteritati posthumae superioris
seculi & aetatis homines in conspectum & ob oculos
proponuntur. SAVANOROLAM ex Guicciardini
commentarijs de rebus Italicis, apud quem vatis nomē
auctoritatemq; vitae sanctimonia, doctrina singulari et
famae celebritate vendicat, & animato spiritu dictio-
nis & ferventissima precatatione cognoverā, icona nun-
quam videram: quemadmodum neq; Albertum Ma-
gnum, nec Keisersbergium & alios quosdam. Quam
argutē NETTESHEMIVS ille Deus & Momus Agrip-
pa contemnit, scit, nescit, flet, ridet, irascitur, insecta-
tur, carpit omnia: interim solus ipse non sine risu Phi-
losophus, Daemon, Heros, Deus et omnia. TIGVRINVS
ille Plinius quā amabili pietate & humanitate in fa-
cie mortua, vivit spiratq;? quid de vivente cogitandū?
quanta cum voluptate vidimus Lavingani tui antisti-
tis effigiem I. Sebastiani Pfauseri, summi Theologi &
eloquentissimi viri, D. MAXIMILIANO Imp. à sacris
concionibus & consilijs, ad cuius viri nomen & famam
illustrem, cum è concione olim Austriaci cuiusdam Do-
ctoris, hospitibus & advenae, honoraria vice pro rostris
suggersti perorantis in Academia ad Salam domum ve-
nissimus è templo: vidimus ERHARDVM HEIDE-
NECCIVM




NECCIVM VILLACENSEM Medicum, qui
et nunc medicinam exercet cum laude, à concione tum
absentem, & Galeno & Hippocrati supra religionem
& sacra additum affixumq;, quem Musei laboribus
& librorum pulpitis ne quidem Hercules ipse avellere
potuisset: cum de industria Casareum hunc sacerdo-
tem, quem ille summè venerabatur, perorasse dicere-
mus: iucundissimo spectaculo hominem velut æstro
sacro percitum, sumto pallio foras procurrere; relictis
non sine admiratione nobis omnibus cum Galeno &
Hippocrate. In tanta auctoritate & veneratione erat
illi huius Doctoris constantissimi simul & fidelissimi,
& optimi viri nomen & memoria, cum incredibili vi-
dendi desiderio. De XT LANDRO quid dicam? cuius
faciem agnoscimus. Sed hîc quantum pictura à natura
vivoq; genio distet, quis non novit? cum præter insi-
gnem & raram eruditionem, & immensam operam,
cum publicarum lectionum, tum versionum eruditif-
simarum, Strabonis, Cedreni, Stephani, Plutarchi,
Dionis & aliorum, & lepidissimus & iucundissimus
esset. In SIMLERO corporis constitutio morbida &
dolorum vis ex vultu deprehenditur, quemadmodum
valetudinaria facies in Lycosthene: in quorum altero
lumbaginem meam, in altero corporis dispositionem
imbecillem robusta satis membrorum figura agnosco.
In CRATONE facies heroica: in SAMBVCO ætas flo-
rida similis: in SCHNEIDEVINO magnificentia de-
prehenditur: cuius icon in imaginibus doctorum, ære
incisis, quæ circumferuntur sine descriptionibus & au-
ctore, ad SCHNEIDEVINORVM lineamenta


& familiam congruens; neo quidem iudicio speciosior
 expressa videtur. Sed cur a symboli & muti sunt C. L.
 Ptolomæus, I. Vandernotus, G. Gratorolus, Gilbertus
 Lymburgius, Matthias FL. IL. Berchtoldus Hallerus, &
 Hunnorum comes P. Schalichius: cum & nota tibi
 constent omnia? nisi forte hos non tuis, sed aliorum lo-
 qui velis encomijs. Quæso, magnifice REVSNERE, fruā-
 mur unā cum IOVIL, PHILIPPI GALLÆI & alio-
 rum androzographia, reliquis tuis doctissimis bono-
 rum hominum elogijs unā cum imaginibus vivis Va-
 lerij Cordi, Euricij poëta filij, si haberi possit, Sabini,
 Lotichij, Stigelij, Fabricij, Erythraei, Freigij, Zvvinge-
 ri & aliorum præstantium, & de re literaria bene me-
 ritorum: ex quibus proficere unā hora plus poterimus,
 quā si diem forsā in commentarijs transigamus.
 Vale, & vive felicissimè, & gratitudinis loco pro ana-
 grammate strenam hanc literariam à Musis
 nostris suscipe. E Phœbi domo
 secessus mei. 1588.



LIBRARIUS LECTORI S.

N accipe, Benigne Lector, Centuriam unam Iconum & Elogiorum, aliquot demortuorum clarorum virorum, qui literis & ingenij monumentis illustres, Germaniæ præsertim nostræ inclaruerunt: quibus etiam intermixtos videbis nonnullos sectarum invidioso studio celebres: in quibus omnibus maximè fuit nobis propositum: ne vel calumniosè, vel contumeliosè in quenquam dictum aliquid apponeretur: ex quo ulli mortalium aliqua inde crearetur offensio. Neque enim de religionis potissimum controversijs intempestivè iudicium ferre, huius loci aut temporis esse puta vi: de his iudicent alij, ad quos ea res pertinet. Speramus autem vel planè potiùs confidimus operam hanc nostram omnibus bonis & literarum amantibus non displicituram: & quia præter mortuorum Icones aliquot, adhuc domi magnam habemus copiam multorum præclarorum hominum, qui in vivis sunt, effigies: quas proximâ æstate in lucem, Deo volente, edituri sumus: equidem futurum arbitramur vt multi, quibus hic noster labor proba-

bitur, missis alijs quoque saltem eorum veris
imaginibus, quos hanc laudem mereri existima-
verint, conatum hunc qualemcunque no-
strum adiuuare & promovere non
graventur. Vale optime
Lector, & frue-
re.



INDEX VIRORVM LITE- RIS ILLVSTRIVM, QVORVM

Icones in hoc opere vi-
suntur.

A

Alardus Amstelreda-
mus folio 113

Albertus Magnus 4

Andreas Gerardus Hy-
perius 262

Andreas Vesalius 272.

Claudius Ptolomeus 1

Conradus Gesnerus

291

Conradus Lycosthe-
nes 237

Conradus Pellicanus

202.

B

Beatus Rhenanus 131

Berchtholdus Halle-
rus 66

Bilibaldus Pirghaime-
rus 42

Bonifacius Amerba-
chius 252.

C

Coelius secundus Cu-
rio 321

Casparus à Svenc-
feld Eq. 243

Casparus Cruciger 141

D

Desiderius Erasmus
Roterodamus 68.

E

Erasmus Osualdus
Schreccesfuchsius 372

Erasmus Sarcerius 224

G

Gasparus Hedio 166

Georgius Maior 339

Georgius Princeps An-
haltinus 179

I N D E X.

Georgius Vvirth 38
Gilbertus Limburgius

313

Guilielmus Budeus 95

Guiliel. Gratarolus

301

Guiliel. Xylander 350.

H

Helius Eobanus Hef-
sus 83

Henricus Bullingerus

354

Henricus Cornelius

Agrippa 78

Hieronymus Pragen-
sis 13

Hieronymus Savano-
rola 21

Hieronymus Vvolfsius
Oetingensis 376

Huldrichus Huttenus
32

Huldrichus Zasius 60

Huldrichus Zyving-
lius 46.

Iacobus Milichius 221

Ianus Cornarius 217

Ioachimus Vadianus

162

Ioannes Aepinus 186

Ioannes Auentinus 57

Ioannes Brentius 329

Ioannes Bugenhagius
213

Ioannes Calvinus 267

Ioannes Cochläus 170

Ioannes Crato 408

Ioannes Draconites

297

Ioannes Fichardus 385

Ioannes Forsterus 209

Ioannes Geylerus 25

Ioannes Hartungus 368

Ioannes Hefsus 8

Ioannes Langius 275

Ioannes Ludoicus Vi-
ves 91

Ioannes Marbachius

381

Ioannes Mathesius 292

I N D E X.

Ioannes Oecolampadius 50

Ioannes Oltendorpius 240

Ioānes Oporinus 307

Ioannes Pfeffingerus 334

Ioannes Quinterius Andernacus 343

Ioānes Sambucus 394

Ioannes Schneidevvinus 314

Ioannes Schonerus 127

Ioan. Sebastianus Pfau serus 317

Ioannes Sleidanus 205

Ioannes Stofflerus 54

Ioannes Vvolphius 361

Iosias Simlerus 363

Iustus Ionas 189.

L

Leo Iudæ 118

Leonhardus Fuchsius 303

Ludoicus Lavaterus 420.

M

Martinus Bucerus 150

Martinus Chemnicus 404

Martinus Lutherus 120

Mathias Flaccius Illyricus 348

Mathias Zellius 135

Matthæus Vvesenbeccius 424

Modestinus Pistoris 283.

N

Nicolaus Copernicus 115

Nicolaus Cisnerus 389.

O

Orlandus Lassus 415.
e 4

I N D E X.

P

Paulus Eberus 324
 Paulus Fagius 157
 Paulus Schalichius 366
 Petrus Apianus 175
 Petrus Martyr 246
 Philippus Melanthon
 228

R

Rudolphus Agricola
 17
 Rudolphus Gualthe-
 rus 422.

S

Sebastianus Brandus
 29

Sebastianus Munste-
 rus 171
 Simon Grynæus 107
 Simon Pistoris 255
 Simon Sulcerus 400.

T

Theophrastus Para-
 celsus 99.

V

Vitus Theodorus 145
 VVolfgangus Lazius
 196:
 VVolfgangus Muscu-
 lus 258.

INDEX EORVM, QVORVM EPIGRAMMATA HOC IN OPE- re sparsim leguntur.

Abrahamus Lœsche-
 rus
 Abrahamus Musculus
 Abrahamus Schuar-
 zius

Achilles P. Gasserus
 Adamus Franciscus
 Adamus Siberus
 Aegidius Periander
 Alexander Novellus

I N D E X.

Andreas Alciatus
 Balthasar Mentius
 Bartholomæus Reuf-
 nerus
 B. Cornelius Bertra-
 mus
 Benedictus Arias Mon-
 tanus
 Bruno Seidelius
 Carolus Hugelius
 Carolus Vtenhovius
 Christophorus Mosel-
 lanus
 Christoph. Thretius
 Christoph. VVinerus
 Conradus Celtes
 Conradus Gesnerus
 Didacus Pyrrhus
 Euricius Cordus
 Felix Trubius
 Ferdinandus Palamius
 Franciscus Modius
 Franciscus Raphelen-
 gius
 Gaspar Bruschius
 Gaspar Cropacius
 Gaspar Vrsinus Veh-
 lius

Gaspar VVolphius
 Georgius Calaminus
 Georgius Fabricius
 Georgius Logus
 Georgius Ostermarius
 Georgius Sabinus
 Georgius VVirth
 Gervasius Sopherus
 Gilbertus Cognatus
 Gilbertus Ducherus
 Gregorius Bersman-
 nus
 Guilielmus Buclæus
 Guilielmus Daius
 Guilielmus VVicha-
 nus
 Guilielmus Xylander
 Helius Eobanus Hes-
 sus
 Henricus Bebelius
 Henricus Bolschenius
 Henricus Polanus
 Henricus Stephanus
 Hermolaus Barbarus
 Hieronymus Treutle-
 rus
 Hieronymus Reusne-
 rus

I N D E X.

Hieronimus Vvolsius

Hilarius Bertolphus

Ledius

Hubertus Damius Foriulanus

Hugo Blythus

Iacobus Fabricius

Iacobus Micyllus

Iacob. Vvimphelingius

Ioachimusa Beusth

Ioachimus Camera-
rius

Ioachimus Rosale-
chius

Ioannes Atrocianus

Ioan. Baptista Rota-
nus

Ioan. Bartholomæus

Ioannes Camerarius
Dalburgius

Ioannes Checus

Ioannes Chesselius

Ioannes Conradus Fa-
bricius

Ioannes Crato

Ioannes Fabricius

Ioannes Fichardus

Ioannes Hallerus

Ioannes Hartungus

Ioannes Iacobus Boif-
sardus

Ioannes Lezlerus

Ioannes Lachman-
nus

Ioannes Latomus

Ioannes Lauterba-
chius

Ioannes Maior

Ioannes Mathesius

Ioannes Mentius

Ioannes Morellus

Ioannes Pappus

Ioannes Parcurstius

Ioannes Poletus

Ioannes Pontifella

Ioannes Posthius

Ioannes Rhellicanus

Ioannes Rivius

Ioannes Rosinus

Ioannes Rudolphus

Bygelius

Ioannes Sambucus

Ioannes Sapidus

I N D E X.

Ioannes Schofferus	Martinus Lutherus
Ioannes Secundus	Martinus Prætorius
Ioannes Serranus	Matthæus Gribaldus
Ioannes Sheslerus	Matthæus Vvesenbe-
Ioannes Stigelius	cius
Ioannes Stolsius	Matthias Grosius
Ioannes Sturmius	Matthias Hennerus
Ioannes Sylvester	Michael Gravius
Ioannes Thomas Frei-	Michael Toxites
gius	Nathan Chytræus
Ioannes Vitalis	Nicodemus Frischli-
Ioannes Vvinslerus	nus
Ioannes Vvolphius	Nicolaus Asclepius
Iosephus à Pinu	Barbatus
Iulius Cæsar Scaliger	Nicolaus Freigius
Iustus Vvlteius	Nicolaus Gerbelius
Leonhartus Engelhar-	Nicolaus Reusnerus
tus	Nicolaus Rodingus
Ludovi. Rochefortius	Pantaleon Candidus
M. Antonius Flami-	Pantaleon Theveni-
nus	nus
M. Aurelius	Paschasius Brisman-
Marius Celsus Colen-	nus
tinus	Paulus Cherlerus
Maius Salmonius	Paulus Melissus
Martinus Crusius	Petrus Bembus
Martinus Henricus	Petrus Guntherus

I N D E X.

Petrus Loffius
Petrus Lotichius
Petrus Paganus
Petrus Pithoeus
Philippus Melan-
thon
Philippus Sprengerus
Richardus Sbrulius
Rudolphus Gualthe-
rus
Rudolphus Leeman-
nus
Sebastianus Brandus
Sebastianus Scheferus
Simon Vallamberus
Stephanus Berchthol-
dus

Theodorus Beza
Theodorus Zvvinge-
rus
Theophrastus Para-
celsus
Thomas Hatgherus
Thomas Ieffræus
Valentinus Thilo
Victor Althanus
Vitus Coppus
Vvernerus Furerus
Vvolfgangus Hunge-
rus
Vvolfgangus Muscu-
lus.

F I N I S.





SPECIAL

87-B

25092

THE GETTY CENTER
LIBRARY

WILLIAM SALLOCH
Pines Bridge Road
Ossining, N.Y. 10562

